





OTIVM
SINE LITERIS
MORS EST
Seneca

Libris Joannis Nencini
1874



D. 1





P. OVIDII

N A S O N I S

METAMORPHOSES.

1776





C. Eisen Invenit 1761.


de Longueil Sculp

P. OVIDII
NASONIS
OPERA
QUÆ SUPERSUNT.
TOMUS SECUNDUS.



PARISIIS,
Typis J. BARBOU, viâ San-Jacobeâ,
sub Signo Ciconiarum.

M DCC LXII.



P. OVIDII NASONIS
METAMORPHOSEON
LIBRI XV.

Tomus II.

A

A U T O R I S
E P I G R A M M A.

QUÆ parente suo quicumque volumina tangis ,
His saltem vestrâ detur in urbe locus.
Quóque magis faveas , non sunt hæc edita ab illo :
Sed quasi de Domini funere rapta fui.
Quicquid in his igitur vitii rude carmen habebit ,
Emendaturus , si licuisset , erat.



P. OVIDII NASONIS
METAMORPHOSEON
LIBER PRIMUS.

IN nova fert animus mutatas dicere formas
Corpora. Di cœptis, nam vos mutastis & illas,
Aspirate meis; primaque ab origine mundi
Ad mea perpetuum deducite tempora carmen.

Ante, mare, & tellus, &, quod tegit omnia, cœlum, 5
Unus erat toto Naturæ vultus in orbe,
Quem dixere Chaos: rudis indigestaque moles;
Nec quicquam, nisi pondus iners; congestaque eodem
Non bene junctarum discordia semina rerum.
Nullus adhuc mundo præbebat lumina Titan; 10
Nec nova crescendo reparabat cornua Phœbè;
Nec circumfuso pendebat in aëre tellus
Ponderibus librata suis; nec brachia longo
Margine terrarum porrexerat Amphitrite.

A ij

4 *P. OVIDII NASONIS*

- 15 Quaque fuit tellus, illic & pontus & aer :
 Sic erat instabilis tellus, innabilis unda,
 Lucis egens aer : nulli sua forma manebat ;
 Obstabatque aliis aliud : quia corpore in uno
 Frigida pugnabant calidis, humentia siccis,
 20 Mollia cum duris, sine pondere habentia pondus.
 Hanc Deus & melior litem Natura diremit :
 Nam cœlo terras, & terris abscidit undas ;
 Et liquidum spisso secrevit ab aëre cœlum.
 Quæ postquam evoluit, cæcoque exemit acervo,
 25 Dissociata locis concordî pace ligavit.
 Ignea convexi vis & sine pondere cœli
 Emicuit, summâque locum sibi legit in arce.
 Proximus est aer illi levitate, looque.
 Densior his tellus, elementaque grandia traxit ;
 30 Et pressa est gravitate sui. Circumfluit humor
 Ultima possedit, solidumque coercuit orbem.

- Sic ubi dispositam, quisquis fuit ille Deorum,
 Congeriem secuit, sectamque in membra redegit ;
 Principio terram, ne non æqualis ab omni
 35 Parte foret, magni speciem glomeravit in orbis.
 Tum freta diffundi, rapidisque tumescere ventis
 Jussit, & ambitæ circumdare litora terræ.
 Addidit & fontes, immensaue stagna, lacusque ;
 Fluminaque obliquis cinxit declivia ripis :
 40 Quæ diversa locis, partim sorbentur ab ipsa,
 In mare perveniunt partim, campoque recepta
 Liberioris aquæ, pro ripis litora pulsant.
 Jussit & extendi campos, subsidere valles,
 Fronde tegi silvas, lapidosos surgere montes.
 45 Utque duæ dextrâ cœlum, totidemque sinistrâ
 Parte secant Zonæ, quinta est ardentior illis ;
 Sic onus inclusum numero distinxit eodem
 Cura Dei ; totidemque plagæ tellure premuntur.
 Quarum quæ media est, non est habitabilis æstu :

METAMORPHOSEON L. I. 5

Nix tegit alta duas : totidem inter utramque locavit ; 50
 Temperiemque dedit , mixtâ cum frigore flammâ.
 Imminet his aër : qui , quantò est pondere terræ
 Pondus aquæ levius , tanto est onerosior igni.
 Illic & nebulas , illic consistere nubes
 Jussit , & humanas motura tonitrua mentes , 55
 Et cum fulminibus facientes frigora ventos.
 His quoque non passim mundi fabricator habendum
 Aëra permisit : vix nunc obsistitur illis ,
 Cùm sua quisque regant diverso flamina tractu ,
 Quin laniant mundum ; tanta est discordia fratrum. 60
 Eurus ad Auroram Nabathæaque regna recessit ,
 Persidaque , & radiis juga subdita matutinis.
 Vesper , & occiduo quæ litora Sole tepescunt ,
 Proxima sunt Zephyro : Scythiam Septemque trionem
 Horrifer invasit Boreas : contraria tellus 65
 Nubibus assiduis , pluvioque madescit ab Austro.
 Hæc super imposuit liquidum , & gravitate carentem ,
 Æthera , nec quicquam terrenæ facis habentem.
 Vix ea limitibus disseperat omnia certis ;
 Cùm , quæ pressa diu massâ latuere sub illâ , 70
 Sidera cœperunt toto effervescente cœlo ;
 Neu regio foret ulla suis animantibus orba ,
 Astra tenent cœleste solum , formæque Deorum :
 Cesserunt nitidis habitandæ piscibus undæ :
 Terra feras cepit , volucres agitabilis aër. 75
 Sanctius his animal , mentisque capacius altæ ,
 Deerat adhuc , & quod dominari in cetera posset :
 Natus homo est : sive hunc divino semine fecit
 Ille opifex rerum , mundi melioris origo :
 Sive recens tellus , seductaque nuper ab alto 80
 Æthere , cognati retinebat semina cœli.
 Quam satus Iapeto , mixtam fluvialibus undis ,
 Finxit in effigiem moderantùm cuncta Deorum.
 Pronaque cùm spectent animalia cetera terram ;
 Os homini sublime dedit , cœlumque tueri 85

6 P. OVIDII NASONIS

Jussit, & erectos ad sidera tollere vultus.
Sic, modò quæ fuerat rudis & sine imagine, tellus
Induit ignotas hominum conversa figuras.

- Aurea prima fata est ætas, quæ, vindice nullo,
90 Sponte suâ, sine lege, fidem rectumque colebat.
Pœna metusque aberant; nec verba minacia fixo
Ære legebantur: nec supplex turba timebant
Judicis ora sui; sed erant sine iudice tuti.
Nondum cæsa suis, peregrinum ut viseret orbem,
95 Montibus, in liquidas pinus descenderat undas:
Nullaque mortales, præter sua, litora norant.
Nondum præcipites cingebant oppida fossæ:
Non tuba directi, non æris cornua flexi,
Non galeæ, non ensis, erant: sine militis usu
100 Mollia securæ peragebant otia mentes.
Ipsa quoque immunis, rastroque intacta, nec ullis
Saucia vomeribus, per se dabat omnia tellus:
Contentique cibus, nullo cogente, creatis,
Arbuteos fetus, montanaque fraga legebant,
105 Cornaque, & in duris hærentia mora rubetis;
Et quæ deciderant patulâ Jovis arbore glandes.
Ver erat æternum, placidique tepentibus auris
Mulcebant Zephyri natos sine semine flores.
Mox etiam fruges tellus inarata ferebat:
110 Nec renovatus ager gravidis canebat aristis.
Flumina jam lactis, jam flumina nectaris ibant:
Flavaque de viridi stillabant ilice mella.

- Post quàm, Saturno tenebrosa in Tartara misso,
Sub Jove mundus erat; subiit argentea proles,
115 Auro deterior, fulvo pretiosior ære.
Juppiter antiqui contraxit tempora veris:
Perque hiemes, æstusque, & inæquales autumnos,
Et breve ver, spatiis exegit quattuor annum.
Tum primùm siccis aër fervoribus ustus

METAMORPHOSEON L. I. 7

Canduit, & ventis glaciēs astricta pendit. 120
Tum primū subière domos : domus antra fuerunt,
Et densi frutices, & vinctæ cortice virgæ.
Semina tum primū longis Cerealia sulcis
Obruta sunt, pressique jugo gemuere iuveni.

Tertia post illas successit ænea proles, 125
Sævior ingeniis, & ad horrida promptior arma;
Nec scelerata tamen. De duro est ultima ferro.
Protinus irrumpit venæ peioris in ævum
Omne nefas : fugère pudor, verumque fidesque :
In quorum subière locum fraudesque, dolique, 130
Insidiæque, & vis, & amor sceleratus habendi.
Vela dabat ventis, nec adhuc bene noverat illos
Navita : quæque diu steterant in montibus altis,
Fluctibus ignotis insultavere carinæ.
Communemque prius, ceu lumina Solis & auras, 135
Cautus humum longo signavit limite mensor.
Nec tantū segetes alimenta que debita dives
Poscebatur humus ; sed itū est in viscera terræ :
Quasque recondiderat, Stygiisque admoverat umbris,
Effodiuntur opes, irritamenta malorum. 140
Jamque nocens ferrum, ferroque nocentius aurum
Prodierat : prodit bellum, quod pugnat utroque,
Sanguineâque manu crepitantia concutit arma.
Vivitur ex rapto : non hospes ab hospite tutus,
Non socer a genero : fratrum quoque gratia rara est. 145
Imminet exitio vir conjugis, illa mariti :
Lurida terribiles miscent aconita novercæ :
Filius ante diem patrios inquit in annos.
Viستا jacet Pietas : & Virgo cæde madentes,
Ultima Cœlestū, terras Astræa reliquit. 150

Neve foret terris securior arduus æther,
Affectasse ferunt regnum cœleste Gigantas :
Altaque congestos struxisse ad sidera montes.

8 *P. OVIDII NASONIS*

- Tum pater omnipotens misso perfregit Olympum
 155 Fulmine, & excussit subiecto Pelio Ossam.
 Obruta mole suâ cum corpora dira jacerent;
 Perfusam multo natorum sanguine Terram
 Incaluisse ferunt, calidumque animasse cruorem.
 Et, ne nulla feræ stirpis monumenta manerent,
 160 In faciem vertisse hominum: sed & illa propago
 Contemtrix Superum, sævæque avidissima cædis,
 Et violenta fuit: scires e sanguine natos.

- Quæ pater ut summâ vidit Saturnius arce,
 Ingemit: & , facto nondum vulgata recenti,
 165 Fœda Lycaoniæ referens convivia mensæ,
 Ingentes animo: & dignas Jove concipit iras;
 Conciliumque vocat: tenuit mora nulla vocatos.
 Est via sublimis, cœlo manifesta fereno:
 Lactea nomen habet, candore notabilis ipso.
 170 Hæc iter est Superis ad magni testa Tonantis,
 Regalemque domum: dextrâ lævæque Deorum
 Atria nobilium valvis celebrantur apertis.
 Plebs habitant diversa locis: a fronte potentes
 Cœlicolæ, clarique suos posuere penates.
 175 Hic locus est; quem, si verbis audacia detur,
 Haud timeam magni dixisse Palatia cœli.
 Ergo ubi marmoreo Superi sedere recessu,
 Celsior ipse loco, sceptroque innixus eburno,
 Terrificam capitis concussit terque quaterque
 180 Cæsariem: cum qua terram, mare, sidera, movit:
 Talibus inde modis ora indignantia solvit.
 Non ego pro mundi regno magis anxius illâ
 Tempestate fui, quâ centum quisque parabant
 Injicere Anguipedum captivo brachia cœlo.
 185 Nam, quamquam ferus hostis erat, tamen illud ab uno
 Corpore, & ex una pendebat origine bellum.
 Nunc mihi, quâ totum Nereus circumtonat orbem,
 Perdendum mortale genus: per flumina juro

Infera, sub terras Stygio labentia luco,
 Cuncta prius tentata: sed immedicabile vulnus 190
 Ense recidendum, ne pars sincera trahatur.
 Sunt mihi Semidei, sunt, rustica numina, Nymphæ
 Faunique, Satyrique, & monticolæ Silvani:
 Quos quoniam cœli nondum dignamur honore,
 Quas dedimus, certè terras habitare sinamus. 195
 An satis, ô! Superi, tutos fore creditis illos,
 Cùm mihi, qui fulmen, qui vos habeoque regoque,
 Struxerit insidias, notus feritate, Lycaon?
 Confremuere omnes; studiisque ardentibus ausum
 Talia deposcunt. Sic, cùm manus impia sævit 200
 Sanguine Cæsareo Romanum exstinguere nomen,
 Attonitum tantæ subito terrore ruinæ
 Humanum genus est; totusque perhorruit orbis:
 Nec tibi grata minus pietas, Auguste, tuorum,
 Quàm fuit illa Jovi. Qui post quàm voce manumque 205
 Murmura compressit, tenuere silentia cuncti.
 Substitit ut clamor pressus gravitate regentis;
 Juppiter hoc iterum sermone silentia rumpit.
 Ille quidem pœnas, curam hanc dimitтите, solvit:
 Quod tamen admissum, quæ sit vindicta, docebo. 210
 Contigerat nostras infamia temporis aures:
 Quam cupiens falsam, summo delabor Olympo,
 Et Deus humanâ lustrò sub imagine terras.
 Longa mora est, quantum noxæ sit ubique repertum,
 Enumerare: minor fuit ipsa infamia vero. 215
 Mænala transieram, latebris horrenda ferarum,
 Et cum Cylleno gelidî pineta Lycæi.
 Arcados hinc sedes & inhospita tecta tyranni
 Ingredior, traherent cùm sera crepuscula noctem.
 Signa dedi venisse Deum; vulgusque precari 220
 Cœperat. Irridet primò pia vota Lycaon:
 Mox ait, Experiar, Deus hic, discrimine aperto,
 An sit mortalis: nec erit dubitabile verum.
 Nocte gravem somnò nec opinâ perdere morte

10 *P. OVIDII NASONIS*

- 225 Me parat : hæc illi placet experientia veri.
 Nec contentus eo , missi de gente Molossà
 Obsidis unius jugulum mucrone resolvit :
 Atque ita semineces partim ferventibus artus
 Mollit aquis , partim subjecto torruit igni.
- 230 Quos simul imposuit mensis , ego vindice flammâ
 In domino dignos everti tecta Penates.
 Territus ille fugit ; nactusque silentia ruris
 Exululat , frustra loqui conatur : ab ipso
 Colligit os rabiem , solitæque cupidine cædis
- 235 Vertitur in pecudes : & nunc quoque sanguine gaudet.
 In villos abeunt vestes , in crura lacerti.
 Fit lupo , & veteris servat vestigia formæ.
 Canities eadem est , eadem violentia vultu :
 Idem oculi lucent : eadem feritatis imago.
- 240 Occidit una domus : sed non domus una perire
 Digna fuit : quâ terra patet , fera regnat Erinnyes.
 In facinus jurasse putes : dent ocus omnes ,
 Quas meruere pati , sic stat sententia , pœnas
 Dicta Jovis pars voce probant , stimulosque furenti
- 245 Adjiciunt : alii partes assensibus implent.
 Est tamen humani generis jactura dolori
 Omnibus : & , quæ sit terræ mortalibus orbæ
 Forma futura , rogant : quis sit laturus in aras
 Tura ? ferisne paret populandas tradere gentes ?
- 250 Talia quærentes (sibi enim fore cetera curæ)
 Rex Superûm trepidare vetat , sobolemque priori
 Dissimilem populo promittit origine mirâ.
 Jamque erat in totas sparsurus fulmina terras ;
 Sed timuit , ne forte sacer tot ab ignibus æther
- 255 Conciperet flammæ , longusque ardesceret axis.
 Esse quoque in fati reminiscitur , adfore tempus ,
 Quo mare , quo tellus , correptaque regia cœli
 Ardeat ; & mundi moles operosa laboret.
 Tela reponuntur , manibus fabricata Cyclopum :

METAMORPHOSEON L. I. II

Pœna placet diversa ; genus mortale sub undis 260
 Perdere , & ex omni nimbos dimittere cœlo.
 Protinus Æoliis Aquilonem claudit in antris ,
 Et quæcumque fugant inductas flamina nubes :
 Emitteretque Notum : madidis Notus evolat alis ,
 Terribilem piceâ testus caligine vultum. 265
 Barba gravis nimbis ; canis fluit unda capillis :
 Fronte sedent nebulae : rorant pennæque sinusque .
 Utque manu latâ pendentia nubila pressit ,
 Fit fragor : hinc densi funduntur ab æthere nimbi .
 Nuncia Junonis , varios induta colores , 270
 Concipit Iris aquas , alimentaue nubibus affert .
 Sternuntur segetes , & deplorata coloni
 Vota jacent ; longique labor perit irritus anni .
 Nec cœlo contenta suo Jovis ira : sed illum
 Cæruleus frater juvat auxiliaribus undis. 275
 Convocat hic amnes : qui post quàm testa tyranni
 Intravere sui ; Non est hortamine longo
 Nunc , ait , utendum : vires effundite vestras .
 Sic opus est : aperite domos : ac , mole remotâ ,
 Fluminibus vestris totas immittite habenas. 280
 Jusserat : hi redeunt , ac fontibus ora relaxant ,
 Et defrenato volvuntur in æquora cursu .
 Ipse tridente suo terram percussit : at illa
 Intremuit , motuque sinus patefecit aquarum .
 Exspatiata ruunt per apertos flumina campos ; 285
 Cumque satis arbusta simul , pecudesque , virosque ,
 Testaque , cumque suis rapiunt penetralia sacris .
 Si qua domus mansit , potuitque resistere tanto
 Indejecta malo ; culmen tamen altior hujus
 Unda tegit , pressæque labant sub gurgite turres. 290
 Jamque mare & tellus nullum discrimen habebant :
 Omnia pontus erant : deerant quoque litora ponto .
 Occupat hic collem : cymbâ sedet alter aduncâ ,
 Et ducit remos illic , ubi nuper ararat .
 Ille supra segetes , aut mersæ culmina villæ , 295

12 P. OVIDII NASONIS

- Navigat : hic summâ piscem deprendit in ulmo.
 Figitur in viridi , si Fors tulit , ancora prato ;
 Aut subiecta terunt curvæ vineta carinæ :
 Et , modò quâ graciles gramen carpsere capellæ ,
 300 Nunc ibi deformes ponunt sua corpora phocæ.
 Mirantur sub aquâ lucos , urbesque , domosque
 Nereïdes : silvasque tenent delphines , & altis
 Incurfant ramis , agitataque robora pulsant.
 Nat lupus inter oves : fulvos vehit unda leones :
 305 Unda vehit tigres : nec vires fulminis apro ,
 Crura nec ablato profunt velocia cervo :
 Quæsitisque diu terris , ubi sidere detur ,
 In mare lassatis volucris vaga decidit alis.
 Obruerat tumulos immensa licentia ponti ,
 310 Pulsabantque novi montana cacumina fluctus.
 Maxima pars undâ rapitur : quibus unda pepercit ,
 Illos longa domant inopi jejunia victu.

- Separat Aonios Aetæis Phocis ab arvis ,
 Terra ferax , dum terrâ fuit ; sed tempore in illo
 315 Pars maris , & latus subitarum campus aquarum.
 Mons ibi verticibus petit arduus astra duobus ,
 Nomine Parnasus , superatque cacumine nubes.
 Hic ubi Deucalion , nam cetera texerat æquor ,
 Cum consorte tori parvâ rate vectus adhæsit ;
 320 Corycidas Nymphas , & numina montis adorant ,
 Fatidicamque Themis , quæ nunc oracula tenebat.
 Non illo melior quisquam , nec amantior æqui
 Vir fuit , aut illâ metuentior ulla Deorum.
 Juppiter ut liquidis stagnare paludibus orbem ,
 325 Et superesse videt de tot modò millibus unum ,
 Et superesse videt de tot modò millibus unam ;
 Innocuos ambos , cultores numinis ambos ;
 Nubila disjecit : nimisque Aquilone remotis ,
 Et cœlo terras ostendit , & æthera terris.
 330 Nec maris ira manet : positoque tricuspide telo

METAMORPHOSEON L. I. 13

Mulcet aquas rector pelagi : supraque profundum
 Exstantem , atque humeros innato murice tectum ,
 Cæruleum Tritona vocat : conchæque sonaci
 Inspirare jubet ; fluctusque & flumina signo
 Jam revocare dato. Cava buccina sumitur illi 335
 Tortilis , in latum quæ turbine crescit ab imo :
 Buccina , quæ medio concepit ut æra ponto ,
 Litora voce replet , sub utroque jacentia Phœbo.
 Tum quoque , ut ora Dei madidâ rorantia barbâ
 Contigit , & cecinit jussos inflata receptus , 340
 Omnibus audita est telluris & æquoris undis :
 Et quibus est undis audita , coercuit omnes.
 Jam mare litus habet : plenos capit alveus amnes :
 Flumina subsidunt : colles exire videntur.
 Surgit humus : crescunt loca decrefcentibus undis. 345
 Postque diem longam nudata cacumina silvæ
 Ostendunt , limumque tenent in fronde relictum.
 Redditus orbis erat : quem post quàm vidit inanem ,
 Et desolatas agere alta silentia terras ,
 Deucalion , lacrymis ita Pyrrham affatur obortis. 350
 O soror ! ô conjux ! ô ! femina sola superstes ,
 Quam commune mihi genus , & patruelis origo ,
 Deinde torus junxit ; nunc ipsa pericula jungunt :
 Terrarum , quascumque vident occasus & ortus ,
 Nos duo turba sumus : possedit cetera pontus. 355
 Nunc quoque adhuc vitæ non est fiducia nostræ
 Certa satis : terrent etiamnum nubila mentem.
 Quid tibi , si sine me satis erepta fuisses ,
 Nunc animi , miseranda , foret ? quo sola timorem
 Ferre modo posses ? quo consolante , dolores ? 360
 Namque ego , crede mihi , si te modò pontus haberet ,
 Te sequerer , conjux : & me quoque pontus haberet.
 O ! utinam possim populos reparare paternis
 Artibus ; atque animas formatæ infundere terræ.
 Nunc genus in nobis restat mortale duobus , 365
 (Sic visum Superis) hominumque exempla manemus.

14 P. OVIDII NASONIS

- Dixerat, & flebant : placuit cœleste precari
 Numen ; & auxilium per sacras quærere sortes.
 Nulla mora est ; adeunt pariter Cephisidas undas ,
 370 Ut nondum liquidas , sic jam vada nota secantes.
 Inde ubi libatos irroravere liquores
 Vestibus & capiti ; flectunt vestigia sanctæ
 Ad delubra Deæ : quorum fastigia turpi
 Squalebant musco ; stabantque sine ignibus aræ.
 375 Ut templi tetigere gradus , procumbit uterque
 Pronus humi , gelidoque pavens dedit oscula saxo.
 Atque ita , Si precibus , dixerunt , numina jussis
 Victa remollescunt , si flectitur ira Deorum ;
 Dic , Themis , quâ generis damnum reparabile nostri
 380 Arte sit : & mersis fer opem , mitissima , rebus.
 Mota Dea est , fortemque dedit : Discedite templo ,
 Et velate caput ; cinctasque resolvite vestes ;
 Ossaque post tergum magnæ jactate Parentis.
 Obstupuere diu : rumpitque silentia voce
 385 Pyrrha prior ; jussisque Deæ parêre recusat :
 Detque sibi veniam , pavido rogat ore : pavetque
 Lædere jactatis maternas ossibus umbras.
 Interea repetunt cæcis obscura latebris
 Verba datæ sortis secum , inter seque volutant.
 390 Inde Promethides placidis Epimethida dictis
 Mulcet ; & , Aut fallax , ait , est sollertia nobis ;
 Aut pia sunt ; nullumque nefas oracula suadent.
 Magna Parens terra est : lapides in corpore terræ
 Ossa reor dici : jacere hos post terga jubemur.
 395 Conjugis augurio quamquam Titania mota est ,
 Spes tamen in dubio est : adeò cœlestibus ambo
 Diffidunt monitis : sed quid tentare nocebit ?
 Descendunt , velantque caput , tunicasque recingunt ;
 Et jussos lapides sua post vestigia mittunt.
 400 Saxa (quis hoc credat , nisi sit pro teste vetustas ?)
 Ponere duritiem cœpere , suumque rigorem ;
 Molliriue morâ , mollitaque ducere formam.

Mox, ubi creverunt, naturaque mitior illis
 Contigit, ut quædam, sic non manifesta, videri
 Forma potest hominis; sed uti de marmore cœpto 405
 Non exacta satis, rudibusque simillima signis.
 Quæ tamen ex illis aliquo pars humida succo,
 Et terrena fuit, versa est in corporis usum.
 Quod solidum est, flectique nequit, mutatur in ossa:
 Quod modò vena fuit, sub eodem nomine mansit. 410
 Inque brevi spatio, Superiorum numine, faxa
 Missa viri manibus faciem traxere virilem:
 Et de femineo reparata est femina jactu.
 Inde genus durum sumus, experiensque laborum:
 Et documenta damus, quâ simus origine nati. 415

Cetera diversis tellus animalia formis
 Sponte suâ peperit: post quàm vetus humor ab igne
 Percaluit Solis, cœnumque udæque paludes
 Intumueræ æstu; secundaque femina rerum,
 Vivaci nutrita solo, ceu matris in alvo, 420
 Creverunt, faciemque aliquam cepere morando.
 Sic ubi deferuit madidos septemfluus agros
 Nilus, & antiquo sua flumina reddidit alveo,
 Æthereoque recens exarsit sidere limus;
 Plurima cultores versis animalia glebis 425
 Inveniunt, & in his quædam modò cœpta, sub ipsum
 Nascendi spatium: quædam imperfecta, suisque
 Trunca vident numeris: & eodem in corpore sæpe
 Altera pars vivit, rudis est pars altera tellus.
 Quippe ubi temperiem sumfere humorque calorque, 430
 Concipiunt; & ab his oriuntur cuncta duobus:
 Cùmque sit ignis aquæ pugnax, vapor humidus omnes
 Res creat, & discors concordia fetibus apta est.
 Ergo ubi, diluvio tellus lutulenta recenti,
 Solibus æthereis almoque recanduit æstu; 435
 Edidit innumeras species: partimque figuras
 Retulit antiquas; partim nova monstra creavit.

- Illa quidem nollet, sed te quoque, maxime Python,
 Tum genuit: populisque novis, incognita serpens,
 440 Terror eras: tantum spatii de monte tenebas.
 Hanc Deus arcitenens, & numquam talibus armis
 Ante, nisi in damis capreisque fugacibus, usus,
 Mille gravem telis, exhaustâ pæne pharetrâ,
 Perdidit, effuso per vulnera nigra veneno.
 445 Neve operis famam possit delere vetustas,
 Instituit sacros celebri certamine ludos,
 Pythia, de domitæ serpentis nomine dictos:
 His juvenum quicumque manu, pedibusve, rotâve
 Vicerat; esculæ capiebat frondis honorem.
 450 Nondum laurus erat; longoque decentia crine
 Tempora cingebat de qualibet arbore Phœbus.

- Primus amor Phœbi Daphne Peneïa: quem non
 Fors ignara dedit, sed sæva Cupidinis ira.
 Delius hunc nuper, victâ serpente superbus,
 455 Viderat adducto flectentem cornua nervo:
 Quidque tibi, lascive puer, cum fortibus armis?
 Dixerat: ista decent humeros gestamina nostros,
 Qui dare certa feræ, dare vulnera possumus hosti.
 Qui modò, pestifero tot jugera ventre prementem,
 460 Stravimus innumeris tumidum Pythona sagittis.
 Tu face nescio quos esto contentus amores
 Irritare tuâ, nec laudes asserere nostras.
 Filius huic Veneris; Figat tuus omnia, Phœbe;
 Te meus arcus, ait: quantoque animalia cedunt
 465 Cuncta tibi, tanto minor est tua gloriâ nostrâ.
 Dixit: & eliso percussis aëre pennis,
 Impiger umbrosâ Parnasi constitit arcq:
 Eque sagittiferâ promisit duo tela pharetrâ
 Diversorum operum: fugat hoc, facit illud amorem.
 470 Quod facit, auratum est, & cuspide fulget acutâ:
 Quod fugat, obtusum est; & habet sub arundine plumbum.
 Hæc Deus in Nympha Penêide fixit; at illo

Læsit Apollineas trajecta per ossa medullas.
 Protinus alter amat : fugit altera nomen amantis
 Silvarum latebris , captivarumque ferarum 475
 Exuviis gaudens , innuptæque æmula Phœbes.
 Vitta coërcebat positos sine lege capillos.
 Multi illam petiere : illa averfata petentes ,
 Impatiens expersque viri , nemorum avia lustrat :
 Nec quid Hymen,quid Amor,quid sint connubia curat. 480
 Sæpe pater dixit ; Generum mihi , filia , debes.
 Sæpe pater dixit ; Debes mihi , nata , nepotes.
 Illa , velut crimen , tædas exosa jugales ,
 Pulchra verecundo suffunditur ora rubore :
 Inque patris blandis hærens cervice lacertis ; 485
 Da mihi perpetuâ , genitor carissime , dixit ,
 Virginitate frui : dedit hoc pater ante Dianæ.
 Ille quidem obsequitur : sed te decor iste , quod optas ,
 Esse vetat : votoque tuo tua forma repugnat.
 Phœbus amat , visæque cupit connubia Daphnes : 490
 Quæque cupit , sperat : suaque illum oracula fallunt.
 Utque leves stipulæ demtis adolentur aristis ;
 Ut facibus sepes ardent , quas fortè viator
 Vel nimis admovit , vel jam sub luce reliquit ;
 Sic Deus in flammæ abiit : sic pectore toto 495
 Uritur , & sterilem sperando nutrit amorem.
 Spectat inornatos collo pendere capillos ,
 Et , Quid ? si comantur , ait : videt igne micantes ,
 Sideribus similes , oculos : videt oscula , quæ non
 Est vidisse satis : laudat digitosque , manusque , 500
 Brachiaque , & nudos mediâ plus parte lacertos.
 Si qua latent , meliora putat : fugit ocior aurâ
 Illa levi : neque ad hæc revocantis verba resistit.
 Nympha , precor , Penèi , mane : non insequor hostis.
 Nympha , mane : sic agna lupum , sic cerva leonem , 505
 Sic aquilam pennâ fugiunt trepidante columbæ ;
 Hostes quæque suos : amor est mihi causa sequendi.
 Me miserum ! ne prona cadas , indignave læci

18 *P. OVIDII NASONIS*

Crura fecent sentes ; & sim tibi causa doloris.

- 510 Aspera , quâ properas , loca sunt : moderatiùs , oro ,
 Curre , fugamque inhihe : moderatiùs insequar ipse.
 Cui placeas , inquire tamen. Non incola montis ,
 Non ego sum pastor : non hîc armenta , gregesve
 Horridus observo. Nescis , temeraria , nescis
 515 Quem fugias : ideoque fugis. Mihi Delphica tellus ,
 Et Claros , & Tenedos , Pataraëque regia servit.
 Juppiter est genitor : per me , quod eritque , fuitque ,
 Estque , patet : per me concordant carmina nervis.
 Certa quidem nostra est ; nostrâ tamen una sagittâ
 520 Certior , in vacuo quæ vulnera pectore fecit.
 Inventum medicina meum est : opiferque per orbem
 Dicor ; & herbarum subiecta potentia nobis.
 Hei mihi ! quod nullis amor est medicabilis herbis :
 Nec profunt domino , quæ profunt omnibus , artes.
 525 Plura locuturum timido Peneïa cursu
 Fugit ; cumque ipso verba imperfecta reliquit.
 Tum quoque visa decens : nudabant corpora venti ,
 Obviaque adversas vibrabant flamina vestes :
 Et levis impexos retro dabat aura capillos ;
 530 Auëtaque forma fugâ est. Sed enim non sustinet ultra
 Perdere blanditias juvenis Deus : utque movebat
 Ipse Amor , admissio sequitur vestigia passu.
 Ut canis in vacuo leporem cum Gallicus arvo
 Vidit ; & hic prædam pedibus petit , ille salutem.
 535 Alter inhæsuro similis , jam jamque tenere
 Sperat , & extento stringit vestigia rostro ;
 Alter in ambiguo est , an sit deprensus , & ipsis
 Morsibus eripitur : tangentiaque ora relinquit.
 Sic Deus , & virgo est : hic spe celer , illa timore.
 540 Qui tamen insequitur , pennis adjutus Amoris ,
 Ocior est , requiemque negat : tergoque fugaci
 Imminet ; & crinem sparsum cervicibus afflat.
 Viribus absumentis expalluit illa : citæque
 Victa labore fugæ , spectans Peneïdas undas ,

Fer, pater, inquit, opem; si flumina numen habetis. 545
 Quâ nimium placui, Tellus, aut hisce; vel istam,
 Quæ facit ut lædar, mutando perde figuram.
 Vix prece finitâ, torpor gravis alligat artus:
 Mollia cinguntur tenui præcordia libro.
 In frondem crines, in ramos brachia crescunt: 550
 Pes, modò tam velox, pigris radicibus hæret:
 Ora cacumen obit: remanet nitor unus in illa.
 Hanc quoque Phœbus amat: positâque in stipite dextrâ,
 Sentit adhuc trepidare novo sub cortice pectus.
 Complexusque suis ramos, ut membra, lacertis, 555
 Oscula dat ligno: refugit tamen oscula lignum.
 Cui Deus, At conjux quoniam mea non potes esse,
 Arbor eris certè, dixit, mea: semper habebunt
 Te coma, te citharæ, te nostræ, laure, pharetræ.
 Tu ducibus Latiis aderis, cùm læta triumphum 560
 Vox canet; & longæ visent Capitolia pompæ.
 Postibus Augustis eadem fidissima custos,
 Ante fores stabis; mediamque tuebere quercum.
 Utque meum intonsis caput est juvenile capillis;
 Tu quoque perpetuos semper gere frondis honores. 565
 Finierat Pæan: factis modò laurea ramis
 Annuit: utque caput, visa est agitasse cacumen.

Est nemus Hæmonia, prærupta quod undique claudit
 Silva: vocant Tempe; per quæ Penæus, ab imo
 Effusus Pindo, spumosis volvitur undis: 570
 Dejectuque gravi tenues agitantia fumos
 Nubila conducit, summasque aspergine silvas
 Impluit; & sonitu plus quàm vicina fatigat.
 Hæc domus, hæc sedes, hæc sunt penetralia magni
 Amnis: in hoc residens facto de cautibus antro, 575
 Undis jura dabat, Nymphisque colentibus undas.
 Conveniunt illuc popularia flumina primùm;
 Nescia gratentur, consolenturne parentem,
 Populifer Sperchèos, & irrequietus Enipeus,

20 *P. OVIDII NASONIS*

- 580 Apidanusque senex, lenisque Amphryfos, & Æas.
Moxque amnes alii: qui, quâ tulit impetus illos,
In mare deducunt fessas erroribus undas.
Inachus unus abest: imoque reconditus antro
Fletibus auget aquas: natamque miserrimus Io
- 585 Luget, ut amissam: nescit vitæne fruatur,
An sit apud manes. Sed quam non invenit usquam,
Esse putat nusquam; atque animo pejora veretur.
Viderat a patrio redeuntem Jupiter Io
Flumine: &, O! virgo Jove digna, tuoque beatum
- 590 Nescio quem factura toro, pete, dixerat, umbras
Altorum nemorum, & nemorum monstraverat umbras,
Dum calet, & medio Sol est altissimus orbe.
Quod si sola times latebras intrare ferarum;
Præside tuta Deo, nemorum secreta subibis:
- 595 Nec de plebe Deo, sed qui cœlestia magnâ
Sceptra manu tenco; sed qui vaga fulmina mitto.
Nè fuge me: fugiebat enim. Jam pascua Lernæ,
Consitaque arboribus Lyrœa reliquerat arva;
Cum Deus inducât latas caligine terras
- 600 Occuluit, tenuitque fugam, rapuitque pudorem.
Interea medios Juno despexit in agros;
Et nostris faciem nebulas fecisse volucres:
Sub nitido mirata die; non fluminis illas
Esse, nec humenti sentit tellure remitti:
- 605 Atque suus conjux, ubi sit, circumspicit; ut quæ
Deprensi toties jam nosset furta mariti.
Quem post quàm cœlo non repperit; Aut ego fallor,
Aut ego lædor, ait: delapsaque ab æthere summo,
Constitit in terris, nebulasque recedere jussit.
- 610 Conjugis adventum præsenferat, inque nitentem
Inachidos vultus mutaverat ille juvencam.
Bos quoque formosa est. Speciem Saturnia vaccæ,
Quamquam invita, probat: nec non & cujus, & unde,
Quove sit armento, veri quasi nescia, quærit.
- 615 Jupiter e terrâ genitam mentitur, ut auctor

Desinat inquiri. Petit hanc Saturnia munus.
 Quid faciat ? crudele , suos addicere amores :
 Non dare , suspectum : pudor est , qui suadeat illinc ;
 Hinc dissuadet amor. Victus pudor esset amore :
 Sed , leve si munus sociæ generisque torique 620
 Vacca negaretur ; poterat non vacca videri.
 Pellice donatâ , non protinus exuit omnem
 Diva metum : timuitque Jovem , & fuit anxia furti ;
 Donec Arestoridæ servandam tradidit Argo.
 Centum luminibus cinctum caput Argus habebat : 625
 Inde suis vicibus capiebant bina quietem :
 Cetera servabant , atque in statione manebant.
 Constiterat quocumque modo , spectabat ad lo :
 Ante oculos lo , quamvis averfus , habebat.
 Luce sinit pasci : cùm Sol tellure sub altâ est , 630
 Claudit , & indigno circumdat vincula collo.
 Frondibus arbuteis , & amarâ pascitur herbâ :
 Proque toro , terræ , non semper gramen habenti ,
 Incubat infelix ; limosæque flumina potat.
 Illa etiam supplex Argo cùm brachia vellet 635
 Tendere ; non habuit , quæ brachia tenderet Argo :
 Conatoque queri mugitus edidit ore :
 Pertimuitque sonos : propriâque exterrita voce est.
 Venit & ad ripas , ubi ludere sæpe solebat ,
 Inachidas ripas : novaque ut conspexit in undâ 640
 Cornua , pertimuit , seque externata refugit.
 Nâides ignorant , ignorat & Inachus ipse ,
 Quæ sit : at illa patrem sequitur , sequiturque sorores :
 Et patitur tangi , seque admirantibus offert.
 Decerptas senior porrexerat Inachus herbas : 645
 Illa manus lambit , patriisque dat oscula palmis ;
 Nec retinet lacrymas : & , si modò verba sequantur ,
 Oret opem ; nomenque suum , casusque loquatur.
 Litera pro verbis , quam pes in pulvere ducit ,
 Corporis indicium mutati triste peregit. 650
 Me miserum ! exclamat pater Inachus : inque gementis

22 P. OVIDII NASONIS

- Cornibus, & niveæ pendens cervice juvencæ ,
 Me miserum ! ingeminat : tune es quæsitæ per omnes
 Nata , mihi terras ? tu non inventa repertâ
 655 Luctus eras levior. Retices : nec mutua nostris
 Dicta refers : alto tantum suspiria prodis
 Pectore : quodque unum potes, ad mea verba remugis.
 At tibi ego ignarus thalamos tædasque parabam :
 Spesque fuit generi mihi prima , secunda nepotum.
 660 De grege nunc tibi vir, nunc de grege natus habendus.
 Nec finire licet tantos mihi morte dolores ;
 Sed nocet esse Deum : præclusaque janua leti
 Æternum nostros luctus extendit in ævum.
 Talia mœrenti stellatus submovet Argus ,
 665 Ereptamque patri diversa in pascua natam
 Abstrahit : ipse procul montis sublime cacumen
 Occupat , unde sedens partes speculetur in omnes.

- Nec Superum rector mala tanta Phoronidos ultra
 Ferre potest : natumque vocat , quem lucida partu
 670 Pleiæ enixa est : letoque det , imperat , Argum.
 Parva mora est , alas pedibus , virgamque potenti
 Somniferam sumsisse manu , tegimenque capillis.
 Hæc ubi disposuit , patriâ Jove natus ab arce
 Desilit in terras : illic tegimenque removit ,
 675 Et posuit pennas : tantummodo virga retenta est.
 Hac agit , ut pastor , per devia rura capellas ,
 Dum venit , abductas : & struictis cantat avenis.
 Voce novâ captus custos Junonius , At tu ,
 Quisquis es , hoc poteras mecum considerare saxo ,
 680 Argus ait : neque enim pecori fecundior ullo
 Herba loco est : aptamque vides pastoribus umbram.
 Sedit Atlantiades , & euntem multa loquendo
 Detinuit sermone diem : junctisque canendo
 Vincere arundinibus servantia lumina tentat.
 685 Ille tamen pugnat molles evincere somnos :
 Et , quamvis sopor est oculorum parte receptus ,

METAMORPHOSEON L. I. 23

Parte tamen vigilat : quærit quoque , namque reperta
Fistula nuper erat , quâ sit ratione reperta.

Tum Deus , Arcadiæ gelidis in montibus , inquit ,
Inter Hamadryadas celeberrima Nonacrinas 690
Naias una fuit : Nymphæ Syringa vocabant.
Non semel & Satyros eluserat illa sequentes ,
Et quoscumque Deos umbrosæ silva , feraxve
Rus habet. Ortygiam studiis , ipsâque colebat
Virginitate Deam. Ritu quoque cincta Dianæ 695
Falleret , & credi posset Latonia ; si non
Corneus huic arcus , si non foret aureus illi.
Sic quoque fallebat. Redcuntem colle Lycæo
Pan videt hanc , pinuque caput præcinctus acutâ ,
Talia verba refert : restabat verba referre , 700
Et , precibus spretis , fugisse per avia Nympham ,
Donec arenosi placidum Ladonis ad amnem
Venerit : hic , illi cursum impredientibus undis ,
Ut se mutarent , liquidas orasse sorores ;
Panaque , cùm pressam sibi jam Syringa putaret , 705
Corpore pro Nymphæ cannas tenuisse palustres ;
Dumque ibi suspirat , motos in arundine ventos
Effecisse sonum tenuem , similemque querenti ;
Arte novâ , vocisque Deum dulcedine captum ,
Hoc mihi colloquium tecum , dixisse , manebit ; 710
Atque ita , disparibus calamis compagine ceræ
Inter se junctis , nomen tenuisse puellæ.
Talia dicturus vidit Cyllenius omnes
Succubuisse oculos , adopertaque lumina somno.
Supprimit extemplo vocem : firmatque soporem , 715
Languida permulcens medicatâ lumina virgâ.
Nec mora : falcato nutantem vulnerat ense ,
Quâ collo confine caput : saxoque cruentum
Dejicit ; & maculat præruptam sanguine caudem.

Arge , jaces : quodque in tot lumina lumen habebas , 720

24 P. OVIDII NASONIS

Exstinctum est : centumque oculos nox occupat una.
 Excipit hos , volucrisque suæ Saturnia pennis
 Collocat ; & gemmis caudam stellantibus implet.

- Protinus exarsit , nec tempora distulit iræ ,
 725 Horriferamque oculis animoque objecit Erinnyn
 Pellicis Argolicæ , stimulosque in pectora cæcos
 Condidit , & profugam per totum terruit orbem.
 Ultimus immenso restabas , Nile , labori :
 Quem simul ac tetigit , positisque in margine ripæ
 730 Procubuit genibus , resupinoque ardua collo ,
 Quos potuit , solos tollens ad sidera vultus ,
 Et gemitu , & lacrymis , & luctifono mugitu
 Cum Jove visa queri est , finemque orare malorum.
 Conjugis ille suæ complexus colla lacertis ,
 735 Finit ut pœnas tandem , rogat : Inque futurum
 Pone metus , inquit , numquam tibi causa doloris
 Hæc erit : & Stygias jubet hoc audire paludes.
 Ut lenita Dea est , vultus capit illa priores :
 Fitque quod ante fuit. Fugiunt e corpore setæ ;
 740 Cornua decrescunt : fit luminis arctior orbis.
 Contrahitur rictus : redeunt humerique manusque ;
 Ungulaque in quinos dilapsa absumitur ungues.
 De bove nil superest , formæ nisi candor , in illa :
 Officioque pedum Nymphæ contenta duorum
 745 Erigitur : metuitque loqui , ne more juvencæ
 Mugiat : & timidè verba intermissa retentat.
 Nunc Dea linigerâ colitur celeberrima turbâ.

- Huic Epaphus magni genitus de semine tandem
 Creditur esse Jovis ; perque urbes juncta parenti
 750 Templa tenet. Fuit huic animis æqualis & annis
 Sole fatus Phaëthon , quem quondam magna loquentem ,
 Nec sibi cedentem , Phœboque parente superbum ,
 Non tulit Inachides ; Matrique , ait , omnia demens
 Credis ; & es tumidus genitoris imagine falsi.

Erubuit

METAMORPHOSEON L. I. 25

Erubuit Phaëthon , iramque pudore repressit : 755
Et tulit ad Clymenen Epaphi convicia matrem. .
Quoque magis doleas , genitrix , ait ; ille ego liber ,
Ille ferox tacui. Pudet hæc opprobria nobis
Et dici potuisse , & non potuisse refelli.
At tu , si modò sum cœlesti stirpe creatus , 760
Ede notam tanti generis : meque affere cœlo.
Dixit , & implicuit materno brachia collo ;
Perque suum , Meropisque caput , tædasque sororum ,
Traderet , oravit , veri sibi signa parentis.
Ambiguum , Clymene precibus Phaëthontis , an irâ 765
Mota magis dicti sibi criminis : utraque cœlo
Brachia porrexit : spectansque ad lumina Solis ;
Per jubar hoc , inquit , radiis insigne coruscis ,
Nate , tibi juro , quod nos auditque videtque ;
Hoc te , quem spectas , hoc te , qui temperat orbem , 770
Sole satum. Si fîcta loquor , neget ipse videndum
Se mihi ; sitque oculis lux ista novissima nostris.
Nec longus patrios labor est tibi nosse penates :
Unde oritur , terræ domus est contermina nostræ.
Si modò fert animus , gradere : & scitabere ab ipso. 775
Emicat extemplo lætus post talia matris
Dicta suæ Phaëthon , & concipit æthera mente :
Æthiopasque suos , positosque sub ignibus Indos
Sidereis , transit ; patriosque adit impiger ortus.





OVIDII NASONIS
METAMORPHOSEON
LIBER SECUNDUS.

- R**EGIA Solis erat sublimibus alta columnis,
Clara micante auro, flammisque imitante pyropo:
Cujus ebur nitidum fastigia summa tenebat;
Argenti bifores radiabant lumine valvæ.
5 Materiam superabat opus; nam Mulciber illic
Æquora cælarat, medias cingentia terras,
Terrarumque orbem, cœlumque, quod imminet orbi.
Cæruleos habet unda Deos; Tritona canorum,
Proteaque ambiguum, balænarumque prementem
10 Ægæona suis immania terga lacertis,
Doridaque, & natas: quarum pars nare videntur,
Pars in mole sedens virides siccare capillos:
Pisce vehi quædam. Facies non omnibus una,
Nec diversa tamen: qualem decet esse sororum.
15 Terra viros urbesque gerit, silvasque, ferasque,
Fluminaque, & Nymphas, & cetera numina ruris.
Hæc super imposita est cœli fulgentis imago;
Signaque sex foribus dextris, totidemque sinistris.
Quò simul acclivo Clymeneia limite proles
20 Venit, & intravit dubitati testa parentis;
Protinus ad patrios sua fert vestigia vultus,

METAMORPHOSEON L. II. 27

Consistitque procul : neque enim propiora ferebat,
Lumina. Purpureâ velatus veste sedebat
In folio Phœbus, claris lucente smaragdis.
A dextra lævaque Dies, & Mensis, & Annus, 25
Seculaque, & positæ spatiis æqualibus Horæ;
Verque novum stabat, cinctum florente coronâ.
Stabat nuda Æstas, & spicea ferta gerebat:
Stabat & Autumnus, calcatis sordidus uvis:
Et glacialis Hiems, canos hirsuta capillos. 30
Inde loco medius, rerum novitate paventem
Sol oculis juvenem, quibus aspicit omnia, vidit.
Quæque viæ tibi causa? quid hac, ait, arce petisti,
Progenies, Phaëthon, haud inficianda parenti?
Ille refert, O! lux immensi publica mundi, 35
Phœbe pater, si das hujus mihi nominis usum,
Nec falsâ Clymene culpam sub imagine celat;
Pignora da, genitor, per quæ tua vera propago
Credar, & hunc animis errorem detrahe nostris.
Dixerat. At genitor circum caput omne micantes 40
Deposuit radios, propiusque accedere jussit:
Amplexuque dato; Nec tu meus esse negari
Dignus es; & Clymene veros, ait, edidit ortus.
Quoque minus dubites, quodvis pete munus, ut illud,
Me tribuente, feras: promissis testis adesto 45
Dis juranda palus, oculis incognita nostris.
Vix bene desierat: currus rogat ille paternos,
Inque diem alipedum jus & moderamen equorum.
Pœnituit jurasse patrem: qui terque quaterque
Concutiens illustre caput: Temeraria, dixit, 50
Vox mea facta tuâ est. Utinam promissa liceret
Non dare! confiteor, solum hoc tibi, nate, negarem.
Dissuadere licet. Non est tua tuta voluntas.
Magna petis, Phaëthon; & quæ nec viribus istis
Munera convenient, nec tam puerilibus annis. 55
Sors tua mortalis: non est mortale quod optas.
Plus etiam, quàm quod Superis contingere fas sit,

- Nescius affectas. Placeat sibi quisque, licebit;
 Non tamen ignifero quisquam consistere in axe,
 60 Me, valet, excepto: vasti quoque rector Olympi,
 Qui fera terribili jaculatur fulmina dextrâ,
 Non agat hos currus: & quid Jove majus habemus?
 Ardua prima via est: & quâ vix mane recentes
 Enitantur equi: medio est altissima cœlo;
 65 Unde mare & terras ipsi mihi sæpe videre
 Fit timor, & pavidâ trepidat formidine pectus.
 Ultimâ prona via est, & eget moderamine certo.
 Tunc etiam, quæ me subjectis excipit undis,
 Ne ferar in præceps, Tethys solet ipsa vereri.
 70 Adde, quod assiduâ rapitur vertigine cœlum;
 Sideraque alta trahit, celerique volumine torquet.
 Nitor in adversum; nec me, qui cetera, vincit
 Impetus: & rapido contrarius evehor orbi.
 Finge datos currus: quid agas? poterisne rotatis
 75 Obvius ire polis, ne te citus auferat axis?
 Forsitan & lucos illic, urbesque Deorum
 Concipias animo; delubraque ditia donis
 Esse: per insidias iter est, formasque ferarum.
 Utque viam teneas, nulloque errore traharis;
 80 Per tamen adversi gradieris cornua Tauri,
 Hæmoniosque arcus, violentique ora Leonis,
 Sævaque circuitu curvantem brachia longo
 Scorpion, atque aliter curvantem brachia Cancrum.
 Nec tibi quadrupedes animosos ignibus illis,
 85 Quos in pectore habent, quos ore & naribus efflant,
 In promptu regere est: vix me patiuntur, ut acres
 Incaluere animi; cervixque repugnat habenis.
 At tu, funesti ne sim tibi muneris auctor,
 Nate, cave: dum resque sinit, tua corrige vota.
 90 Scilicet, ut nostro genitum te sanguine credas,
 Pignora certa petis: do pignora certa timendo;
 Et patrio pater esse metu probor: aspice vultus
 Ecce meos: utinamque oculos in pectora posses

Inferere , & patrias intus deprendere curas !
 Denique, quicquid habet dives, circumspice, mundus; 95
 Eque tot acitantis cœli , terræque , marisque
 Posce bonis aliquid : nullam patiêre repulsam.
 Deprecor hoc unum , quod vero nomine pœna ,
 Non honor est : pœnam , Phaëthon , pro munere , poscis.
 Quid mea colla tenes blandis , ignare , lacertis ? 100
 Ne dubita , dabitur , Stygias juravimus undas ,
 Quodcumque optaris : sed tu sapientius opta.

Finierat monitus : dictis tamen ille repugnat ,
 Propositumque tenet ; flagratque cupidine currûs.
 Ergo , quâ licuit genitor cunctatus , ad altos 105
 Deducit juvenem , Vulcania munera , currus.
 Aureus axis erat , temo aureus , aurea summæ
 Curvatura rotæ ; radiorum argenteus ordo.
 Per juga chrysolithi , positæque ex ordine gemmæ ,
 Clara repercusso reddebant lumina Phœbo. 110
 Dumque ea magnanimus Phaëthon miratur , opusque
 Perspicit ; ecce vigil rutilo patefecit ab ortu
 Purpureas Aurora fores , & plena rosarum
 Atria : diffugiunt stellæ ; quarum agmina cogit
 Lucifer , & cœli statione novissimus exit. 115
 At pater ut terras , mundumque rubescere vidit ,
 Cornuaque extremæ velut evanescere Lunæ ;
 Jungere equos Titan velocibus imperat Horis.
 Jussâ Deæ celeres peragunt : ignemque vomentes ,
 Ambrosiæ succo saturos , præsepibus altis 120
 Quadrupedes ducunt ; adduntque sonantia frena.
 Tum pater ora sui sacro medicamine nati
 Contigit ; & rapidæ fecit patientia flammæ.
 Imposuitque comæ radios : præsagaque luctûs
 Pectore sollicito repetens suspiria , dixit ; 125
 Si potes hîc saltem monitis parere paternis ,
 Parce , puer , stimulis ; & fortiûs utere loris.
 Sponte suâ properant : labor est inhibere volentes.

30 P. OVIDII NASONIS

- Nec tibi directos placeat via quinque per arcus.
- 130 Sectus in obliquum est lato curvamine limes :
 Zonarumque trium contentus fine , polumque
 Effugito australem , junctamque aquilonibus Arcton.
 Hâc sit iter : manifesta rotæ vestigia cernes.
 Utque ferant æquos & cœlum & terra calores ,
- 135 Nec preme , nec summum molire per æthera currum.
 Altius egressus cœlestia testâ cremabis ,
 Inferius terras : medio tutissimus ibis.
 Neu te dexterioꝛ tortum declinet in Anguem ,
 Neve sinisterioꝛ pressam rota ducat ad Aram ;
- 140 Inter utrumque tene. Fortunæ cetera mando ;
 Quæ juvet , & melius , quàm tu tibi , consulat , opto.
 Dum loquor , Hesperio positas in litore metas :
 Humida nox tetigit : non est mora libera nobis :
 Poscimur : effulget tenebris Aurora fugatis.
- 145 Corripe lora manu : vel , si mutabile pectus
 Est tibi , consiliis , non curribus , utere nostris ,
 Dum potes , & solidis etiamnum sedibus altas :
 Dumque male optatos nondum premis inscius axes ,
 Quæ tutus spesces , sine me dare lumina terris.
- 150 Occupat ille levem juvenili corpore currum ,
 Statque super : manibusque datas contingere habenas
 Gaudet , & invito grates agit inde parenti.
 Interea volucres Pyroëis , Eous & Æthon ,
 Solis equi , quartusque Phlegon , hinnitibus auras
- 155 Flammiferis implent , pedibusque repagula pulsant.
 Quæ postquam Tethys , fatorum ignara nepotis ,
 Repulit , & facta est immensi copia mundi ,
 Corripuere viam , pedibusque per aëra motis ,
 Obstantes findunt nebulas , pennisque levati
- 160 Prætereunt ortos isdem de partibus Euros.
 Sed leve pondus erat ; nec quod cognoscere possent
 Solis equi : solitâque jugum gravitate carebat.
 Utque labant curvæ justo sine pondere naves ,
 Perque mare , instabiles nimiâ levitate , feruntur ;

Sic onere affueto vacuos dat in aëre saltus , 165
 Succutiturque altè , similisque est currus inani.
 Quod simul ac senfere , ruunt , tritumque relinquunt
 Quadrijugi spatium : nec , quo prius , ordine currunt.
 Ipse pavet ; nec quà commissas flectat habenas ,
 Nec scit , quà sit iter : nec , si sciat , imperet illis. 170
 Tum primùm radiis gelidi caluere Triones ,
 Et vetito frustra tentarunt æquore tingi.
 Quæque polo posita est glaciali proxima Serpens ,
 Frigore pigra priùs , nec formidabilis ulli ,
 Incaluit : fumsitque novas fervoribus iras. 175
 Te quoque turbatum memorant fugisse , Boote ;
 Quamvis tardus eras , & te tua plaustra tenebant.
 Ut verò summo despexit ab æthere terras
 Infelix Phaëthon , penitus penitusque jacentes ;
 Palluit , & subito genua intremuere timore : 180
 Suntque oculis tenebræ per tantum lumen obortæ.
 Et jam mallet equos numquam tetigisse paternos ;
 Jamque agnosse genus piget , & valuisse rogando :
 Jam Meropis dici cupiens , ita fertur , ut acta
 Præcipiti pinus Boreà , cui viستا remisit 185
 Frena suus rector , quàm Dis votisque reliquit.
 Quid faciat ? multum cœli post terga relictum ;
 Ante oculos plus est. Animo metitur utrumque :
 Et modò , quos illi fato contingere non est ,
 Prospicit Occasus : interdum respicit Ortus. 190
 Quidque agat ignarus , stupet : & nec frena remittit ,
 Nec retinere valet : nec nomina novit equorum.
 Sparsa quoque in vario passim miracula cœlo ,
 Vastarumque videt trepidus simulacra ferarum.
 Est locus , in geminos ubi brachia concavat arcus 195
 Scorpios ; & , caudà flexisque utrimque lacertis ,
 Porrigit in spatium signorum membra duorum.
 Hunc puer ut , nigri madidum sudore veneni ,
 Vulnera curvatà minitantem cuspide , vidit ;
 Mentis inops , gelidà formidine lora remisit. 200

32 P. OVIDII NASONIS

- Quæ post quàm summum tetigere jacentia tergum ,
 Exspatiantur equi : nulloque inhibente , per auras
 Ignotæ regionis eunt : quaque impetus egit ,
 Hæc sine lege ruunt : altoque sub æthere fixis
- 205 Incurfant stellis , rapiuntque per avia currum.
 Et modò summa petunt , modò , per decliva viaeque
 Præcipites , spatio terræ propiore feruntur ;
 Inferiusque suis fraternos currere Luna
 Admiratur equos : ambustaue nubila fumant.
- 210 Corripitur flammis , ut quæque altissima , tellus ;
 Fissaque agit rimas , & succis aret ademptis.
 Pabula canescunt : cum frondibus uritur arbor :
 Materiamque suo præbet seges arida damno.
 Parva queror : magnæ pereunt cum mœnibus urbes ;
- 215 Cumque suis totas populis incendia gentes
 In cinerem vertunt. Silvæ cum montibus ardent ;
 Ardet Athos, Taurusque Cilix, & Tmolus, & Cete ;
 Et nunc sicca , prius celeberrima fontibus , Ide ;
 Virginisque Helicon , & nondum Cægrius Hæmos.
- 220 Ardet in immensum geminatis ignibus Ætne ,
 Parnasusque biceps, & Eryx, & Cynthus, & Othrys,
 Et tandem Rhodope nivibus caritura , Mimasque ,
 Dindymaque, & Mycale, natusque ad sacra Cithæron.
 Nec profunt Scythiæ sua frigora : Caucasus ardet ,
- 225 Ossaue cum Pindo , majorque ambobus Olympus ;
 Aëriæque Alpes , & nubifer Apenninus.
 Tunc verò Phaëthon cunctis e partibus orbem
 Aspicit accensum ; nec tantos sustinet æstus :
 Ferventesque auras , velut e fornace profundâ ,
- 230 Ore trahit , currusque suos candescere sentit.
 Et neque jam cineres ejectatamque favillam
 Ferre potest : calidoque involvitur undique fumo.
 Quoque eat , aut ubi sit , piceâ caligine testus
 Nescit ; & arbitrio volucrûm raptatur equorum.
- 235 Sanguine tum , credunt , in corpora summa vocato ,
 Æthiopum populos nigrum traxisse colorem.

Tum facta est Libye, raptis humoribus æstu,
 Arida: tum Nymphæ passis fontesque lacusque
 Deflevire comis. Quærit Bœotia Dircen,
 Argos Amymonen, Ephyre Pirenidas undas. 240
 Nec fortita loco distantes flumina ripas
 Tuta manent: mediis Tanais fumavit in undis,
 Penæosque senex, Teuthranteusque Caicus,
 Et celer Ismenos, cum Phocaico Erymantho;
 Arsurusque iterum Xanthus, flavusque Lycormas, 245
 Quique recurvatis ludit Mæandros in undis;
 Mygdoniusque Melas, & Tænarius Eurotas.
 Arsit & Euphrates Babylonius, arsit Orontes,
 Thermodonque citus, Gangesque: & Phasis, & Ister.
 Æstuat Alphæos: ripæ Spercheïdes ardent: 250
 Quodque suo Tagus amne vehit, fluit ignibus, aurum;
 Et, quæ Mæonias celebrabant carmine ripas,
 Flumineæ volucres medio caluere Caystro.
 Nilus in extremum fugit perterritus orbem,
 Occulitque caput, quod adhuc latet: ostia septem 255
 Pulverulenta vacant, septem sine flumine vâles.
 Fors eadem Ismarios Hebrum cum Strymone siccât,
 Hesperiosque amnes, Rhenum, Rhodanumque, Padumque,
 Cuique fuit rerum promissa potentia, Tibrin.
 Dissilit omne solum; penetratque in Tartara rimis 260
 Lumen, & infernum terret cum conjuge Regem.
 Et mare contrahitur: siccæque est campus arenæ,
 Quod modò pontus erat: quosque altum texerat æquor,
 Exsistunt montes, & sparsas Cycladas augent.
 Ima petunt pisces: nec se super æquora curvi 265
 Tollere consuetas audent delphines in auras.
 Corpora phiocarum summo resupina profundo
 Exanimata jacent: ipsum quoque Nerea fama est,
 Doridaque, & natas, tepidis latuisse sub antris.
 Ter Neptunus aquis cum torvo brachia vultu 270
 Exserere ausus erat: ter non tulit aëris æstus.
 Alma tamen Tellus, ut erat circumdata ponto,

34 P. OVIDII NASONIS

- Inter aquas pelagi, contractosque undique fontes,
 Qui se condiderant in opacæ viscera matris;
 275 Sustulit omniferos collo tenus arida vultus;
 Opposuitque manum fronti: magnoque tremore
 Omnia concutiens paulum subsedit; & infra,
 Quàm solet esse, fuit: siccâque ita voce locuta est.
 Si placet hoc, meruique, quid ô! tua fulmina cessant,
 280 Summe Deûm? liceat perituræ viribus ignis,
 Igne perire tuo; clademque auctore levare.
 Vix equidem fauces hæc ipsa in verba resolvo.
 (Presserat ora vapor.) Tostos en aspice crines;
 Inque oculis tantum, tantum super ora favillæ.
 285 Hosne mihi fructus, hunc fertilitatis honorem
 Officiiue refers; quod adunci vulnera aratri
 Rastrorumque sêro, totoque exerceor anno?
 Quod pecori frondes, alimentaue mitia, fruges,
 Humano generi, vobis quod tura, ministro?
 290 Sed tamen exitium fac me meruisse: quid undæ,
 Quid meruit frater? cur illi tradita sorte
 Æquora decrescunt, & ab æthere longiûs absunt?
 Quod si nec fratris, nec te mea gratia tangit;
 At cœli miserere tui. Circumspice utrumque;
 295 Fumat uterque polus: quos si vitiaverit ignis,
 Atria vestra ruent. Atlas en ipse laborat:
 Vixque suis humeris candentem sustinet axem.
 Si freta, si terræ pereunt, si regia cœli;
 In chaos antiquum confundimur: eripe flammis,
 300 Si quid adhuc superest; & rerum consule summæ.
 Dixerat hæc Tellus: neque enim tolerare vaporem
 Ulterius potuit, nec dicere plura: suumque
 Retulit os in se, propioraque Manibus antra.

- At pater omnipotens Superos testatus, & ipsum
 305 Qui dederat currus, nisi opem ferat, omnia fato
 Interitura gravi; summam petit arduus arcem,
 Unde solet latis nubes inducere terris;

Unde movet tonitrus, vibrataque fulmina jactat.
 Sed neque, quas posset terris inducere nubes,
 Tunc habuit: nec, quos cœlo dimitteret, imbres. 310
 Intonat: & dextrâ libratum fulmen ab aure
 Misit in aurigam: pariterque animâque rotisque
 Expulit, & sævis compescuit ignibus ignes.
 Consternantur equi: &, saltu in contraria facto,
 Colla jugo eripiunt, abruptaque lora relinquunt. 315
 Illic frena jacent, illic temone revulsus
 Axis, in hac radii fractarum parte rotarum;
 Sparsaque sunt latè laceri vestigia currûs.
 At Phaëthon, rutilos flammâ populante capillos,
 Volvitur in præceps, longoque per aëra tractu 320
 Fertur; ut interdum de cœlo stella sereno,
 Etsi non cecidit, potuit cecidisse videri.
 Quem procul a patria diverso maximus orbe
 Excipit Eridanus, spumantiaque abluit ora.
 Naïdes Hesperiae trifidâ fumantia flammâ 325
 Corpora dant tumulo: signantque hoc carmine saxum.
 Hic situs est Phaëthon, currûs auriga paterni;
 Quem si non tenuit, magnis tamen excidit ausis.
 Nam pater obdultos, luctu miserabilis ægro,
 Condiderat vultus: &, si modò credimus, unum 330
 Isse diem sine Sole ferunt: incendia lumen
 Præbebant; aliquisque malo fuit usus in illo.

At Clymene post quàm dixit, quæcumque fuerunt
 In tantis dicenda malis, lugubris & amens,
 Et laniata sinus, totum percensuit orbem; 335
 Exanimesque artus primò, mox ossa requirens,
 Reperit ossa tamen peregrinâ condita ripâ.
 Incubuitque loco: nomenque in marmore lectum
 Perfudit lacrymis, & aperto pectore fovit.
 Nec minùs Heliades fletus, &, inania morti 340
 Munera, dant lacrymas: & cæsæ pectora palmis,
 Non auditurum miseras Phaëthonta querelas

36 P: OVIDII NASONIS

Nocte dieque vocant : aternunturque sepulcrò.

Luna quater junctis implêrat cornibus orbem ;

- 345 Illæ more suo , nam morem fecerat usus ,
Plangorem dederant : e quîs Phaëthusa sororum
Maxima , cùm vellet terræ procumbere , quæsta est
Diriguiffe pedes : ad quam conata venire
Candida Lampetie , subitâ radice retenta est.

- 350 Tertia , cùm crinem manibus laniare pararet ,
Avellit frondes : hæc stipite crura teneri ,
Illa dolet fieri longos sua brachia ramos.
Dumque ea mirantur , complectitur inguina cortex ;
Perque gradus uterum , pectusque , humerosque , manusque

- 355 Ambit : & exstabant tantùm ora vocantia matrem.
Quid faciat mater ? nisi , quò trahat impetus illam ,
Huc eat , atque ilhuc ? & , dum licet , oscula jungat ?
Non satis est : truncis avellere corpora tentat ;
Et teneros manibus ramos abruptere : at inde

- 360 Sanguinæ manant , tamquam de vulnere , guttæ.
Parce , precor , mater quæcumque est saucia , clamat :
Parce , precor : nostrum laniatur in arbore corpus.
Jamque vale. Cortex in verba novissima venit.

Inde fluunt lacrymæ : stillataque sole rigescunt

- 365 De ramis electra novis : quæ lucidus amnis
Excipit , & nuribus mittit gestanda Latinis.

Adfuit huic monstro proles Stheneleia Cyenus ,
Qui , tibi materno quamvis a sanguine junctus ,
Mente tamen , Phaëthon , propior fuit. Ille relicto ,
370 (Nam Ligurum populos ; & magnas rexerat urbes ,)
Imperio , ripas virides amnemque querelis
Eridanum implêrat , silvamque sororibus auctam ;
Cùm vox est tenuata viro : canæque capillos
Dissimulant plumæ : collumque a pectore longum

- 375 Porrigitur , digitosque ligat junctura rubentes ;
Penna latus vestit ; tenet os sine acumine rostrum.

METAMORPHOSEON L. II. 37

Fit nova Cycnus avis : nec se cœloque Jovique
Credit , ut injustè missi memor ignis ab illo.
Stagna petit , patulosque lacus : ignemque perosus ,
Quæ colat , elegit contraria flumina flammis. 380

Squalidus interea genitor Phaëthontis , & expers
Ipse sui decoris , qualis , cùm deficit orbem ,
Esse solet : lucemque odit , seque ipse , diemque ;
Datque animum in luctus , & luctibus adjicit iram :
Officiumque negat mundo. Satis , inquit , ab ævi 385
Sors mea principiis fuit irrequieta : pigetque
Actorum sine fine mihi , sine honore , laborum.
Quilibet alter agat portantes lumina currus.
Si nemo est , omnesque Dei non posse fatentur ,
Ipse agat : ut saltem , dum nostras tentat habenas , 390
Orbatura patres aliquando fulmina ponat.
Tum sciet , ignipedum vires expertus equorum ,
Non meruisse necem , qui non bene rexerit illos.
Talia dicentem circumstant omnia Solem
Numina : neve velit tenebras inducere rebus , 395
Supplice voce rogant. Missos quoque Juppiter ignes
Excusat , precibusque minas regaliter addit.
Colligit amentes , & adhuc terrore paventes ,
Phœbus equos : stimuloque domans & verberare , sævit ;
(Sævit enim ,) natumque objectat & imputat illis. 400

At Pater omnipotens ingentia mœnia cœli
Circuit : & , ne quid labefactum viribus ignis
Corruat , explorat. Quæ post quàm firma , suique
Roboris esse videt ; terras hominumque labores
Perspicit. Arcadiæ tamen est impensior illi 405
Cura suæ : fontesque , & nondum audentia labi
Flumina restituit. Dat terræ gramina , frondes
Arboribus ; læsasque jubet revirescere silvas.
Dum redit itque frequens , in virgine Nonacrinâ
Hæsit : & accepti caluere sub ossibus ignes. 410

- Non erat hujus opus lanam mollire trahendo ;
 Nec positu variare comas. Ubi fibula vestem ,
 Vitta coercuerat neglectos alba capillos ,
 Et modò lève manu jaculum , modò sumserat arcum ;
 415 Miles erat Phœbes ; nec Mænalon attigit ulla
 Grator hac Triviæ. Sed nulla potentia longa est.
 Ulterius medio spatium Sol altus habebat ,
 Cùm subit illa nemus , quod nulla ceciderat ætas.
 Exuit hic humero pharetram , lentosque retendit
 420 Arcus : inque solo , quod texerat herba , jacebat ;
 Et pictam positâ pharetram cervice premebat.
 Juppiter ut vidit fessam , & custode vacantem ;
 Hoc certè conjux furtum mea nesciet , inquit :
 Aut si rescierit , sunt , ô ! sunt jurgia tanti.
 425 Protinus induitur faciem cultumque Dianæ ,
 Atque ait ; O ! comitum , virgo , pars una mearum ,
 In quibus es venata jugis ? de cespite virgo
 Se levat : & , Salve numen , me judice , dixit ,
 Audiat ipse licet , majus Jove. Ridet , & audit ,
 430 Et sibi præferri se gaudet ; & oscula jungit ,
 Nec moderata fatis , nec sic a virgine danda.
 Quâ venata foret silvâ narrare parantem
 Impedit amplexu : nec se sine crimine prodit.
 Illa quidem contra , quantum modò femina possit ,
 435 (Aspiceres utinam , Saturnia , mitior esses !)
 Illa quidem pugnat : sed quæ superare puella ,
 Quisve Jovem poterat ? Superum petit æthera victor
 Juppiter : huic odio nemus est , & conscia silva.
 Unde , pedem referens , pæne est oblita pharetram
 440 Tollere cum telis , & , quem suspenderat , arcum.
 Ecce , suo comitata choro Dictynna per altum
 Mænalon ingrediens , & cæde superba ferarum ,
 Aspicit hanc , visamque vocat : clamata refugit ,
 Et timuit primò ; ne Juppiter esset in illa.
 445 Sed post quàm pariter Nymphas incedere vidit ,
 Sensit abesse dolos : numerumque accessit ad harum.

METAMORPHOSEON L. II. 39

Heu ! quàm difficile est , crimen non prodere vultu !
 Vix oculos attollit humo : nec , ut ante solebat :
 Juncta Deæ lateri , nec toto est agmine prima :
 Sed silet , & læsi dat signa rubore pudoris. 450
 Et , nisi quod virgo est , poterat sentire Diana
 Mille notis culpam : Nymphæ sensisse feruntur.
 Orbe resurgebant Lunaria cornua nono ,
 Cùm Dea venatrix , fraternis languida flammis ,
 Nacta nemus gelidum , de quo cum murmure labens 455
 Ibat , & attritas versabat rivus arenas.
 Ut loca laudavit , summas pede contigit undas.
 His quoque laudatis ; Procul est , ait , arbiter omnis ;
 Nuda superfusis tingamus corpora lymphis.
 Parrhasis erubuit : cunctæ velamina ponunt ; 460
 Una moras quærit : dubitanti vestis adempta est ;
 Quâ posita , nudo patuit cum corpore crimen.
 Attonitæ , manibusque uterum celare volenti ,
 I procul hinc , dixit , nec sacros pollue fontes ,
 Cynthia : deque suo jussit secedere cœtu. 465
 Senferat hoc olim magni matrona Tonantis ,
 Distuleratque graves in idonea tempora pœnas.
 Causa moræ nulla est : & jam puer Arcas , id ipsum
 Indoluit Juno , fuerat de pellice natus.
 Quò simul obvertit sævam cum lumine mentem ; 470
 Scilicet hoc unum restabat , adultera , dixit ,
 Ut secunda fores , fieretque injuriæ partu
 Nota , Jovisque mei testatum dedecus esset !
 Haud impune feres : adimam tibi nempe figuram ,
 Quâ tibi , quâque places nostro , importuna , marito. 475
 Dixit : & , adversâ prenis a fronte capillis ,
 Stravit humi pronam. Tendebat brachia supplex ;
 Brachia cœperunt nigris horrescere villis ,
 Curvarique manus , & aduncos crescere in ungues ,
 Officioque pedum fungi : laudataque quondam 480
 Ora Jovi , lato fieri deformia risu.
 Neve preces animos , & verba potentia flectant ,

40 P. OVIDII NASONIS

Posse loqui eripitur : vox iracunda minaxque ,
Plenaque terroris rauco de gutture fertur.

- 485 Mens antiqua tamen factâ quoque mansit in urſa.
Assiduoque ſuos gemitu teſtata dolores ,
Qualeſcumque manus ad cœlum & ſidera tollit ;
Ingratumque Jovem , nequeat cùm dicere , ſentit.
Ah ! quoties , ſolâ non auſa quieſcere ſilvâ ,
490 Ante domum , quondamque ſuis erravit in agris !
Ah ! quoties per ſaxa canum latratibus acta eſt !
Venatrixque metu venantùm territa fugit !
Sæpe feris latuit viſis , oblita quid eſſet ;
Urſaque conſpectos in montibus horruit urſos ;
495 Pertimuitque lupos , quamvis pater eſſet in illis.

- Ecce Lycaoniæ proles ignara parenti
Arcas adeſt , ter quinque ferè natalibus actis.
Dumque feras ſequitur , dum ſaltus eligit aptos ,
Nexilibusque plagis ſilvas Erymanthidas ambit ,
500 Incidit in matrem , quæ reſtitit , Arcade viſo ,
Et cognoscenti ſimilis fuit. Ille reſûgit ,
Immotosque oculos in ſe ſine fine tenentem
Neſcius extimuit : propiusque accedere aventi
Vulnifico fuerat fixurus peſtora telo.
505 Arcuit Omnipotens : pariterque ipſosque neſasque
Suſtulit ; & celeri raptos per inania vento
Impoſuit cœlo , vicinaque ſidera fecit.

- Intumuit Juno , poſt quàm inter ſidera pellex
Fulſit : & ad canam deſcendiſ in æquora Tethyn ,
510 Oceanumque ſenem ; quorum reverentia movit
Sæpe Deos : cauſamque viæ ſcitantibus inſit.
Quæritis , æthereis quare regina Deorum
Sedibus huc adſim ? pro me tenet altera cœlum.
Mentiar , obſcurum niſi nox cùm fecerit orbem ,
515 Nuper honoratas ſummo , mea vulnera , cœlo
Videritis ſtellas illic , ubi circulus axem

METAMORPHOSEON L. II. 41

Ultimus extremum , spatiumque brevissimum , ambit.
 Est verò , cur quis Junonem lædere nolit ,
 Offensamque tremat ! quæ prosum sola nocendo.
 En ego quantum egi ! quàm vasta potentia nostra est ! 520
 Esse hominem vetui : facta est Dea. Sic ego pœnas
 Sontibus impono : sic est mea magna potestas.
 Vindictæ antiquam faciem , vultusque ferinos
 Detrahat : Argolicâ quod in ante Phoronide fecit.
 Cur non & pulsâ ducat Junone , meoque 525
 Collocet in thalamo , socerumque Lycaona sumat ?
 At vos si læsæ contemptus tangit alumna ,
 Gurgite cæruleo septem prohibete Triones ;
 Sideraque in cœlo , stupri mercede , recepta
 Pellite : ne puro tingatur in æquore pellex. 530
 Dî maris annuerant. Habili Saturnia curru
 Ingreditur liquidum pavonibus aëra pictis ;
 Tam nuper pictis cæso pavonibus Argo ,
 Quàm tu nuper eras , cùm candidus ante fuisses ,
 Corve loquax , subito nigrantes versus in alas. 535
 Nam fuit hæc quondam niveis argentea pennis
 Ales , ut æquaret totas sine labe columbas ;
 Nec servaturis vigili Capitolia voce
 Cederet anseribus , nec amanti flumina cycno.
 Lingua fuit damno : linguâ faciente loquaci , 540
 Cui color albus erat , nunc est contrarius albo.
 Pulchrior in tota , quam Larissæa Coronis ,
 Non fuit Hæmoniâ. Placuit tibi , Delphice , certè ,
 Dum vel casta fuit , vel inobservata. Sed ales
 Sensit adulterium Phœbeius : utque latentem 545
 Detegeret culpam , non exorabilis index ,
 Ad dominum tendebat iter : quem garrula motis
 Consequitur pennis , scitetur ut omnia , cornix.
 Auditâque viæ causâ ; Non utile carpis ,
 Inquit , iter : ne sperne meæ præfagia linguæ. 550

Quid fuerim, quid sinque, vide ; meritumque require ;

42 P. OVIDII NASONIS

- Invenies nocuisse fidem. Nam tempore quodam
Pallas Erichthonium, prolem sine matre creatam,
Clauserat Actæo textâ de vimine cistâ ;
555 Virginibusque tribus gemino de Cecrope natis
Hanc legem dederat, sua ne secreta viderent.
Abdita fronde levi, densâ speculabar ab ulmo,
Quid facerent. Commissa duæ sine fraude tuentur,
Pandrosos atque Herse : timidas vocat una sorores
560 Aglauros, nodosque manu diducit : at intus
Infantemque vident, apporrectumque draconem.
Acta Deæ refero : pro quo mihi gratia talis
Redditur, ut dicar tutelâ pulsa Minervæ ;
Et ponar post noctis avem. Mea pœna volucres
565 Admonuisse potest, ne voce pericula quærant.
At, puto, non ultro, nec quicquam tale rogantem
Me petiit. Ipsâ licet hoc a Pallade quæras ;
Quamvis irata est, non hoc irata negabit.
Nam me Phocaïcâ clarus tellure Coroneus,
570 Nota loquor, genuit : fueramque ego regia virgo ;
Divitibusque procis, ne me contemne, petebar.
Forma mihi nocuit : nam, dum per litora lentis
Passibus, ut soleo, summâ spatiarer arenâ,
Vidit, & incaluit pelagi Deus : utque precando
575 Tempora cum blandis consumsit inania verbis ;
Vim parat, & sequitur : fugio, densumque relinquo
Litus, & in molli nequicquam lassor arenâ.
Inde Deos hominesque voco : nec contigit ullum
Vox mea mortalem : mota est pro virgine virgo,
580 Auxiliumque tulit. Tendebam brachia cœlo :
Brachia cœperunt levibus nigrescere pennis.
Rejicere ex humeris vestem molibar ; at illa
Pluma erat, inque cutem radices egerat imas.
Plangere nuda meis conabar pectora palmis ;
585 Sed neque jam palmas, nec pectora nuda gerebam.
Currebam ; nec, ut ante, pedes retinebat arena ;
Et summâ tollebar humo : mox acta per auras

METAMORPHOSEON L. II. 43

Evehor, & data sum comes inculcata Minervæ.
Quid tamen hoc prodest, si, diro facta volucris
Crimine, Nyctimene nostro successit honori? 590

An, quæ per totam res est notissima Lesbos,
Non audita tibi est? patrium temerasse cubile
Nyctimenen? Avis illa quidem: sed conscia culpæ
Conspectum lucemque fugit, tenebrisque pudorem
Celat; & a cunctis expellitur æthere toto. 595

Talia dicenti, Tibi, ait, revocamina, corvus,
Sint precor ista malo: nos vanum spernimus omen.
Nec coeptum dimittit iter: dominoque jacentem
Cum juvene Hæmonio vidisse Coronida narrat.
Laurea delapsa est, audito crimine amantis; 600
Et pariter vultusque Deo, plectrumque, colorque
Excidit: utque animus timidâ fervebat ab ira,
Arma assueta rapit, flexumque a cornibus arcum
Tendit: & illa suo toties cum pectore juncta
Indevitato trajecit pectora telo. 605
Ista dedit gemitum, tractoque a vulnere ferro,
Candida puniceo perfudit membra cruore;
Et dixit, Potui pœnas tibi, Phœbe, dedisse;
Sed peperisse prius: duo nunc moriemur in una.
Hætenus: & pariter vitam cum sanguine fudit. 610
Corpus inane animæ frigus letale secutum est.

Pœnitet heu! serò pœnæ crudelis amantem;
Seque, quod audierit, quod sic exarferit, odit.
Odit avem, per quam crimen causamque dolendi
Scire coactus erat: nervumque, arcumque, manumque 615
Odit; cumque manu, temeraria tela, sagittas.
Collapsamque fovet, serâque ope vincere fata
Nititur, & medicas exercet inaniter artes.
Quæ post quàm frustra tentata; rogumque parari
Sensit, & arsfuros supremis ignibus artus, 620

44 P. OVIDII NASONIS

- Tum verò gemitus (neque enim cœlestia tingi
Ora decet lacrymis) alto de corde petitos
Edidit. Haud aliter , quàm cùm , spectante juvencâ ,
Lactentis vituli , dextrâ libratus ab aure ,
625 Tempora discussit claro cava malleus ictu.
Ut tamen ingratos in pectora fudit odores ,
Et dedit amplexus , injustaque justa peregit ;
Non tulit in cineres labi sua Phœbus eosdem
Semina : sed natum flammis uteroque parentis
630 Eripuit , geminique tulit Chironis in antrum.
Sperantemque sibi non falsæ præmia linguæ ,
Inter aves albas vetuit considerare corvum.

- Semifer interea divinæ stirpis alumno
Lætus erat , mixtoque oneri gaudebat honore.
635 Ecce venit , rutilis humeros protecta capillis ,
Filia Centauri : quam quondam Nympha Chariclo ,
Fluminis in rapidi ripis enixa , vocavit
Ocyroën : non hæc artes contenta paternas
Addidicisse fuit , fatorum arcana canebat.
640 Ergo ubi fatidicos concepit mente furores ,
Incaluitque Deo , quem clausum pectore habebat ;
Aspicit infantem ; Totique salutifer orbi
Cresce , puer , dixit : tibi se mortalia sæpe
Corpora debebunt : animas tibi reddere ademptas
645 Fas erit : idque semel , Dis indignantibus , ausus ,
Posse dare hoc iterum flammâ prohibebere avitâ ;
Eque Deo corpus fies exsangue : Deusque ,
Qui modò corpus eras : & bis tua fata novabis.
Tu quoque , care pater , non jam mortalis , & ævis
650 Omnibus ut maneat , nascendi lege creatus ;
Posse mori cupies tum , cùm cruciabere , diræ
Sanguine serpentis per faucia membra recepto.
Teque ex æterno patientem numina mortis
Efficient ; triplicesque Deæ tua fila solvent.
655 Restabat fati aliquid : suspirat ab imis

METAMORPHOSEON L. II. 45

Pectoribus, lacrymæque genis labuntur obortæ;
Atque ita, Prævertunt, inquit, me fata; vectorque
Plura loqui; vocisque meæ præcluditur usus.
Non fuerant artes tanti, quæ numinis iram
Contraxere mihi: mallem nescisse futura. 660
Jam mihi subduci facies humana videtur;
Jam cibus herba placet: jam latis currere campis
Impetus est: in equam, cognataque corpora, vertor.
Tota tamen quare? pater est mihi nempe biformis.
Talia dicenti pars est extrema querelæ 665
Intellecta parum, confusaque verba fuere.
Mox nec verba quidem, nec equæ sonus ille videtur;
Sed simulantis equam: parvoque in tempore certos
Edidit hinnitus, & brachia movit in herbas.
Tum digiti coeunt, & quinos alligat ungues 670
Perpetuo cornu levis ungula: crescit & oris,
Et colli spatium: longæ pars ultima pallæ
Cauda fit: utque vagi crines per colla jacebant,
In dextras abiere jubas: pariterque novata est
Et vox & facies: nomen quoque monstra dedere. 675

Flebat, opemque tuam frustra Philyreius heros,
Delphice, poscebat: sed nec rescindere magni
Jussa Jovis poteras: nec, si rescindere posses,
Tunc aderas. Elin Messaniaque arva colebas.
Illud erat tempus, quo te pastoria pellis 680
Texit, onusque fuit baculum silvestre sinistra;
Alterius, cispas septenis fistula cannis.
Dumque amor est curæ, dum te tua fistula mulcet;
Incustoditæ Pylios memorantur in agros
Processisse boves. Videt has Atlantide Majâ 685
Natus; & arte suâ silvis occultat abactas.
Senferat hoc furtum nemo, nisi notus in illo
Rure senex: Battum vicinia tota vocabant.
Divitis hic saltus herboæque pascua Nelei,
Nobiliumque greges custos servabat equarum. 690

46 *P. OVIDII NASONIS*

- Hunc timuit, blandâque manu seduxit : & , Eia ,
 Quisquis es , hospes , ait , si forte armenta requireret
 Hæc aliquis , vidisse nega : neu gratia facta
 Nulla rependatur , nitidam cape præmia, vaccam.
 69; Et dedit. Acceptâ voces has reddidit hospes ;
 Tutus eas : lapis iste prius tua furta loquatur.
 Et lapidem ostendit. Simulat Jove natus abire ;
 Mox redit : & versâ pariter cum voce figura ;
 Rustice , vidisti si quas hoc limite, dixit ,
 700 Ire boves , fer opem ; furtoque silentia deme :
 Juncta suo pretium dabitur tibi femina tauro.
 At senior , post quàm merces geminata , Sub illis
 Montibus, inquit, erant : & , Erant sub montibus illis.
 Risit Atlantiades ; & , Me mihi , perfide , prodis ?
 705 Me mihi prodis ? ait : perjuraque pectora vertit
 In durum silicem , qui nunc quoque dicitur Index ;
 Inque nihil merito vetus est infamia saxo.

- Hinc se sustulerat paribus Caducifer alis ;
 Munychiosque volans agros , gratamque Minervæ
 710 Despectabat humum , cultique arbuta Lycæi.
 Illâ fortè die castæ de more puellæ ,
 Vertice supposito , festas in Palladis arces
 Pura coronatis portabant sacra canistris.
 Inde revertentes Deus aspicit ales : iterque
 715 Non agit in rectum , sed in orbem curvat eundem.
 Ut volucris visis rapidissima miluüs extis ,
 Dum timet , & densi circumstant sacra ministri ,
 Flestitur in gyrum , nec longiùs audet abire ;
 Spemque suam motis avidus circumvolat alis :
 720 Sic super Aetæas agilis Cyllenius arces
 Inclinat cursus , & easdem circinat auras.
 Quanto splendidior , quàm cetera sidera , fulget
 Lucifer ; & quanto te , Lucifer , aurea Phœbe ;
 Tanto virginibus præstantior omnibus Herse
 725 lbat : eratque decus pompæ , comitumque suarum.

Obstupuit formâ Jove natus : & æthere pendens
 Non secus exarsit , quàm cùm Balearica plumbum
 Funda jacit : volat illud , & incandescit eundo ;
 Et quos non habuit , sub nubibus invenit , ignes.
 Vertit iter ; cœloque , petit diversa , relicto : 730
 Nec se dissimulat : tanta est fiducia formæ.
 Quæ quamquam iusta est , curâ tamen adjuvat illam ;
 Permulcetque comas , chlamydemque , ut pendeat apte ,
 Collocat : ut limbus , totumque appareat aurum ;
 Ut teres in dextra , qua somnos ducit & arcet , 735
 Virga sit ; ut tersis niteant talaria plantis.
 Pars secreta domûs ebore & testudine cultos
 Tres habuit thalamos : quorum tu , Pandrose , dextrum ,
 Aglauros lævum , medium possederat Herse.
 Quæ tenuit lævum , venientem prima notavit 740
 Mercurium : nomenque Dei scitarier ausa est ,
 Et causam adventûs. Cui sic respondit Atlantis
 Pleïonesque nepos : Ego sum , qui iussa per auras
 Verba patris porto. Pater est mihi Juppiter ipse ;
 Nec fingam causas. Tu tantum fida sorori 745
 Esse velis , prolisque meæ matertera dici.
 Herse causa viæ : faveas oramus amanti.
 Aspicit hunc oculis isdem , quibus abdita nuper
 Viderat Aglauros flavæ secreta Minervæ ;
 Proque ministerio magni sibi ponderis aurum. 750
 Postulat : interea tectis excedere cogit.
 Vertit ad hanc torvi Dea bellica luminis orbem ;
 Et tanto penitus traxit suspiria motu ,
 Ut pariter pectus , positamque in pectore forti
 Ægida concuteret. Subit , hanc arcana profanâ 755
 Detexisse manu tum , cùm sine matre creatam ,
 Lemnicolæ stirpem contra data fœdera vidit ;
 Et gratamque Deo fore jam , gratamque sorori ;
 Et ditem sumto , quod avara poposcerit , auro.
 Protinus Invidiæ , nigro squalentia tabo , 760
 Testa petit. Domus est imis in vallibus antri

48 P. OVIDII NASONIS

- Abdita, sole carens, non ulli pervia vento,
 Tristis, & ignavi plenissima frigoris; & quæ
 Igne vacet semper, caligine semper abundet.
- 765 Huc ubi pervenit belli metuenda virago,
 Constat ante domum: neque enim succedere tectis
 Fas habet; & postes extremâ cuspide pulsat.
 Concussæ patuere fores. Videt intus edentem
 Vipereas carnes, vitiorum alimenta suorum,
- 770 Invidiam: visâque, oculos avertit. At illa
 Surgit humo pigrâ, semefarumque relinquit
 Corpora serpentum, passuque incedit inerti.
 Utque Deam vidit formâque armisque decoram,
 Ingemuit: vultumque ima ad suspiria duxit.
- 775 Pallor in ore sedet: macies in corpore toto;
 Nusquam recta acies: livent rubigine dentes;
 Pectora felle virent: lingua est suffusa veneno.
 Ritus abest, nisi quem visi movêre dolores:
 Nec fruitur somno, vigilacibus excita curis;
- 780 Sed videt ingratos, intabescitque videndo,
 Successus hominum; carpitque & carpitur unâ;
 Suppliciumque suum est. Quamvis tamen oderat illam,
 Talibus affata est breviter Tritonia dictis.
 Infice tabe tuâ natarum Cecropis unam.
- 785 Sic opus est. Aglauros ea est. Haud plura locuta
 Fugit, & impressâ tellurem repulit hastâ.
 Illa Deam obliquo fugientem lumine cernens,
 Murmura parva dedit; successurumque Minervæ
 Indoluit: baculumque capit, quod spinea totum
- 790 Vincula cingebant; adopertaque nubibus atris,
 Quacumque ingreditur, florentia proterit arva,
 Exuritque herbas, & summa cacumina carpit;
 Afflatuque suo populos, urbesque, domosque,
 Polluit: & tandem Tritonida conspicit arcem,
- 795 Ingeniis, opibusque, & festâ pace virentem:
 Vixque tenet lacrymas, quia nil lacrymabile cernit.
 Sed post quàm thalamos intravit Cecrope natæ,

Justa

METAMORPHOSEON L. II. 49

Iussa facit : pectusque manu ferrugine tincta
 Tangit, & hamatis præcordia sentibus implet,
 Inspiratque nocens virus : piceumque per ossa 800
 Dissipat, & medio spargit pulmone, venenum.
 Neve mali spatium causæ per latius errent,
 Germanam ante oculos, fortunatumque sororis
 Conjugium, pulchrâque Deum sub imagine ponit;
 Cunctaque magna facit. Quibus irritata, dolore 805
 Cecropis occulto mordetur : & anxia nocte,
 Anxia luce gemit; lentâque miserrima tabe
 Liquitur, ut glacies incerto faucia sole.
 Felicisque bonis non seciùs uritur Heres,
 Quàm cum spinosis ignis supponitur herbis, 810
 Quæ neque dant flammæ, lenique tepore cremantur.
 Sæpe mori voluit, ne quicquam tale videret;
 Sæpe velut crimen rigido narrare parenti.
 Denique in adverso venientem limine sedit
 Exclusura Deum : cui blandimenta, precesque, 815
 Verbaque jactanti mitissima; Desine, dixit;
 Hinc ego me non sum nisi te motura repulso.
 Stemus, ait, pacto, velox Cyllenius, isto;
 Cælatasque fores virgâ patefecit. At illi
 Surgere conanti partes, quascumque sedendo 820
 Flestimur, ignavâ nequeunt gravitate moveri.
 Illa quidem recto pugnat se attollere trunco;
 Sed genuum junctura riget, frigusque per ungues
 Labitur; & pallent, amisso sanguine, venæ.
 Utque malum latè solet immedicabile cancer 825
 Serpere, & illæsas vitiatas addere partes;
 Sic letalis hiems paulatim in pectora venit,
 Vitalesque vias & respiramina clausit.
 Nec conata loqui est : nec, si conata fuisset,
 Vocis haberet iter. Saxum jam colla tenebat, 830
 Oraque duruerant, signumque exsangue sedebat.
 Nec lapis albus erat : sua mens infecerat illam.

50 *P. OVIDII NASONIS*

- Has ubi verborum pœnas , mentisque profanæ ,
 Cepit Atlantiades ; dictas a Pallade terras
 835 Linqvit , & ingreditur jactatis æthera pennis.
 Sevocat hunc genitor : nec causam fassus amoris ,
 Fide minister , ait , jussorum , nate , meorum ,
 Pelle moram , solitoque celer delabere cursu ;
 Quæque tuam matrem tellus a parte sinistra
 840 Suspicit , indigenæ Sidonida nomine dicunt ,
 Hanc pete : quodque procul montano gramine pasci
 Armentum regale vides , ad litora verte.
 Dixit : & expulsi jam dudum monte juvenci
 Litora jussa petunt , ubi magni filia regis
 845 Ludere , virginibus Tyriis comitata , solebat.
 Non bene conveniunt , nec in una sede morantur ,
 Majestas & amor. Sceptri gravitate relictâ ,
 Ille pater rectorque Deum , cui dextra trifulcis
 Ignibus armata est , qui nutu concutit orbem ;
 850 Induitur faciem tauri : mixtusque juvencis
 Mugit , & in teneris formosus obambulat herbis.
 Quippe color nivis est , quam nec vestigia duri
 Calcavere pedis , nec solvit aquaticus Auster.
 Colla toris exstant : armis palearia pendent ;
 855 Cornua parva quidem ; sed quæ contendere possis
 Facta manu , purâque magis perlucida gemmâ.
 Nullæ in fronte minæ , nec formidabile lumen :
 Pacem vultus habet. Miratur Agenore nata ,
 Quod tam formosus , quod prælia nulla minetur.
 860 Sed , quamvis mitem , metuit contingere primò ;
 Mox adit , & flores ad candida porrigit ora.
 Gaudet amans : & , dum veniat sperata voluptas ,
 Oscula dat manibus : vix ah ! vix cetera differt.
 Et nunc alludit , viridique exsultat in herba ;
 865 Nunc latus in fulvis niveum deponit arenis.
 Paulatimque metu demto , modò pectora præbet
 Virgineâ plaudenda manu ; modò cornua fertis
 Impedienda novis. Ausa est quoque regia virgo ,

METAMORPHOSEON L. II. 51

Nescia quem premeret, tergo considerare tauri.
Cum Deus a terra, siccoque a litore, sensim 870
Falsa pedum primis vestigia ponit in undis.
Inde abit ulterius, mediique per æquora ponti
Fert prædam. Pavet hæc, litusque ablata relictum
Respicit: & dextrâ cornum tenet; altera dorso
Imposita est: tremulæ sinuantur flamine vestes. 875





OVIDII NASONIS
METAMORPHOSEON
LIBER TERTIUS.

- J**AMQUE Deus, positâ fallacis imagine tauri,
Se confessus erat; Dictæaque rura tenebat.
Cum pater ignarus Cadmo perquirere raptam
Imperat: & pœnam, si non invenerit, addit
5 Exsiliium, facto pius & sceleratus eodem.
Orbe pererrato, (quis enim deprendere possit
Furta Jovis?) profugus, patriamque iramque parentis
Vitat Agenorides; Phœbique oracula supplex
Consultit: &, quæ sit tellus habitanda, requirit.
10 Bos tibi, Phœbus ait, solis occurret in arvis,
Nullum passa jugum, curvique immunis aratri.
Hac duce, carpe vias: &, quâ requieverit herbâ,
Mœnia fac condas, Bœotiaque illa vocato.
Vix bene Castalio Cadmus descenderat antro:
15 Incustoditam lentè videt ire juvencam,
Nullum servitii signum cervice gerentem.
Subsequitur, pressoque legit vestigia gressu,
Auctoremque viæ Phœbum taciturnus adorat.
Jam vada Cephisi, Panopesque evaserat ava
20 Bos, stetit; &, tollens spatiosam cornibus altis
Ad cœlum frontem, mugitibus impulit auras.
Atque ita, respiciens comites sua terga sequentes,

METAMORPHOSEON L. III. 53

Procubuit, tenerâque latus submisit in herba.
Cadmus agit grates, peregrinæque oscula terræ
Figit: & ignotos montes agrosque salutat. 25
Sacra Jovi facturus erat: jubet ire ministros,
Et petere e vivis libandas fontibus undas.
Silva vetus stabat, nullâ violata securi:
Est specus in medio, virgis ac vimine densus,
Efficiens humilem lapidum compagibus arcum; 30
Uberibus fecundus aquis. Hoc conditus antro
Martius anguis erat, cristis præsignis & auro.
Igne micant oculi: corpus tumet omne veneno:
Tresque vibrant linguæ, triplici stant ordine dentes.
Quem post quàm Tyriâ lucum de gente profecti 35
Infausto tetigere gradu, demissaque in undas
Urna dedit sonitum; longum caput extulit antro.
Cæruleus serpens, horrendaque sibila misit.
Effluxere urnæ manibus: sanguisque relinquit
Corpus, & attonitos subitus tremor occupat artus. 40
Ille volubilibus squamosos nexibus orbes
Torquet, & immensos saltu sinuatur in arcus;
Ac mediâ plus parte leves erectus in auras
Despicit omne nemus: tantoque est corpore, quanto,
Si totum spectes, geminas qui separat Arctos. 45
Nec mora: Phœnicas, (sive illi tela parabant,
Sive fugam; sive ipse timor prohibebat utrumque,)
Occupat, hos morsu, longis complexibus illos:
Hos necat afflatus funesti tabe veneni.
Fecerat exiguas jam Sol altissimus umbras; 50
Quæ mora sit sociis, miratur Agenore natus,
Vestigatque viros. Tegimen derepta leoni
Pellis erat: telum splendenti lancea ferro,
Et jaculum: teloque animus præstantior omni.
Ut nemus intravit, letataque corpora vidit, 55
Victoremque supra, spatiosi corporis, hostem,
Tristia sanguineâ lambentem vulnera linguâ;
Aut ultor vestræ, fidissima corpora, mortis,

- Aut comes, inquit, ero. Dixit: dextrâque molarem
 60 Sustulit, & magnum magno conamine misit.
 Illius impulsu cum turribus ardua celsis
 Mœnia mota forent: serpens sine vulnere mansit;
 Loricæque modo, squamis defensus, & atræ
 Duritiâ pellis, validos cute repulit ictus.
 65 At non duritiâ jaculum quoque vincit eâdem,
 Quod medio lentæ fixum curvamine spinæ
 Constitit, & toto descendit in ilia ferro.
 Ille, dolore ferox, caput in sua terga retorsit;
 Vulneraque aspexit, fixumque hastile momordit.
 70 Idque, ubi vi multâ partem labefecit in omnem,
 Vix tergo eripuit: ferrum tamen ossibus hæret.
 Tum verò, post quàm solitas accessit ad iras
 Plaga recens, plenis tumuerunt guttura venis,
 Spumaque pestiferos circumfluit albida rictus;
 75 Terraque rafa sonat squamis: quique halitus exit
 Ore niger Stygio, vitiatas inficit auras.
 Ipse modò immensum spiris facientibus orbem
 Cingitur; interdum longâ trabe rectior exit:
 Impete nunc vasto, ceu concitus imbribus amnis,
 80 Fertur, & obstantes proturbat pectore silvas.
 Cedit Agenorides paulum, spolioque leonis
 Sustinet incurfus; instantiaque ora retardat
 Cuspide prætentâ. Furit ille, & inania duro
 Vulnere dat ferro, frangitque in acumine dentes.
 85 Jamque venenifero sanguis manare palato
 Cœperat, & virides aspergine tinxerat herbas:
 Sed leve vulnus erat; quia se retrahebat ab ictu,
 Læsaque colla dabat retro; plagamque sedere
 Cedendo arcebat, nec longiùs ire sinebat.
 90 Donec Agenorides coniectum in gutture ferrum
 Usque sequens pressit: dum retro quercus eunti
 Obstetit, & fixa est pariter cum robore cervix.
 Pondere serpentis curvata est arbor, & imæ
 Parte flagellari gemuit sua robora caudæ.

METAMORPHOSEON L. III. 55

Dum spatium victor victi considerat hostis , 95
 Vox subito audita est : neque erat cognoscere promptum
 Unde ; sed audita est. Quid , Agenore nate , peremtum
 Serpentem spectas ? & tu spectabere serpens.
 Ille diu pavidus , pariter cum mente colorem
 Perdiderat ; gelidoque comæ terrore rigeabant. 100
 Ecce viri faultrix , superas delapsa per auras ,
 Pallas adest : motæque jubet supponere terræ
 Vipereos dentes , populi incrementa futuri.
 Paret : & , ut presso sulcum patefecit aratro ,
 Spargit humi jussos , mortalia semina , dentes. 105
 Inde , fide majus , glebæ cœpere moveri ;
 Primaque de sulcis acies apparuit hastæ.
 Tegmina mox capitum picto nutantia cono ;
 Mox humeri pectusque , onerataque brachia telis
 Exsistunt : crescitque seges clypeata virorum. 110
 Sic , ubi tolluntur festis aulæa theatris ,
 Surgere signa solent , primumque ostendere vultum ;
 Cetera paulatim ; placidoque educta tenore
 Tota patent , imoque pedes in margine ponunt.
 Territus hoste novo Cadmus capere arma parabat ; 115
 Ne cape , de populo , quem terra creaverat , unus
 Exclamat : nec te civilibus inferre bellis.
 Atque ita , terrigenis rigido de fratribus unum
 Cominus ense ferit : jaculo cadit eminus ipse.
 Hic quoque , qui leto dederat , non longius illo 120
 Vivit , & exspirat , modò quas acceperat , auras.
 Exemploque pari furit omnis turba : suoque
 Marte cadunt subiti per mutua vulnera fratres.
 Jamque brevis spatium vitæ sortita juvenlus
 Sanguineam trepido plangebant pectore matrem , 125
 Quinque superstilibus : quorum fuit unus Echion.
 Is sua jecit humi , monitu Tritonidis , arma ;
 Fraternalque fidem pacis petiitque deditque.
 Hos operis comites habuit Sidonius hospes ;
 Cum posuit jussam Phœbæis sortibus urbem. 130

Jam stabant Thebæ : poteras jam , Cadme , videri
 Exsilio felix : foci tibi Marsque Venusque
 Contigerant : huc adde genus de conjuge tantâ ,
 Tot natos natasque , & , pignora cara , nepotes ;
 135 Hos quoque jam juvenes. Sed, scilicet, ultima semper
 Expectanda dies homini : dicique beatus
 Ante obitum nemo supremæque funera debet.

Prima nepos inter tot res tibi , Cadme , secundas
 Causa fuit luctûs , alienaque cornua fronti
 140 Addita , vosque , canes , fatiatæ sanguine herili.
 At bene si quæras , Fortunæ crimen in illo ,
 Non scelus invenies : quod enim scelus error habebat ?
 Mons erat , infectus variarum cæde ferarum ;
 Jamque dies rerum medias contraxerat umbras ,
 145 Et Sol ex æquo metâ distabat utrâque ;
 Cum juvenis placido per devia lustra vagantes
 Participes operum compellat Hyantius ore.
 Lina madent , comites , ferrumque cruore ferarum ;
 Fortunamque dies habuit satis : altera lucem
 150 Cum croceis evecta rotis Aurora reducet ,
 Propositum repetamus opus : nunc Phœbus utrâque
 Distat idem terrâ , finditque vaporibus arva :
 Sistite opus præfens , nodosæque tollite lina.
 Jussa viri faciunt , intermittuntque laborem.
 155 Vallis erat piceis & acutâ densa cupressu ,
 Nomine Gargaphie , succinctæ sacra Dianæ :
 Cujus in extremo est antrum nemorale recessu ,
 Arte laboratum nullâ : simulaverat artem
 Ingenio Natura suo : nam , pumice vivo ,
 160 Et levibus topis , nativum duxerat arcum.
 Fons sonat a dextra , tenui perlucidus undâ ,
 Margine gramineo patulos incinctus hiatus.
 Hic Dea silvarum , venatu fessa , solebat
 Virgineos artus liquido perfundere rore.
 165 Quò post quàm subiit ; Nympharum tradidit uni

METAMORPHOSEON L. III. 57

Armigeræ jaculum, pharetramque, arcusque retentos.
 Altera depositæ subjecit brachia pallæ.
 Vincla duæ pedibus demunt: nam doctior illis
 Ismenis Crocale, sparfos per colla capillos
 Colligit in nodum; quamvis erat ipsa solutis. 170
 Excipiunt laticem Nepheleque, Hyaleque, Rhanisque,
 Et Pſecæ, & Phiale; funduntque capacibus urnis.
 Dumque ibi perluitur solitâ Titania lymphâ,
 Ecce nepos Cadmi, dilatâ parte laborum,
 Per nemus ignotum, non certis passibus errans, 175
 Pervenit in lucum: sic illum fata ferebant.
 Qui simul intravit rorantia fontibus antra;
 Sicut erant, viso, nudæ sua pectora Nymphæ
 Percussere, viro: subitisque ululatibus omne
 Implevere nemus: circumfusæque Dianam 180
 Corporibus texere suis: tamen altior illis
 Ipsa Dea est, colloque tenuis supereminet omnes.
 Qui color infectis adversi Solis ab ictu
 Nubibus esse solet, aut purpureæ Auroræ;
 Is fuit in vultu visæ sine veste Dianæ. 185
 Quæ quamquam comitum turbâ stipata suarum,
 In latus obliquum tamen astitit: oraque retro
 Flexit: &, ut vellet promptas habuisse sagittas;
 Quas habuit, sic hausit aquas: vultumque virilem
 Perfudit: spargensque comas ultricibus undis, 190
 Addidit hæc cladis prænuncia verba futuræ:
 Nunc tibi me posito visam velamine narres,
 Si poteris narrare, licet. Nec plura minata,
 Dat sparso capiti vivacis cornua cervi;
 Dat spatium collo: summasque cacuminat aures; 195
 Cum pedibusque manus, cum longis brachia mutat
 Cruribus: & velat maculoso vellere corpus.
 Additus & pavor est: fugit Autoneius heros,
 Et se tam celerem cursu miratur in ipso.
 Ut verò solitis sua cornua vidit in undis, 200
 Me miserum! dicturus erat: vox nulla secuta est.

- Ingemuit, vox illa fuit : lacrymæque per ora
 Non sua fluxerunt : mens tantum pristina mansit.
 Quid faciat ? repetatne domum, regalia tecta ?
 205 An lateat silvis ? timor hoc, pudor impedit illud.
 Dum dubitat, videre canes : primusque Melampus,
 Ichnobatesque sagax latratu signa dedere ;
 Gnossius Ichnobates, Spartanâ gente Melampus.
 Inde ruunt alii rapidâ velocius aurâ,
 210 Pamphagus, & Dorceus, & Oribasus ; Arcades omnes ;
 Nebrophonosque valens, & trux cum Lælope Theron,
 Et pedibus Pterelas, & naribus utilis Agre,
 Hylæusque fero nuper percussus ab apro,
 Deque lupo concepta Nape, pecudesque secuta
 215 Pœmenis, & natis comitata Harpyïa duobus,
 Et substricta gerens Sicyonius ilia Ladon ;
 Et Dromas, & Canace, Sticteque, & Tigris, & Alce,
 Et niveis Leucon, & villis Asbolus atris,
 Prævalidusque Lacon, & cursu fortis Aëllô,
 220 Et Thous, & Cyprio velox cum fratre Lycisce ;
 Et nigram medio frontem distinctus ab albo
 Harpalos & Melaneus, hirsutaque corpore Lachne ;
 Et patre Diætæo, sed matre Laconide nati,
 Labros, & Agriodos, & acutæ vocis Hylætor ;
 225 Quosque referre mora est. Ea turba cupidine prædæ
 Per rupes, scopulosque, adituque carentia saxa,
 Quâ via difficilis, quâque est via nulla, feruntur.
 Ille fugit, per quæ fuerat loca sæpe secutus.
 Heu ! famulos fugit ipse suos ! clamare libebat ;
 230 Actæon ego sum : dominum cognoscite vestrum.
 Verba animo defunt : resonat latratibus æther.
 Prima Melanchætes in tergo vulnera fecit ;
 Proxima Theridamas ; Oresitrophus hæsit in armis.
 Tardiùs exierant ; sed per compendia montis
 235 Anticipata via est. Dominum retinentibus illis,
 Cetera turba coit, confertque in corpore dentes.
 Jam loca vulneribus defunt : gemit ille, sonumque,

METAMORPHOSEON L. III. 59

Et si non hominis , quem non tamen edere possit
 Cervus , habet : mæstisque replet juga nota querelis ;
 Et genibus supplex pronis , similisque roganti , 240
 Circumfert tacitos , tamquam sua brachia , vultus.
 At comites rapidum solitis hortatibus agmen
 Ignari instigant , oculisque Actæona quærunt ,
 Et velut absentem certatim Actæona clamant.
 Ad nomen caput ille refert : ut abesse queruntur , 245
 Nec capere oblatae segnem spectacula prædæ.
 Vellet abesse quidem , sed adest : velletque videre ,
 Non etiam sentire , canum fera facta suorum.
 Undique circumstant : mersisque in corpore rostris
 Dilacerant falsi dominum sub imagine cervi. 250
 Nec , nisi finitâ per plurima vulnera vitâ ,
 Ira pharetratae fertur satiata Dianæ.

Rumor in ambiguo est : aliis violentior æquo
 Vifa Dea est : alii laudant , dignamque severâ
 Virginitate vocant : pars invenit utraque causas. 255
 Sola Jovis conjux non tam culpetne probetne
 Eloquitur , quàm clade domûs ab Agenore ductæ
 Gaudet : & a Tyria collectum pellice transfert
 In generis socios odium. Subit ecce priori
 Causa recens ; gravidamque dolet de semine magni 260
 Esse Jovis Semelen : tum linguam ad jurgia solvit.
 Profeci quid enim toties per jurgia ? dixit.
 Ipsa petenda mihi est : ipsam , si maxima Juno
 Rite vocor , perdam : si me gemmantia dextrâ
 Sceptra tenere decet ; si sum regina , Jovisque 265
 Et soror & conjux. Certe soror. At , puto , furto est
 Contenta : & thalami brevis est injuria nostri.
 Concipit : id deerat : manifestaque crimina pleno
 Fert utero : & mater , quod vix mihi contigit uni ,
 De Jove vult fieri : tanta est fiducia formæ ! 270
 Fallat eam , faxo : nec sum Saturnia , si non
 Ab Jove merfa suo Stygias penetrârît in undas.

- Surgit ab his folio : fulvâque recondita nube
 Limen adit Semeles : nec nubes ante removit ,
 275 Quàm simulavit anum , posuitque ad tempora canos ,
 Sulcavitque cutem rugis , & curva trementi
 Membra tulit passu : vocem quoque fecit anilem :
 Ipsaque fit Beroë , Semeles Epidauria nutrix.
 Ergo ubi , captato sermone , diuque loquendo ,
 280 Ad nomen venere Jovis ; suspirat : & , Optem
 Juppiter ut sit , ait : metuo tamen omnia : multi
 Nomine Divorum thalamos subiere pudicos.
 Nec tamen esse Jovis satis est : det pignus amoris ,
 Si modò verus is est : quantusque & qualis ab alta
 285 Junone excipitur , tantus talisque rogato
 Det tibi complexus : suaeque ante insignia sumat.

- Talibus ignaram Juno Cadmeïda dictis
 Formârat : rogat illa Jovem sine nomine munus.
 Cui Deus , Elige , ait : nullam patiêre repulsam.
 290 Quoque magis credas , Stygii quoque conscia sunt
 Numina torrentis : Timor & Deus ille Deorum.
 Læta malo , nimiumque potens , perituraque amantis
 Obsequio Semele ; Qualem Saturnia , dixit ,
 Te solet amplecti , Veneris cùm fœdus initis ,
 295 Da mihi te talem. Voluit Deus ora loquentis
 Opprimere , exierat jam vox properata sub auras.
 Ingemuit : neque enim non hæc optasse , neque ille
 Non jurasse potest. Ergo mæstissimus altum
 Æthera conscendit ; nutuque sequentia traxit
 300 Nubila : quîs nimbos , immixtaque fulgura ventis
 Addidit , & tonitrus , & inevitabile fulmen.
 Quà tamen usque potest , vires sibi demere tentat :
 Nec , quo centimanum dejecerat igne Typhœa ,
 Nunc armatur eo : nimium feritatis in illo.
 305 Est aliud levius fulmen ; cui dextra Cyclopi
 Sævitiæ , flammæque minus , minus addidit iræ.
 Tela secunda vocant Superi : capit illa ; domumque

METAMORPHOSEON L. III. 61

Intrat Agenoream. Corpus mortale tumultus
Non tulit æthereos, donisque jugalibus arsit.
Imperfectus adhuc infans genitricis ab alvo 310
Eripitur, patrioque tener, si credere dignum,
Insuitur femori, maternaque tempora complet.
Furtim illum primis Ino matertera cunis
Educat: inde datum Nymphæ Niseïdes antris
Occuluere suis, lactisque alimenta dedere. 315

Dumque ea per terras fatali lege geruntur,
Tutaque bis geniti sunt incunabula Bacchi;
Forte Jovem memorant, diffusum nectare, curas
Seposuisse graves, vacuâque agitasse remissos
Cum Junone jocos: & Major vestra profecto est, 320
Quàm quæ contingat maribus, dixisse, voluptas.
Illa negat. Placuit, quæ sit sententia docti,
Quærere, Tiresiæ. Venus huic erat utraque nota.
Nam duo magnorum viridi coeuntia silvâ
Corpora serpentum baculi violaverat ictu: 325
Deque viro factus, mirabile! femina, septem
Egerat autumnos. Octavo rursus eosdem
Vidit: & Est vestræ si tanta potentia plagæ,
Dixit, ut auctoris sortem in contraria mutet,
Nunc quoque vos feriam: percussis anguibus isdem, 330
Forma prior rediit, genitivaque rursus imago.
Arbiter hic igitur sumtus de lite jocosâ,
Dicta Jovis firmat: gravius Saturnia iusto,
Nec pro materia, fertur doluisse: sui que
Judicis æternâ damaavit lumina nocte. 335

At pater omnipotens, neque enim licet irrita cuiquam
Facta Dei fecisse Deo, pro lumine adempto
Scire futura dedit: pœnamque levavit honore.

Ille per Aonias, famâ celeberrimus, urbes
Irreprehensa dabat populo responsa petenti. 340

62 P. OVIDII NASONIS

- Prima fide vocisque ratæ tentamina fumsit
 Cærule Liriope : quam quondam flumine curvo
 Implicuit , clausæque suis Cephisos in undis
 Vim tulit : enixa est utero pulcherrima pleno
 345 Infantem , Nymphis jam nunc qui posset amari ;
 Narcissumque vocat. De quo consultus , an esset
 Tempora maturæ visurus longa senectæ ,
 Fatidicus vates , Si se non noverit , inquit.
 Vana diu visa est vox auguris : exitus illam ,
 350 Resque probat , letique genus , novitasque furoris.
 Jamque ter ad quinos unum Cephisius annum
 Addiderat : poteratque puer , juvenisque videri.
 Multi illum juvenes , multæ cupiere puellæ :
 Sed fuit in tenerâ tam dira superbia formâ ,
 355 Nulli illum juvenes , nullæ tetigere puellæ.
 Aspicit hunc , trepidos agitantem in retia cervos ,
 Vocalis Nymphe ; quæ nec reticere loquenti ,
 Nec prior ipsa loqui didicit , resonabilis Echo.
 Corpus adhuc Echo , non vox erat : & tamen usum
 360 Garrula non alium , quam nunc habet , oris habebat ;
 Reddere de multis ut verba novissima posset.
 Fecerat hoc Juno : quia , cùm deprendere posset
 Sub Jove sæpe suo Nymphas in monte jacentes ,
 Illa Deam longo prudens sermone tenebat ,
 365 Dum fugerent Nymphæ. Post quàm Saturnia sensit ;
 Hujus , ait , linguæ , quâ sum delusa , potestas
 Parva tibi dabitur , vocisque brevissimus usus.
 Reque minas firmat : tamen hæc in fine loquendi
 Ingeminat voces , auditaque verba reportat.
 370 Ergo ubi Narcissum , per devia lustra vagantem ,
 Vidit , & incaluit : sequitur vestigia furtim.
 Quoque magis sequitur , flammâ propiore calefcit.
 Non aliter , quàm cùm fummis circumlita tædis
 Admotam rapiunt vivacia sulfura flammam.
 375 O ! quoties voluit blandis accedere dictis ,

METAMORPHOSEON L. III. 63

Et molles adhibere preces ! Natura repugnat ,
Nec sinit incipiat : sed , quod sinit , illa parata est
Exspectare sonos , ad quos sua verba remittat.
Fortè puer , comitum seductus ab agmine fido ,
Dixerat , *Ecquis adest ? & , Adest , responderat Echo. 380*
Hic stupet : utque aciem partes divisit in omnes ,
Voce , *Veni , clamat magnâ : vocat illa vocantem.*
Respicit : & , nullo rursus veniente , *Quid , inquit ,*
Me fugis ? & totidem , quot dixit , verba recepit.
Perstat : & alternæ deceptus imagine vocis ; *385*
Huc coëamus , ait : nullique libentius umquam
Responsura sono , *Coëamus , retulit Echo ;*
Et verbis favet ipsa suis : egressaque silvis
Ibat , ut injiceret sperato brachia collo.
Ille fugit : fugiensque , *Manus complexibus aufer ; 390*
Ante , ait , emoriar , quàm sit tibi copia nostri.
Retulit illa nihil , nisi , *Sit tibi copia nostri.*
Spreta latet silvis , pudibundaque frondibus ora
Protegit : & solis ex illo vivit in antris.
Sed tamen hæret amor , crescitque dolore repulsæ. *395*
Attenuant vigiles corpus miserabile curæ ;
Adducitque cutem macies ; & in aëra succus
Corporis omnis abit : vox tantùm atque ossa supersunt.
Vox manet : ossa ferunt lapidis traxisse figuram.
Inde latet silvis , nulloque in monte videtur ; *400*
Omnibus auditur : sonus est , qui vivit in illa.
Sic hanc , sic alias , undis aut montibus ortas ,
Luserat hic Nymphas : sic cœtus ante viriles.
Inde manus aliquis despectus ad æthera tollens ,
Sic amet iste , licet , sic non potiatur amato , *405*
Dixerat : assensit precibus Rhamnusia iustis.

Fons erat illimis , nitidis argenteus undis ,
Quem neque pastores , neque pastæ monte capellæ
Contigerant , aliudve pecus : quem nulla volucris ,
Nec fera turbârat , nec lapsus ab arbore ramus. *410*

- Gramen erat circa, quod proximus humor alebat;
 Silvaeque, sole lacum passura tepescere nullo.
 Hic puer, & studio venandi lassus & æstu,
 Procubuit, faciemque loci, fontemque secutus.
- 415 Dumque sitim sedare cupit, sitis altera crevit:
 Dumque bibit, visæ correptus imagine formæ,
 Rem sine corpore amat: corpus putat esse, quod umbra est.
 Adstupet ipse sibi, vultuque immotus eodem
 Hæret, ut e Pario formatum marmore signum.
- 420 Spectat humi positus geminum, sua lumina, sidus,
 Et dignos Baccho, dignos & Apolline crines,
 Impubesque genas, & eburnea colla, decusque
 Oris, & in niveo mixtum candore ruborem;
 Cunctaque miratur, quibus est mirabilis ipse:
- 425 Se cupit imprudens: &, qui probat, ille probatur.
 Dumque petit, petitur: pariterque incendit, & ardet.
 Irrita fallaci quoties dedit oscula fonti!
 In medias quoties, visum captantia collum,
 Brachia mersit aquas, nec se deprendit in illis!
- 430 Quid videat, nescit; sed, quod videt, uritur illo;
 Atque oculos idem, qui decipit, incitat error.
 Credule, quid frustra simulacra fugacia captas?
 Quod petis, est nusquam: quod amas, avertere, perdes.
 Ista repercussæ, quam cernis, imaginis umbra est.
- 435 Nil habet ista sui: tecumque venitque manetque:
 Tecum discedat, si tu discedere possis.
 Non illum Cereris, non illum cura quietis
 Abstrahere inde potest: sed opacâ fusus in herba,
 Spectat inexploto mendacem lumine formam,
- 440 Perque oculos perit ipse suos: paulumque levatus,
 Ad circumstantes tendens sua brachia silvas;
 Ecquis, iô silvæ, crudeliùs, inquit, amavit?
 Scitis enim, & multis latebra opportuna fuistis.
 Ecquem, cùm vestræ tot agantur secula vitæ,
 445 Qui sic tabuerit, longo meministis in ævo?
 Et placet, & video: sed quod videoque, placetque,

METAMORPHOSEON L. III. 65

Non tamen invenio : tantus tenet error amantem !
Quoque magis doleam ; nec nos mare separat ingens ,
Nec via , nec montes , nec clausis mœnia portis :
Exiguâ prohibemur aquâ : cupit ipse teneri. 450
Nam quoties liquidis porreximus oscula lymphis ,
Hic toties ad me resupino nititur ore.
Posse putes tangi : minimum est , quod amantibus obstat.
Quisquis es , huc exi : quid me , puer unice , fallis ?
Quove petitus abis ? certè nec forma , nec ætas 455
Est mea , quam fugias ; & amârunt me quoque Nymphæ.
Spem mihi nescio quam vultu promittis amico ;
Cùmque ego porrexi tibi brachia , porrigis ultro ;
Cùm risi , arrides : lacrymas quoque sæpe notavi ,
Me lacrymante , tuas : nutu quoque signa remittis ; 460
Et , quantum motu formosi suspicor oris ,
Verba refers , aures non pervenientia nostras.
In te ego sum , sensi : nec me mea fallit imago.
Uror amore mei : flammæ moveoque feroque.
Quid faciam ? rogem , anne rogem ? quid deinde rogabo ? 465
Quod cupio mecum est : inopem me copia fecit.
Q ! utinam nostro secedere corpore possem !
Votum in amante novum : vellem , quod amamus , abesset.
Jamque dolor vires adimit : nec tempora vitæ
Longa meæ superant , primoque exstinguor in ævo. 470
Nec mihi mors gravis est , posituro morte dolores.
Hic , qui diligitur , vellem diuturnior esset ;
Nunc duo concordēs animâ moriemur in una.
Dixit , & ad faciem rediit malè sanus eandem ;
Et lacrymis turbavit aquas : obscuraque moto 475
Reddita forma lacu est. Quam cùm vidisset abire ;
Quo fugis ? ô ! remane ; nec me , crudelis , amantem
Desere , clamavit : liceat , quod tangere non est ,
Aspicere : & misero præbere alimenta furori.
Dumque dolet , summâ vestem deduxit ab ora , 480
Nudaque marmoreis percussit pectora palmis.
Pectora traxerunt tenuem percussa ruborem.

66 P. OVIDII NASONIS

- Non aliter quàm poma solent, quæ candida parte,
 Parte rubent: aut ut variis solet uva racemis
 485 Ducere purpureum, nondum matura, colorem.
 Quæ simul aspexit liquefactâ rursus in unda,
 Non tulit ulterius: sed, ut intabescere flavæ
 Igne levi ceræ, matutinæve pruina
 Sole tepente solent, sic attenuatus amore
 490 Liquitur; & cæco paulatim carpitur igni.
 Et neque jam color est mixto candore rubori;
 Nec vigor, & vires, & quæ modò visa placebant,
 Nec corpus remanet, quondam quod amaverat Echo.
 Quæ tamen ut vidit, quamvis irata memorque,
 495 Indoluit: quotiesque puer miserabilis, Eheu!
 Dixerat; hæc resonis iterabat vocibus, Eheu!
 Cùmque suos manibus percusserat ille lacertos,
 Hæc quoque reddebat sonitum plangoris eundem.
 Ultima vox solitam fuit hæc spectantis in undam,
 500 Heu! frustra dilecte puer! totidemque remisit
 Verba lacus: dictoque Vale, Vale inquit & Echo.
 Ille caput viridi fessum submisit in herba:
 Lumina nox claudit, domini mirantia formam.
 Tum quoque se, post quàm est infernâ sede receptus,
 505 In Stygia spectabat aquâ. Planxere sorores
 Naidæ, & fectos fratri posuere capillos.
 Planxere & Dryades: plangentibus adsonat Echo.
 Jamque rogam, quassasque faces, feretrumque parabant;
 Nusquam corpus erat: croceum pro corpore florem
 510 Inveniunt, foliis medium cingentibus albis.

- Cognita res meritam vati per Achaïdas urbes
 Attulerat famam: nomenque erat auguris ingens.
 Spernit Echionides tamen hunc, ex omnibus unus
 Contemtor Superûm, Pentheus: præsagaque ridet
 515 Verba senis; tenebrasque & cladem lucis ademtæ
 Objicit. Ille movens albertia tempora canis;
 Quàm felix esses, si tu quoque luminis hujus

METAMORPHOSEON L. III. 67

Orbus , ait , fieres ; ne Bacchia sacra videres !
Jamque dies aderit , jamque haud procul auguror esse ,
Quâ novus huc veniat , proles Semeleïa , Liber. 520
Quem nisi templorum fueris dignatus honore ,
Mille lacer spargere locis : & sanguine silvas
Fœdabis , matremque tuam , matrisque sorores.
Evenient : neque enim dignabere numen honore ;
Meque sub his tenebris nimium vidisse querêris. 525
Talia dicentem proturbat Echione natus.
Dicta fides sequitur , responsaque vatis aguntur.
Liber adest , festisque fremunt ululatus agri.
Turba ruunt : mixtæque viris matresque , nurusque ,
Vulgusque , proceresque , ignota ad sacra feruntur. 530
Quis furor , anguigenæ , proles Mavortia , vestras
Attonuit mentes ? Pentheus ait : ærane tantum
Ære repulsa valent ? & adunco tibia cornu ?
Et magicæ fraudes ? ut quos non belliger ensis ,
Non tuba terruerint , non strictis agmina telis ; 535
Femineæ voces , & mota insania vino ,
Obscenique greges , & inania tympana vincant ?
Vosne , senes , mirer ? qui longa per æquora vecti
Hac Tyron , hac profugos posuistis sede Penates ;
Nunc sinitis sine Marte capi ? Vosne , acrior ætas , 540
O ! juvenes , propiorque meæ ; quos arma tenere ,
Non thyrsos ; galeâque tegi , non fronde , decebat ?
Este , precor , memores , quâ sitis stirpe creati ;
Illiusque animos , qui multos perdidit unus ,
Sumite serpentis. Pro fontibus ille lacuque 545
Interiit : at vos pro fama vincite vestrâ.
Ille dedit leto fortes , vos pellite molles ,
Et patrium revocate decus. Si fata vetabant
Stare diu Thebas , utinam tormenta virique
Mœnia diruerent ; ferrumque ignisque sonarent ! 550
Essemus miseri sine crimine : forsque querenda ,
Non celanda foret ; lacrymæque pudore carerent.
At nunc a puero Thebæ capientur inermi ;

68 *P. OVIDII NASONIS*

- Quem neque bella juvant, nec tela, nec usus equorum;
 555 Sed madidus myrrhâ crinis, mollesque coronæ,
 Purpuraque, & pictis intextum vestibus aurum.
 Quem quidem ego ætutum, modò vos absistite, cogam
 Assuntumque patrem, commentaque sacra fateri.
 An fatis Acrisio est animi, contemnere vanum
 560 Numen, & Argolicas venienti claudere portas;
 Penthea terrebit cum totis advena Thebis?
 Ite citi, (famulis hoc imperat,) ite, ducemque
 Attrahite huc vinctum: jussis mora segnis abesto.
 Hunc avus, hunc Athamas, hunc cetera turba suorum
 565 Corripiunt distis: frustra que inhibere laborant.
 Acrior admonitu est; irritaturque retenta,
 Et crescit, rabies: remoraminaque ipsa nocebant.
 Sic ego torrentem, quâ nil obstabat eunti,
 Lenius & modico strepitu, decurrere vidi.
 570 At, quacumque trabes obstruetaque saxa tenebant,
 Spumeus, & fervens, & ab objice sævior ibat.
 Ecce cruentati redeunt: &, Bacchus ubi esset,
 Quærenti domino, Bacchum vidisse negarunt.
 Hunc, dixere, tamen comitem, famulumque sacrorum
 575 Cepimus: & tradunt, manibus post terga ligatis,
 Sacra Dei quondam Tyrrhenâ gente secutum.

- Aspicit hunc oculis Pentheus, quos ira tremendos
 Fecerat: &, quamquam pœnæ vix tempora distert,
 O! periture, tuâque aliis documenta dature
 580 Morte, ait, ede tuum nomen, nomenque parentum,
 Et patriam; morisque novi cur sacra frequentes.
 Ille metu vacuus, Nomen mihi, dixit, Acœtes:
 Patria Mæonia est: humili de plebe parentes.
 Non mihi, quæ duri colerent, pater, arva juvenci,
 585 Lanigerosve greges, non ulla armenta reliquit.
 Pauper & ipse fuit: linoque solebat & hamo
 Decipere, & calamo salientes ducere pisces.
 Ars illi sua census erat. Cùm traderet artem;

METAMORPHOSEON L. III. 69

Accipe , quas habeo ; studii successor & heres ,
Dixit ; opes : moriensque mihi nihil ille reliquit , 590
Præter aquas : unum hoc possum appellare paternum.
Mox ego , ne scopulis hærerem semper in isdem ,
Addidici regimen , dextrâ moderante , carinæ
Flectere : & Oleniæ sidus pluviale capellæ ,
Taygetenque , Hyadasque oculis Arctonque notavi , 595
Ventorumque domos , & portus puppibus aptos.
Forte petens Delon , Diæ telluris ad oras
Applicor , & dextris adducor litora remis ;
Doque leves saltus , udæque immittor arenæ.
Nox ubi consumpta est , Aurora rubescere primum 600
Cœperat : exsurgo , laticesque inferre recentes
Admoneo ; monstroque viam , quæ ducat ad undas.
Ipse , quid aura mihi tumulo promittat ab alto ,
Prospicio : comitesque voco , repetoque carinam.
Adsumus en , inquit , sociorum primus Opheltes ; 605
Utque putat , prædam deserto nactus in agro ,
Virgineâ puerum ducit per litora formâ.
Ille , mero somnoque gravis , titubare videtur ;
Vixque sequi : spectro cultum , faciemque , gradumque ;
Nil ibi , quod posset credi mortale , videbam. 610
Et sensi , & dixi sociis , Quod numen in isto
Corpore sit , dubito : sed corpore numen in isto est.
Quisquis es , ô ! faveas , nostrisque laboribus adsis ;
His quoque des veniam. Pro nobis mitte precari ,
Dictys ait : quo non alius conscendere summas 615
Ocior antennas , prensoque rudente relabi.
Hoc Libys , hoc flavus , proræ tutela , Melanthus ,
Hoc probat Alcimedon : & , qui requiemque modumque
Voce dabat remis , animorum hortator Epopeus ;
Hoc omnes alii : prædæ tam cæca cupido est ! 620
Non tamen hanc sacro violari pondere pinum
Perpetiar , dixi : pars hîc mihi maxima juris ;
Inque aditu obsisto. Furit audacissimus omni
De numero Lycabas ; qui Thuscâ pulsus ab urbe

70 *P. OVIDII NASONIS*

- 625 Exsilium, dirâ poenam pro cæde, luebat.
Is mihi, dum resto, juvenili guttura pugno
Rupit: & excussum misisset in æquora; si non
Hæsisssem, quamvis amens, in fune retentus.

- Impia turba probant factum. Tum denique Bacchus,
630 Bacchus enim fuerat, veluti clamore solutus
Sit sopor, aque mero redeant in pectora sensus,
Quid facitis? quis clamor, ait? quâ, dicite, nautæ,
Huc ope perveni? quò me deferre paratis?
Pone metum, Proreus, & quos contingere portus,
635 Ede, velis, dixit: terrâ sistere petitâ.
Naxon, ait Liber, cursus advertite vestros.
Illa mihi domus est: vobis erit hospita tellus.
Per mare fallaces, perque omnia numina jurant
Sic fore: meque jubent pictæ dare vela carinæ.
640 Dextera Naxos erat: dextrâ mihi lintea danti,
Quid facis? ô demens! quis te furor, inquit, Acœte,
Pro se quisque, tenet? lævam pete. Maxima nutu
Pars mihi significat; pars, quid velit, aure susurrat.
Obstupui: Capiatque alius moderamina, dixi;
645 Meque ministerio scelerisque artisque removi.
Increpor a cunctis; totumque immurmurat agmen.
E quibus Æthalion, Te scilicet omnis in uno
Nostra salus posita est! ait: & subit ipse, meumque
Explet opus: Naxoque, petit diversa, relictâ.

- 650 Tum Deus illudens, tamquam modò denique fraudem
Senferit, e puppi pontum prospectat ad uncâ.
Et flenti similis, Non hæc mihi litora, nautæ,
Promisistis, ait: non hæc mihi terra rogata est.
Quo merui poenam facto? quæ gloria vestra est,
655 Si puerum juvenes, si multi fallitis unum?
Jamdudum flebam: lacrymas manus impia nostras
Ridet, & impellit properantibus æquora remis.
Per tibi nunc ipsum, nec enim præsentior illo

METAMORPHOSEON L. III. 71

Est Deus , adjuro , tam me tibi vera referre ,
Quàm veri majora fide. Stetit æquore puppis 660
Haud aliter , quàm si siccum navale teneret.
Illi admirantes remorum in verbere perstant ;
Velaque deducunt , geminâque ope currere tentant.
Impediunt Hederæ remos , nexuque recurvo
Serpunt , & gravidis distringunt vela corymbis. 665
Ipse , racemiferis frontem circumdatus uvis ,
Pampineis agitat velatam frondibus hastam ;
Quem circa tigres , simulacraque inania lyncum ,
Pictarumque jacent fera corpora pantherarum.
Exsiluere viri : sive hoc infania fecit , 670
Sive timor : primusque Medon nigrescere pinnis ,
Corpore depresso , & spinæ curvamina flecti ,
Incipit. Huic Lycabas , In quæ miracula , dixit ,
Verteris ? & lati rictus , & panda loquenti
Naris erat , squamamque cutis durata trahebat. 675
At Libys , obstantes dum vult obvertere remos ,
In spatium resilire manus breve vidit ; & illas
Jam non esse manus , jam pinnas posse vocari.
Alter ad intortos cupiens dare brachia funes ,
Brachia non habuit ; truncoque repandus in undas 680
Corpore desiluit : falcata novissima cauda est ;
Qualia dividuæ sinuantur cornua Lunæ.
Undique dant saltus , multâque aspergine rorant ;
Emerguntque iterum , redeuntque sub æquora rursus ;
Inque chori ludunt speciem , lascivaque jactant 685
Corpora ; & acceptum patulis mare naribus efflant.
De modò viginti , tot enim ratis illa ferebat ,
Restabam solus : pavidum , gelidumque trementi
Corpore , vixque meum firmat Deus , Excute , dicens ,
Corde metum , Diamque tene. Delatus in illam , 690
Accensis aris , Baccheïa sacra frequento.
Præbuimus longis Pentheus ambagibus aures ,
Inquit ; ut ira morâ vires assumere posset.
Præcipitem famulæ rapite hunc : cruciataque diris

72 P. OVIDII NASONIS

- 695 Corpora tormentis Stygiæ demittite nocti.
 Protinus abstractus solidis Tyrrenus Acoetes
 Clauditur in tectis : & dum crudelia iussæ
 Instrumenta necis , ferrumque ignisque , parantur ;
 Sponte suâ patuisse fores , lapsasque lacertis
 700 Sponte suâ , fama est , nullo solvente , catenas.

- Perstat Echionides : nec jam jubet ire , sed ipse
 Vadit , ubi , electus facienda ad sacra , Cithæron
 Cantibus & clarâ bacchantum voce sonabat.
 Ut fremit acer equus , cùm bellicus ære canoro
 705 Signa dedit tubicen , pugnaeque assumpsit amorem ;
 Penthea sic ictus longis ululatibus æther
 Movit : & audito clangore recanduit ira.
 Monte ferè medio est , cingentibus ultima silvis ,
 Purus ab arboribus , spectabilis undique , campus.
 710 Hic oculis illum cernentem sacra profanis
 Prima videt , prima est insano concita motu ,
 Prima suum misso violavit Penthea thyrsos
 Mater : Io , geminæ , clamavit , adeste sorores.
 Ille aper , in nostris errat qui maximus agris ,
 715 Ille mihi feriendus aper. Ruit omnis in unum
 Turba furens : cunctæ coeunt , cunctæque sequuntur ,
 Jam trepidum , jam verba minùs violenta loquentem ,
 Jam se danmantem , jam se peccasse fatentem.
 Saucius ille tamen , Fer opem , matertera , dixit ,
 720 Autonoë : moveant animos Actæonis umbræ.
 Illa quid Actæon nescit ; dextramque precanti
 Abstulit : Inôo lacerata est altera raptu.
 Non habet infelix quæ matri brachia tendat ;
 Trunca sed ostendens disiectis corpora membris ;
 725 Aspice , mater ait. Visis ululavit Agave ,
 Collaque iactavit , movitque per aëra crinem ;
 Avulsumque caput digitis complexa cruentis ,
 Clamat , Io comites ! opus hæc victoria nostrum est.
 Non citiùs frondes autumnò frigore tactas ,

Jamque

METAMORPHOSEON L. III. 73

Jamque malè hærentes altâ rapit arbore ventus ; 730
Quàm sunt membra viri manibus direpta nefandis.
Talibus exemplis monitæ nova sacra frequentant ,
Turaque dant , sanctasque colunt Ismenides aras.





OVIDII NASONIS
METAMORPHOSEON

LIBER IV.

AT non Alcithoë Minyëias orgia cenſet
Accipienda Dei ; ſed adhuc temeraria Bacchum
Progeniem negat eſſe Jovis : ſociasque ſorores
Impietatis habet. Feſtum celebrare ſacerdos ,
5 Immunesque operum dominas famulasque ſuorum ,
Pectora pelle tegi , crinales ſolvere vittas ,
Serta comâ , manibus frondentes ſumere thyrfos ,
Juſſerat : & ſævam læſi fore numinis iram
Vaticinatus erat. Parent matresque nurusque ;
10 Telasque , calathosque , infectaque penſa reponunt ,
Turaque dant : Bacchumque vocant , Bromiumq; , Lyæumq;
Ignigenamque , ſatumque iterum , ſolumque bimatrem.
Additur his Nyſeus , indetonſusque Thyoneus ,
Et cum Lenæo genialis conſitor uvæ ,
15 Nycteliusque , Eleleusque parens , & Iacchus , & Evan ;
Et quæ præterea per Grajas plurima gentes
Nomina , Liber , habes. Tibi enim inconſumta juvenas ;
Tu puer æternus , tu formoſiſſimus alto
Conſpiceris cœlo : tibi , cùm ſine cornibus aſtas ,
20 Virgineum caput eſt : Oriens tibi viſtus , ad uſque
Decolor extremo quâ cingitur India Gange.

METAMORPHOSEON L. IV. 75

Pentheæ tu, venerande, bipenniferumque Lycurgum,
Sacrilegos, mactas; Tyrrhenaque mittis in æquor
Corpora. Tu bijugum pictis insignia frenis
Colla premis lyncum: Bacchæ Satyrique sequuntur; 25
Quique senex ferulâ titubantes ebrius artus
Sustinet; & pando non fortiter hæret asello.
Quacumque ingrederis, clamor juvenilis, & unâ
Femineæ voces, impulsaque tympana palmis,
Concavaque æra sonant, longoque foramine buxus. 30
Pacatus mitisque, rogant Ismenides, adsis;
Jussaque sacra colunt. Solæ Minyeïdes intus,
Intempestivâ turbantes festa Minervâ,
Aut ducunt lanas, aut stamina pollice versant,
Aut hærent telæ, famulasque laboribus urgent. 35
E quibus una levi deducens pollice filum;
Dum cessant aliæ, commentaque sacra frequentant,
Nos quoque, quas Pallas, melior Dea, detinet, inquit,
Utile opus manuum vario sermone levemus;
Perque vices aliquid, quod tempora longa videri 40
Non sinat, in medium vacuas referamus ad aures.
Dicta probant, primamque jubent narrare sorores.
Illa, quid e multis referat, nam plurima norat,
Cogitat: & dubia est, de te, Babylonia, narret,
Derceti, quam versâ, squamis velantibus artus, 45
Stagna Palæstini credunt celebrasse figurâ;
An magis ut sumtis illius filia pennis
Extremos albis in turribus egerit annos.
Nais an ut cantu, nimiumque potentibus herbis,
Verterit in tacitos juvenilia corpora pisces; 50
Donec idem passa est: an, quæ poma alba ferebat,
Ut nunc nigra ferat contactu sanguinis arbor.
Hæc placet: hanc, quoniam vulgaris fabula non est,
Talibus orsa modis, lanâ sua fila sequente.

Pyramus & Thisbe, juvenum pulcherrimus alter, 55
Altera, quas Oriens habuit, prælata puellis,

76 *P. OVIDII NASONIS*

- Contiguas tenere domos : ubi dicitur altam
 Coëtilibus muris cinxisse Semiramis urbem.
 Notitiam primosque gradus vicinia fecit.
- 60 Tempore crevit amor : tædæ quoque jure coëssent ;
 Sed vetuere patres : quod non potuere vetare ,
 Ex æquo captis ardebant mentibus ambo.
 Consciis omnis abest : nutu signisque loquuntur ;
 Quoque magis tegitur , testus magis æstuat ignis.
- 65 Fissus erat tenui rimâ , quam duxerat olim ,
 Cùm fieret paries , domui communis utrique.
 Id vitium nulli per secula longa notatum ,
 (Quid non sentit amor ?) primi sensistis amantes ,
 Et voci fecistis iter : tutæque per illud
- 70 Murmure blanditiæ minimo transire solebant.
 Sæpe ut constiterant , hinc Thisbe , Pyramus illinc ;
 Inque vicem fuerat captatus anhelitus oris ;
 Invide , dicebant , paries , quid amantibus obstat ?
 Quantum erat , ut sineres nos toto corpore jungi !
- 75 Aut hoc si nimium , vel ad oscula danda pateres !
 Nec sumus ingrati : tibi nos debere fatemur ,
 Quod datus est verbis ad amicas transitus aures.
 Talia diversâ nequicquam sede locuti ,
 Sub noctem dixere , Vale : partique dedere .
- 80 Oscula quisque suæ , non pervenientia contra.
 Postera nocturnos Aurora removerat ignes ,
 Solque pruinosas radiis siccaverat herbas ;
 Ad solitum coëre locum. Tum murmure parvo
 Multa prius questi , statuunt , ut nocte silenti
- 85 Fallere custodes , foribusque excedere tentent ;
 Cùmque domo exierint , urbis quoque claustra relinquant :
 Neve sit errandum lato spatiantibus arvo ,
 Conveniant ad busta Nini : lateantque sub umbra
 Arboris. Arbor ibi , niveis uberrima pomis ,
- 90 Ardua morus , erat , gelido contermina fonti.
 Pacta placent : & lux , tardè decedere visa ,
 Præcipitatur aquis , & aquis nox surgit ab isdem.

METAMORPHOSEON L. IV. 77

Callida per tenebras, versato cardine, Thisbe
Egreditur, fallitque suos: adopertaque vultum,
Pervenit ad tumulum; dictâque sub arbore sedit. 95
Audacem faciebat amor. Venit ecce recenti
Cæde læna boum spumantes oblita rictus,
Depositura sitim vicini fontis in unda.
Quam procul ad Lunæ radios Babylonia Thisbe
Vidit: & obscurum trepido pede fugit in antrum; 100
Dumque fugit, tergo velamina lapsa relinquit.
Ut lea sæva sitim multâ compescuit undâ,
Dum redit in silvas, inventos forte sine ipsa,
Ore cruentato tenues laniavit amictus.
Seriùs egressus vestigia vidit in alto 105
Pulvere certa feræ, totoque expalluit ore,
Pyramus. Ut verò vestem quoque sanguine tinctam
Repperit; Una duos nox, inquit, perdet amantes;
E quibus illa fuit longâ dignissima vitâ:
Nostra nocens anima est. Ego te, miseranda, peremi, 110
In loca plena metûs qui jussi nocte venires;
Nec prior huc veni. Nostrum divellite corpus,
Et scelerata fero consumite viscera morsu,
O! quicumque sub hac habitatis rupe, leones.
Sed timidi est optare necem. Velamina Thisbes 115
Tollit, & ad pactæ secum fert arboris umbram.
Utque dedit notæ lacrymas, dedit oscula, vesti;
Accipe nunc, inquit, nostri quoque sanguinis haustus:
Quoque erat accinctus, demittit in ilia ferrum.
Nec mora: ferventi moriens e vulnere traxit. 120
Ut jacuit resupinus humi, cruor emicat altè;
Non aliter, quàm cùm vitiato fistula plumbo
Scinditur, & tenues, stridente foramine, longè
Ejaculatur aquas; atque iclibus aera rumpit.
Arborei fetus aspergine cædis in atram 125
Vertuntur faciem: madefactaque sanguine radix
Puniceo tingit pendentia mora colore.
Ecce, metu nondum posito, ne fallat amantem,

78 *P. OVIDII NASONIS*

- Illa redit : juvenemque oculis , animoque requirit ;
 130 Quantaque vitarit narrare pericula gessit.
 Utque locum , & versam cognovit in arbore formam ;
 (Sic facit incertam pomi color) hæret , an hæc sit.
 Dum dubitat , tremebunda videt pulsare cruentum
 Membra solùm , retróque pedem tulit : oraque buxo
 135 Pallidiora gerens , exhorruit , æquoris instar ,
 Quod tremit , exiguâ cùm summum stringitur aurâ.
 Sed post quàm remorata suos cognovit amores ,
 Percutit indignos claro plangore lacertos ;
 Et laniata comas , amplexaque corpus amatum ,
 140 Vulnera supplevit lacrymis ; fletumque cruori
 Miscuit : & gelidis in vultibus oscula figens ,
 Pyrame , clamavit , quis te mihi casus ademit ?
 Pyrame , responde : tua te , carissime , Thisbe
 Nominat : exaudi , vultusque attolle jacentes.
 145 Ad nomen Thisbes oculos , jam morte gravatos ,
 Pyramus erexit , visâque recondidit illâ.
 Quæ post quàm vestemque suam cognovit , & ense
 Vidit ebur vacuum ; Tua te manus , inquit , amorque
 Perdidit , infelix : est & mihi fortis in unum
 150 Hoc manus ; est & amor : dabit hic in vulnera vires.
 Persequar extinctum : letique miserrima dicar
 Causa , comesque , tui : quique a me morte revelli
 Heu solâ poteris , poteris nec morte revelli.
 Hoc tamen amborum verbis estote rogati ,
 155 O ! multùm miseri , meus illiusque , parentes ,
 Ut , quos certus amor , quos hora novissima junxit ,
 Componi tumulo non invideatis eodem.
 At tũ , quæ ramis arbor miserabile corpus
 Nunc tegis unius , mox es tectura duorum ;
 160 Signa tene cædis : pullosque , & luctibus aptos ,
 Semper habe fetus , gemini monumenta cruoris ,
 Dixit : & , aptato pectus mucrone sub imum ,
 Incubuit ferro , quod adhuc a cæde tepebat.
 Vota tamen tetigere Deos , tetigere parentes.

METAMORPHOSEON L. IV. 79

Nam color in pomo est, ubi permaturuit, ater; 165
Quodque rogis superest, unâ requiescit in urna.

Desierat: mediumque fuit breve tempus, & orsa est
Dicere Leuconoë: vocem tenuere sorores.
Hunc quoque, sidereâ qui temperat omnia luce,
Cepit amor Solem. Solis referemus amores. 170
Primus adulterium Veneris cum Marte putatur
Hic vidisse Deus: videt hic Deus omnia primus.
Indoluit facto: Junonigenæque marito
Furta tori, furtique locum monstravit. At illi
Et mens, & quod opus fabrilis dextra tenebat, 175
Excidit: extemplo graciles ex ære catenas,
Retiaque, & laqueos, quæ lumina fallere possint,
Elimat. Non illud opus tenuissima vincant
Stamina, non summo quæ pendet aranea tigno.
Utque leves tactus, momentaque parva sequantur, 180
Efficit: & lecto circumdata collocat aptè.
Ut venere torum conjux & adulter in unum;
Arte viri, vinclisque novâ ratione paratis,
In mediis ambo deprensus amplexibus hærent.
Lemnius extemplo valvas patefecit eburnas, 185
Admisitque Deos. Illi jacuere ligati
Turpiter: atque aliquis de Dis non tristibus optet
Sic fieri turpis. Superi risere: diuque
Hæc fuit in toto notissima fabula cœlo.

Exigit indicii memorem Cythereia poenam; 190
Inque vices illum, testos qui læsit amores,
Lædit amore pari. Quid nunc, Hyperione nate,
Forma calorque tibi, radiataque lumina profunt?
Nempe tuis omnes qui terras ignibus uris,
Ureris igne novo: quique omnia cernere debes, 195
Leucothoën spectas: & virgine figis in una,
Quos mundo debes, oculos. Modò surgis Eoo
Temporibus cœlo: modò seriùs incidis undis;

- Spectandique morâ brumales porrigis horas.
 200 Deficis interdum : vitiumque in lumina mentis
 Transit , & obscurus mortalia pectora terres.
 Nec , tibi quod Lunæ terris propioris imago
 Obliterit , palles : facit hunc amor iste colorem.
 Diligis hanc unam : nec te Clymeneque, Rhodosque,
 205 Nec tenet Æææ genitrix pulcherrima Circes ,
 Quæque tuos Clytie , quamvis despecta , petebat
 Concubitus ; ipsoque illo grave vulnus habebat
 Tempore. Leucothoë multarum oblivia fecit ,
 Gentis odoriferæ quam formosissimâ partu
 210 Edidit Eurynome : sed post quàm filia crevit ,
 Quàm mater cunctas , tam matrem filia vincit.
 Rexit Achæmenias urbes pater Orchamus : isque
 Septimus a prisca numeratur origine Beli.
 Axe sub Hesperio sunt pascua Solis equorum ;
 215 Ambrosiam pro gramine habent : ea fessâ diurnis
 Membra ministeriis nutrit , reparatque labori.
 Dumque ibi quadrupedes cœlestia pabula carpunt ,
 Noxque vicem peragit ; thalamos Deus intrat amatos,
 Versus in Eurynomes faciem genitricis : & inter
 220 Bis sex Leucothoën famulas ad lumina cernit ,
 Levia versato ducentem stamina fuso.
 Ergo ubi , ceu mater caræ dedit oscula natæ ;
 Res , ait , arcana est : famulæ , discedite : neve
 Arripite arbitrium matri , secreta loquenti.
 225 Paruerunt : thalamoque , Deus , sine teste relicto ,
 Ille ego sum , dixit , qui longum metior annum ,
 Omnia qui video ; per quem videt omnia tellus ;
 Mundi oculus : mihi, crede, places. Pavet illa : metuque,
 Et colus , & fusus digitis cecidere remissis ;
 230 Ipse timor decuit. Nec longius ille moratus ,
 In veram redlit faciem , solitumque nitorem.
 At virgo , quamvis inopino territa visu ,
 Viستا nitore Dei , positâ vim passa querelâ est.
 Invidit Clytie , neque enim moderatus in illa

METAMORPHOSEON L. IV. 81

Solis amor fuerat : stimulatque pellicis irâ 235
 Vulgat adulterium ; diffamatumque parenti
 Indicat : ille ferox immanisueque precantem ,
 Tendentemque manus ad lumina Solis , & , Ille
 Vim tulit invitæ , dicentem , defodit altâ
 Crudus humo : tumulumque super gravis addit arenæ. 240
 Dissipat hunc radiis Hyperione natus : iterque
 Dat tibi , quo possis defossos promere vultus.
 Nec tu jam poteras enectum pondere terræ
 Tollere , Nympha , caput : corpusque exsangue jacebas.
 Nil illo fertur volucrum moderator equorum 245
 Post Phaëthonteos vidisse dolentius ignes.
 Ille quidem gelidos , radiorum viribus , artus ,
 Si queat , in vivum tentat revocare calorem.
 Sed , quoniam tantis fatum conatibus obstat ,
 Nectare odorato spargit corpusque locumque ; 250
 Multaque præquestus , Tanges tamen æthera , dixit.
 Protinus imbutum cœlesti nectare corpus
 Delicuit , terramque suo madefecit odore ;
 Virgaque , per glebas sensim radicibus actis ,
 Turea surrexit , tumulumque cacumine rupit. 255

At Clytien , quamvis amor excusare dolorem ,
 Indiciumque dolor poterat , non amplius auctor
 Lucis adit : Venerisque modum sibi fecit in illa.
 Tabuit ex illo , dementer amoribus usa ,
 Nympharum impatiens ; & sub Jove , nocte dieque , 260
 Sedit humo nudâ , nudis incomta capillis.
 Perque novem luces , expers undæque cibique ,
 Rore mero , lacrymisque suis jejunia pavit ;
 Nec se movit humo. Tantùm spectabat euntis
 Ora Dei : vultusque suos flestebat ad illum. 265
 Membra ferunt hæsisse solo : partemque coloris
 Luridus exsanguis pallor convertit in herbas.
 Est in parte rubor : violæque simillimus ora
 Flos tegit. Illa suum , quamvis radice tenetur ,

D v

270 Vertitur ad Solem, mutataque servat amorem.

Dixerat : & factum mirabile ceperat aures.
 Pars fieri potuisse negant : pars omnia veros
 Posse Deos memorant ; sed non & Bacchus in illis.
 Poscitur Alcithoë, post quàm siluere sorores :
 275 Quæ radio stantis percurrens flamina telæ,
 Vulgatos taceo, dixit, pastoris amores
 Daphnidis Idæi, quem Nymphæ pellicis irâ
 Contulit in saxum : tantus dolor urit amantes !

Nec loquor, ut quondam, naturæ jure novato,
 280 Ambiguus fuerit modò vir, modò femina, Scython.

Te quoque, nunc adamas, quondam fidissime parvo,
 Celmi, Jovi : largoque satos Curetas ab imbrî ;
 Et Crocon, in parvos versum cum Smilacæ flores,
 Prætereo : dulcique animos novitate tenebo.

285 Unde sit infamis, quare malè fortibus undis
 Salmacis enervet, tactosque remolliat artus ;
 Discite. Causa latet : vis est notissima fontis.
 Mercurio puerum divâ Cythereïde natum
 Naïdes Idæis enutrivere sub antris ;
 290 Cujus erat facies, in qua materque paterque
 Cognosci possent : nomen quoque traxit ab illis.
 Is, tria cùm primùm fecit quinquennia, montes
 Deseruit patrios ; Idæque altrice relictâ,
 Ignotis errare locis, ignota videre
 295 Flumina, gaudebat ; studio minuyente laborem.
 Ille etiam Lycias urbes, Lyciæque propinquos
 Caras adit. Videt hîc stagnum lucentis ad imum
 Usque solum lymphæ : non illic canna palustris,
 Nec steriles ulvæ, nec acutâ cuspide junci.
 300 Perspicuus liquor est : stagni tamen ultima vivo
 Cespite cinguntur, semperque virentibus herbis.

METAMORPHOSEON L. IV. 83

Nympha colit : sed nec venatibus apta , nec arcus
Flectere quæ soleat , nec quæ contendere cursu ;
Solaque Naiadum celeri non nota Dianæ.
Sæpe suas illi fama est dixisse sorores ; 305
Salmaci , vel jaculum , vel pictas sume pharetras ;
Et tua cum duris venatibus otia misce.
Nec jaculum sumit , nec pictas illa pharetras ;
Nec sua cum duris venatibus otia miscet.
Sed modò fonte suo formosos perluit artus ; 310
Sæpe Citoriaco deducit pectine crines ,
Et quid se deceat , spectatas consulit undas.
Nunc perlucenti circumdata corpus amictu ,
Mollibus aut foliis , aut mollibus incubat herbis.
Sæpe legit flores : & tunc quoque forte legebat , 315
Cum puerum vidit : visumque optavit habere.
Nec tamen ante adiit , etsi properabat adire ,
Quàm se composuit , quàm circumspexit amictus ,
Et finxit vultum ; & meruit formosa videri.
Tunc sic orsa loqui : Puer ô ! dignissime credi 320
Esse Deus ; seu tu Deus es , potes esse Cupido ;
Sive es mortalis , qui te genuere , beati ;
Et frater felix , & fortunata profectò ,
Si qua tibi soror est , & quæ dedit ubera nutrix.
Sed longè cunctis , longèque potentior illis , 325
Si qua tibi sponsa est ; si quam dignabere tædâ.
Hæc tibi sive aliqua est , mea sit furtiva voluptas ;
Seu nulla est , ego sim : thalamumque ineamus eundem.
Nais ab his tacuit : pueri rubor ora notavit
Nescia quid sit amor : sed & erubuisse decebat. 330
Hic color apricâ pendentibus arbore pomis ,
Aut ebori tincto est ; aut sub candore rubenti ,
Cum frustra resonant æra auxiliaria , Lunæ.
Poscenti Nymphæ sine fine sororia saltem
Oscula , jamque manus ad eburnea colla ferenti , 335
Desinis ? an fugio ? tecumque , ait , ista relinquo ?
Salmacis extimuit : Locaque hæc tibi libera trado ,

D vj

Hospes , ait : simulatque gradu discedere verso.

Tum quoque respiciens , fruticumque recondita silvâ

- 340 Delituit : flexumque genu submisit. At ille ,
 Ut puer , & vacuis ut inobservatus in herbis ,
 Huc it ; & hinc illuc : & in alludentibus undis
 Summa pedum , taloque tenus vestigia tingit.

Nec mora : temperie blandarum captus aquarum ,

- 345 Mollia de tenero velamina corpore ponit.
 Tum verò obstupuit , nudæque cupidine formæ
 Salmacis exarsit : flagrant quoque lumina Nymphes ;
 Non aliter , quàm cùm , puro nitidissimus orbe ,
 Oppositâ speculi referitur imagine Phœbus.

- 350 Vixque moram patitur : vix jam sua gaudia differt.
 Jam cupit amplecti : jam se malè continet amens.
 Ille , cavis , velox , applauso corpore palmis ,
 Desilit in latices : alternaque brachia ducens
 In liquidis transluet aquis : ut eburnea si quis

- 355 Signa tegat claro , vel candida lilia , vitro.
 Vicimus , en meus est , exclamat Naïs : & , omni
 Veste procul jactâ , mediis immittitur undis ,
 Pugnacemque tenet : luctantiaque oscula carpit ;
 Subjectatque manus , invitaque pectora tangit ;

- 360 Et nunc hæc juveni , nunc circumfunditur illâc.
 Denique nitentem contra , elabique volentem
 Implicat , ut serpens , quam regia sustinet ales ,
 Sublimemque rapit : pendens caput illa , pedesque
 Alligat , & caudâ spatiantes implicat alas.

- 365 Utve solent hederæ longos intexere truncos ;
 Utque sub æquoribus deprensus polypus hostem
 Continet , ex omni dimissis parte flagellis.
 Perstat Atlantiades , sperataque gaudia Nymphæ
 Denegat : illa premit , commissaque corpore toto

- 370 Sicut inhærebat , Pugnes licet , improbe , dixit ,
 Non tamen effugies. Ita , Dî , jubeatis ; & istum
 Nulla dies a me , nec me seducat ab isto.

Vota suos habuere Deos : nam mixta duorum

METAMORPHOSEON L. IV. 85

Corpora junguntur, faciesque inducitur illis
Una: velut si quis, conductâ cortice, ramos 375
Crescendo jungi, pariterqueadolescere cernat.
Sic ubi complexu coierunt membra tenaci,
Nec duo sunt, & forma duplex: nec femina dici,
Nec puer ut possint: neutrumque & utrumque videntur.
Ergo ubi se liquidas, quò vir descenderat, undas 380
Semimarem fecisse videt, mollitaqua in illis
Membra; manus tendens, sed jam non voce virili,
Hermaphroditus ait, Nato date munera vestro,
Et pater & genitrix, amborum nomen habenti;
Quisquis in hos fontes vir venerit, exeat inde 385
Semivir: & tactis subito mollescat in undis.
Motus uterque parens nati rata vota biformis
Fecit, & incerto fontem medicamine tinxit.

Finis erat dictis; & adhuc Minyeia proles
Urget opus, spernitque Deum, festumque profanat; 390
Tympana cum subito non apparentia raucis
Obstrepuere sonis: & adunco tibia cornu,
Tinnulaque æra sonant. Redolent myrrhæque, crocique:
Resque fide major, cœpere virescere telæ,
Inque hederæ faciem pendens frondescere vestis. 395
Pars abit in vites: & quæ modò fila fuerunt,
Palmitum mutantur: de stamine pampinus exit;
Purpura fulgorem pictis accommodat uvis.
Jamque dies exactus erat, tempusque subibat,
Quod tu nec tenebras, nec possis dicere lucem; 400
Sed cum luce tamen dubiæ confinia noctis.
Testa repente quati, pinguesque ardere videntur
Lampades, & rutilis collucere ignibus ædes;
Falsæque sævarum simulacra ululare ferarum.
Fumida jam dudum latitant per testa sorores; 405
Diversæque locis ignes ac lumina vitant.
Dumque petunt latebras, parvos membrana per artus
Porrigitur, tenuique inducit brachia pennâ.

86 P. OVIDII NASONIS

- Nec quâ perdiderint veterem ratione figuram
 410 Scire sinunt tenebræ : non illas pluma levavit ;
 Sustinuere tamen se perlucetibus alis.
 Conatæque loqui , minimam pro corpore vocem
 Emittunt ; peraguntque leves stridore querelas.
 Testaque , non silvas , celebrant : lucemque perosæ
 415 Nocte volant : feroque trahunt a vespere nomen.

- Tum verò totis Bacchi memorabile Thebis
 Numen erat ; magnasque novi matertera vires
 Narrat ubique Dei : de totque sororibus experts
 Una doloris erat , nisi quem fecere sorores.
 420 Aspicit hanc , natis thalamoque Athamantis habentem
 Sublimes animos , & alumno numine , Juno ;
 Nec tulit : & secum , Potuit de pellice natus
 Vertere Mæonios , pelagoque immergere , nautas ,
 Et laceranda suæ nati dare viscera matri ,
 425 Et triplices operire novis Minyeïdas alis ;
 Nil poterit Juno , nisi inultos flere dolores ?
 Idque mihi satis est ? hæc una potentia nostra est ?
 Ipse docet quid agam. Fas est & ab hoste doceri ;
 Quidque furor valeat , Pentheâ cæde fatisque
 430 Ac super ostendit. Cur non stimuletur , eatque
 Per cognata suis exempla furoribus Ino ?
 Est via declivis , funestâ nubila taxo ;
 Ducit ad infernas per muta silentia sedes.
 Styx nebulas exhalat iners : umbræque recentes
 435 Descendunt illac , simulacraque funesta sepulcris.
 Pallor Hiemsque tenent latè loca senta : novique ,
 Quâ sit iter , Manes , Stygiam quod ducit ad urbem ,
 Ignorant : ubi sit nigri fera regia Ditis.
 Mille capax aditus , & apertas undique portas
 440 Urbs habet : utque fretum de tota flumina terrâ ,
 Sic omnes animas locus accipit ille ; nec ulli
 Exiguus populo est , turbamve accedere sentit.
 Errant exsangues sine corpore & ossibus Umbræ ;

METAMORPHOSEON L. IV. 87

Parsque forum celebrant, pars imi tecta tyranni;
Pars alias artes, antiquæ imitamina vitæ. 445
Sustinet ire illuc, cœlesti sede relicta,
Tantum odiis iræque dabat! Saturnia Juno.
Quò simul intravit, sacroque a corpore pressum
Ingemuit limen; tria Cerberus extulit ora,
Et tres latratus simul edidit. Illa Sorores 450
Nocte vocat genitas, grave & implacabile numen.
Carceris ante fores clausas adamante sedebant;
Deque suis atros pectebant crinibus angues.
Quam simul agnorunt inter caliginis umbras,
Surrexere Deæ. Sedes Scelerata vocatur: 455
Viscera præbebat Tityos lanianda, novemque
Jugibus distentus erat: tibi, Tantale, nullæ
Deprenduntur aquæ; quæque imminet, effugit arbos.
Aut petis, aut urges ruiturum, Sisyphæ, saxum.
Volvitur Ixion, & se sequiturque fugitque. 460
Molirique suis letum patruelibus ausæ,
Assiduæ repetunt, quas perdant, Belides undas.
Quos omnes acie post quàm Saturnia torvâ
Vidit, & ante omnes Ixiona; rursus ab illo
Sisyphon aspiciens, Cur hic e fratribus, inquit, 465
Perpetuas patitur pœnas? Athamanta superbum
Regia dives habet, qui me cum conjuge semper
Sprevit? & exponit causas odiique viæque;
Quidque velit. Quod vellet, erat, ne regia Cadmi
Staret; & in facinus traherent Athamanta Sorores. 470
Imperium, promissa, preces confundit in unum;
Solicitatque Deas. Sic hæc Junone locutâ,
Tisiphone canos, ut erat turbata, capillos
Movit: & obstantes rejecit ab ore colubras.
Atque ita, Non longis opus est ambagibus, inquit. 475
Facta puta, quæcumque jubes: inamabile regnum
Desere: teque refer cœli melioris ad auras.

Læta redit Juno: quam cœlum intrare parantem

88 *P. OVIDII NASONIS*

- Roratis lustravit aquis Thaumantias Iris.
- 480 Nec mora : Tisiphone madefactam sanguine sumit
 Importuna facem : fluidoque cruore rubentem
 Induitur pallam , tortoque incingitur angue ;
 Egrediturque domo. Luctus comitantur euntem ,
 Et Pavor , & Terror , trepidoque Infania vultu.
- 485 Limine constiterat : postes tremuisse feruntur
 Æolii , Pallorque fores infecit acernas ;
 Solque locum fugit. Monstris exterrita conjux ,
 Territus est Athamas : testoque exire parabant.
 Obstetit infelix , aditumque obsedit , Erinnyis ;
- 490 Nexaque vipereis distendens brachia nodis ,
 Cæsariem excussit : motæ sonuere colubræ.
 Parsque jacens humeris , pars circum tempora lapsæ
 Sibila dant, faniemque vomunt, linguasque coruscant.
 Inde duos mediis abruptit crinibus angues ,
- 495 Pestiferâque manu raptos immisit : at illi
 Inoosque sinus Athamanteosque pererrant ;
 Inspirantque graves animas : nec vulnera membris
 Ulla ferunt : mens est , quæ diros sentiat ictus.
 Attulerat secum liquidi quoque monstra veneni ;
- 500 Oris Cerberei spumas , & virus Echidnæ ,
 Erroresque vagos , cæcæque oblivias mentis ,
 Et scelus , & lacrymas , rabiemque , & cædis amorem ;
 Omnia trita simul : quæ sanguine mixta recenti
 Coxerat ære cavo , viridi versata cicutâ.
- 505 Dumque pavent illi , vertit furiale venenum
 Pectus in amborum ; præcordiaque intima movit.
 Tum , face jactatâ per eundem sæpius orbem ,
 Consequitur motos velociter ignibus ignes.
 Sic victrix , jussique potens , ad inania magni
- 510 Regna redit Ditis ; sumtumque recingitur anguem.

Protinus Æolides , mediâ furibundus in aula ,
 Clamat , Io , comites , his retia tendite silvis ;
 Hic modò cum gemina visa est mihi prole læna.

METAMORPHOSEON L. IV. 89

Utque feræ , sequitur vestigia conjugis amens ;
 Deque sinu matris ridentem , & parva Learchum 515
 Brachia tendentem , rapit ; & bis terque per auras
 More rotat fundæ : rigidoque infantia saxo
 Discutit ossa ferox. Tum denique concita mater ,
 Seu dolor hoc fecit , seu sparsi causa veneni ;
 Exululat , passisque fugit malè sana capillis ; 520
 Teque ferens parvum nudis , Melicerta , lacertis ,
 Evohe , Bacche , sonat. Bacchi sub nomine Juno
 Risit : & , Hos usus præstet tibi , dixit , alumnus.
 Imminet æquoribus scopulus : pars ima cavatur
 Fluctibus , & testas defendit ab imbribus undas ; 525
 Summa riget , frontemque in apertum porrigit æquor.
 Occupat hunc , vires insania fecerat , Ino ;
 Seque super pontum , nullo tardata timore ,
 Mittit , onusque suum : percussa recanduit unda.
 At Venus immeritæ neptis miserata labores , 530
 Sic patruo blandita suo est : O ! numen aquarum ,
 Proxima cui cælo cessit , Neptune , potestas ;
 Magna quidem posco : sed tu miserere meorum ,
 Jactari quos cernis in Ionio immenso ;
 Et Dis adde tuis : aliqua & mihi gratia ponto est ; 535
 Si tamen in dio quondam concreta profundo
 Spuma fui , Grajumque manet mihi nomen ab illa.
 Annuit oranti Neptunus : & abstulit illis ,
 Quod mortale fuit ; majestatemque verendam
 Imposuit , nomenque simul faciemque novavit ; 540
 Leucothoëque Deum cum matre Palæmona dixit.

Sidoniæ comites , quantum valuere , secutæ ,
 Signa pedum primo vidēre novissima saxo ;
 Nec dubium de morte ratæ , Cadmeïda palmis
 Deplanxere domum , scissæ cum veste capillos. 545
 Utque parum justæ , nimiumque in pellice sævæ
 Invidiam fecere Deæ. Convicia Juno
 Non tulit : & , Faciam vos ipsas maxima , dixit ,

- Sævitæ monumenta meæ. Res dicta secuta est.
 550 Nam quæ præcipuè fuerat pia , Persequar , inquit ,
 In freta reginam : saltumque datura , moveri
 Haud usquam potuit : scopuloque affixa cohæsit.
 Altera , dum solito tentat plangore ferire
 Pectora , tentatos sentit riguisse lacertos.
 555 Illa , manus ut fortè tetenderat in maris undas ,
 Saxeæ facta manus in easdem porrigit undas.
 Hujus , ut arreptum laniabat vertice crinem ,
 Duratos subitò digitos in crine videres.
 Quo quæque in gestu deprenditur , hæsit in illo.
 560 Pars volucres factæ ; quæ nunc quoque gurgite in illo
 Æquora dstringunt sumtis Ismenides alis.

- Nescit Agenorides natam parvumque nepotem
 Æquoris esse Deos. Luctu serieque malorum
 Victus , & ostentis , quæ plurima viderat , exit
 565 Conditor urbe suâ ; tamquam Fortuna locorum ,
 Non sua se premeret : longisque erratibus actus
 Contigit Illyricos , profugâ cum conjuge , fines.
 Jamque malis annisque graves , dum prima retractant
 Fata domûs , releguntque suos sermone labores ;
 570 Num facer ille meâ trajetûs cuspide serpens ,
 Cadmus ait , fuerit ? tum , cùm Sidone profectus
 Vipereos sparsi per humum , nova semina , dentes.
 Quem si cura Deûm tam certâ vindicat irâ ,
 Ipse precor serpens in longam porrigar alvum.
 575 Dixit : & , ut serpens , in longam tenditur alvum ;
 Duratæque cuti squamas increescere sentit ,
 Nigraque cæruleis variari corpora guttis ;
 In pectusque cadit pronus : commissaque in unum
 Paulatim tereti sinuantur acumine crura.
 580 Brachia jam restant : quæ restant , brachia tendit ;
 Et lacrymis per adhuc humana fluentibus ora ,
 Accede , ô ! conjux , accede , miserrima , dixit :
 Dumque aliquid superest de me , me tange : manumque

METAMORPHOSEON L. IV. 91

Accipe, dum manus est; dum non totum occupat anguis.
Ille quidem vult plura loqui: sed lingua repente 585
In partes est fissa duas. Nec verba volenti
Sufficiunt: quotiesque aliquos parat edere questus,
Sibilat: hanc illi vocem Natura relinquit.
Nuda manu feriens, exclamat, pectora conjux,
Cadme, mane: teque his, infelix, exue monstribus. 590
Cadme! quid hoc? ubi pes? ubi sunt humerique manusque?
Et color, & facies? &, dum loquor, omnia? cur non
Me quoque, Cœlestes, in eundem vertitis anguem?
Dixerat: ille suæ lambebat conjugis ora;
Inque sinus caros, veluti cognosceret, ibat; 595
Et dabat amplexus; assuetaque colla petebat.
Quisquis adest, aderant comites, terretur: at illos
Lubrica permulcent cristati colla dracones,
Et subito duo sunt: junctoque volumine serpunt,
Donec in appositi nemoris subiere latebras. 600
Nunc quoque nec fugiunt hominem, nec vulnere lædunt;
Quidque prius fuerint, placidi meminere dracones.

Sed tamen ambobus versæ solatia formæ
Magna nepos fuerat: quem debellata colebat
India, quem positis celebrabat Achæia templis. 605
Solutus Abantiades, ab origine cretus eadem,
Acrisius superest, qui mœnibus arceat urbis
Argolicæ, contraque Deum ferat arma; genusque
Non putet esse Jovis: neque enim Jovis esse putabat
Persea, quem pluvio Danaë conceperat auro. 610
Mox tamen Acrisium, tanta est præsentia veri!
Tam violasse Deum, quam non agnôsse nepotem,
Pœnitet: impositus jam cœlo est alter: at alter
Viperei referens spoliū memorabile monstri
Aera carpebat tenerum stridentibus alis. 615
Cūque super Libycas victor penderet arenas,
Gorgonei capitis guttæ cecidere cruentæ;
Quas humus exceptas varios animavit in angues.

Unde frequens illa est, infestaque terra colubris.

- 620 Inde, per immensum ventis discordibus actus,
Nunc huc, nunc illuc, exemplo nubis aquosæ,
Fertur, & ex alto seductas æthere longè
Despectat terras; totumque supervolat orbem.
Ter gelidas Arctos, ter Cancri brachia vidit;
625 Sæpe sub occasus, sæpe est ablatus in ortus.
Jamque cadente die, veritus se credere nocti,
Constitit Hesperio, regnis Atlantis, in orbe;
Exiguamque petit requiem, dum Lucifer ignes
Evocet Auroræ, currus Aurora diurnos.
630 Hic hominum cunctos ingenti corpore præstans
Iapetionides Atlas fuit: ultima tellus
Rege sub hoc, & pontus erat, qui Solis anhelis
Æquora subdit equis, & fessos excipit axes.
Mille greges illi, totidemque armenta per herbas
635 Errabant: & humum vicinia nulla premebant.
Arborææ frondes, auro radiante virentes,
Ex auro ramos, ex auro poma tegebant.
Hospes, ait Perseus illi, seu gloria tangit
Te generis magni; generis mihi Juppiter auctor:
640 Sive es mirator rerum; mirabere nostras.
Hospitium requiemque peto: memor ille vetustæ
Sortis erat: Themis hanc dederat Parnasia sortem;
Tempus, Atla, veniet, tua quo spoliabitur auro
Arbor: & hunc prædæ titulum Jove natus habebit.
645 Id metuens, solidis pomaria clauferat Atlas
Moenibus, & vasto dederat servanda draconi;
Arcebatque suis externos finibus omnes.
Huic quoque, Vade procul, ne longè gloria rerum,
Quas mentiris, ait, longè tibi Juppiter absit.
650 Vimque minis addit: foribusque expellere tentat
Cunctantem, & placidis miscentem fortia dictis.
Viribus inferior, quis enim par esset Atlanti
Viribus? At quoniam parvi tibi gratia nostra est;

METAMORPHOSEON L. IV. 93

Accipe munus , ait : lævâque a parte , Medusæ ,
Ipse retroversus , squalentia prodidit ora. 655
Quantus erat , mons factus Atlas. Jam barba comæque
In silvas abeunt : juga sunt humerique manusque.
Quod caput ante fuit , summo est in monte cacumen ;
Ossa lapis fiunt : tum partes auctus in omnes
Crevit in immensum , (sic , Dî , statuistis) & omne 660
Cum tot sideribus cœlum requievit in illo.

Clauserat Hippotades æterno carcere ventos ;
Admonitorque operum , cœlo clarissimus alto ,
Lucifer ortus erat : pennis ligat ille resumtis
Parte ab utrâque pedes , teloque accingitur unco ; 665
Et liquidum motis talaribus aëra findit.
Gentibus innumeris circumque infraque relictis ,
Æthiopum populos , Cepheia conspicit arva.
Illic immeritam maternæ pendere linguæ
Andromedan pœnas injustus jusserat Hammon. 670
Quam simul ad duras religatam brachia cautes
Vidit Abantiades ; nisi quod levis aura capillos
Moverat , & trepido manabant lumina fletu ;
Marmoreum ratus esset opus. Trahit inscius ignes ;
Et stupet : & visæ correptus imagine formæ , 675
Pæne suas quaterere est oblitus in aëre pennas.
Ut stetit , O ! dixit , non istis digna catenis ,
Sed quibus inter se cupidi junguntur amantes ;
Pande requirenti nomen terræque tuumque ;
Et cur vincla geras. Primò silet illa : nec audet 680
Appellare virum virgo : manibusque modestos
Celasset vultus , si non religata fuisset.
Lumina , quod potuit , lacrymis implevit obortis.
Sæpius instanti , sua ne delicta fateri
Nolle videretur , nomen terræque suumque , 685
Quantaque maternæ fuerit fiducia formæ ,
Indicat : & , nondum memoratis omnibus , unda
Insonuit : veniensque immenso bellua ponto

- Eminet : & latum sub pectore possidet æquor.
 690 Conclamat virgo : genitor lugubris , & amens
 Mater adest : ambo miseri , sed justius illa.
 Nec secum auxilium , sed dignos tempore fletus ,
 Plangoremque ferunt : vinctoque in corpore adhærent.
 Cùm sic hospes ait. Lacrymarum longa manere (est.
 695 Tempora vos poterunt : ad opem brevis hora ferendam
 Hanc ego si peterem Perseus Jove natus , & illâ ,
 Quam clausam implevit secundo Juppiter auro ,
 Gorgonis anguicomæ Perseus superator , & alis
 Æthereas ausus jactatis ire per auras ;
 700 Præferrer cunctis certè gener. Addere tantis
 Dotibus & meritum , faveant modò numina , tento.
 Ut mea sit , servata meâ virtutè , paciscor.
 Accipiunt legem , quis enim dubitaret ? & orant ,
 Promittuntque super regnum dotale , parentes.
 705 Ecce velut navis , præfixo concita rostro ,
 Sulcat aquas , juvenum sudantibus acta lacertis ,
 Sic fera , dimotis impulsu pectoris undis.
 Tantum aberat scopulis , quantum Balearica torto
 Funda potest plumbo mediû transmittere cœli :
 710 Cùm subito juvenis , pedibus tellure repulsâ ,
 Arduus in nubes abiit. Ut in æquore summo
 Umbra viri visa est , visam fera sævit in umbram.
 Utque Jovis præpes , vacuo cùm vidit in arvo
 Præbentem Phœbo liventia terga draconem ,
 715 Occupat aversum ; neu sæva retorqueat ora ,
 Squamigeris avidos figit cervicibus ungues :
 Sic celeri fissum præpes per inane volatu
 Terga feræ pressit : dextroque frementis in armo
 Inachides ferrum curvo tenus abdidit hamo.
 720 Vulnere læsa gravi modò se sublimis in auras
 Attollit : modò subdit aquis : modò more ferocis
 Versat apri , quem turba canum circumsona terret.
 Ille avidos morsus velocibus effugit alis :
 Quâque patent, nunc terga cavis super obsita conchis,

METAMORPHOSEON L. IV. 95

Nunc laterum costas, nunc quâ tenuissima cauda 725
Desinit in piscem, falcato verberat ense.

Bellua puniceo mixtos cum sanguine fluctus
Ore vomit. Maduere graves aspergine pennæ;
Nec bibulis ultra Perseus talaribus ausus

Credere, conspexit scopulum, qui vertice summo 730
Stantibus extat aquis; operitur ab æquore moto.

Nixus eò, rupisque tenens juga prima sinistrâ,
Ter quater exegit repetita per ilia ferrum.

Litora cum plausu clamor superasque Deorum
Implevere domos: gaudent, generumque salutant, 735

Auxiliumque domûs, servatoremque fatentur
Cassiope Cepheusque pater. Resoluta catenis
Incedit virgo, pretiumque & causa laboris.

Ipse manus haustâ victrices abluit undâ;
Anguiferumque caput durâ ne lædat arenâ, 740

Mollit humum foliis: natasque sub æquore virgas
Sternit, & imponit Phorcynidos ora Medusæ.

Virga recens, bibulâque etiamnum viva medullâ,
Vim rapuit monstri, tactuque induruit hujus;
Percepitque novum ramis & fronde rigorem. 745

At pelagi Nymphæ factum mirabile tentant
Pluribus in virgis, & idem contingere gaudent;
Seminaque ex illis iterant jactata per undas.

Nunc quoque curaliis eadem natura remansit,
Duritiem tacto capiant ut ab aëre; quodque 750

Vimen in æquore erat, fiat super æquora saxum.

Dis tribus ille focus totidem de cespite ponit;
Lævum Mercurio, dextrum tibi, bellica virgo;
Ara Jovis media est. Maestatur vacca Minervæ,
Alipedi vitulus; taurus tibi, summe Deorum. 755
Protinus Andromedan, & tanti præmia facti
Indotata rapit: Tædas Hymenæus Amorque
Præcutiunt: largis satiantur odoribus ignes;
Sertaque dependent tectis: lotique, lyræque,

- 760 Tibiaque , & cantus , animi felicia læti
 Argumenta , fonant. Referatis aurea valvis
 Atria tota patent , pulchroque instructa paratu
 Cepheni proceres ineunt convivium regis.
 Post quàm , epulis functi , generosi munere Bacchi
- 765 Diffudere animos ; cultusque habitusque locorum
 Quærit Abantiades ; quærenti protinus unus
 Narrat Lyncides , moresque habitusque virorum.
 Quæ simul edocuit , Nunc , ô ! fortissime , dixit ,
 Fare precor , Perseu , quantâ virtute , quibusque
- 770 Artibus abstuleris crinita draconibus ora.
 Narrat Agenorides , gelido sub Atlante jacentem
 Esse locum , solidæ tutum munimine molis ;
 Cujus in introitu geminas habitasse sorores
 Phorcydas , unius partitas luminis usum :
- 775 Id se sollerti furtim , dum traditur , astu
 Suppositâ cepisse manu : perque abdita longè ,
 Deviaque , & silvis horrentia saxa fragosis ,
 Gorgoneas tetigisse domos : passimque per agros ,
 Perque vias vidisse hominum simulacra , ferarumque,
- 780 In silicem ex ipsis visâ conversa Medusâ ;
 Se tamen horrendæ , clypei quod læva gerebat ,
 Ære percussio , formam aspexisse Medusæ :
 Dumque gravis somnus colubrasque ipsamque tenebat ,
 Eripuisse caput collo : pennisque fugacem
- 785 Pegafon , & fratrem , matris de sanguine natos.
 Addidit & longi non falsa pericula cursûs :
 Quæ freta , quas terras sub se vidisset ab alto :
 Et quæ jactatis tetigisset sidera pennis.
 Ante expectatum tacuit tamen. Excipit unus
- 790 E numero procerum , quærens , cur sola fororum
 Gesserit alterius immixtos crinibus angues.

Hospes ait , Quoniam scitaris digna relatu ,
 Accipe quæsitæ causam. Clarissima formâ ,
 Multorumque fuit spes invidiosa procorum

Illa :

METAMORPHOSEON L. IV. 97

Illa : nec in tota conspectior ulla capillis 795
Pars fuit : inveni , qui se vidisse referrent.
Hanc pelagi rector templo vitiaſſe Minervæ
Dicitur. Avera eſt , & caſtos ægide vultus
Nata Jovis textit : neve hoc impune fuiſſet ,
Gorgoneum turpes crinem mutavit in hydros. 800
Nunc quoque , ut attonitos formidine terreat hoſtes ,
Pectore in adverſo , quos fecit , ſuſtinet angues.





OVIDII NASONIS
METAMORPHOSEON

LIBER V.

- D**UMQUE ea Cephenûm medio Danaeûs heros
Agmine commemorat, fremitu regalia turbæ
Atria complentur : nec conjugialia festa
Qui canat, est clamor ; sed qui fera nunciet arma.
5 Inque repentinos convivias versa tumultus
Assimulare freto possis : quod sæva quietum
Ventorum rabies motis exasperat undis.
Primus in his Phineus, belli temerarius auctor,
Fraxineam quatiens æratæ cuspidis hastam ;
10 En, ait, en adsum præreptæ conjugis ultor.
Nec mihi te pennæ, nec falsum versus in aurum
Juppiter, eripient. Conanti mittere Cepheus,
Quid facis ? exclamat : quæ te, germane, furentem
Mens agit in facinus ? meritisne hæc gratia tantis
15 Redditur ? hac vitam servatæ dote rependis ?
Quam tibi non Perseus, verum si quæris, ademit ;
Sed grave Nereïdum numen, sed corniger Ammon,
Sed quæ visceribus veniebat bellua ponto
Exsaturanda meis. Illo tibi tempore raptæ est,
20 Quo peritura fuit : nisi si, crudelis, id ipsum
Exigis, ut pereat ; luctuque levabere nostro.
Scilicet haud satis est, quod, te spectante, revincta est ?

Et nullam quod opem patruus sponsusve tulisti?
 Insuper, a quoquam quod sit servata, dolebis,
 Præmiaque eripies? quæ si tibi magna videntur, 25
 Ex illis scopulis, ubi erant affixa, petisses.
 Nunc sine, qui petiit, per quem non orba senectus,
 Ferre, quod & meritis & voce est pactus: eumque
 Non tibi, sed certæ prælatum intellige morti.
 Ille nihil contra: sed & hunc, & Persea vultu 30
 Alternò spectans, petat hunc igaorat, an illum.
 Cunctatusque brevi, contortam viribus hastam,
 Quantas ira dabat, nequicquam in Persea misit.
 Ut stetit illa toro, stratis tum denique Perseus
 Exsiluit: teloque ferox inimica remisso 35
 Pectora rupisset, nisi post altaria Phineus
 Iisset: & indignum! scelerato profuit ara.
 Fronte tamen Rhœti non irrita cuspis adhæsit.
 Qui post quàm cecidit, ferrumque ex offe revulsum est,
 Palpitat, & positas aspergit sanguine mensas. 40
 Tum verò indomitas ardescit vulgus in iras,
 Telaque conjiciunt: & sunt, qui Cephea dicant
 Cum genero debere mori. Sed limine testis
 Exierat Cepheus, testatus jusque, fidemque,
 Hospitiique Deos, ea, se prohibente, moveri. 45
 Bellica Pallas adest, & protegit ægide fratrem,
 Datque animos. Erat Indus Athis, quem, flumine Gange
 Edita, Limnate vitreis peperisse sub antris
 Creditur, egregius formâ: quam divite cultu
 Augebat, bis adhuc octonis integer annis; 50
 Indutus chlamydem Tyriam, quam limbus obibat
 Aureus: ornabant aurata monilia collum,
 Et madidos myrrhâ curvum crinale capillos.
 Ille quidem jaculo, quamvis distantia, misso
 Figere doctus erat; sed tendere doctior arcus. 55
 Tum quoque, lenta manu flectentem cornua, Perseus
 Stripite, qui mediâ positus fumabat in ara,
 Perculit; & fractis confudit in ossibus ora.

- Hunc ubi laudatos jaſtantiem in ſanguine vultus
 60 Affyrius vidit Lycabas ; (junctiſſimus illi
 Et comes , & veri non diſſimulatoꝝ amoris ;)
 Poſt quàm exhalantiem ſub acerbò vulnere vitam
 Deploravit Athin ; quos ille tetenderat , arcus
 Arripit : & , Mecum tibi ſint certamina , dixit.
 65 Nec longum pueri fato lætabere ; quo plus
 Invidiæ , quàm laudis , habes. Hæc omnia nondum
 Dixerat , emicuit nervo penetrabile telum ;
 Vitatumque , tamen ſinuosa veſte pependit.
 Vertit in hunc harpen , ſpectatam cæde Meduſæ ,
 70 Acrioniades , adigitque in peſtus. At ille
 Jam moriens , oculis ſub nocte natantibus atrâ ,
 Circumſpexit Athin , ſequè acclinavit in illum ;
 Et tulit ad manes junctæ ſolatia mortis.
 Ecce Syenites , genitus Methione , Phorbas ,
 75 Et Libys Amphimedon , avidi committere pugnam :
 Sanguine , quo tellus latè madefaſta tepebat ,
 Conſiderant lapſi : ſurgentibus obſtitit enſis ,
 Alterius coſtis , jugulo Phorbantis adaſtus.
 At non Aſtoriden Erithon , cui lata bipennis
 80 Telum erat , admoto Perſeus petit enſe : ſed altis
 Exſtantiem ſignis , multæque in pondere mæſæ
 Ingentem , manibus tollit cratera duabus ;
 Inſligitque viro. Rutilum vomit ille cruorem ;
 Et reſupinus humum moribundo vertice pulſat.
 85 Inde Semiramio Polydæmona ſanguine cretum ,
 Caucaſiumque Abarin , Sperchionidenque Lycetum ,
 Inconſumque comas Elycen , Phlegiamquæ , Clytumq ;
 Sternit ; & exſtruſtos morientum calcat acervos.
 Nec Phineus auſus concurrere cominus hoſti :
 90 Intorquet jaculum ; quod detulit error in Idan ,
 Expertem fruſtra belli , & neutra arma ſecutum.
 Ille tuens oculis immitem Phinea torvis ;
 Quandoquidem in partes , ait , attrahor , accipe , Phineu ,
 Quem feciſti hoſtem ; penſaque hoc vulnere vulnus.



METAMORPHOSEON L. V. 101

Jamque remissurus tractum de corpore telum, 95
 Sanguine defectos cecidit collapsus in artus.
 Hic quoque Cephenum post regem primus Odites
 Ense jacet Clymeni: Protenora perculit Hypseus;
 Hypsea Lyncides. Fuit & grandævus in illis
 Emathion, æqui cultor, timidusque Deorum: 100
 Quem quoniam prohibent anni bellare, loquendo
 Pugnat; & incessit, scelerataque devovet arma.
 Huic Chromis, amplexo tremulis altaria palmis,
 Demetit ense caput; quod protinus incidit aræ:
 Atque ibi semanimi verba exsecrantia linguâ 105
 Edidit, & medios animam exspiravit in ignes.
 Hinc gemini fratres, Broteasque & cæstibus Ammon
 Invisi, vinci si possent cæstibus enses,
 Phineâ cecidere manu: Cererisque sacerdos
 Ampycus, albenti velatus tempora vittâ. 110
 Tu quoque, Iapetide, non hos adhibendus in usus;
 Sed qui, pacis opus, citharam cum voce moveres;
 Jussus eras celebrare dapes, festumque canendo.
 Cui procul astanti, plectrumque imbelli tenenti,
 Pettalus, I, ridens, Stygius cane cetera, dixit, 115
 Manibus: & lævo mucronem tempore figit.
 Concidit, & digitis morientibus ille retentat
 Fila lyræ; casuque canit miserabile carmen.
 Non sinit hunc impune ferox cecidisse Lycormas;
 Raptaque de dextro robusta repagula postî 120
 Ossibus illidit mediæ cervicis: at ille
 Procubuit terræ, mastati more juvenci.
 Demere tentabat lævi quoque robora postis
 Cinyphius Pelates: tentanti dextera fixa est
 Cuspide Marmaridæ Corythi, lignoque cohæsit. 125
 Hærenti latus hausit Abas: nec corrui ille;
 Sed retinente manum moriens e poste pependit.
 Sternitur & Melaneus, Perseïa castra secutus,
 Et Nasamoniaci Dorylas ditissimus agri.
 Dives agri Dorylas, quo non possederat alter 130

- Latius , aut totidem tollebat farris acervos.
 Hujus in obliquo missum stetit inguine ferrum :
 Letifer ille locus. Quem post quàm vulneris auctor
 Singultantem animam , & versantem lumina vidit
 135 Bactrius Halcyoneus, Hoc, quod premis, inquit, habeto
 De tot agris , terræ : corpusque exsangue reliquit.
 Torquet in hunc hastam calido de vulnere raptam
 Ultor Abantiades : mediâ quæ nare recepta
 Cervice exacta est , in partesque eminet ambas.
 140 Dumque manum Fortuna juvat; Clytiumque, Claninq;
 Matre fatos unâ , diverso vulnere fudit.
 Nam Clyti per utrumque , gravi librata lacerto ,
 Fraxinus acta femur : jaculum Clanis ore momordit.
 Occidit & Celadon Mendesius : occidit Astreus ,
 145 Matre Palæstinâ , dubio genitore creatus.
 Æthionque sagax quondam ventura videre ;
 Nunc ave deceptus falsâ : regisque Thoaestes
 Armiger , & cæso genitore infamis Agyrtes.
 Plus tamen exhausto superest : namque omnibus unum
 150 Opprimere est animus. Conjurata undique pugnant
 Agmina pro causâ , meritum impugnante fidemque.
 Hac pro parte socer frustra pius , & nova conjux
 Cum genitrice , favent ; ululatuque atria complent.
 Sed sonus armorum superat , gemitusque cadentûm ;
 155 Pollutosque semel multo Bellona Penates
 Sanguine perfundit , renovataque prælia miscet.
 Circueunt unum Phineus , & mille secuti
 Phinea : tela volant , hibernâ grandine plura ,
 Præter utrumque latus , præterque & lumen & aures.
 160 Applicat hinc humeros ad magnæ faxa columnæ ,
 Tutæque terga gerens , adversaque in agmina versus ,
 Sustinet instantes. Instabant parte sinistrâ
 Chaonius Molpeus , dextrâ Nabathæus Ethemon.
 Tigris ut , auditis diversâ valle duorum ,
 165 Estimulata fame , mugitibus armentorum ,
 Nescit utrò potius ruat ; & ruere ardet utroque ;

METAMORPHOSEON L. V. 103

Sic dubius Perseus, dextrâ lævâne feratur,
 Molpea trajecti submovit vulnere cruris;
 Contentusque fugâ est: neque enim dat tempus Ethemon,
 Sed furit: & cupiens alto dare vulnera collo, 170
 Non circumspēctis exactum viribus ensem
 Fregit: & extremâ percussæ parte columnæ,
 Lamina dissiluit; dominiq; in gutture fixa est.
 Non tamen ad letum causas satis illa valentes
 Plaga dedit: trepidum Perseus, & inermia frustra 175
 Brachia tendentem Cyllenide confodit harpe.
 Verum ubi virtutem turbæ succumbere vidit;
 Auxilium, Perseus, quoniam sic cogitis ipsi,
 Dixit, ab hoste petam: vultus avertite vestros,
 Si quis amicus adest: & Gorgonis extulit ora. 180
 Quære alium, tua quem moveant miracula, dixit
 Thescelus: utque manu jaculum fatale parabat
 Mittere, in hoc hæsit signum de marmore gestu.
 Proximus huic Ampyx: animi plenissima magni
 Pectora Lyncidæ gladio petit: inque petendo 185
 Dexterâ dirigit, nec citra mota, nec ultra.
 At Nileus, qui se genitum septemplete Nilo
 Ementitus erat, clypeo quoque flumina septem
 Argento partim, partim cælaverat auro;
 Aspice, ait, Perseu, nostræ primordia gentis: 190
 Magna feres tacitas solatia mortis ad umbras,
 A tanto cecidisse viro: pars ultima vocis
 In medio suppressa sono est: adapertaque velle
 Ora loqui credas, nec sunt ea pervia verbis.
 Increpat hos; Vitioque animi, non crimibus, inquit, 195
 Gorgoneis torpetis, Eryx: incurrite mecum;
 Et prosternite humi juvenem magica arma moventem.
 Incurfurus erat: tenuit vestigia tellus;
 Immotusque silex, armataque mansit imago.
 Hi tamen ex merito pœnam subiere, sed unus 200
 Miles erat Persei, pro quo dum pugnat, Aconteus,
 Gorgone conspectâ, saxo concrevit oborto.

- Quem ratus Aſtyages etiamnum vivere, longo
Enſe ferit : ſonuit tinnitibus enſis acutiſ.
- 205 Dum ſtupet Aſtyages, naturam traxit eandem,
Marmoreoque manet vultus mirantiſ in ore.
Nomina longa mora eſt mediâ de plebe virorum
Dicere : hiſ centum reſtabant corpora pugnae;
Gorgone, hiſ centum riguerunt corpora, viſâ.
- 210 Pœnitet inuſti nunc denique Phinea belli.
Sed quid agat? ſimulacra videt diverſa figuris,
Agnoscitque ſuos : & nomine quemque vocatoſ
Poſcit opem : credenſque parum, ſibi proxima tangit
Corpora : marmor erant. Avertitur; atque ita ſupplex,
- 215 Confeſſaſque manuſ, obliquaque brachia tendenſ,
Vincis, ait, Perſeu : remove ſera monſtra, tuæque
Saxificoſ vultuſ, quæcumque ea, tolle Meduſæ.
Tolle, precor : non noſ qdium, regnive cupido
Compulſit ad bellum : pro conjuge movimus arma.
- 220 Cauſa fuit meritſ melior tua, tempore noſtra.
Non ceſſiſſe piget. Nihil, ô ! fortiffime, præter
Hanc animam concede mihi : tua cetera ſunto.
Talia dicenti, neque eum, quem voce rogabat,
Reſpicere audenti, Quod, ait, timidiſſime Phineu,
- 225 Et poſſum tribuiſſe, & magnum munuſ inerti eſt,
Pone metum, tribuam : nullo violabere ferro.
Quin etiam manſura dabo monumenta per ævum :
Inque domo ſoceri ſemper ſpectabere noſtri,
Ut mea ſe ſponſi ſoletur imagine conjux.
- 230 Dixit : & in partem Phorcynida tranſtulit illam,
Ad quam ſe trepido Phineuſ obverſerat ore.
Tum quoque conanti ſua ſteſtere lumina cervix
Diriguit, ſaxoque oculorum induruit humor.
Sed tamen oſ timidum, vultuſque in marmore ſupplex,
- 235 Submiſſæque manuſ, facieſque obnoxia manſit.

Victor Abantiadeſ patrioſ cum conjuge muros
Intrat, & immeritæ vindex ultorque parentiſ.

METAMORPHOSEON L. V. 105

Aggreditur Proetus : nam , fratre per arma fugato ,
Acrisionêas Proetus possederat arces.

Sed nec ope armorum , nec , quam malè ceperat , arce, 240
Torva colubriferi superavit lumina monstri.

Te tamen , ô ! parvæ rector , Polydecta , Seriphi ,
Nec juvenis virtus , per tot spectata labores ,
Nec mala mollierant : sed inexorabile durus
Exerces odium , nec iniquâ finis in ira est. 245
Detrectas etiam laudes : sistamque Medusæ
Arguis esse necem. Dabimus tibi pignora veri ;
Parcite luminibus , Perseus ait : oraque regis ,
Ore Medusæo , silicem sine sanguine fecit.

Haestenus aurigenæ comitem Tritonia fratri 250
Se dedit : inde cavâ circumdata nube Seriphon
Deferit ; a dextra Cythno Gyaroque relictis.
Quaque super pontum via visa brevissima , Thebas
Virgineumque Heliconâ petit : quo monte potita
Constitit ; & doctas sic est affata sorores. 255
Fama novi fontis nostras pervenit ad aures ,
Dura Medusæi quem præpetis ungula rupit.
Is mihi causâ viæ : volui mirabile monstrum
Cernere : vidi ipsum materno sanguine nasci.
Excipit Uranie : Quæcumque est causâ videndi 260
Has tibi , Diva , domos , animo gratissima nostro es.
Vera tamen fama est : & Pegasus hujus origo
Fontis : & ad latices deducit Pallada sacros.
Quæ mirata diu factas pedis ictibus undas ,
Silvarum lucos circumspicit antiquarum , 265
Antraque , & innumeris distinctas floribus herbas :
Felicesque vocat pariter studiique locique
Mnemonidas. Quam sic affata est una sororum.
O ! nisi te virtus opera ad majora tulisset ,
In partem ventura chori Tritonia nostri , 270
Vera refers ; meritoque probas artesque locumque :

- Et gratam sortem , tutæ modò simus , habemus.
 Sed , vetitum est adeo sceleri nihil : omnia terrent
 Virgineas mentes : dirusque ante ora Pyreneus.
- 275 Vertitur , & nondum me totâ mente recepi.
 Daulia Threïcio Phocæaque milite rura
 Ceperat ille ferox , injustaque regna tenebat.
 Templâ petebamus Parnasia : vidit euntes ,
 Nostraque fallaci veneratus numina cultu ;
- 280 Mnemonides (cognôrat enim) consistite , dixit ;
 Nec dubitate , precor , tecto grave sidus & imbrem ,
 Imber erat , vitare meo : subiere minores
 Sæpe casas Superi. Dictis & tempore motæ
 Annuimusque viro , primasque intravimus ædes.
- 285 Desierant imbres , victoque Aquilonibus Austro ,
 Fusca repurgato fugiebant nubila cœlo.
 Impetus ire fuit : claudit sua testâ Pyreneus ,
 Vimque parat : quam nos fumtis effugimus alis.
 Ipse secuturo similis stetit arduus arce ;
- 290 Quæque via est vobis , erit & mihi , dixit , eâdem.
 Seque jacet vecors e summæ culmine turris ;
 Et cadit in vultus , discussique ossibus oris ,
 Tundit humum moriens , scelerato sanguine tinctam.

- Musa loquebatur : pennæ sonuere per auras ,
- 295 Voxque salutantum ramis veniebat ab altis.
 Suspicit ; & linguæ quærit , tam certa loquentes ,
 Unde sonent : hominemque putat Jove nata locutum.
 Ales erat ; numeroque novem , sua fata querentes ,
 Institerant ramis , imitantes omnia , picæ.
- 300 Miranti sic orsa Deæ Dea. Nuper & istæ
 Auxerunt volucrem victæ certamine turbam.
 Pieros has genuit Pellæis dives in arvis.
 Pæonis Euippe mater fuit : illa potentem
 Lucinam novies , novies paritura , vocavit.
- 305 Intumuit numero stolidarum turba sororum ;
 Perque tot Hæmonias , & per tot Achaïdas urbes

METAMORPHOSEON L. V. 107

Huc venit : & tali committunt prœlia voce.
 Desinite indoctum vanâ dulcedine vulgus
 Fallere ; nobiscum , si qua est fiducia vobis ,
 Thespiades certate Deæ. Nec voce , nec arte 310
 Vincemur ; totidemque sumus : vel cedite victæ
 Fonte Medusæo , & Hyanteâ Aganippe ;
 Vel nos Emathiis ad Pæonas usque nivosos
 Cedamus campis : dirimant certamina Nymphæ.
 Turpe quidem contendere erat , sed cedere visum 315
 Turpius. Elestæ jurant per flumina Nymphæ ,
 Factaque de vivo pressere sedilia saxo.
 Tunc , sine forte prior , quæ se certare professæ est ,
 Bella canit Superûm : falsoque in honore Gigantas
 Ponit , & extenuat magnorum facta Deorum , 320
 Emissumque imâ de sede Typhoëa Terræ
 Cœlitibus fecisse metum ; cunctosque dedisse
 Terga fugæ : donec fessos Ægyptia tellus
 Ceperit , & septem discretus in vîlia Nilus.
 Huc quoque terrigenam venisse Typhoëa narrat , 325
 Et se mentitis Superos celasse figuris ;
 Duxque gregis , dixit , sit Iuppiter ; unde recurvis
 Nunc quoque formatus Libys est cum cornibus Ammon.
 Delius in corvo , proles Semeleïa capro ,
 Fele soror Phœbi , niveâ Saturnia vaccâ , 330
 Pisce Venus latuit , Cyllenius lîdis alis.

Hactenus ad citharam vocalia moverat ora.
 Poscitur Aonides : sed forsitan otia non sint ,
 Nec nostris præbere vacet tibi cantibus aurem.
 Ne dubita , vestrumque mihi refer ordine carmen , 335
 Pallas ait : nemorisque levi consedit in umbra.
 Musa refert : Dedimus summam certaminis uni-
 Surgit , & immissos hederâ collecta capillos ,
 Calliope querulas prætentat pollice chordas ;
 Atque hæc percussis subjungit carmina nervis. 340

Prima Ceres unco glebam dimovit aratro ;
 Prima dedit fruges alimentaue mitia terris ;
 Prima dedit leges. Cereris sumus omnia munus ;
 Illa canenda mihi est. Utinam modò dicere possem
 345 Carmina digna Deæ ! certè Dea carmine digna est.

Vasta giganteis ingesta est insula membris
 Trinacris ; & magnis subiectum molibus urget
 Æthereas ausum sperare Typhoëa sedes.
 Nititur ille quidem , pugnatque resurgere sæpe :
 350 Dextra sed Ausonio manus est subiecta Peloro ;
 Læva , Pachyne , tibi : Lilibæo crura premuntur ;
 Degravat Ætna caput : sub qua resupinus arenas
 Ejectat , flammamque fero vomit ore Typhœus.
 Sæpe remoliri luctatur pondera terræ ;
 355 Oppidaque , & magnos evolvere corpore montes.
 Inde tremit tellus , & Rex pavet ipse silentium ,
 Ne pateat , latoque solum retegatur hiatu ;
 Immissusque dies trepidantes terreat umbras.
 Hanc metuens cladem tenebrosà sede tyrannus
 360 Exierat : curruque atrorum vestus equorum
 Ambibat Siculæ cautus fundamina terræ.
 Post quàm exploratum satis est loca nulla labare ,
 Depositique metus ; videt hunc Erycina vagantem
 Monte suo residens , natumque amplexa volucrem ;
 365 Arma manusque meæ , mea , nate , potentia , dixit ,
 Illa , quibus superas omnes , cape tela , Cupido ;
 Inque Dei pectus celeres molire sagittas ,
 Cui triplicis cessit fortuna novissima regni.
 Tu Superos , ipsumque Jovem , tu numina ponti.
 370 Victa domas , ipsumque , regit qui numina ponti.
 Tartara quid cessant ? cur non matrisque tuumque
 Imperium profers ? agitur pars tertia mundi.
 Et tamen in cœlo , (quæ jam patientia nostra est !)
 Spernimur ; ac mecum vires tenuantur Amoris.
 375 Pallada nonne vides , jaculatricemque Dianam ,
 Abscessisse mihi ? Cereris quoque filia virgo ,

METAMORPHOSEON L. V. 109

Si patiemur , crit : nam spes affectat easdem.
 At tu pro socio , si qua est mea gratia , regno ,
 Junge Deam patruo. Dixit Venus : ille pharetram
 Solvit , & , arbitrio matris , de mille sagittis. 380
 Unam seposuit : sed quâ nec acutior ulla ,
 Nec minus incerta est , nec quæ magis audiat arcum.
 Oppositoque genu curvavit flexile cornu ;
 Inque cor hamatâ percussit arundine Ditem.
 Haud procul Hennæis lacus est a mœnibus , altæ , 385
 Nomine Pergus , aquæ : non illo plura Caystros
 Carmina cygnorum labentibus audit in undjs.
 Silva coronat aquas , cingens latus omne ; suisque
 Frondibus , ut velo , Phœbæos submovet ignes.
 Frigora dant rami , Tyrios humus humida flores. 390
 Perpetuum ver est. Quo dum Proserpina luco
 Ludit , & aut violas , aut candida lilia carpit ;
 Dumque puellari studio calathosque sinumque
 Implet , & æquales certat superare legendo ;
 Pæne simul visa est , dilectaque , raptaque Diti : 395
 Usque adeo properatur amor ! Dea territa mæsto
 Et matrem , & comites , sed matrem sæpius , ore
 Clamat : & , ut summâ vestem laniârat ab ora ,
 Collecti flores tunicis cecidere remissis :
 Tantaque simplicitas puerilibus adfuit annis , 400
 Hæc quoque virgineum movit jactura dolorem.
 Raptor agit currus ; & nomine quemque vocatos
 Exhortatur equos : quorum per colla jubasque
 Excutit obscurâ tinctas ferrugine habenas..
 Perque lacus altos , & olentia sulfure fertur 405
 Stagna Palicorum , ruptâ ferventia terrâ ;
 Et quâ Bacchiadæ , bimari gens orta Corintho ,
 Inter inæquales posuerunt mœnia portus.
 Est medium Cyanes & Pisææ Arethusæ ,
 Quod coit angustis inclusum cornibus æquor. 410
 Hic fuit , a cujus stagnum quoque nomine dictum est ,
 Inter Sicelidas Cyane celeberrima Nymphas ;

110 P. OVIDII NASONIS

- Gurgite quæ medio summâ tenus exstitit alvo ,
 Agnovitque Deum. Nec longius ibitis , inquit.
 415 Non potes invitæ Cereris gener esse : roganda ,
 Non rapienda fuit. Quod si componere magnis
 Parva mihi fas est ; & me dilexit Anapis.
 Exorata tamen , nec , ut hæc , exterrita nupsi.
 Dixit : & , in partes diversas brachia tendens ,
 420 Obstitit. Haud ultra tenuit Saturnius iram ;
 Terribilesque hortatus equos , in gurgitis ima
 Contortum valido sceptrum regale lacerto
 Condidit. Ista viam tellus in Tartara fecit ;
 Et pronos currus medio cratere recepit.
 425 At Cyane , raptamque Deam , contemtaque fontis
 Jura sui mærens , inconsolabile vulnus
 Mente gerit tacitâ ; lacrymisque absimitur omnis :
 Et , quarum fuerat magnum modò numen , in illas
 Extenuatur aquas. Molliri membra videres ;
 430 Ossa pati flexus , ungues posuisse rigorem ;
 Primaque de tota tenuissima quæque liquecunt ,
 Cærulei crines , digitique , & crura , pedesque :
 Nam brevis in gelidas membris exilibus undas
 Transitus est. Post hæc tergumque , humerique , latusq ;
 435 Pectoraque in tenues abeunt evanida rivos.
 Denique pro vivo vitiatas sanguine venas.
 Lympha subit : restatque nihil , quod prendere possis.

- Interea pavidæ nequicquam filia matri
 Omnibus est terris , omni quæsitâ profundo.
 440 Illam non rutilis veniens Aurora capillis
 Cessantem vidit , non Hesperus. Illa duabus
 Flammiferâ pinus manibus succendit ab Ætna ,
 Perque pruinosas tulit irrequieta tenebras.
 Rursus , ut alma dies hebetârat sidera , natam
 445 Solis ad occasum , Solis quærebat ab ortu.
 Fessa labore sitim collegerat , oraque nulli
 Colluerant fontes : cùm testam stramine vidit

METAMORPHOSEON L. V. III

Forte casam ; parvasque fores pulsavit : at inde
Prodit anus , Divamque videt ; lymphamque roganti ,
Dulce dedit , tostâ quod coxerat ante polentâ. 450
Dum bibit illa datum , duri puer oris & audax
Constitit ante Deam : risitque , avidamque vocavit.
Offensa est : neque adhuc epotâ parte , loquentem
Cum liquido mixtâ perfudit Diva polentâ.
Combibit os maculas ; & , quâ modò brachia gessit , 455
Crura gerit : cauda est mutatis addita membris ;
Inque brevem formam , ne sit vis magna nocendi ,
Contrahitur : parvâque minor mensura lacertâ est.
Mirantem , flentemque , & tangere monstra parantem
Fugit anum ; latebramque petit : aptumque colori 460
Nomen habet , variis stellatus corpora guttis.

Quas Dea per terras , & quas erraverit undas ,
Dicere longa mora est : quærenti defuit orbis.
Sicaniam repetit : dumque omnia lustrat eundo ;
Venit & ad Cyanen : ea , ni mutata fuisset , 465
Omnia narrasset : sed & os & lingua volenti
Dicere non aderant : nec , quo loqueretur , habebat.
Signa tamen manifesta dedit : notamque parenti .
Hlo forte loco delapsam , gurgite sacro
Persephones zonam summis ostendit in undis. 470
Quam simul agnovit , tamquam tum denique raptam
Scisset , inornatos laniavit Diva capillos ;
Et repetita suis percussit pectora palmis.
Nec scit adhuc ubi sit : terras tamen increpat omnes ,
Ingratasque vocat , nec frugum munere dignas ; 475
Trinacriam ante alias , in qua vestigia damni
Repperit. Ergo illic sævâ vertentia glebas
Fregit aratra manu : parilique irata colonos
Ruricolisque boves leto dedit : arvaque jussit
Fallere depositum , vitiataque femina fecit. 480
Fertilitas terræ , latum vulgata per orbem ,
Cassa jacet : primis segetes moriuntur in herbis ;

- Et modò sol nimius , nimius modò corripit imber.
 Sideraque , ventique nocent : avidæque volucres
 485 Semina jacta legunt : lolium , tribulique fatigant
 Triticeas messes , & inexpugnabile gramen.
 Cùm caput Elëis Alpheïas extulit undis ,
 Rorantesque comas a fronte removit ad aures ;
 Atque ait : O ! toto quæsitaë virginis orbe ,
 490 Et frugum , genitrix , immensos siste labores ;
 Neve tibi fidæ violenta irascere terræ.
 Terra nihil meruit , patuitque invita rapinæ.
 Nec sum pro patria supplex : huc hospita veni.
 Pifa mihi patria est , & ab Elide ducimus ortum.
 495 Sicaniâ peregrina colo : sed gratior omni
 Hæc mihi terra solo est. Hos nunc Arethusa penates,
 Hanc habeo sedem ; quam tu , mitissima , serva.
 Mota loco cur sim , tantique per æquoris undas
 Advehar Ortygiam , veniet narratibus hora
 500 Tempestitiva meis ; cùm tu curisque levata ,
 Et vultûs melioris éris. Mihi pervia tellus
 Præbet iter : subterque imas ablata cavernas.
 Hic caput attollo , desuetaque sidera cerno.
 Ergo , dum Stygio sub terris gurgite labor ,
 505 Vîsa tua est oculis illic Proserpina nostris.
 Illa quidem tristis , nec adhuc interrita vultu ;
 Sed regina tamen , sed opaci maxima mundi ,
 Sed tamen inferni pollens matrona tyranni.
 Mater ad auditas stupuit , ceu saxea , voces ;
 510 Attonitæque diu similis fuit : utque dolore
 Pulsa gravi gravis est amentia , curribus auras
 Exit in æthereas : ibi toto nubila vultu
 Ante Jovem passis fletit invidiosa capillis.
 Proque meo veni supplex tibi , Juppiter , inquit ,
 515 Sanguine , proque tuo. Si nulla est gratia matris ,
 Nata patrem moveat : neu sit tibi cura , precamur ,
 Vilior illius , quod nostro est edita partu.
 Ep quæsita diu tandem mihi nata reperta est ;

Si reperire vocas, amittere certiùs; aut si
 Scire ubi sit, reperire vocas. Quod rapta, feremus; 520
 Dummodò reddat eam: neque enim prædone marito
 Filia digna tua est, si jam mea filia digna est.
 Juppiter excepit; Commune est pignus onusque
 Nata mihi tecum: sed, si modò nomina rebus
 Addere vera placet, non hoc injuria factum, 525
 Verùm amor est: neque erit nobis gener ille pudori:
 Tu modò, Diva, velis. Ut desint cetera, quantum est
 Esse Jovis fratrem! quid? quod nec cetera defunt;
 Nec cedit nisi forte mihi? Sed tanta cupido
 Si tibi discidii, repetat Proserpina cœlum; 530
 Lege tamen certâ, si nullos contigit illic
 Ore cibos: nam sic Parcarum fœdere cautum est.

Dixerat: at Cererè certum est educere natam.
 Non ita fata sinunt, quoniam jejunia virgo
 Solverat: & , cultis dum simplex errat in hortis, 535
 Puniceum curvâ decerpserat arbore pomum;
 Sumtaque pallenti septem de cortice grana
 Prefferat ore suo. Solusque ex omnibus illud
 Viderat Ascalaphus: quem quondam dicitur Orphne,
 Inter Avernales haud ignotissima Nymphas, 540
 Ex Acheronte suo furvis peperisse sub antris.
 Vidit, & indicio reditum crudelis ademit.
 Ingemuit regina Erebi, testemque profanam
 Fecit avem: sparsumque caput Phlegethontide lymphâ
 In rostrum, & plumas, & grandia lumina vertit. 545
 Ille sibi ablatu fulvis amicitur ab alis;
 Inque caput crescit, longosque reflectitur ungues,
 Vixque movet natas per inertia brachia pennas;
 Fœdaque fit volucris, venturi nuncia luctûs,
 Ignavus bubo, dirum mortalibus omen. 550

Hic tamen indicio poenam linguâque videri
 Commeruisse potest: vobis, Acheloïdes, unde

114 *P. OVIDII NASONIS*

Pluma pedesque avium, cùm virginis ora geratis?
 An quia, cùm legeret vernos Proserpina flores,
 555 In comitum numero mixtæ, Sirenes, eratis?
 Quam post quàm toto frustra quæsisitis in orbe;
 Protinus ut vestram sentirent æquora curam,
 Posse super fluctus alarum insistere remis
 Optastis: facilesque Deos habuistis, & artus
 560 Vidistis vestros subitis flavescere pennis.
 Ne tamen ille canor, mulcendas natus ad aures,
 Tantaque dos oris linguæ deperderet usum;
 Virginei vultus, & vox humana remansit.

At, medius fratrisque sui mæstæque sororis,
 565 Juppiter ex æquo volventem dividit annum.
 Nunc Dea, regnorum numen commune duorum,
 Cum matre est totidem, totidem cum conjuge menses,
 Vertitur extemplo facies & mentis, & oris;
 Nam, modò quæ poterat Diti quoque mæsta videri,
 570 Læta Deæ frons est: ut Sol, qui testus aquosis
 Nubibus ante fuit, victis ubi nubibus exit.

Exigit alma Ceres, natâ secura repertâ,
 Quæ tibi causa viæ, cur sis, Arethusa, facer fons.
 Conticuere undæ, quarum Dea sustulit alto
 575 Fonte caput; viridesque manu siccata capillos
 Fluminis Elèi veteres narravit amores.
 Pars ego Nympharum, quæ sunt in Achaïde, dixit,
 Una fui: nec me studiosiùs altera saltus
 Legit, nec posuit studiosiùs altera casset.
 580 Sed, quamvis formæ numquam mihi fama petita est,
 Quamvis fortis eram, formosæ nomen habebam:
 Nec mea me facies nimium laudata juvabat;
 Quæque aliæ gaudere solent, ego rustica dote
 Corporis erubui; crimenque placere putavi.
 585 Lassa revertabar, memini, Stympthalide silvâ:
 Æstus erat; magnumque labor geminaverat æstum.

METAMORPHOSEON L. V. 115

Invenio sine vortice aquas , sine murmure euntes ,
Perspicuas imo ; per quas numerabilis altè
Calculus omnis erat ; quas tu vix ire putares.
Cana saliceta dabant , nutritaque populus undà , 590
Sponte suâ natas ripis declivibus umbras.
Accessi , primùmque pedis vestigia tinxì ;
Poplite deinde tenuis : neque eo contenta , recingor ;
Molliaque impono salici velamina curvæ ,
Nudaque mergor aquis. Quas dum ferioque, trahoque, 595
Mille modis labens , excussaque brachia jacto ;
Nescio quod medio sensi sub gurgite murmur :
Territaque insisto propioris margine ripæ.
Quò properas , Arethusa ? suis Alphæus ab undis ,
Quò properas ? iterum rauco mihi dixerat ore. 600
Sicut eram , fugio sine vestibus : altera vestes
Ripa meas habuit. Tanto magis instat , & ardet ;
Et quia nuda fui , sum visa paratior illi.
Sic ego currebam , sic me ferus ille premebat ,
Ut fugere accipitrem , pennâ trepidante , columbæ , 605
Ut solet accipiter trepidas agitare columbas.
Usque sub Orchomenon , Psophidaque , Cyllenenque ,
Mænaliosque sinus , gelidumque Erimanthon & Elin ,
Currere sustinui : nec me velocior ille.
Sed tolerare diu cursus ego , viribus impar , 610
Non poteram : longi patiens erat ille laboris.
Per tamen & campos , per opertos arbore montes ,
Saxa quoque & rupes , & quâ via nulla , cucurri.
Sol erat a tergo : vidi præcedere longam
Ante pedes umbram , nisi si timor illa videbat. 615
Sed certè sonituque pedum terrebar , & ingens
Crinales vittas afflabat ænhelitus oris.
Fessa labore fugæ , Fer opem , deprendimur , inquam ,
Armigeræ , Dictynna , tuæ : cui sæpe dedisti
Ferre tuos arcus , inclusaque tela pharetrâ. 620
Mota Dea est ; spissisque ferens e nubibus unam
Me super iniecit. Lustrat caligine tectam

- Amnis, & ignarus circum cava nubila quærit.
 Bisque locum, quo me Dea texerat, inscius ambit;
 625 Et bis, Io Arethusa, Io Arethusa, vocavit.
 Quid mihi tunc animi miseræ fuit? anne quod agnæ est,
 Si qua lupos audit circum stabula alta frementes?
 Aut lepori, qui vepre latens hostilia cernit
 Ora canum, nullosque audet dare corpore motus?
 630 Non tamen abscedit: neque enim vestigia cernit
 Longiùs ulla pedum: servat nubemque locumque.
 Occupat obsessos sudor mihi frigidus artus,
 Cæruleæque cadunt toto de corpore guttæ.
 Quaque pedem movi, manat lacus; eque capillis
 635 Ros cadit: & citiùs, quàm nunc tibi facta renarro,
 In laticem mutor: sed enim cognoscit amatas
 Amnis aquas, positoque viri, quod sumserat, ore,
 Vertitur in proprias, ut se mihi misceat, undas.
 Delia rumpit humum: cæcis ego merfa cavernis
 640 Advehor Ortygiam: quæ me, cognomine Divæ
 Grata meæ, superas eduxit prima sub auras.

- Hac Arethusa tenuis. Geminos Dea fertilis angues
 Curribus admovit, frenisque coërcuit ora;
 Et medium cœli terræque per aëra vesta est;
 645 Atque levem currum Tritonida misit in arcem
 Triptolemo; partimque rudi data semina jussit
 Spargere humo, partim post tempora longa recultæ.
 Jam super Europen sublimis & Asida terras
 Vestus erat juvenis; Scythicas advertitur oras.
 650 Rex ibi Lyncus erat: regis subit ille penates.
 Quà veniat, causamque viæ, nomenque rogatus,
 Et patriam. Patria est claræ mihi, dixit, Athenæ;
 Triptolemus nomen. Veni nec puppe per undas,
 Nec pede per terras: patuit mihi pervius æther.
 655 Dona fero Cereris, latos quæ sparsa per agros
 Frugiferas messes, alimenta que mitia, reddant.
 Barbarus invidit: tantique ut muneris auctor

METAMORPHOSEON L. V. 117

Ipse sit, hospitio recipit : somnoque gravatum
Aggreditur ferro. Conantem figere pectus
Lynca Ceres fecit : rursusque per aëra misit 660
Mopsopium juvenem sacros agitare jugales.

Finierat dictos e nobis maxima cantus :
At Nymphæ vicisse Deas, Helicon colentes,
Concordi dixere sēno. Convicia victæ
Cūm jacerent, Quoniam, dixit, certamine vobis 665
Supplicium meruisse parum est, maledictaque culpæ
Additis, & non est patientia libera nobis ;
Ibimus in pœnas : & , quā vocat ira , sequemur.
Rident Emathides, spernuntque minacia verba ;
Conatæque loqui, & magno clamore protervas 670
Intentare manūs, pennas exire per unguēs
Aspexere suos, operiri brachia plumis :
Alteraque alterius rigido concrefcere rostro
Ora vident, volucresque novas accedere silvis.
Dumque volunt plangi ; per brachia mota levatæ, 675
Aëre pendebant, nemorum convicia, picæ.
Nunc quoque in alitibus facundia prisca remansit,
Raucaque garrulitas, studiumque immane loquendi.





OVIDII NASONIS
METAMORPHOSEON
LIBER VI.

- P**RÆBUERAT dictis Tritonia talibus aurem ;
Carminaque Aonidum , iustamque probaverat iram.
Tum secum ; Laudare parum est , laudemur & ipsæ :
Numina nec sperni sine poenâ nostra sinamus.
- 5 Mæoniæque animum fatis intendit Arachnes ,
Quâm sibi lanificæ non cedere laudibus artis
Audierat. Non illa loco , nec origine gentis
Clara , sed arte , fuit. Pater huic Colophonius Idmon
Phocaïco bibulas tingeat murice lanas.
- 10 Occiderat mater : sed & hæc de plebe , suoque
Æqua viro fuerat. Lydas tamen illa per urbes
Quæsierat studio nomen memorabile , quamvis
Orta domo parvâ , parvis habitabat Hypæpis.
Hujus ut aspicerent opus admirabile , sæpe
- 15 Deferuere sui Nymphæ vineta Tymoli ;
Deferuere suas Nymphæ Pactolides undas.
Nec factas solùm vestes spectare juvabat ;
Tum quoque , cùm fierent ; tantus decor adfuit arti !
Sive rudem primos lanam glomerabat in orbes ,
- 20 Seu digitis subigebat opus , repetitaque longo
Vellera mollibat nebulas æquantia tractu ;
Sive levi teretem versabat pollice fusum ;

Seu pingebat acu ; scires a Pallade doctam.
 Quod tamen ipsa negat : tantâque offensa magistrâ ,
 Certet , ait , mecum ; nihil est quod victa recusem. 25
 Pallas animum simulat : falsosque in tempora canos
 Addit , & infirmos baculo quoque sustinet artus.
 Tum sic orsa loqui : Non omnia grandior ætas ,
 Quæ fugiamus , habet : seris venit usus ab annis.
 Consilium ne sperne meum : tibi fama petatur 30
 Inter mortales faciendæ maxima lanæ.
 Cede Deæ : veniamque tuis temeraria dictis
 Supplice voce roga : veniam dabit illa roganti.
 Aspicit hanc torvis , inceptaque fila relinquit ;
 Vixque manum retinens , confessaque vultibus iram , 35
 Talibus obscuram refecuta est Pallada dictis :
 Mentis inops , longâque venis confecta senectâ ;
 Et nimium vixisse diu nocet : audiat istas ,
 Si qua tibi nurus est , si qua est tibi filia , voces.
 Consilii satis est in me mihi : neve monendo 40
 Profecisse putes , eadem sententia nobis.
 Cur non ipsa venit ? cur hæc certamina vitat ?
 Tum Dea , Venit , ait : formamque removit anilem ,
 Palladaque exhibuit. Venerantur numina Nymphæ ,
 Mygdonidesque nurus : sola est non territa virgo ; 45
 Sed tamen erubuit , subitusque invita notavit
 Ora rubor ; rursusque evanuit. Ut solet aer
 Purpureus fieri , cum primum Aurora movetur ;
 Et breve post tempus candescere Solis ab igne.
 Perstat in incepto , stolidæque cupidine palmæ 50
 In sua fata ruit. Neque enim Jove nata recusat :
 Nec monet ulterius : nec jam certamina differt.
 Haud mora : consistunt diversis partibus ambæ ,
 Et gracili geminas intendunt stamine telas.
 Tela jugo vineta est : stamen secernit arundo : 55
 Inferitur medium radiis subtemen acutis ,
 Quod digiti expediunt , atque inter stamina ductum
 Percusso feriunt insecti pectine dentes.

- Utraque festinant : cinctæque ad pectora vestes
 60 Brachia docta movent , studio fallente laborem.
 Illic & Tyrium quæ purpura sensit ænum
 Textitur , & tenues parvi discriminis umbræ ;
 Qualis ab imbre solet percussus solibus arcus
 Inficere ingenti longum curvamine cœlum ;
 65 In quo diversi niteant cùm mille colores ,
 Transitus ipse tamen spectantia lumina fallit ;
 Usque adeo quod tangit idem est ! tamen ultima distant.
 Illic & lentum filis immittitur aurum ,
 Et vetus in tela deducitur argumentum.
- 70 Cecropiâ Pallas scopulum Mavortis in arce
 Pingit , & antiquam de terræ nomine litem.
 Bis sex Cœlestes , medio Jove , sedibus altis
 Augustâ gravitate sedent : sua quemque Deorum
 Inscribit facies. Jovis est regalis imago.
 75 Stare Deum pelagi , longoque ferire tridente
 Aspera saxa facit , medioque e vulnere saxi
 Exsiluisse ferum ; quo pignore vindicet urbem.
 At sibi dat clypeum , dat acutæ cuspidis hastam :
 Dat galeam capiti : defenditur ægide pectus.
 80 Percussamque suâ simulat de cuspidè terram
 Prodere cum baccis fetum canentis olivæ ,
 Mirarique Deos. Operi victoria finis.
 Ut tamen exemplis intelligat æmula laudis ,
 Quod pretium speret pro tam furialibus ausis ;
 85 Quattuor in partes certamina quattuor addit ,
 Clara colore suo , brevibus distincta sigillis.
 Threïciam Rhodopen habet angulus unus & Hæmon ;
 Nunc gelidos montes , mortalia corpora quondam ;
 Nomina summorum sibi qui tribuere Deorum.
- 90 Altera Pygmææ fatum miserabile matris
 Pars habet : hanc Juno victam certamine jussit
 Esse gruem ; populisque suis indicare bellum.

Pingit

Pingit & Antigonem, ausam contendere quondam
Cum magni consortem Jovis; quam regia Juno
In volucrem vertit: nec profuit Ilion illi, 95
Laomedonve pater, sumtis quin candida pennis
Ipsa sibi plaudat crepitante ciconia rostro.

Qui superest solus, Cinyran habet angulus orbem:
Isque gradus templi, natarum membra suarum,
Amplectens, saxoque jacens, lacrymare videtur. 100
Circuit extremas oleis pacalibus oras.
Is modus est; operique suâ facit arbore finem.

Mæonis elusam designat imagine tauri
Europen: verum taurum, freta vera putares.
Ipsa videbatur terras spectare relictas, 105
Et comites clamare suas, tactumque vereri
Assilientis aquæ; timidasque reducere plantas.
Fecit & Asterien aquilâ luctante teneri;
Fecit olorinis Ledan recubare sub alis.
Addidit ut, Satyri celatus imagine, pulchram 110
Juppiter implevit gemino Nyctæida fetu;
Amphitryon fuerit, cum te, Tirynthia, cepit;
Aureus ut Danaën, Asopida luserit igneus,
Mnemosynen pastor, varius Deoïda serpens.
Te quoque, mutatum torvo, Neptune, juvenco, 115
Virgine in Æolia posuit: tu visus Enipeus
Gignis Aloïdas, aries Bifaltida fallis.
Et te, flava comas, frugum mitissima Mater,
Sensit equum; te sensit avem crinita colubris
Mater equi volucris: sensit Delphina Melantho. 120
Omnibus his faciemque suam, faciemque locorum
Reddidit. Est illic agrestis imagine Phœbus:
Utque modò accipitris pennas, modò terga leonis
Gesserit: ut pastor Macareïda luserit Ilsen.
Liber ut Erigonen falsâ deceperit uvâ; 125
Ut Saturnus equo geminum Chirona creavit.

Ultima pars telæ, tenui circumdata limbo,
Nexilibus flores hederis habet intertextos.

- Non illud Pallas, non illud carpere Livor
130 Possit opus. Doluit successu flava Virago;
Et rupit pictas, cœlestia crimina, vestes.
Utque Cytoriaco radium de monte tenebat,
Ter quater Idmoniaë frontem percussit Arachnes.
Non tulit infelix, laqueoque animosa ligavit
135 Guttura: pendentem Pallas miserata levavit;
Atque ita, Vive quidem, pende tamen, improba, dixit;
Lexque eadem pœnæ, ne sis secura futuri,
Dicta tuo generi, ferisque nepotibus esto.
Post ea discedens succis Hecateïdos herbæ
140 Spargit: & extemplo tristi medicamine testæ
Defluxere comæ, cumque his & naris & auris.
Fitque caput minimum, totoque in corpore parva est.
In latere exiles digiti pro cruribus hærent;
Cetera venter habet: de quo tamen illa remittit
145 Stamen, & antiquas exercet aranea telas.

- Lydia tota fremit: Phrygiæque per oppida facti
Rumor it, & magnum sermonibus occupat orbem.
Ante suos Niobe thalamos cognoverat illam,
Tum cùm Mæoniam virgo Sipylumque colebat.
150 Nec tamen admonita est pœnâ popularis Arachnes
Cedere Cœlitibus, verbisque minoribus uti.
Multa dabant animos: sed enim nec conjugis artes,
Nec genus amborum, magnique potentia regni,
Sic placuere illi, quamvis ea cuncta placebant,
155 Ut sua progenies: & felicissima matrum
Dicta foret Niobe, si non sibi visa fuisset.
Nam fata Tiresiâ, venturi præscia, Manto
Per medias fuerat, divino concita motu,
Vaticinata vias: Ismenides, ite frequentes,
160 Et date Latonæ, Latonigenisque duobus,

Cum prece tura piâ ; lauroque innectite crinem :
 Ore meo Latona jubet. Paretur , & omnes
 Thebaïdes jussis sua tempora frondibus ornant ;
 Turaque dant sanctis , & verba precantia , flammis.
 Ecce venit comitum Niobe celeberrima turbâ , 165
 Vestibus intexto Phrygiis spectabilis, auro ;
 Et , quantum ira sinit , formosa : movensque decoro
 Cum capite immissos humerum per utrumque capillos ,
 Constitit : utque oculos circumtulit alta superbos ;
 Quis furor auditos , inquit , præponere visis 170
 Cœlestes ? aut cur colitur Latona per aras ?
 Numen adhuc sine ture meum est ? mihi Tantalus auctor ,
 Cui licuit soli Superiorum tangere mensas.
 Pleïadum soror est genitrix mihi : maximus Atlas
 Est avus , æthereum qui fert cervicibus axem : 175
 Juppiter alter avus ; socero quoque gloriôr illo.
 Me gentes metuunt Phrygiæ : me regia Cadmi
 Sub domina est : fidibusque mei commissa mariti
 Mœnia cum populis a meque viroque reguntur.
 In quamcumque domûs adverto lumina partem , 180
 Immensæ spectantur opes : accedit eodem
 Digna Deâ facies : huc natas adjice septem ,
 Et totidem juvenes ; & mox generosque nurusque.
 Quærite nunc , habeat quam nostra superbia causam ;
 Nescio quoque audete satam Titanida Cæo 185
 Latonam præferre mihi ; cui maxima quondam
 Exiguam sedem parituræ Terra negavit.
 Nec cœlo , nec humo , nec aquis Dea vestra recepta est.
 Exsul erat mundi , donec miserata vagantem ;
 Hospita tu terris erras , ego , dixit , in undis ; 190
 Instabilemque locum Delos dedit. Illa duobus
 Facta parens : uteri pars est hæc septima nostri.
 Sum felix : quis enim neget hoc ? felixque manebo.
 Hoc quoque quis dubitet ? tutam me copia fecit.
 Major sum , quàm cui possit Fortuna nocere. 195
 Multaque ut eripiat , multò mihi plura relinquet.

Excessere metum mea jam bona. Fingite demi
Huic aliquid populo natorum posse meorum ;
Non tamen ad numerum redigar spoliata duorum

200 Latonæ : turbâ quo quantum distat ab orba ?

Ite sacris : properate sacris ; laurumque capillis
Ponite. Deponunt , infectaque sacra relinquunt :
Quodque licet , tacito venerantur murmure numen.
Indignata Dea est : summoque in vertice Cynthi

205 Talibus est dictis geminâ cum prole locuta.

En ego vestra parens , vobis animosa creatis ,
Et nisi Junoni , nulli cessura Dearum ,
An Dea sim , dubitor : perque omnia secula cultis
Arceor , ô ! nati , nisi vos succurritis , aris.

210 Nec dolor hic solus. Diro convicia factô

Tantalus adjecit : vosque est postponere natis
Ausu suis : & me , quod in ipsam recidat , orbam
Dixit ; & exhibuit linguam scelerata paternam.
Adjectura preces erat his Latona relatis ;

215 Desine , Phœbus ait , pœnæ mora longa , querelas.

Dixit idem Phœbe : celerique per aëra lapsu
Contigerant testî Cadmeïda nubibus arcem.
Planus erat , latèque patens prope mœnia campus ,
Assiduis pulsatus equis ; ubi turba rotarum ,

220 Duraque mollierant subjectas ungula glebas :

Pars ibi de septem genitis Amphione fortes
Conscendunt in equos , Tyrioque rubentia fuce
Terga premunt ; auroque graves moderantur habenas.
E quibus Ismenos , qui matri sarcina quondam

225 Prima suæ fuerat , dum certum flectit in orbem

Quadrupedes cursus , spumantiaque ora coercet ;
Hei mihi ! conclamat ; medioque in pectore fixus
Tela gerit , frenisque manu moriente remissis ,
In latus a dextro paulatim defluit armo.

230 Proximus , audito sonitu per inane pharetræ ,

Frena dabat Sipylus : veluti cum præscius imbris
Nube fugit visâ , pendentiaque undique rector

METAMORPHOSEON L. VI. 125

Carbasa deducit , ne quâ levis effluat aura.
Frena dabat : dantem non evitabile telum
Consequitur : summâque tremens cervice sagitta 235
Hæsit , & exstabat nudum de gutture ferrum.
Ille , ut erat pronus , per colla admissa jubaque
Volvitur ; & calido tellurem sanguine fœdat.
Phædimus infelix , & , aviti nominis heres ,
Tantalus , ut solito finem imposuere labori , 240
Transierant ad opus nitidæ juvenile palæstræ ;
Et jam contulerant arcto luctantia nexu
Pectora pectoribus ; cùm , tento concita cornu ,
Sicut erant juncti , trajecit utrumque sagitta.
Ingemuere simul : simul incurvata dolore 245
Membra solo posuere : simul suprema jacentes
Lumina versârunt : animam simul exhalârunt.
Aspicit Alphenor , laniataque pectora plangens
Advolat , ut gelidos complexibus allevet artus ;
Inque pio cadit officio : nam Delius illi 250
Intima fatifero rumpit præcordia ferro.
Quod simul eductum , pars est pulmonis in hamis
Eruta : cumque anima cruor est effusus in auras.
At non intonsum simplex Damasichthona vulnus
Afficit : ictus erat , quâ crus esse incipit , & quâ 255
Mollia nervosus facit internodia poples.
Dumque manu tentat trahere exitiabile telum ,
Altera per jugulum pennis tenuis acta sagitta est.
Expulit hanc sanguis : seque ejaculatus in altum
Emicat , & longè terebratâ prosilit aurâ. 260
Ultimus Ilioneus non profectura precando
Brachia sustulerat : Dique ô ! communiter omnes ,
Dixerat , ignarus non omnes esse rogandos ,
Parcite. Motus erat , cùm jam revocabile telum
Non fuit , Arcitenens : minimo tamen occidit ille 265
Vulnere ; non altâ percussio corde sagittâ.

Fama mali , populi que dolor , lacrymæque suorum

F ii j

- Tam subitæ matrem certam fecere ruinæ ,
 Mirantem potuisse ; irascentemque , quod ausi
 270 Hoc essent Superi , quod tantum juris haberent.
 Nam pater Amphion , ferro per pectus adacto ,
 Finierat moriens pariter cum luce dolorem.
 Heu ! quantum hæc Niobe Niohe distabat ab illa ,
 Quæ modò Latois populum submoverat aris !
 275 Et mediam tulerat gressus resupina per urbem ,
 Invictiosa suis ! at nunc miseranda vel hosti.
 Corporibus gelidis incumbit : & ordine nullo.
 Oscula dispensat natos suprema per omnes.
 A quibus ad cælum liventia brachia tendens ,
 280 Pascere , crudelis , nostro , Latona , dolore :
 Pascere , ait ; satiaque meo tua pectora luctu :
 Corque ferum satia , dixit. Per funera septem
 Efferor : exsulta , victrixque inimica triumphat.
 Cur autem victrix ? miseræ mihi plura supersunt ,
 285 Quàm tibi felici : post tot quoque funera vinco.
 Dixerat : insonuit contento nervus ab arcu ,
 Qui , præter Nioben unam , conterruit omnes.
 Illa malo est audax : stabant cum vestibibus atris
 Ante toros fratrum demisso crine sorores.
 290 E quibus una , trahens hærentia viscere tela
 Imposito fratri , moribunda relanguit ore.
 Altera , solari miseram conata parentem ,
 Conticuit subito , duplicataque vulnere cæco est :
 Oraque non pressit , nisi post quàm spiritus exit.
 295 Hæc frustra fugiens collabitur ; illa sorori
 Immoritur : latet hæc ; illam trepidare videres.
 Sexque datis leto , diversaque vulnera passis ,
 Ultima restabat : quam toto corpore mater ,
 Totâ veste tegens , Unam minimamque relinque.
 300 De multis minimam posco , clamavit , & unam.
 Dumque rogat , pro qua rogat , occidit. Orba resedit
 Exanimis inter natos , natasque , virumque :
 Diriguitque malis. Nullos movet aura capillos :

METAMORPHOSEON L. VI. 127

In vultu color est sine sanguine : lumina mæstis
Stant immota genis : nihil est in imagine vivi. 305
Ipsa quoque interiùs cum duro lingua palato
Congelat , & venæ desistunt posse moveri.
Nec flecti cervix , nec brachia reddere gestus ,
Nec pes ire potest : intra quoque viscera saxum est.
Flet tamen , & validi circumdata turbine venti 310
In patriam rapta est : ubi fixa cacumine montis
Liquitur , & lacrymas etiamnum marmora manant.

Tum verò tanti manifestam numinis iram ,
Femina virque , timent : cultuque impensiùs omnes
Magna gemelliparæ venerantur numina Divæ. 315
Utque fit , a facto propiore priora renarrant.
E quibus unus ait : Lyciæ quoque fertilis agris
Haud impune Deam veteres sprevere coloni.
Res obscura quidem est ignobilitate virorum ;
Mira tamen. Vidi præsens stagnumque lacumque 320
Prodigio notum : nam me jam grandior ævo ,
Impatiensque viæ , genitor deducere lectos
Jusserat inde boves ; gentisque illius eunti
Ipse ducem dederat : cum quo dum pascua lustrò ,
Ecce lacùs medio , sacrorum nigra favillâ , 325
Ara vetus stabat , tremulis circumdata cannis.
Restitit ; & pavido , Faveas mihi , murmure dixit
Dux meus : & simili , Faveas , ego murmure dixi.
Naiadum , Faunine , foret tamen ara rogabam ,
Indigenæne Dei ; cùm talia reddidit hospes. 330
Non hac , ô ! juvenis , montanum numen in ara est.
Illa suam vocat hanc , cui quondam regia Juno
Orbe interdixit : quàm vix erratica Delos
Orantem accepit , tum cùm levis insula nabat.
Illic , incumbens cum Palladis arbore palmæ , 335
Edidit invitâ geminos Latona novercâ.
Hinc quoque Junonem fugisse puerpera fertur ,
Inque suo portasse sinu , duo numina , natos.

- Jamque Chimæriferae, cùm Sol gravis ureret arva,
 340 Finibus in Lyciæ, longo Dea fessa labore,
 Sidereo siccata sitim collegit ab æstu:
 Uteraque ebiberant avidi lactantia nati.
 Forte lacum melioris aquæ prospexit in imis
 Vallibus: agrestes illic fruticosa legebant
 345 Vimina cum juncis, gratamque paludibus ulvam,
 Accessit, positoque genu Titania terram
 Pressit; ut hauriret gelidos potura liquores.
 Rustica turba vetant. Dea sic affata vetantes;
 Quid prohibetis aquis? usus communis aquarum.
 350 Nec Solem proprium Natura, nec aëra fecit,
 Nec tenues undas. Ad publica munera veni;
 Quæ tamen ut detis supplex peto, Non ego nostros
 Abluere hic artus, lassataque membra parabam;
 Sed relevare sitim. Caret os humore loquentis,
 355 Et fauces arent; vixque est via vocis in illis.
 Haustus aquæ mihi nectar erit: vitamque fatebor
 Accepisse simul: vitam dederitis in unda.
 Hi quoque vos moveant, qui nostro brachia tendunt
 Parva sinu: & casu tendebant brachia nati.
 360 Quem non blanda Deæ potuissent verba movere?
 Hi tamen orantem perstant prohibere: minasque,
 Ni procul abscedat, conviciaque insuper addunt.
 Nec satis hoc: ipsos etiam pedibusque manuque
 Turbavere lacus: imoque e gurgite mollem
 365 Huc illuc limum saltu movère maligno.
 Distulit ira sitim: neque enim jam filia Cœi
 Supplicat indignis; nec dicere sustinet ultra
 Verba minora Deâ. Tollensque ad sidera palmas,
 Æternum stagno, dixit, vivatis in isto!
 370 Eveniunt optata Deæ: juvat isse sub undas;
 Et modò tota cavâ summergere membra palude;
 Nunc proferre caput; summo modò gurgite nare;
 Sæpe super ripam stagni considerare: sæpe
 In gelidos resilire lacus. Et nunc quoque turpes

METAMORPHOSEON L. VI. 129

Litibus exercent linguas : pulsoque pudore , 375
Quamvis sint sub aqua , sub aqua maledicere tentant.
Vox quoque jam rauca est , inflataque colla tumescunt ;
Ipseque dilatant patulos convicia rictus.
Terga caput tangunt : colla intercepta videntur ;
Spina viret : venter , pars maxima corporis , albet ; 380
Limosoque novæ saliunt in gurgite ranæ.

Sic ubi nescio quis Lyciâ de gente virorum
Retulit exitium ; Satyri reminiscitur alter ,
Quem Tritoniacâ Latoüs arundine victum
Affecit poenâ. Quid me mihi detrahis ? inquit. 385
Ah ! piget : ah ! non est , clamabat , tibia tanti.
Clamanti cutis est summos derepta per artus ;
Nec quicquam , nisi vulnus erat : cruor undique manat :
Detestique patent nervi , trepidæque sine ulla
Pelle micant venæ. Salientia viscera possis , 390
Et perlucentes numerare in pectore fibras.
Illum ruricolæ , silvarum numina , Fauni ,
Et Satyri fratres , & tunc quoque clarus Olympus ,
Et Nymphæ flêrunt : & quisquis montibus illis
Lanigerosque greges , armenta que buccera pavit. 395
Fertilis immaduit , madefactaque terra caducas
Concepit lacrymas , ac venis perbibit imis.
Quas ubi fecit aquam , vacuas emisit in auras.
Inde petens rapidum ripis declivibus æquor
Marsya , nomen habet , Phrygiæ liquidissimus amnis. 400

Talibus extemplo redit ad præsentia dictis
Vulgus ; & extinctum cum stirpe Amphiona lugent.
Mater in invidia est : tamen hanc quoque dicitur unus
Flêsse Pelops : humeroque , suas ad pectora post quàm
Deduxit vestes , ebur ostendisse sinistro. 405
Concolor hic humerus , nascendi tempore , dextro ,
Corporeusque fuit : manibus mox cæsa paternis
Membra ferunt junxisse Deos , aliisque repertis ,

Qui locus est juguli medius summiq; lacerti,
 410 Defuit : impositum est , non comparentis in usum
 Partis , ebur : factoque Pelops fuit integer illo.

Finitimî proceres coeunt : urbesque propinquæ
 Oravere suos ire ad solatia reges ,
 Argosque , & Sparte , Pelopeïadesque Mycenæ ,
 415 Et nondum torvæ Calydon invisa Dianæ ,
 Orchomenosque ferox , & nobilis ære Corinthos ,
 Messeneque ferax , Patræque , humilesque Cleonæ ,
 Et Nelæa Pylos , neque adhuc Pittheïa Trœzen.
 Quæque urbes aliæ bimari clauduntur ab Isthmo ,
 420 Exteriusque sitæ bimari spectantur ab Isthmo.
 Credere quis possit ? solæ cessatis Athenæ.
 Obstrit officio bellum ; subvestaque ponto
 Barbara Mopsopios terrebant agmina muros.
 Threïcius Tereus hæc auxiliariis armis
 425 Fuderat ; & clarum vincendo nomen habebat.
 Quem sibi Pandion opibusque virisque potentem ,
 Et genus a magno ducentem forte Gradivo ,
 Connubio Procnes junxit. Non pronuba Juno ,
 Non Hymenæus adest , non illi Gratia lecto.
 430 Eumenides tenuere faces de funere raptas :
 Eumenides stravere torum : tectoque profanus
 Incubuit bubo , thalamique in culmine sedit.
 Hac ave sunt juncti Procne Tereusque ; parentes
 Hac ave sunt facti : gratata est scilicet illis
 435 Thracia : Disque ipsi grates egere : diemque ,
 Quæque data est claro Pandione nata tyranno ,
 Quæque erat ortus Itys , festam jussere vocari :
 Usque adeo latet utilitas ! Jam tempora Titan
 Quinque per autumnos repetiti duxerat anni :
 440 Cum blandita viro Procne , Si gratia , dixit ,
 Ulla mea est , vel me visendæ mitte sorori ;
 Vel soror huc veniat : redituram tempore parvo
 Promittes socero : magni mihi numinis instar

Germanam vidisse dabis. Jubet illè carinas
 In freta deduci : veloque & remige portus 445
 Cecropios intrat ; Piræaque litora tangit.
 Ut primùm foci data copia , dextraque dextræ
 Jungitur ; infausto committitur omine sermo.
 Cœperat adventûs causam , mandata referre
 Conjugis ; & celeres missæ spondere recursus : 450
 Ecce venit magno dives Philomela paratu ,
 Divitior formâ : quales audire solemus
 Naidas & Dryadas mediis incedere silvis ;
 Si modò des illi cultus , similesque paratus.
 Non secus exarsit , conspectâ virgine , Tereus , 455
 Quam si quis canis ignem supponat aristis ,
 Aut frondem , positasque cremet fœnilibus herbas.
 Digna quidem facies : sed & hunc innata libido
 Extimulat : pronumque genus regionibus illis
 In Venerem est. Flagrat vitio gentisque suoque. 460
 Impetus est illi , comitum corrumpere curam ,
 Nutricisque fidem : nec non ingentibus ipsam
 Solicitare datis , totumque impendere regnum ;
 Aut rapere , & sævo raptam defendere bello.
 Et nihil est , quod non effreno captus amore 465
 Ausit : nec capiunt inclusas pectora flammias.
 Jamque moras malè fert ; cupidoque revertitur ore
 Ad mandata Procnes , & agit sua vota sub illis.
 Facundum faciebat amor : quotiesque rogabat
 Ulterius jussu , Procnen , ita velle ferebat. 470
 Addidit & lacrymas , tamquam mandasset & illas.
 Prò Superi ! quantum mortalia pectora cæcæ
 Noctis habent ! Ipso sceleris molimine Tereus
 Creditur ipse pius , laudemque a crimine sumit.
 Quid ? quod idem Philomela cupit : patriosque lacertis 475
 Blanda tenens humeros , ut eat visura sororem ,
 Perque suam , contraque suam , petit usque , salutem.
 Spectat eam Tereus , præcontrectatque videndo ;
 Osculaque , & collo circumdata brachia cernens ,

- 480 Omnia pro stimulis, facibusque, ciboque furoris,
 Accipit: & quoties amplectitur illa parentem,
 Esse parens vellet: neque enim minus impius esset.
 Vincitur ambarum genitor prece. Gaudet, agitque
 Illa patri grates: & successisse duabus
- 485 Id putat, (infelix!) quod erit lugubre duabus.
 Jam labor exiguus Phœbo restabat: equique
 Pulsabant pedibus spatium declivis Olympi.
 Regales epulæ mensis, & Bacchus in auro
 Ponitur: hinc placido dantur sua corpora somno.
- 490 At rex Odrysus, quamvis secessit, in illa
 Æstuat: & repetens faciem, motusque, manusque;
 Qualia vult fingit, quæ nondum vidit: & ignes
 Ipse suos nutrit, curâ removente soporem.
 Lux erat: & generi dextram complexus euntis,
- 495 Pandion comitem lacrymis commendat obortis:
 Hanc ego, care gener, quoniam pia causa coëgit,
 Et voluere ambæ, voluisti tu quoque, Tereu,
 Do tibi: perque fidem, cognataque pectora supplex,
 Per Superos oro, patrio tuearis amore;
- 500 Et mihi sollicitæ lenimen dulce senectæ
 Quàm primùm, omnis erit nobis mora longa, remittas.
 Tu quoque quàm primùm, satis est procul esse sororem,
 Si pietas ulla est, ad me, Philomela, redito.
 Mandabat, pariterque suæ dabat oscula natæ;
- 505 Et lacrymæ mites inter mandata cadebant.
 Utque fide pignus dextras utriusque poposcit,
 Inter seque datas junxit; natamque nepotemque
 Absentes memori pro se jubet ore saluent;
 Supremumque vale, pleno singultibus ore,
- 510 Vix dixit: timuitque suæ præfagia mentis.
 At simul imposita est piætæ Philomela carinæ,
 Admotumque fretum remis, tellusque repulsa est;
 Vicinus! exclamat: mecum mea vota feruntur.
 Exultatque, & vix animo sua gaudia differt
- 515 Barbarus: & nusquam lumen detorquet ab illa.

METAMORPHOSEON L. VI. 133

Non aliter , quàm cùm pedibus prædator obuncis
Deposuit nido leporem Jovis ales in alto :
Nulla fuga est capto : spectat sua præmia raptor.
Jamque iter effectum : jamque in sua litora fessis
Puppibus exierant : cùm rex Pandione natam 520
In stabula alta trahit , silvis obscura vetustis ;
Atque ibi pallentem , trepidamque , & cuncta timentem ;
Et jam cum lacrymis , ubi sit germana , rogantem ,
Includit : fassusque nefas , & virginem , & unam
Vi superat ; frustra clamato sæpe parente , 525
Sæpe sorore suâ , magnis super omnia Divis.
Illa tremit , velut agna pavens , quæ faucia cani
Ore excussa lupi , nondum sibi tuta videtur ;
Utque columba , suo madefactis sanguine plumis ,
Horret adhuc , avidosque timet , quibus hæserat , unguis. 530
Mox ubi mens rediit ; passos laniata capillos ,
Lugenti similis , cæsis plangore lacertis ,
Intendens palmas , Pro ! diris , barbare , factis !
Pro crudelis ! ait. Nec te mandata parentis
Cum lacrymis movere piis , nec cura sororis , 535
Nec mea virginitas , nec conjugalia jura ?
Omnia turbasti. Pellex ego facta sororis ,
Tu geminis conjux. Non hæc mihi debita pœna.
Quin animam hanc , ne quod facinus tibi , perfide , restet ,
Eripis ? atque utinam fecisses ante nefandos 540
Concubitus ! vacuas habuissem criminis umbras.
Si tamen hæc Superi cernunt , si numina Divûm
Sunt aliquid , si non perierunt omnia mecum ;
Quandocumque mihi pœnas dabis. Ipsa , pudore
Profecto , tua facta loquar. Si copia detur , 545
In populos veniam : si silvis clausa tenebor ,
Implebo silvas & conscia saxa querelis.
Audiat hæc æther , & si Deus ullus in illo est.
Talibus ira feri post quàm commota tyranni ;
Nec minor hac metus est : causâ stimulatus utrâque , 550
Quo fuit accinctus , vaginâ liberat ensen ;

- Arreptamque comâ , flexis post terga lacertis ,
 Vincla pati cogit. Jugulum Philomela parabat ;
 Spemque suæ mortis viso conceperat ense.
- 555 Ille indignanti , & nomen patris usque vocanti ,
 Luctantique loqui compressam forcipe linguam
 Abstulit ense fero : radix micat ultima linguæ ;
 Ipsa jacet , terræque tremens immurmurat atræ.
 Utque salire solet mutilatæ cauda colubræ ,
- 560 Palpitat , & moriens dominæ vestigia quærit.
 Hoc quoque post facinus , vix ausim credere , fertur
 Sæpe suâ lacerum repetisse libidine corpus.
 Sustinet ad Procnem post talia facta reverti ;
 Coniuge quæ viso germanam quærit : at ille
- 565 Dat gemitus fictos , commentaque funera narrat ;
 Et lacrymæ fecere fidem. Velamina Procne
 Deripit ex humeris , auro fulgentia lato ;
 Induiturque atras vestes : & inane sepulcrum
 Constituit , falsisque piacula Manibus infert ;
- 570 Et Iugēt non sic lugendæ fata sororis.
 Signa Deus bis sex acto lustraverat anno :
 Quid faciat Philomela ? fugam custodia claudit ;
 Structa rigent solido stabulorum mœnia saxo ;
 Os mutum facti caret indice. Grande dolori
- 575 Ingenium est , miserisque venit sollertia rebus.
 Stamina barbaricâ suspendit callida telâ ;
 Purpureasque notas filis intexuit albis ,
 Indiciū sceleris : perfectaque tradidit uni ;
 Utque ferat dominæ gesta rogat. Ille rogata
- 580 Pertulit ad Procnem , nec scit quid tradat in illis.
 Evolvit vestes sævi matrona tyranni ,
 Germanæque suæ carmen miserabile legit ;
 Et , mirum potuisse , silet. Dolor ora repressit ;
 Verbaque , quærenti satis indignantia , linguæ
- 585 Defuerunt : nec flere vacat : sed fasque nefasque
 Confusura ruit : pœnæque in imagine tota est.
 Tempus erat , quo sacra solent Triëterica Bacchi.

Sithoniæ celebrare nurus : nox conscia sacris.
 Noctē sonat Rhodope tinnitibus æris acuti ,
 Noctē suā est egressa domo regina : Deique 590
 Ritibus instruitur , furialiaque accipit arma.
 Vite caput tegitur : lateri cervina sinistro
 Vellera dependent : humero levis incubat hasta.
 Concita per silvas , turbā comitante suarum ,
 Terribilis Procne , furiisque agitata doloris , 595
 Bacche , tuas simulat. Venit ad stabula avia tandem ,
 Exululatque , Evoëque sonat , portasque refringit ,
 Germanamque rapit , raptæque insignia Bacchi
 Induit : & vultus hederarum frondibus abdit ,
 Attonitamque trahens intra sua limina ducit. 600
 Ut sensit tetigisse domum Philomela nefandam ,
 Horruit infelix ; totoque expalluit ore.
 Nacta locum Procne , sacrorum pignora demit ,
 Oraque develat miseræ pudibunda forori ;
 Amplexuque petit. Sed non attollere contra 605
 Sustinet hæc oculos , pellex sibi visa sororis :
 Dejestoque in humum vultu , jurare volenti ,
 Testarique Deos , per vim sibi dedecus illud
 Illatum , pro voce manus fuit. Ardet , & iram
 Non capit ipsa suam Procne : fletumque sororis 610
 Corripiens , Non est lacrymis hic , inquit , agendum ,
 Sed ferro ; sed si quid habes , quod vincere ferrum
 Possit. In omne nefas ego me , germana , paravi.
 Aut ego cum facibus regalia testa cremabo ,
 Artificem mediis immittam Terea flammis ; 615
 Aut linguam , aut oculos , aut quæ tibi membra pudorem
 Abstulerunt , ferro rapiam : aut per vulnera mille
 Sontem animam expellam. Magnum , quodcumque paravi.
 Quid sit , adhuc dubiro. Peragit dum talia Procne ,
 Ad matrem veniebat Itys. Quid possit , ab illo 620
 Admonita est : oculisque tuens immitibus , Ah ! quàm
 Es similis patri ! dixit. Nec plura locuta ,
 Triste parat facinus , tacitæque exæstuat ira.

- Ut tamen accessit natus , matrique salutem
 625 Attulit , & parvis adduxit colla lacertis ,
 Mixtaque blanditiis puerilibus oscula junxit ;
 Mota quidem est genitrix , infraſtaque conſtitit ira ;
 Invitique oculi lacrymis maduere coactis.
 Sed ſimul ex nimia matrem pietate labare
 630 Sensit , ab hoc iterum eſt ad vultus verſa ſororis ;
 Inque vicem ſpectans ambos , Cur admovet , inquit ,
 Alter blanditias ? raptâ ſilet altera linguâ ?
 Quam vocat hic matrem , cur non vocat illa ſororem ?
 Cui ſis nupta vide , Pandione nata , marito.
 635 Degeneras : ſcelus eſt pietas in conjuge Tereo.
 Nec mora : traxit Ityn ; veluti Gangetica cervæ
 Laſcentem fetum per ſilvas tigris opacas.
 Utque domûs altæ partem tenere remotam ;
 Tendentemque manus , & jam ſua fata videntem ,
 640 Eia , & jam , Mater , clamantem , & colla petentem
 Enſe ferit Procne , lateri quâ peſtus adhæret ;
 Nec vultum avertit. Satis illi ad fata vel unum
 Vulnus erat : jugulum ferro Philomela reſolvit.
 Vivaque adhuc , animæque aliquid retinentia , membra
 645 Dilaniant : pars inde cavis exſultat ænīs ,
 Pars verubus ſtridet : manant penetralia tabo.
 His adhibet conjux ignarum Terea menſis ;
 Et patrii moris ſacrum mentita , quod uni
 Fas ſit adire viro , comites famuloſque removit.
 650 Inde , ſedens ſolio Tereus ſublimis avito ,
 Veſcitur ; inque ſuam ſua viſcera congerit alvum.
 Tantaque nox animi eſt ! Ityn huc aſceſſite , dixit.
 Diſſimulare nequit crudelia gaudia Procne ;
 Jamque ſuæ cupiens exſiſtere nuncia cladiſ ;
 655 Intus habes , quod poſcis , ait. Circumſpicit ille ,
 Atque ubi ſit , quærit. Quærenti , iterumque vocanti ,
 Sicut erat , ſparſis furiali cæde capillis ,
 Proſiliit , Ityoſque caput Philomela cruentum
 Miſit in ora patris : nec tempore maluit ullo

METAMORPHOSEON L. VI. 137

Posse loqui , & meritis testari gaudia dictis. 660
 Thracius ingenti mensas clamore repellit ,
 Vipereasque ciet Stygiâ de valle sorores :
 Et modò , si possit , referato pectore diras
 Egerere inde dapes , demersaque viscera , gessit.
 Flet modò , seque vocat bustum miserabile nati ; 665
 Nunc sequitur nudo genitas Pandione ferro.
 Corpora Cecropidum pennis pendere putares ;
 Pendebant pennis. Quarum petit altera silvas ,
 Altera testa subit : neque adhuc de pectore cædis
 Effluxere notæ , signataque sanguine pluma est. 670
 Ille dolore suo , pœnæque cupidine velox ,
 Vertitur in volucrum , cui stant in vertice cristæ ;
 Prominet immodicum pro longa cuspide rostrum.
 Nomen Epops volucris : facies armata videtur.

Hic dolor ante diem , longæque extrema senectæ 675
 Tempora , Tartareas Pandiona misit ad umbras.
 Sceptra loci , rerumque capit moderamen Erechtheus ;
 Justitiâ , dubium , validisne potentior armis.
 Quattuor ille quidem juvenes , totidemque creârat
 Femineæ fortis : sed erat par forma duarum. 680
 E quibus Æolides Cephalus te conjuge felix ,
 Procri , fuit : Boreæ Tereus Thracesque nocebant :
 Dilectâque diu caruit Deus Orithyâ ,
 Dum rogat , & precibus mavult , quàm viribus , uti.
 Ast ubi blanditiis agitur nihil , horridus irâ , 685
 Quæ solita est illi , nimiumque domestica , vento ;
 Et meritò , dixit. Quid enim mea tela reliqui ,
 Sævitiâ , & vires , iramque , animosque minaces ?
 Admovique preces , quarum me dedecet usus ?
 Apta mihi vis est : vi tristia nubila pello ; 690
 Vi freta concutio , nodosaque robora verto ,
 Induroque nives , & terras grandine pulso.
 Idem ego , cùm fratres cœlo sum nactus aperto ,
 Nam mihi campus is est , tanto molimine luctor ;

- 695 Ut medius nostris concursibus intonet æther ,
 Exsiliantque cavis elisi nubibus ignes.
 Idem ego , cùm subii convexa foramina terræ ,
 Supposuique ferox imis mea terga cavernis ;
 Solicito manes , totumque tremoribus orbem.
- 700 Hac ope debueram thalamos petiisse : socerque
 Non orandus erat , sed vi faciendus , Erechtheus.
 Hæc Boreas , aut his non inferiora locutus ,
 Excussit pennas : quarum jactatibus omnis
 Afflata est tellus ; latumque perhorruit æquor :
- 705 Pulvereamque trahens per summa cacumina pallam ,
 Verrit humum : pavidamque metu , caligine tectus ,
 Orithyian amans fulvis amplectitur alis.
 Dum volat , arserunt agitati fortius ignes.
 Nec prius aerii cursûs suppressit habenas ,
- 710 Quàm Ciconum tenuit populos , sua moenia , raptor.
 Illic & gelidi conjux Aetæa tyranni ,
 Et genitrix facta est : partus enixa gemellos ,
 Cetera qui matris , pennas genitoris haberent.
 Non tamen has unâ memorant cum corpore natas :
- 715 Barbaque dum rutilis aberat submissa capillis ,
 Implumes Calaisque puer Zethesque fuerunt.
 Mox pariter ritu pennæ cœpere volucrum
 Cingere utrumque latus ; pariter flavescere malæ.
 Ergo , ubi concessit tempus puerile juventæ ,
- 720 Vellera cum Minyis , nitido radiantia villo ,
 Per mare non motum primâ petiere carinâ.





OVIDII NASONIS METAMORPHOSEON

LIBER VII.

IAMQUE fretum Minyæ Pagasæâ puppe secabant ,
Perpetuâque trahens inopem sub nocte senectam
Phineus visus erat ; juvenesque Aquilone creati
Virgineas volucres miseri senis ore fugârunt :
Multaque perpassi , claro sub Iafone tandem 5
Contigerant rapidas limosi Phasidos undas.
Dumque adeunt regem , Phryxæaque vellera poscunt ,
Lexque datur numeris magnorum horrenda laborum ;
Concipit interea validos Æetias ignes :
Et luctata diu , post quàm ratione furorem 10
Vincere non poterat ; Frustra , Medæa , repugnas ;
Nescio quis Deus obstat , ait : mirumque , nisi hoc est ,
Aut aliquid certè simile huic , quod amare vocatur.
Nam cur jussa patris nimiùm mihi dura videntur ?
Sunt quoque dura nimis. Cur,quem modò denique vidi, 15
Ne pereat , timeo ? Quæ tanti causa timoris ?
Excute virgineo conceptas pectore flammæ ,
Si potes , infelix. Si possem , sanior essem.
Sed trahit invitam nova vis ; aliudque Cupido ,
Mens aliud suadet. Video meliora , proboque : 20
Deteriora sequor. Quid in hospite , regia virgo ,
Ureris ? & thalamos alieni concipis orbis ?

- Hæc quoque terra potest, quod ames, dare. Vivat, an ille
 Occidat, in Dis est: vivat tamen! idque precari
 25 Vel sine amore licet. Quid enim commisit Iason?
 Quam, nisi crudelem, non tangat Iasonis ætas,
 Et genus, & virtus? quam non, ut cetera desint,
 Forma movere potest? certè mea pectora movit.
 At, nisi opem tulero, taurorum afflabitur ore;
 30 Concurreretque suæ segeti, tellure creatis
 Hostibus; aut avido dabitur fera præda draconi.
 Hoc ego si patiar, tum me de tigride natam,
 Tum ferrum & scopulos gestare in corde fatebor.
 Cur non & specto pereuntem? oculosque videndo
 35 Conscelero? Cur non tauros exhortor in illum,
 Terrigenasque feros, insopitumque draconem?
 Di meliora velint! quamquam non ista precanda,
 Sed facienda mihi. Prodamne ego regna parentis?
 Atque ope nescio quis servabitur advena nostrâ?
 40 Ut per me sospes, sine me det linthea ventis?
 Virque sit alterius, pœnæ Medæa relinquit?
 Si facere hoc, aliamve potest præponere nobis,
 Occidat ingratus. Sed non is vultus in illo,
 Non ea nobilitas animo est, ea gratia formæ;
 45 Ut timeam fraudem, meritique obliviam nostrî.
 Et dabit ante fidem: cogamque in fœdera testes
 Esse Deos. Quid tuta times? accingere, & omnem
 Pelle moram: tibi se semper debet Iason:
 Te face sollemni junget sibi: perque Pelasgas
 50 Servatrix urbes matrum celebrabere turbâ.
 Ergo ego germanam, fratremque, patremque, Deosque,
 Et natale solum, ventis ablata, relinquam?
 Nempe pater sævus, nempe est mea barbara tellus,
 Frater adhuc infans: stant mecum vota sororis.
 55 Maximus intra me Deus est. Non magna relinquam;
 Magna sequar, titulum servatæ pubis Achivæ,
 Notitiamque loci melioris, & oppida, quorum
 Hic quoque fama viget, cultusque artesque virorum;

Quemque ego, cum rebus quas totus possidet orbis,
 Æsoniden mutasse velim : quo conjuge felix 60
 Et Dis cara ferar, & vertice sidera tangam.
 Quid ? quod nescio qui mediis concurrere in undis
 Dicuntur montes, ratibusque inimica Charybdis,
 Nunc sorbere fretum, nunc reddere ; cinctaque sævis
 Scylla rapax canibus Siculo latrare profundo ? 65
 Nempe tenens quod amo, gremioque in Iasonis hærens,
 Per freta longa trahar : nihil illum amplexa verebor ;
 Aut, si quid metuam, metuam de conjuge solo.
 Conjugiumne vocas, speciosaque nomina culpæ
 Imponis, Medæa, tuæ ? quin aspice quantum 70
 Aggrediare nefas : & , dum licet, effuge crimen.
 Dixit : & ante oculos rectum, pietasque, pudorque
 Constiterant : & victa dabat jam terga Cupido.
 Ibat ad antiquas Hecates Perseïdos aras,
 Quas nemus umbrosum, secretaque silva tegebant. 75
 Et jam fortis erat, pulsusque resederat ardor ;
 Cùm videt Æsoniden, extinctaque flamma revixit.
 Erubuere genæ, totoque recanduit ore.
 Ut solet a ventis alimenta assumere, quæque
 Parva sub inductâ latuit scintilla favillâ, 80
 Crescere ; & in veteres agitata resurgere vires ;
 Sic jam lentus amor, jam quem languere putares,
 Ut vidit juvenem, specie præsentis inarsit.
 Et casu, solito formosior Æsone natus
 Illâ luce fuit : posses ignoscere amanti. 85
 Spectat : & in vultu, veluti nunc denique viso,
 Lumina fixa tenet : nec se mortalia demens
 Ora videre putat : nec se declinat ab illo.
 Ut verò cœpitque loqui, dextramque prehendit
 Hospes, & auxilium submissâ voce rogavit, 90
 Promisitque torum ; lacrymis ait illa profusis.
 Quid faciam ? video : nec me ignorantia veri
 Decipiet, sed amor. Servabere munere nostro :
 Servatus promissa dato. Per sacra triformis

- 95 Ille Deæ, lucoque foret quod numen in illo,
 Perque patrem foci cernentem cuncta futuri,
 Eventusque suos, per tanta pericula jurat.
 Creditus, accepit cantatas protinus herbas,
 Edidicitque usum: lætusque in castra recessit.
- 100 Postera depulerat stellas Aurora micantes;
 Conveniunt populi sacrum Mavortis in arvom,
 Consistuntque jugis: medio Rex ipse resedit
 Agmine purpureus, sceptroque insignis eburno.
 Ecce adamantæis Vulcanum naribus efflant
- 105 Æripedes tauri: tactæque vaporibus herbæ
 Ardent. Utque solent pleni resonare camini,
 Aut ubi terrenâ silices fornace soluti
 Concipiunt ignem liquidarum aspergine aquarum;
 Pectora sic intus clausas volventia flammæ,
- 110 Gutturaque usta sonant. Tamen illis Æsone natus
 Obvius it. Vertère truces venientis ad ora
 Terribiles vultus, præfixaque cornua ferro;
 Pulvereumque solum pede pulsavere bisulco,
 Fumificisque locum mugitibus implevere.
- 115 Diriguere metu Minyæ: subit ille, nec ignes
 Sentit anhelatos: tantum medicamina possunt!
 Pendulaque audaci mulcet pælearia dextrâ;
 Suppositosque iugo pondus grave cogit aratri
 Ducere, & insuetum ferro proscindere campum.
- 120 Mirantur Colchi: Minyæ clamoribus implent
 Adjiciuntque animos. Galeâ tum sumit aenâ
 Vipereos dentes, & aratos spargit in agros.
 Semina mollit humus, valido prætineta veneno;
 Et crescunt, fiuntque sati nova corpora dentes.
- 125 Utque hominis speciem maternâ sumit in alvo,
 Perque suos intus numeros componitur, infans,
 Nec nisi maturus communes exit in auras;
 Sic ubi visceribus gravidæ telluris imago
 Effesta est hominis, feto confurgit in arvo:
- 130 Quodque magis mirum, simul edita concutit arma.

METAMORPHOSEON L. VII. 143

Quos ubi viderunt præacutæ cuspidis hastas
 In caput Hæmonii juvenis torquere paratos,
 Demisere metu vultumque animumque Pelasgi.
 Ipsa quoque extimuit, quæ tutum fecerat illum;
 Utque peti juvenem tot vidit ab hostibus unum, 135
 Palluit; & subito sine sanguine frigida sedit.
 Neve parum valeant a se data gramina, carmen
 Auxiliare canit; secretasque advocat artes.
 Ille, gravem medios silicem jaculatus in hostes,
 A se depulsum Martem convertit in ipsos. 140
 Terrigenæ pereunt per mutua vulnera fratres,
 Civilique cadunt acie. Gratantur Achivi;
 Victoremque tenent, avidisque amplexibus hærent.
 Tu quoque victorem complecti, barbara, velles;
 Obstitit incepto pudor: at complexa fuisses; 145
 Sed te, ne faceres, tenuit reverentia famæ.
 Quod licet, affectu tacito lætaris: agisque
 Carminibus grates, & Dis auctoribus horum.
 Pervigilem superest herbis sopire draconem;
 Qui cristâ linguisque tribus præsignis, & uncis 150
 Dentibus horrendus, custos erat arietis aurei.
 Hunc post quàm sparsit Lethæi gramine succi,
 Verbaque ter dixit placidos facientia somnos,
 Quæ mare turbatum, quæ concita flumina sistant;
 Somnus in ignotos oculos subrepit: & auro 155
 Heros Æsonius potitur: spolioque superbus,
 Muneris auctorem secum, spolia altera, portans,
 Victor Iolciacos tetigit cum conjuge portus.

Hæmonix matres pro gnatis dona receptis,
 Grandævique ferunt patres: congestaque flammâ 160
 Tura liquefiunt, indutaque cornibus aurum
 Victima vota cadit. Sed abest gratantibus Æson,
 Jam propior leto, fessusque senilibus annis.
 Cùm sic Æsonides: O! cui debere salutem
 Confiteor, conjux, quamquam mihi cuncta dedisti, 165

- Excessitque fidem meritorum summa tuorum ;
 Si tamen hoc possunt , quid enim non carmina possunt ?
 Deme meis annis ; & demtos adde parenti.
 Nec tenuit lacrymas. Mota est pietate rogantis ,
 170 Dissimilemque animum subiit Æeta relictus.
 Non tamen affectus tales confessa , Quod , inquit ,
 Excidit ore pio , conjux , scelus ? ergo ego cuiquam
 Posse tuæ videar spatium transcribere vitæ ?
 Nec sinat hoc Hecate ; nec tu petis æqua : sed isto ,
 175 Quod petis , experiar majus dare munus , Iason.
 Arte meâ foceri longum tentabimus ævum ,
 Non annis revocare tuis : modò Diva triformis
 Adjuvet , & præsens ingentibus annuat ausis.
 Tres aberant noctes , ut cornua tota coïrent ,
 180 Efficerentque orbem. Post quàm plenissima fulsit ,
 Ac solidâ terras spectavit imagine Luna :
 Egreditur tectis , vestes induta recinctas ,
 Nuda pedem , nudos humeris infusa capillos :
 Fertque vagos mediæ per muta silentia noctis
 185 Incomitata gradus. Homines, volucresque, ferasque,
 Solverat alta quies : nullo cum murmure sepes ,
 Immotæque silent frondes ; silet humidus aër.
 Sidera sola micant : ad quæ sua brachia tendens
 Ter se convertit , ter sumtis flumine crinem
 190 Irroravit aquis , ternis ululatibus ora
 Solvit ; & in dura submisso poplite terrâ :
 Nox , ait , arcanis fidissima , quæque diurnis
 Aurea cum Luna succeditis ignibus , astra ,
 Tuque triceps Hecate , quæ cœptis conscia nostris
 195 Adjutrixque venis , cantusque , artesque magarum ,
 Quæque magas , Tellus , pollentibus instruis herbis ,
 Auræque , & venti , montesque , amnesque , lacusque ,
 Dique omnes nemorum , Dique omnes noctis , adeste ;
 Quorum ope , cùm volui , ripis mirantibus , amnes
 200 In fontes rediere suos : concussaue sisto ,
 Stantia concutio cantu , freta ; nubila pello ,
 Nubilaque

METAMORPHOSEON L. VII. 145

Nubilaque induco ; ventos abigoque vocoque :
Vipereas rumpo verbis & carmine fauces :
Vivaque saxa , suâ convulsaque robora terrâ ,
Et silvas moveo ; jubeoque tremiscere montes ; 205
Et mugire solum , Manesque exire sepulcris.
Te quoque , Luna , traho , quamvis Temesæa labores .
Æra tuos minuant : currus quoque carmine nostro
Pallet avi , pallet nostris Aurora venenis.
Vos mihi taurorum flammæ hebetastis ; & unco : 210
Haud patiens oneris collum pressistis aratro.
Vos serpentigenis in se fera bella dedistis :
Custodemque , rudem somni , sopistis ; & aurum ,
Vindice decepto , Grajas misistis in urbes.
Nunc opus est succis , per quos renovata senectus 215
In florem redeat , primosque recolligat annos.
Et dabitis : neque enim micuerunt sidera frustra ;
Nec frustra volucrum tractus cervice draconum
Currus adest : aderat demissus ab æthere currus.
Quò simul ascendit , frenataque colla draconum 220
Permulsit , manibusque leves agitavit habenas ;
Sublimis rapitur : subiectaque Thessala Tempe
Despicit , & Creteis regionibus applicat angues :
Et quas Ossa tulit , quas altus Pelion herbas ,
Othrysque , Pindusque , & Pindo major Olympus , 225
Perspicit : & placitâ partim radice revellit ,
Partim succidit curvamine falcis aënæ.
Multa quoque Apidani placuerunt gramina ripis ,
Multa quoque Amphrysi : neque eras immunis , Enipeu ;
Nec non Penæ , nec non Spercheïdes undæ 230
Contribuere aliquid , juncosæque litora Bœbes.
Carpit & Euboicâ vivax Anthedone gramen ,
Nondum mutato vulgatum corpore Glauci.
Et jam nona dies curru pennisque draconum ,
Nonaque nox omnes lustrantem viderat agros ; 235
Cum rediit : neque erant tacti , nisi odore , dracones ;
Et tamen annosæ pellem posuere senectæ.

- Constat adveniēns citra limenque foresque ,
 Et tantum cœlo tegitur ; refugitque viriles
 240 Contactus ; statuitque aras e cespite binas ,
 Dexteriore Hecates , at lævâ parte Juventæ.
 Quas ubi verbenis silvâque incinxit agresti ,
 Haud procul , egestâ scrobibus tellure duabus ,
 Sacra facit : cultrosque in guttura velleris atrî
 245 Conjicit , & patulas perfundit sanguine fossas.
 Tum super invergens liquidi carchesia Bacchi ,
 Æneaque invergens tepidi carchesia lactis ;
 Verba simul fundit , terrenaque numina poscit ;
 Umbrarumque rogat raptâ cum conjuge regem ,
 250 Ne properent artus animâ fraudare seniles.
 Quos ubi placavit precibusque & murmure longo ,
 Æsonis effectum proferri corpus ad aras
 Jussit : & in plenos resolutum carmine somnos ,
 Exanimi similem , stratis porrexit in herbis.
 255 Hinc procul Æsoniden,proculhinc jubet ire ministros;
 Et monet arcanis oculos remove profanos.
 Diffugiunt jussi. Passis Medæa capillis ,
 Bacchantûm ritu , flagrantēs circuit aras ;
 Multifidasque faces in fossa sanguinis atrâ
 260 Tingit , & intinctas geminis accendit in aris :
 Terque senem flammâ , ter aquâ , ter sulfure lustrat.
 Interea validum posito medicamen æno
 Fervet , & exsultat ; spumisque tumentibus albet.
 Illic Hæmoniâ râdices valle resectas ,
 265 Seminaque , floresque , & succos incoquit acres.
 Adjicit extremo lapides Oriente petitos ,
 Et , quas Oceani refluxum mare lavit , arenas.
 Addit & exceptas , Lunâ pernocte , pruinas ,
 Et strigis infames , ipsis cum carnibus , alas ;
 270 Inque virum soliti vultus mutare ferinos
 Ambigui profecta lupi. Nec defuit illic
 Squamea Cinyphii tenuis membrana chelydri ,
 Vivacisque jecur cervi : quibus insuper addit

Ora caputque novem cornicis secula passæ.
 His & mille aliis post quàm sine nomine rebus 275
 Propositum instruxit mortari barbara munus ;
 Arenti ramo jam pridem mitis olivæ
 Omnia confundit , summisque immiscuit ima.
 Ecce vetus calido versatus stipes æno
 Fit viridis primò : nec longo tempore frondem 280
 Induit ; & subitò gravidis oneratur olivis.
 At quacumque cavo spumas ejecit æno
 Ignis , & in terram guttæ cecidere calentes ;
 Vernat humus , floresque & mollia pabula surgunt.
 Quod simul ac vidit , stricto Medæa recludit 285
 Ense senis jugulum : veteremque exire cruorem
 Passa , replet succis. Quos post quàm combibit Æson
 Aut ore acceptos , aut vulnere ; barba comæque ,
 Canitie positâ , nigrum rapuere colorem.
 Pulsa fugit macies : abeunt pallorque situsque , 290
 Adjectoque cavæ suppleantur sanguine venæ ,
 Membraque luxuriant. Æson miratur , & olim
 Ante quater denos hunc se reminiscitur annos.

Viderat ex alto tanti miracula monstri
 Liber : & admonitus juvenes nutricibus annos 295
 Posse suis reddi ; petit hoc Æetida munus.

Neve doli cessent , odium cum conjuge falsum
 Phasias assimulat , Pelixque ad limina supplex
 Confugit : atque illam , quoniam gravis ipse senectâ ,
 Excipiunt natæ. Quas tempore callida parvo 300
 Colchis amicitix mendacis imagine cepit.
 Dumque refert , inter meritorum maxima , demtos
 Æsonis esse situs , atque hac in parte moratur ;
 Spes est virginibus Peliâ subjecta creatis ,
 Arte suum parili revirescere posse parentem ; 305
 Idque petunt , pretiumque jubent sine fine pacisci.
 Illa brevi spatio silet , & dubitare videtur ;

- Suspenditque animos fistâ gravitate rogantes.
 Mox ubi pollicita est, Quo sit fiducia major
 310 Muneris hujus, ait; qui vestras maximus ævo est
 Dux gregis inter oves, agnus medicamine fiet.
 Protinus innumeris effetus laniger annis
 Attrahitur, flexo circum cava tempora cornu.
 Cujus ut Hæmonio marcentia guttura cultro
 315 Fodit, & exiguo maculavit sanguine ferrum;
 Membra simul pecudis, validosque venefica succos
 Mergit in ære cavo. Minuuntur corporis artus,
 Cornuaque exiit, nec non cum cornibus annos;
 Et tener auditur medio balatus æno.
 320 Nec mora: balatum mirantibus, exsilit agnus;
 Lascivitque fugâ, læstantiaque ubera quærit.
 Obstupuere satæ Peliâ: promissaque post quàm
 Exhibuere fidem, tum verò impensius instant.
 Ter juga Phœbus equis, in Ibero gurgite mersis,
 325 Demserat; & quartâ radiantia nocte micabant
 Sidera; cùm rapido fallax Æetias igni
 Imponit purum laticem, & sine viribus herbas.
 Jamque neci similis, resoluta corpore, regem,
 Et cum rege suo custodes somnus habebat,
 330 Quem dederant cantus, magicæque potentia linguæ.
 Intrant jussæ cum Colchide limina natæ;
 Ambierantque torum: Quid nunc dubitatis, inertes?
 Stringite, ait, gladios; veteremque haurite cruorem,
 Ut repleam vacuas juvenili sanguine venas:
 335 In manibus vestris vita est ætasque parentis.
 Si pietas ulla est, nec spes agitatis inanes,
 Officium præstate patri: telisque senectam
 Exigite, & saniem coniecto emittite ferro.
 His, ut quæque pia est, hortatibus impia prima est:
 340 Et ne sit scelerata, facit scelus. Haud tamen ictus
 Ulla suos spectare potest: oculosque reflectunt,
 Cæcæque dant sævis aversæ vulnera dextris.
 Ille, cruore fluens, cubito tamen allevat artus;

Semilacerque toro tentat confurgere : & inter
 Tot medius gladios pallentia brachia tendens ; 345
 Quid facitis , gnatae ? quid vos in fata parentis
 Armat , ait ? cecidere illis animique manusque.
 Plura locuturo cum verbis guttura Colchis
 Abstulit , & calidis laniatum mersit aënis.

Quod nisi pennatis serpentibus isset in auras , 350
 Non exemta foret poenae : fugit alta , superque
 Pelion umbrosum , Philyreia tecta , superque
 Othryn , & eventu veteris loca nota Cerambi.
 Hic ope Nympharum sublatus in aëra pennis ,
 Cum gravis infuso tellus foret obruta ponto , 355
 Deucalionæas effugit inobrutus undas.

Æoliam Pitanen a læva parte relinquit ,
 Factaque de saxo longi simulacra draconis :
 Idæumque nemus , quo , nati furta , juvenum
 Occuluit Liber falsi sub imagine cervi ; 360
 Quaque pater Corythi parvâ tumulatur arenâ ;
 Et quos Mæra novo latratu terruit agros.
 Eurypylique urbem , quâ Coæ cornua matres
 Gesserunt , tum cum discederet Herculis agmen.

Phœbæamque Rhodon , & Ialysios Telchinas , 365
 Quorum oculos , ipso vitiantes omnia visu ,
 Juppiter exosus , fraternis subdidit undis.

Transit & antiquæ Carthæia mœnia Cææ ,
 Quâ pater Alcidamas placidam de corpore natæ
 Miraturus erat nasci potuisse columbam. 370

Inde lacus Hyries videt , & cycneia Tempe ,
 Quæ subitus celebravit olor. Nam Phyllius illic
 Imperio pueri volucresque ferumque leonem
 Tradiderat domitos : taurum quoque vincere jussus ,

375 Vicerat ; & , spreto toties iratus amore ,
 Præmia poscenti taurum suprema negabat.
 Ille indignatus , Cupies dare , dixit : & alto
 Desiluit saxo. Cuncti cecidisse putabant :
 Factus olor niveis pendebat in aëra pennis.

380 At genitrix Hyrie , servati nescia , flendo
 Delicuit , stagnumque suo de nomine fecit.

Adjacet his Pleuron , in qua trepidantibus alis
 Ophias effugit natorum vulnera Combe.

Inde Calaurææ Latoïdos aspicit arva ,
 385 In volucrem versi cum conjuge conscia regis.
 Dexterâ Cyllene est : in qua cum matre Menephron
 Concubitus erat , sævarum more ferarum.

Cephison procul hinc deslentem fata nepotis
 Respicit , in tumidam phocen ab Apolline versi ;
 390 Eumelique domum lugentis in aëre natam.

Tandem vipereis Ephyren Pirenida pennis
 Contigit : hic ævo veteres mortalia primo
 Corpora vulgarunt pluvialibus edita fungis.

Sed. post quàm Colchis arsit nova nupta venenis ,
 395 Flagrantemque domum regis mare vidit utrumque ;
 Sanguine natorum perfunditur impius ensis :
 Ultaque se malè mater , Iasonis effugit arma.
 Hinc Titaniacis ablata draconibus , intrat
 Palladias arces : quæ te , justissime Phineu ,
 400 Teque , senex Peripha , pariter vidère volantes ,
 Innixamque novis neptem Polypemonis alis.

Excipit hanc Ægeus , facto damnandus in uno :
 Nec satis hospitium est , thalami quoque fœdere jungit.

Jamque aderat Theseus, proles ignara parenti,
 Qui virtute suâ bimarem pacaverat Isthmon. 405
 Hujus in exitium miscet Medêa, quod olim
 Attulerat secum Scythicis aconiton ab oris.
 Illud Echidnæ memorant e dentibus ortum
 Esse canis. Specus est tenebroso cæcus hiatus;
 Est via declivis, per quam Tirynthius heros 410
 Restantem, contraque diem radiosque micantes
 Obliquantem oculos, nexis adamante catenis,
 Cerberon abstraxit: rabiidâ qui concitus irâ
 Implevit pariter ternis latratibus auras;
 Et sparsit virides spumis albetibus agros. 415
 Has concrevisse putant; nascasque alimenta feracis
 Fecundique soli, vires cepisse nocendi.
 Quæ, quia nascuntur durâ vivacia cautè,
 Agrestes aconita vocant. Ea conjugis astu
 Ipse parens Ægeus nato porrexit, ut hosti. 420
 Sumserat ignarâ Theseus data pocula dextrâ,
 Cùm pater in capulo gladii cognovit eburno
 Signa sui generis, facinusque excussit ab ore:
 Effugit illa necem, nebulis per carmina motis.

At genitor, quamquam lætatur sospite nato; 425
 Attonitus tantum, leti discrimine parvo,
 Committi potuisse nefas, foveat ignibus aras,
 Muneribusque Deos implet: feriuntque secures
 Colla torosa boum, victorum cornua vittis.
 Nullus Erechthidis fertur celebratior illo 430
 Illuxisse dies: agitant convivia patres,
 Et medium vulgus: nec non & carmina, vino
 Ingenium faciente, canunt. Te, maxime Theseu,
 Mirata est Marathon Cretæi sanguine tauri;
 Quodque suis securus arat Cromyona colonus, 435
 Munus opusque tuum est. Tellus Epidauria per te
 Clavigeram vidit Vulcani occumbere prolem;
 Vidit & immitem Cephesis ora Procrusten:

152 P. OVIDII NASONIS

Cercyonis letum vidit Cerealis Eleusin.

- 440 Occidit ille Sinis, magnis malè viribus usus;
 Qui poterat curvare trabes, & agebat ab alto
 Ad terram latè sparsuras corpora pinus.
 Tutus ad Alcathoën, Lelegeïa mœnia, limes
 Composito Scirone, patet: sparsique latronis
 445 Terra negat sedem, sedem negat ossibus unda;
 Quæ jactata diu fertur durasse vetustas
 In scopulos: scopulis nomen Scironis inhæret.
 Si titulos annosque tuos, numerare velimus,
 Facta premant annos. Pro te, fortissime, vota
 450 Publica suscipimus: Bacchi tibi sumimus haustus.
 Consonat assensu populi, precibusque faventùm,
 Regia: nec totâ tristis locus ullus in urbe est.

Nec tamen, (usque adeò nulli sincera voluptas!
 Solicitque aliquid lætis intervenit!) Ægeus

- 455 Gaudia percepit nato secura recepto.
 Bella parat Minos: qui quamquam milite, quamquam
 Classe valet; patriâ tamen est firmissimus irâ,
 Androgeïque necem justis ulciscitur armis.
 Ante tamen bellum vires acquirit amicas;
 460 Quâque potens habitus, volucris freta classe pererrat.
 Hinc Anaphen sibi jungit, & Astypaleïa regna;
 Promissis Anaphen, regna Astypaleïa bello;
 Hinc humilem Myconon, cretosaque rura Cimoli,
 Florentemque Cythnon, Scyron, planamque Seriphon,
 465 Marmoreamque Paron, quâque impia prodidit arcem
 Sithonis accepto, quod avara poposcera, auro:
 Mutata est in avem, quæ nunc quoque diligit aurum;
 Nigra pedem, nigris velata monedula pennis.

- At non Oliaros, Didymæque, & Tenos, & Andros,
 470 Et Gyaros, nitidæque ferax Peparethos olivæ,
 Gnossiacas juvere rates: latere inde sinistro
 Ænopiam Minos petit, Æacideïa regna.

Ænopiam veteres appellavere : sed ipse
 Æacus Æginan genitricis nomine dixit.
 Turba ruit , tantæque virum cognoscere famæ 475
 Expetit : occurrunt illi Telamonque , minorque ,
 Quàm Telamon , Peleus , & proles tertia Phocus.
 Ipse quoque egreditur , tardus gravitate senili ,
 Æacus ; & quæ sit veniendi causa requirit.
 Admonitus patrii luctûs suspirat , & illi 480
 Dicta refert rector populorum talia centum.
 Arma juves oro pro gnato sumta ; piæque
 Pars sis militiæ : tumulo solatia posco.
 Huic Asopiades , Petis irrita , dixit , & urbi
 Haud facienda meæ : neque enim conjunctior ulla 485
 Cecropidis hac est tellus : ea foedera nobis.
 Tristis abit , Stabuntque tibi tua foedera magno ,
 Dixit : & utilius bellum putat esse minari ,
 Quàm gerere , atque suas ibi præconsumere vires.
 Classis ab Ænopiis etiamnum Lycia muris 490
 Spectari poterat ; cùm pleno concita velo
 Attica puppis adest , in portusque intrat amicos ;
 Quæ Cephalum , patriæque simul mandata ferebat.
 Æacidæ longo juvenes post tempore visum
 Agnovere tamen Cephalum , dextrasque dedere : 495
 Inque patris duxere domum. Spectabilis heros ,
 Et veteris retinens etiamnum pignora formæ ,
 Ingreditur : ramumque tenens popularis olivæ ,
 A dextrâ lævâque duos ætate minores
 Major habet , Clyton & Buten , Pallante creatos. 500
 Post quàm congressus primi sua verba tulerunt ;
 Cecropidûm Cephalus peragit mandata ; rogatque
 Auxilium : foedusque refert & jura parentûm :
 Imperiumque peti totius Achæidos addit.
 Sic ubi mandatam juvit facundia causam , 505
 Æacus , in capulo sceptri nitente sinistrâ ;
 Ne petite auxilium , sed sumite , dixit , Athenæ.
 Nec dubiè vires , quas hæc habet insula , vestras

- Ducite , & omnis eat rerum status iste mearum.
 510 Robora non defunt : superat mihi miles , & hosti.
 Gratia Dis ; felix & inexcusabile tempus.
 Immo ita sit , Cephalus , crescat tua civibus opto
 Res , ait. Adveniens equidem modò gaudia cepi ;
 Cùm tam pulchra mihi , tam par ætate juvenus
 515 Obvia processit : multos tamen inde requiro ,
 Quos quondam vidi vestrà priùs urbe receptus.
 Æacus ingemuit , tristisque ita voce locutus.
 Flebile principium melior fortuna sequetur.
 Hanc utinam possem vobis memorare ! sine ullo
 520 Ordine nunc repetam. Neu longâ ambage morer vos ;
 Ossa cinisque jacent , memori quos mente requiris.
 Et quota pars illi rerum periere mearum !
 Dira lues , irâ populis Junonis iniquæ ,
 Incidit exosæ dictas a pellice terras.
 525 Dum visum mortale malum , tantæque latebat
 Causa nocens cladis ; pugnatum est arte medendi.
 Exitium superabat opem , quæ victa jacebat.
 Principio cœlum spissâ caligine terras
 Pressit ; & ignavos inclusit nubibus æstus.
 530 Dumque quater junctis implevit cornibus orbem
 Luna , quater plenum tenuata retexit orbem ,
 Letiferis calidi spirarunt flatibus Austri.
 Constat & in fontes vitium venisse , lacusque ;
 Milliaque incultos serpentùm multa per agros
 535 Errasse , atque suis fluvios temerasse venenis.
 Strage canum primâ , volucrumque , oviumque , boumque ;
 Inque feris subiti deprensa potentia morbi.
 Concidere infelix validos miratur arator
 Inter opus tauros , medioque recumbere sulco.
 540 Lanigeris gregibus , balatus dantibus ægros ,
 Sponte suâ lanæque cadunt , & corpora tabent.
 Acer equus quondam , magnæque in pulvere famæ ,
 Degenerat palmas ; veterumque oblitus honorum ,
 Ad præsepe gemit , leto moriturus inertis.

Non aper irasci meminit ; non fidere cursu 545
 Cerva , nec armentis incurrere fortibus ursi :
 Omnia languor habet. Silvisque , agrisque , viisque
 Corpora fœda jacent : vitiantur odoribus auræ.
 Mira loquor : non illa canes , avidæque volucres ,
 Non cani tetigere lupi : dilapsa liquescunt , 550
 Afflatuque nocent ; & agunt contagia latè.
 Pervenit ad miseros , damno graviore , colonos
 Pestis , & in magnæ dominatur mœnibus urbis.
 Viscera torrentur primò : flammæque latentis
 Indicium rubor est , & ductus anhelitus ægrè. 555
 Aspera lingua tumet ; trepidisque arentia venis
 Ora patent : auræque graves captantur hiatu.
 Non stratum , non ulla pati velamina possunt ;
 Dura sed in terra ponunt præcordia : nec fit
 Corpus humo gelidum , sed humus de corpore fervet. 560
 Nec moderator adest , inque ipsos sæva medentes
 Erumpit clades , obsuntque auctoribus artes.
 Quo propior quisque est , servitque fidelius ægro ;
 In partem leti citius venit. Utque salutis
 Spes abiit , finemque vident in funere morbi ; 565
 Indulgent animis : & nulla , quid utile , cura est ;
 Utile enim nihil est. Passim , positoque pudore ,
 Fontibus , & fluviis , puteisque capacibus hærent :
 Nec prius est extincta sitis , quam vita , bibendo.
 Inde graves multi nequeunt consurgere , & ipsis 570
 Immoriuntur aquis : alius tamen haurit & illas.
 Tantaque sunt miseris invisæ tædiæ lecti ;
 Prosiliunt : aut , si prohibent consistere vires ,
 Corpora devolvunt in humum , fugiuntque penates
 Quisque suos : sua cuique domus funesta videtur. 575
 Et quia causa latet , locus est in crimine. Notis
 Semanimes errare viis , dum stare valebant ,
 Aspiceres ; flentes alios , terræque jacentes ,
 Lassæque versantes supremo lumina motu :
 Membraque pendentis tendunt ad sidera cœli , 580

156 *P. OVIDII NASONIS*

- Hic illic, ubi mors deprenderat, exhalantes.
 Quid mihi tunc animi fuit? an, quod debuit esse;
 Ut vitam odissem, & cuperem pars esse meorum?
 Quo se cumque acies oculorum flexerat, illic
 585 Vulgus erat stratum: veluti cum putria motis
 Poma cadunt ramis, agitatâque ilice glandes.
 Tempa vides contra, gradibus sublimia longis:
 Juppiter illa tenet. Quis non altaribus illis
 Irrita tura tulit? quoties pro conjuge conjux,
 590 Pro gnato genitor, dum verba precantia dicit,
 Non exoratis animam finivit in aris?
 Inque manu turis pars inconsumta reperta est!
 Admoti quoties templis, dum vota sacerdos
 Concipit, & fundit purum inter cornua vinum,
 595 Haud exspectato ceciderunt vulnere tauri!
 Ipse ego sacra Jovi pro me, patriâque, tribusque
 Cum facerem natis, mugitus victima diros
 Edidit: & subito collapsa, sine ictibus ullis,
 Exiguo tinxit subiectos sanguine cultros.
 600 Fibra quoque ægra notas veri, monitusque Deorum
 Prodiderat: tristes penetrant ad viscera morbi.
 Ante sacros vidi projecta cadavera postes:
 Ante ipsas, quo mors foret invidiosior, aras.
 Pars animam laqueo claudunt, mortisque timorem
 605 Morte fugant, ultrôque vocant venientia fata.
 Corpora missa neci nullis de more feruntur
 Funeribus: neque enim capiebant funera portæ.
 Aut inhumata premunt terras: aut dantur in altos
 Indotata rogos. Et jam reverentia nulla est,
 610 Deque rogis pugnant, alienisque ignibus ardent.
 Qui lacryment, defunt: indefletæque vagantur
 Natarum matrumque animæ, juvenumque senumque.
 Nec locus in tumulos, nec sufficit arbor in ignes.

- Attonitus tanto miserarum turbine rerum,
 615 Juppiter ô! dixi, si te non falsa loquuntur

METAMORPHOSEON L. VII. 157

Diſta , ſub amplexus *Æginæ* *Aſopidos* iſſe ;
Nec te , magne pater , noſtri pudet eſſe parentem ;
Aut mihi redde meos , aut me quoque conde ſepulcro.
Ille notam fulgore dedit , tonitruque ſecundo.
Accipio , ſintque iſta precor felicia mentis 620
Signa tuæ , dixi : quod das mihi , pigneror , omen.
Forte fuit juxta , patulis rariffima ramis ,
Sacra Jovi , quercus , de ſemine *Dodonæo*.
Hic nos frugilegas aſpeximus agmine longo
Grande onus exiguo formicas ore gerentes , 625
Rugoſoque ſuum ſervantes cortice callem.
Dum numerum miror , Totidem , pater optime , dixi ,
Tu mihi da cives : & inania mœnia reple.
Intremuit , ramisque ſonum ſine flamine motis
Alta dedit quercus. Pavido mihi membra timore 630
Horruerant , ſtabantque comæ : tamen oſcula terræ
Roboribusque dedi ; nec me ſperare fatebar :
Sperabam tamen , atque animo mea vota fovebam.
Nox ſubit : & curis exercita corpora ſomnus
Occupat. Ante oculos eadem mihi quercus aſeſſe , 635
Et ramos totidem , totidemque animalia ramis .
Ferre ſuis viſa eſt , parilique tremiſcere motu ,
Graniferumque agmen ſubjectis ſpargere in arvis.
Crefcere quod ſubito , & majus majusque videri ,
Ac ſe tollere humo , rectoque aſſiſtere trunco ; 640
Et maciem , numerumque pedum , nigrumque colorem ,
Ponere ; & humanam membris inducere formam.
Somnus abit : damno vigilans mea viſa , querorque
In Superis opis eſſe nihil. At in ædibus ingens
Murmur erat : vocesque hominum exaudire videbar , 645
Jam mihi deſuetas. Dum ſuſpikor has quoque ſomni ,
Ecce venit *Telamon* properus : foribusque reclusis ,
Speque fideque , pater , dixit , majora videbis :
Egredere. Egredior : qualesque in imagine ſomni
Viſus eram vidiffè viros , ex ordine tales 650
Aſpicio , agnoſcoque : adeunt , regemque ſalutant.

158 P. OVIDII NASONIS

Vota Jovi solvo , populisque recentibus urbem
Partior , & vacuos priscis cultoribus agros ,
Myrmidonasque voco , nec origine nomina fraudo.

- 655 Corpora vidisti : mores , quos ante gerebant ,
Nunc quoque habent ; parcumq; genus , patiensq; laborum ,
Quæsitique tenax ; & qui quæsitâ reservent.
Hi te ad bella , pares annis animisque , sequentur ;
Cum primùm , qui te feliciter attulit , Eurus ,
660 Eurus enim attulerat , fuerit mutatus in Austros.

- Talibus atque aliis longum sermonibus illi
Implevere diem : lucis pars ultima mensæ
Est data , nox somnis. Jubar aureus extulerat Sol :
Flabat adhuc Eurus , redituraque vela tenebat.
665 Ad Cephalum Pallante sati , cui grandior ætas ,
Ad regem Cephalus , simul & Pallante creati
Conveniunt : sed adhuc regem sopor altus habebat.
Excipit Æacides illos in limine Phocus :
Nam Telamon fraterque viros ad bella legebant.
670 Phocus in interius spatium pulchrosque recessus
Cecropidas ducit : cum quîs simul ipse resedit.
Aspicit Æoliden ignotâ ex arbore factum
Ferre manu jaculum , cujus fuit aurea cuspis.
Pauca prius mediis sermonibus ille locutus ;
675 Sum nemorum studiosus , ait , cædisque ferinæ ;
Quâ tamen e silvâ teneas hostile recisum ,
Jam dudum dubito : certè , si fraxinus esset ,
Fulva colore foret : si cornus , nodus inesset.
Unde sit , ignoro : sed non formosius isto
680 Viderunt oculi telum jaculabile nostri.
Excipit Aëtæis e fratribus alter , & , Usus
Majorem specie mirabere , dixit , in isto.
Consequitur , quodcumque petit ; Fortunaque missum
Non regit : & revolat , nullo referente , cruentum.
685 Tum verò juvenis Nereius omnia quærit :
Cur sit , & unde datum ; quis tanti muneris auctor.

Quæ petit, ille refert : sed , quæ narrare pudori est ,
Quâ tulerit mercedē , silet : tactusque dolore
Conjugis amissæ , lacrymis ita fatur obortis.

Hoc me , nate Deâ , quis possit credere ? telum 690
Flere facit , facietque diu ; si vivere nobis
Fata diu dederint. Hoc me cum conjugē carâ
Perdidit : hoc utinam caruissem munere semper !
Procris erat , si fortè magis pervenit ad aures
Orithyïa tuas , raptæ soror Orithyïæ. 695

Si faciem moresque velis conferre duarum ,
Dignior ipsa rapi. Pater hanc mihi junxit Erechtheus :
Hanc mihi junxit Amor. Felix dicebar , eramque :
Non ita Dis visum est : ac nunc quoque forsitan essem.
Alter agebatur post sacra jugalia mensis , 700

Cùm me , cornigeris tendentem retia cervis ,
Vertice de summo semper florentis Hymettî
Lutea mane videt pulsas Aurora tenebris :
Invitumque rapit. Liceat mihi vera referre
Pace Deæ. Quod sit roseo spectabilis ore , 705

Quod teneat lucis , teneat confinia noctis ,
Nestareis quod alatur aquis ; ego Procrin amabam.
Pectore Procris erat , Procris mihi semper in ore.
Sacra tori , coïtusque novos , thalamosque recentes ,
Primaque deserti referebam fœdera lecti : 710

Mota Dea est : & , Siste tuas , ingrate , querelas ;
Procrin habe , dixit. Quod si mea provida mens est ,
Non habuisse voles : meque illi irata remisit.
Dum redeo , mecumque Deæ memorata retracto ;
Esse metus cœpit , ne jura jugalia conjux 715

Non bene servasset. Faciesque ætasque jubebant
Credere adulterium : prohibebant credere mores.
Sed tamen abfueram : sed & hæc erat , unde redibam ,
Criminis exemplum : sed cuncta timemus amantes.
Quærere , quo doleam , studeo ; donisque pudicam 720

Solicitare fidem. Favet huic Aurora timori :
Immutatque meam , videor sensisse , figuram.

160. *P. OVIDII NASONIS*

- Palladas in eo, non cognoscendus, Athenas;
 Ingrediorque domum. Culpâ domus ipsa carebat,
 725 Castaque signa dabat: dominoque erat anxia raptos.
 Vix aditu per mille dolos ad Erechthida factos;
 Ut vidi, obstupui; meditataque pæne reliqui
 Tentamenta fide: malè me, quin vera faterer,
 Continui; malè quin, ut oportuit, oscula ferrem.
 730 Tristis erat: sed nulla tamen formosior illâ
 Esse potest tristi; desiderioque calebat
 Conjugis abrepti. Tu collige, qualis in illa,
 : Phoece, decor fuerit, quam sic dolor ipse decebat.
 Quid referam, quoties tentamina nostra pudici
 735 Repulerint mores? quoties, Ego, dixerit, uni
 Servor, ubicumque est: uni mea gaudia servo.
 Cui non ista fide satis experientia sano
 Magna foret? non sum contentus: & in mea pugno
 Vulnere, dum census dare me pro nocte paciscor.
 740 Muneraque augendo tandem dubitare coëgi.
 Exclamo; Malè tectus ego en, malè pactus adulter,
 Verus eram conjux: me, perfida, teste teneris.
 Illa nihil: tacito tantummodo victa pudore,
 Insidiosa malo cum conjuge limina fugit:
 745 Offensâque mei, genus omne perosa virorum
 Montibus errabat, studiis operata Dianæ.
 Tum mihi deserto violentior ignis ad ossa
 Pervenit: orabam veniam, & peccasse fatebar:
 Et potuisse, datis, simili succumbere culpæ
 750 Me quoque, muneribus, si munera tanta darentur.
 Hoc mihi confesso, læsum prius ulta pudorem,
 Redditur, & dulces concorditer exigit annos.
 Dat mihi præterea, tamquam se parva dedisset
 Dona, canem munus: quem cum sua traderet illi
 755 Cynthia, Currando superabit, dixerat, omnes.
 Dat simul & jaculum; manibus quod, cernis, habemus.

Muneris alterius quæ sit fortuna requiris?

Accipe : mirandi novitate movebere facti.

Carmina Læiades non intellecta priorum
 Solverat ingeniis ; & præcipitata jacebat , 760
 Immemor ambagum , vates obscura , suarum.
 Scilicet alma Themis non talia linquit inulta.
 Protinus Aoniis immittitur altera Thebis
 Pestis ; & exitio multi pecorumque suoque
 Rurigenæ pavere feram. Vicina juvenus 765
 Venimus , & latos indagine cinximus agros.
 Illa levi velox superabat retia saltu ,
 Summaque transibat positarum lina plagarum.
 Copula detrahitur canibus , quas illa sequentes
 Effugit , & volucris non segnius alite ludit. 770
 Poscor & ipse meum consensu Lælapa magno :
 Muneris hoc nomen. Jam dudum vincula pugnat
 Exuere ipse sibi , colloque morantia tendit.
 Vix bene missus erat , nec jam poteramus , ubi esset ,
 Scire : pedum calidus vestigia pulvis habebat ; 775
 Ipse oculis ereptus erat. Non ocior illo
 Hasta , nec excussæ contorto verbere glandes ,
 Nec Gortyniaco calamus levis exit ab arcu.
 Collis apex medii subjectis imminet arvis :
 Tollor eò , capioque novi spectacula cursûs : 780
 Quo modò deprendi , modò se subducere ab ipso
 Vulnere visa fera est. Nec limite callida recto ,
 In spatiumve fugit ; sed decipit ora sequentis :
 Et redit in gyrum , ne sit suus impetus hosti.
 Imminet hic , sequiturque parem : similisque tenenti 785
 Non tenet , & vacuos exercet in aëra morsus.
 Ad jaculi vertebat opem : quod dextera librat
 Dum mea , dum digitos amentis indere tento ;
 Lumina deflexi : revocataque rursus eodem
 Retuleram. Medio , mirum ! duo marmora campo 790
 Aspicio : fugere hoc , illud latrare putares.
 Scilicet invictos ambo certamine cursûs

Esse Deus voluit ; si quis Deus adfuit illis.

Haftenus : & tacuit. Jaculo quod crimen in ipso ?

795 *Phocus ait : jaculi sic crimina reddidit ille.*

Gaudia principium nostri sint , Phoece , doloris :

Illa prius referam. Juvat ô ! meminisse beati

Temporis , Æacida , quo primos rite per annos

Conjuge eram felix ; felix erat illa marito.

800 *Mutua cura duos , & amor socialis habebat.*

Nec Jovis illa meo thalamos præferret amor :

Nec me quæ caperet , non si Venus ipsa veniret ,

Ulla erat : æquales urebant pectora flammæ.

Sole ferè radiis feriente cacumina primis ,

805 *Venatum in silvas juveniliter ire solebam :*

Nec mecum famulos , nec equos , nec naribus acres

Ire canes , nec lina sequi nodosa sinebam :

Tutus eram jaculo. Sed cùm satiata ferinæ

Dextera cædis erat ; repetebam frigus , & umbras ,

810 *Et , quæ de gelidis halabat vallibus , auram.*

Aura petebatur medio mihi lenis in æstu :

Auram exspectabam : requies erat illa labori.

Aura , recordor enim , venias , cantare solebam ;

Meque juves , intresque sinus , gratissima , nostros :

815 *Utque facis , relevare velis , quibus urimur , æstus.*

Forsitan addiderim , sic me mea fata trahebant ,

Blanditias plures : & , Tu mihi magna voluptas ,

Dicere sim solitus : tu me reficisque fovesque :

Tu facis , ut silvas , ut amem loca sola : meoque

820 *Spiritus iste tuus semper captatur ab ore.*

Vocibus ambiguis deceptam præbuit aurem

Nescio quis : nomenque auræ tam sæpe vocatum

Esse putans Nymphæ , Nympham mihi credit amari.

Criminis extemplo fisci temerarius index

825 *Procrin adit : linguæque refert audita susurrâ.*

Credula res amor est : subito collapsa dolore ,

Ut sibi narratur , cecidit : Longoque refecta

METAMORPHOSEON L. VII. 163

Tempore ; Se miseram , se fati dixit iniqui :
Deque fide quæsta est : & crimine concita vano ,
Quod nihil est , metuit. Metuit sine corpore nomen : 830
Et dolet infelix veluti de pellice verâ.
Sæpe tamen dubitat , speratque miserrima falli :
Indicioque fidem negat ; & , nisi viderit ipsa ,
Damnatura sui non est delicta mariti.
Postera depulerant Auroræ lumina noctem : 835
Egredior , silvasque peto ; victorque per herbas ,
Aura veni , dixi , nostroque medere labori.
Et subito gemitus inter mea verba videbar
Nescio quos audisse. Veni , tamen , optima , dixi.
Fronde levem rursus strepitum faciente caducâ , 840
Sum ratus esse feram ; telumque volatilis misi.
Procris erat : medioque tenens in pectore vulnus ,
Hei mihi ! conclamat. Vox est ubi cognita fidæ
Conjugis , ad vocem præceps amensque cucurri.
Semanimem , & sparsas scedantem sanguine vestes , 845
Et sua , me miserum ! de vulnere dona trahentem
Invenio ; corpusque meo mihi carius ulnis
Sontibus attollo : scissâque a pectore veste
Vulnera sævâ ligo : conorque inhibere cruorem :
Neu me morte suâ sceleratum deferat , oro. 850
Viribus illa carens , & jam moribunda , coëgit
Hæc se pauca loqui : Per nostri fœdera lecti ,
Perque Deos supplex oro , superosque , meosque ;
Per si quid merui de te bene ; perque manentem 854
Nunc quoque , cum pereo , causam mihi mortis , amorem ;
Ne thalamis Auram patiari innubere nostris.
Dixit : & errorem tum denique nominis esse
Et sensi , & docui. Sed quid docuisse juvabat ?
Labitur ; & parvæ fugiunt cum sanguine vires.
Dumque aliquid spectare potest , me spectat : & in me 860
Infelicem animam nostroque exhalat in ore :

164 *P. OVID. NAS. MET. L. VII.*

Sed , vultu meliore , mori secura videtur.

Flentibus hæc lacrymans heros memorabat , & ecce

Æacus ingreditur duplici cum prole , novoque

865 Milite ; quem Cephalus cum fortibus accipit armis.





OVIDII NASONIS
METAMORPHOSEON
LIBER VIII.

JAM nitidum retegente diem, noctisque fugante
Tempora Lucifero, cadit Eurus: & humida surgunt
Nubila: dant placidi cursum redeuntibus Austri
Æacidis Cephaloque; quibus feliciter acti,
Aate expectatum, portus tenuere petitos. 5

Interea Minos Lelegeia litora vastat:
Prætentatque sui vires Mavortis in urbe
Alcathoe, quam Nifus habet; cui splendidus ostro,
Inter honoratos medio de vertice canos,
Crinis inhærebat, magni fiducia regni. 10

Sexta resurgebant orientis cornua Phœbes:
Et pendebat adhuc belli Fortuna, diuque
Inter utrumque volat dubiis Victoria pennis.
Regia turris erat vocalibus addita muris,
In quibus auratam proles Latoia fertur 15
Deposuisse lyram: saxo sonus ejus inhæsit.

Sæpe illuc solita est ascendere filia Nisi;
Et petere exiguo resonantia saxa lapillo,
Tum cum pax esset: bello quoque sæpe solebat
Spectare ex illa rigidi certamina Martis. 20

Jamque, morâ belli, procerum quoque nomina norat,
Armaque, equosque, habitusque, Cydonæasque pharetras.
Noverat ante alios faciem ducis Europæi;
Plus etiam, quam nosse sat est. Hac judice, Minos,

- 25 Seu caput abdiderat cristatâ casside pennis,
 In galeâ formosus erat : seu sumserat auto
 Fulgentem clypeum , clypeum sumsisse decebat.
 Torserat adductis hastilia lenta lacertis ?
 Laudabat virgo junctam cum viribus artem.
- 30 Imposito patulos calamo sinuaverat arcus ?
 Sic Phœbum sumtis jurabat stare sagittis.
 Cùm verò faciem demto nudaverat ære ,
 Purpureusque albi stratis insignia pictis
 Terga premebat equi , spumantiaque ora regebat ;
- 35 Vix sua , vix sanæ virgo Nisēia compos
 Mentis erat. Felix jaculum , quod tangeret ille ,
 Quæque manu premeret , felicia frena vocabat.
 Impetus est illi , liceat modò , ferre per agmen
 Virgineos hostile gradus : est impetus illi ,
- 40 Turribus e summis in Gnoſſia mittere corpus
 Castra , vel æratas hosti recludere portas ;
 Vel si quid Minos aliud velit. Utque sedebat
 Candida Diſtæi spectans tentoria regis ;
 Læter , ait , doleamne geri lacrymabile bellum ,
- 45 In dubio est : doleo quod Minos hostis amanti est.
 Sed nisi bella forent , numquid mihi cognitus esset ?
 Me tamen acceptâ , poterat deponere bellum ,
 Obside : me comitem , me pacis pignus habere.
 Si , quæ te peperit , talis , pulcherrime rerum ,
- 50 Qualis es ipse , fuit ; meritò Deus arsit in illa.
 O ! ego ter felix , si , pennis lapsa per auras ,
 Gnoſſiaci possim castris insistere regis !
 Fassaque me flammæque meas , quâ dote , rogarem ,
 Vellet emi ! tantùm patrias ne posceret arces.
- 55 Nam pereant potiùs sperata cubilia , quàm sim
 Proditione potens ! quamvis sæpe utile vinci
 Victoris placidi fecit clementia multis.
 Justa gerit certè pro nato bella peremto ,
 In causaque valet : causamque tuentibus armis ,
- 60 Ut puto , vincemur. Qui si manet exitus urbem ;
 Cur suus hæc illi referabit mœnia Mavors ,

METAMORPHOSEON L. VIII. 167

Et non noster amor ? meliùs sine cæde , morâque ,
Impensâque sui poterit superare cruoris.
Quàm metuo certè , ne quis tua pectora , Minos ,
Vulneret imprudens ! quis enim tam dirus , ut in te 65
Dirigere immitem , nisi nescius , audeat hastam ?
Cœpta placent , & stat sententia tradere mecum
Dotalem patriam ; finemque imponere bello.
Verùm velle parum est. Aditus custodia servat ,
Claustraue portarum genitor tenet. Hunc ego solum 70
Infelix timeo : solus mea vota moratur.
Di facerent , sine patre forem ! Sibi quisque profecto
Fît Deus : ignavis precibus Fortuna repugnat.
Altera jam dudum succensa Cupidine tanto
Perdere gauderet , quodcumque obstaret amorî. 75
Et cur ulla foret me fortior ? ire per ignes ,
Per gladios ausim. Neque in hoc tamen ignibus ullis ,
Aut gladiis opus est : opus est mihi crine paterno.
Illa mihi est auro pretiosior , illa beatam
Purpura me , votique mei factura potentem. 80

Talia dicenti , curarum maxima nutrix
Nox intervênit ; tenebrisque audacia crevit.
Prima quies aderat , quâ curis fessa diurnis
Pectora somnus habet : thalamos taciturna paternos
Intrat ; & , heu facinus ! fatali nata parentem 85
Crine suum spoliât : prædâque potita nefandâ
Fert secum spoliûm sceleris ; progressaque portâ
Per medios hostes , meritis fiducia tanta est !
Pervenit ad regem , quem sic affata paventem.
Suasit amor facinus : proles ego regia Nisi 90
Scylla , tibi trado patriosque meosque Penates.
Præmia nulla peto , nisi te : cape pignus amoris
Purpureum crinem ; nec me nunc tradere crinem ,
Sed patrium tibi crede caput. Scelerataque dextrâ
Munera porrexit. Minos porrecta refugit ; 95
Turbatusque novi , respondit , imagine facti :

- Di te submoveant , ô ! nostri infamia secli ,
 Orbe suo ! tellusque tibi pontusque negentur !
 Certè ego non patiar , Jovis incunabula , Creten ,
 100 Quæ meus est orbis , tantum contingere monstrum.
 Dixit : & , ut leges captis justissimus auctor
 Hostibus imposuit , classis retinacula solvi
 Jussit ; & æratas impelli remige puppes.
 Scylla , freto post quàm deductas nare carinas ;
 105 Nec præstare ducem sceleris sibi præmia vidit ;
 Consumtis precibus violentam transit in iram ,
 Intendensque manus , passis furibunda capillis ,
 Quò fugis , exclamat , meritorum auctore relicta ;
 O ! patriæ prælate meæ , prælate parenti ?
 110 Quò fugis , immitis ? cujus victoria nostrum
 Et scelus , & meritum est : nec te data munera , nec te
 Noster movit amor ; nec quod spes omnis in unum
 Te mea congesta est ? Nam quò deserta revertar ?
 In patriam ? superata jacet. Sed finge manere ;
 115 Proditione meâ clausa est mihi. Patris ad ora ?
 Quæ tibi donavi : cives odere merentem :
 Finitimi exemplum metuunt. Obstruximus orbem
 Terrarum nobis , ut Crete sola pateret.
 Hac quoque sic prohibes ? sic nos , ingrate , relinquis ?
 120 Non genitrix Europa tibi , sed inhospita Syrtis ,
 Armeniæve tigres , austrove agitata Charybdis.
 Nec Jove tu natus : nec mater imagine tauri
 Ducta tua est : generis falsa est ea fabula vestri.
 Et ferus , & captus nullius amore juvencæ ,
 125 Qui te progenuit , taurus fuit. Exige pœnas ,
 Nise pater : gaudete malis modò prodita nostris ,
 Mœnia : nam fateor , merui , & sum digna perire.
 Me tamen ex illis aliquis , quos impia læsi ,
 Me perimat : cur , qui vicisti crimine nostro ,
 130 Insequeris crimen ? scelus hoc patriæque patrique ;
 Officium tibi sit. Te verè conjuge digna est ,
 Quæ torvum ligno decepit adultera taurum ;

Dissortemque

METAMORPHOSEON L. VIII. 169

Disfortemque utero fetum tulit. Ecquid ad aures
Perveniant mea dicta tuas? an inania venti
Verba ferunt, idemque tuas, ingrata, carinas? 135
Jam jam Pasiphaën non est mirabile taurum
Præposuisse tibi: tu plus feritatis habebas.
Me miseram! properare juvat: divulsaque remis
Unda sonat: mecum simul, ah! mea terra recedit.
Nil agis, ô! frustra meritorum oblite meorum. 140
Insequar invitum: puppimque amplexa recurvam,
Per freta longa trahar. Vix dixerat, insilit undas:
Consequiturque rates, faciente Cupidine vires;
Gnossiacæque hæret comes invidiosa carinæ.
Quam pater ut vidit, nam jam pendebat in auras, 145
Et modò factus erat fulvis Halyæëtos alis,
Ibat, ut hærentem rostro laniaret adunco.
Illa metu puppim dimittit: at aura cadentem
Sustinuisse levis, ne tangeret æquora, visa est.
Pluma fuit: plumis in avem mutata vocatur 150
Ciris: & a tonso est hoc nomen. adepta capillo.

Vota Jovi Minos taurorum corpora centum
Solvit, ut egressus ratibus Curetida terram
Contigit, & spoliis decorata est regia fixis.
Creverat opprobrium generis: fœdumque patebat 155
Matris adulterium monstri novitate biformis.
Destinat hunc Minos thalamis remove pudorem,
Multiplicique domo cæcisque includere testis.
Dædalus, ingenio fabræ celeberrimus artis,
Ponit opus: turbatque notas, & lumina flexum 160
Ducit in errorem variarum ambage viarum.
Non secus ac liquidus Phrygiis Mæandros in arvis
Ludit; & ambiguo lapsu refluitque fluitque,
Occurrensque sibi venturas aspicit undas:
Et nunc ad fontes, nunc in mare versus apertum, 165
Incertas exercet aquas: ita Dædalus implet
Innumeras errore vias: vixque ipse reverti

170 P. OVIDII NASONIS

- Ad limen potuit : tanta est fallacia testis !
 Quo post quàm tauri geminam juvenisque figuram
 170 Clausit ; & Actæo bis pastum sanguine monstrum
 Tertia fors annis domuit repetita novenis ;
 Utque ope virgineâ , nullis iterata priorum ,
 Janua difficilis filo est inventa relecto ;
 Protinus Ægides , raptâ Minoïde , Dian
 175 Vela dedit : comitemque suam crudelis in illo
 Litore deseruit. Desertæ , & multa querenti ,
 Amplexus & opem Liber tulit. : utque perenni
 Sidere clara foret , sumtam de fronte coronam
 Immisit cœlo. Tenues volat illa per auras ;
 180 Dumque volat , gemmæ subitos vertuntur in ignes :
 Consistuntque loco , specie remanente Coronæ ,
 Qui medius Nixique genu est Anguemque tenentis.

- Dædalus interea , Creten longumque perosus
 Exsilium , tactusque soli natalis amore ,
 185 Clausus erat pelago. Terras licet , inquit , & undas
 Obstruat , at cœlum certè patet : ibimus illac.
 Omnia possideat , non possidet aëra Minos.
 Dixit : & ignotas animum dimittit in artes ,
 Naturamque novat. Nam ponit in ordine pennas ,
 190 A minima cœptas , longam brevior sequenti ;
 Ut clivo crevisse putes. Sic rustica quondam
 Fistula disparibus paulatim surgit avenis.
 Tum lino medias , & ceris alligat imas.
 Atque ita compositas parvo curvamine flectit ,
 195 Ut veras imitentur aves. Puer Icarus unâ
 Stabat ; & , ignarus sua se tractare pericla ,
 Ore renidenti , modò quas vaga moverat aura ,
 Captabat plumas : flavam modò pollice ceram
 Mollibat , lusuque suo mirabile patris
 200 Impediebat opus. Post quàm manus ultima cœptis
 Imposita est , geminas opifex libravit in alas
 Ipse suum corpus : motâque pendit in aura.

METAMORPHOSEON L. VIII. 171

Instruit & natum ; Medioque ut limite curras ,
Icare , ait , moneo : ne , si demissior ibis ,
Unda gravet pennas ; si celsior , ignis adurat. 205
Inter utrumque vola. Nec te spectare Booten ,
Aut Helicen jubeo , strictumve Orionis ensen.
Me duce , carpe viam. Pariter præcepta volandi
Tradit , & ignotas humeris accommodat alas.
Inter opus monitusque , genæ maduere seniles , 210
Et patriæ tremuere manus. Dedit oscula nato
Non iterum repetenda suo : pennisque levatus
Ante volat , comitique timet. Veiut ales , ab alto
Quæ teneram prolem producit in aëra nido ;
Hortaturque sequi , damnosasque erudit artes : 215
Et movet ipse suas , & nati respicit alas.
Hos aliquis , tremulâ dum captat arundine pisces ,
Aut pastor baculo , stivâve innixus arator ,
Vidit , & obstupuit : quique æthera carpere possent ,
Credidit esse Deos. Et jam Junonia lævâ 220
Parte Samos fuerant , Delosque , Parosque relictæ ;
Dextra Lebynthos erat , fecundaque melle Calymne ;
Cum puer audaci coepit gaudere volatu ,
Deferuitque ducem : coelique cupidine tactus
Altius egit iter. Rapidi vicinia Solis 225
Mollit odoratas , pennarum vincula , ceras.
Tabuerant ceræ : nudos quatit ille lacertos ;
Remigioque carens non ullas percipit auras.
Oraque cæruleâ , patrium clamantia nomen ,
Excipiuntur aquâ , quæ nomen traxit ab illo. 230
At pater infelix , nec jam pater ; Icare , dixit ,
Icare , dixit , ubi es ? quâ te regione requiram ?
Icare , dicebat ; pennas aspexit in undis ,
Devovitque suas artes : corpusque sepulcro
Condidit : & tellus a nomine dicta sepulti. 235

Hunc , miseri tumulo ponentem corpora nati ,
Garrula ramosâ prospexit ab ilice perdix :

H ij

Et plausit pennis, testataque gaudia cantu est.

Unica tunc volucris, nec visa prioribus annis:

240 Factaque nuper avis, longum tibi, Dædale, crimen.

Namque huic tradiderat, fatorum ignara, docendam

Progeniem germana suam, natalibus actis

Bis puerum senis, animi ad præcepta rapacis.

Ille etiam medio spinas in pisce notatas

245 Traxit in exemplum, ferroque incidit acuto

Perpetuos dentes; & ferræ reperit usum.

Primus & ex uno duo ferrea brachia nodo

Vinxit; ut, æquali spatio distantibus illis,

Altera pars staret, pars altera duceret orbem.

250 Dædalus invidit, sacrâque ex arce Minervæ

Præcipitem mittit, lapsum mentitus. At illum,

Quæ favet ingeniis, excepit Pallas; avemque

Reddidit, & medio velavit in aëre pennis.

Sed vigor ingenii, quondam velocis, in alas,

255 Inque pedes abiit: nomen, quod & ante, remansit.

Non tamen hæc altè volucris sua corpora tollit,

Nec facit in ramis, altoque cacumine, nidos:

Propter humum volitat, ponitque in sepibus ova;

Antiquique memor, metuit sublimia, castis.

260 Jamque fatigatum tellus Ætnæa tenebat

Dædalon, & sumtis pro supplice Cocalus armis

Mitis habebatur: jam lamentabile Athenæ

Pendere desierant Theseâ laude tributum.

Templa coronantur: bellatricemque Minervam

265 Cum Jove Disque vocant aliis; quos sanguine voto,

Muneribusque datis, & acerris turis adorant.

Sparserat Argolicas nomen vaga Fama per urbes

Theseos: & populi, quos dives Achæia cepit,

Hujus opem magnis imploravere periclis;

270 Hujus opem Calydon, quamvis Meleagron haberet,

Solicitâ supplex petiit prece. Causa petendi

Sus erat, infestæ famulus vindexque Dianæ.

METAMORPHOSEON L. VIII. 173

Œnea namque ferunt, plehi successibus anni,
 Primitias, frugem Cereri, sua vina Lyæo,
 Palladios flavæ latices libasse Minervæ. 275
 Cœptus ab agricolis Superos pervenit ad omnes
 Invidiosus honos: solas sine ture relictas
 Præteritæ cessasse ferunt Latoïdos aras.
 Tangit & ira Deos. At non impune feremus;
 Quæque inhonoratæ, non & dicemur inultæ, 280
 Inquit: & Œnêos ultorem spreta per agros
 Misit aprum, quanto majores herbida tauros
 Non habet Epiros; sed habent Sicula arva minores.
 Sanguine & igne micant oculi, riget ardua cervix;
 Et setæ densis similes hastilibus horrent: 285
 Stantque velut vallum, velut alta hastilia setæ.
 Fervida cum rauco latos stridore per armos
 Spuma fluit: dentes æquantur dentibus Indis.
 Fulmen ab ore venit: frondes afflatibus ardent.
 Is modò crescenti segetes proculcat in herba; 290
 Nec matura metit fleturi vota coloni,
 Et Cererem in spicis intercipit. Area frustra,
 Et frustra expectant promissas horrea messes.
 Sternuntur gravidæ longo cum palmite fetus,
 Baccaque cum ramis semper frondentis olivæ. 295
 Sævitur & in pecudes: non has pastorve canesve,
 Non armenta truces possunt defendere tauri.
 Diffugiunt populi; nec se, nisi mœnibus urbis,
 Esse putant tutos: donec Meleagros, & unâ
 Lecta manus juvenum cœtere cupidine laudis. 300
 Tyndaridæ gemini, spectatus cœstibus alter,
 Alter equo; primæque ratis molitor Iason,
 Et cum Pirithoo felix concordia Theseus,
 Et duo Thestiadæ, prolesque Aphareïa Lynceus,
 Et velox Idas; & jam non femina Cæneus, 305
 Leucippusque ferox, jaculoque insignis Acastus,
 Hippothoosque, Dryasque, & cretus Amyntore Phœnix,
 Astoridæque pares, & missus ab Elide Phyleus.

Nec Telamon aberat, magnique creator Achillis :

- 310 Cumque Pheretiade & Hyanteo Iolao
Impiger Eurytion, & cursu invictus Echion,
Naryciusque Lelex, Panopeusque, Hyleusque, feroxque
Hippasus, & primis etiamnum Nestor in armis.
Et quos Hippocoön antiquis misit Amyclis ;
315 Penelopesque focer, cum Parrhasio Ancæo,
Ampycidesque sagax, & adhuc a conjuge tutus
Æclides, nemorisque decus Tegeæa Lycei.
Rasilis huic summam mordebat fibula vestem ;
Crinis erat simplex, nodum collectus in unum.
320 Ex humero pendens resonabat eburnea lævo
Telorum custos : arcum quoque læva tenebat.
Talis erat cultus. Facies, quam dicere verè
Virgineam in puero, puerilem in virgine posses.
Hanc pariter vidit, pariter Calydonius heros
325 Optavit, renuente Deo : flammæque latentes
Hausit ; & , O ! felix, si quem dignabitur, inquit,
Ista virum ! Nec plura sinunt tempusque pudorque
Dicere : majus opus magni certaminis urget.

Silva frequens trabibus, quam nulla ceciderat ætas,

- 330 Incipit a plano : devexaque prospicit arva.
Quò post quàm venere viri, pars retia tendunt ;
Vincula pars adimunt canibus, pars pressa sequuntur
Signa pedum, cupiuntque suum reperire periculum.
Concava vallis erat, quâ se demittere rivi
335 Assuèrant pluvialis aquæ : tenet ima lacunæ
Lenta salix, ulvæque leves, juncique palustres,
Viminaque, & longâ parvæ sub arundine cannæ.
Hinc aper excitus medios violentus in hostes
Fertur, ut excussis elisi nubibus ignes.
340 Sternitur incurfu nemus, & propulsa fragorem
Silva dat : exclamant juvenes, prætentæque fortè
Tela tenent dextrâ, lato vibrantia ferro.
Ille ruit ; spargitque canes, ut quisque ruenti
Obstat : & obliquo latrantes dissipat ictu.

METAMORPHOSEON L. VIII. 175

Cuspis Echionio primum contorta lacerto 345
Vana fuit, truncoque dedit leve vulnus acerno.
Proxima, si nimis mittentis viribus usa
Non foret, in tergo visa est hæsurâ petito.
Longius it: auctor teli Pagasæus Iason.
Phœbe, ait Ampycides, si te coluique colloque; 350
Da mihi, quod petitur, certo contingere telo.
Quâ potuit, precibus Deus annuit. Ictus ab illo,
Sed sine vulnere, aper: ferrum Diana volanti
Abstulerat jaculo: lignum sine acumine venit.
Ira feri mota est: nec fulmine lenius arsit. 355
Lux micat ex oculis, spiratque e pectore flamma.
Utque volat moles, adducto concita nervo,
Cum petit aut muros, aut plenas milite turres;
In juvenes vasto sic impete vulnificus sus
Fertur: & Eupalamon Pelagonaque, dextra tuentes 360
Cornua, prostermit: socii rapuere jacentes.
At non letiferos effugit Enæsimus ictus,
Hippocoonte satus: trepidantem, & terga parantem
Vertere, succiso liquerunt poplite nervi.
Forsitan & Pylius citra Trojana perisset 365
Tempora: sed, sumto positâ conamine ab hasta,
Arboris insiluit, quæ stabat proxima, ramis:
Despexitque, loco tutus, quem fugerat, hostem.
Dentibus ille ferox in querno stipite tritis,
Imminet exitio, frendensque recentibus armis, 370
Othriadæ magni rostro femur hausit adunco.
At gemini, nondum cœlestia sidera, fratres;
Ambo conspici, nive candidioribus albâ
Vestabantur equis: ambo vibrata per auras
Hastarum tremulo quatiebant spicula motu. 375
Vulnera fecissent, nisi setiger inter opacas,
Nec jaculis, isset, nec equo loca pervia, silvas.
Persequitur Telamon: studioque incautus eundi,
Pronus ab arborea cecidit radice retentus.
Dum levat hunc Peleus, celerem Tegeæa sagittam 380

Imposuit nervo, sinuatoque expulit arcu.
 Fixa sub aure feri summum destrinxit arundo
 Corpus, & exiguo rubefecit sanguine setas.
 Nec tamen illa sui successu lætior ictus,

385 Quam Meleagros erat. Primus vidisse putatur,
 Et primus sociis visum ostendisse cruorem;
 Et, Meritum, dixisse, feres virtutis honorem.
 Erubuere viri: seque exhortantur, & addunt
 Cum clamore animos: jaciuntque sine ordine tela.

390 Turba nocet jactis; &, quos petit, impedit ictus.

Ecce, furens contra sua fata, bipennifer Arcas,
 Discite femineis quid tela virilia præstent,
 O juvenes! operique meo concedite, dixit.

Ipsa suis licet hunc Latonia protegat armis,
 395 Hunc tamen, invitâ, perimet mea dextra, Dianâ.

Talia magniloquo tumidus memoraverat ore:
 Ancipitemque manu tollens utrâque securim,
 Institerat digitis, primos suspensus in artus.
 Occupat audacem: quâque est via proxima leto,

400 Summa ferus geminos direxit in inguina dentes.
 Concidit Ancæus: glomerataque sanguine multo
 Viscera, lapsa fluunt; madefactaque terra cruore est.
 Ibat in adversum, proles Ixionis, hostem
 Pirithoüs, validâ quatiens venabula dextrâ.

405 Cui procul Ægides, O! me mihi carior, inquit,
 Pars animæ, consiste, meæ: licet eminus esse
 Fortibus: Ancæo nocuit temeraria virtus.

Dixit: & æratâ torsit grave cuspide cornum:
 Quo bene librato, votique potente futuro,

410 Obstitit esculeâ frondosus ab arbore ramus.
 Misit & Æsonides jaculum: quod casus ab illo
 Vertit in immeriti fatum latrantis, &, inter
 Ilia conjectum, tellure per ilia fixum est.

At manus Ænidæ variat: missisque duabus,

415 Hasta prior terrâ, medio stetit altera tergo.
 Nec mora: dum sævit, dum corpora versat in orbem,

METAMORPHOSEON L. VIII. 177

Stridentemque novo spumam cum sanguine fundit ;
Vulneris auctor adest : hostemque irritat ad iram ,
Splendidaque adversos venabula condit in armos.
Gaudia testantur focii clamore secundo , 420
Vistricemque petunt dextræ conjungere dextram :
Immanemque ferum , multâ tellure jacentem ,
Mirantes spectant : neque adhuc contingere tutum
Esse putant ; sed tela tamen sua quisque cruentant.
Ipse , pede imposito , caput exitiabile pressit ; 425
Atque ita , Sume mei spolium , Nonacria , juris ,
Dixit : & in partem veniat mihi gloria tecum.
Protinus exuvias , rigidis horrentia setis
Terga , dat , & magnis insignia dentibus ora.
Illi lætitiæ est cum munere muneris auctor. 430
Invidere alii , totoque erat agmine murmur.
E quibus , ingenti tendentes brachia voce ,
Pone age , nec titulos intercipe , femina , nostros ,
Thestiadæ clamant : neu te fiducia formæ
Decipiat ; longæque tuo sit captus amore 435
Auctor. Et huic adimunt munus , jus muneris illi.
Non tulit , & tumidâ frendens Mavortius irâ ,
Discite raptores alieni , dixit , honoris ,
Facta minis quantum distent. Hausitque nefando
Pectora Plexippi , nil tale timentia , ferro. 440
Toxea , quid faciat , dubium , pariterque volentem
Ulcisci fratrem , fraternaue fata timentem ,
Haud patitur dubitare diu : calidumque priori
Cæde recalfecit consorti sanguine telum.
Dona Deum templis , nato victore , ferebat , 445
Cum videt extinctos fratres , Althæa , referri.
Quæ , plangore dato , mæstis ululatibus urbem
Implet ; & auratas mutavit vestibus atris.
At simul est auctor necis editus , excidit omnis
Luctus ; & a lacrymis in pœnæ versus amorem est. 450
Stipes erat , quem , cum partus enixa jaceret
Thestias , in flammam triplices posuere Sorores :

- Staminaque impresso fatalia pollice nentes ,
 Tempora , dixerunt , eadem lignoque tibi que ,
 455 O ! modò nate , damus. Quo post quàm carmine dicto
 Excessere Deæ ; flagrantem mater ab igne
 Eripuit torrem , sparsitque liquentibus undis.
 Ille diu fuerat penetralibus abditus imis ;
 Servatusque tuos , juvenis , servaverat annos.
 460 Protulit hunc genitrix , tædasque in fragmina poni
 Imperat : & positis inimicos admovet ignes.
 Tum conata quater flammis imponere ramum ,
 Cœpta quater tenuit. Pugnant materque sororque :
 In diversa trahunt unum duo nomina pectus.
 465 Sæpe metu sceleris pallebant ora futuri ;
 Sæpe suum fervens oculis dabat ira ruborem.
 Et modò nescio quid similis crudele minanti
 Vultus erat ; modò quem misereri credere posses.
 Cùmque ferus lacrymas animi siccaverat ardor ,
 470 Inveniebantur lacrymæ tamen. Utque carina ,
 Quam ventus , ventoque rapit contrarius æstus ,
 Vim geminam sentit , paretque incerta duobus ,
 Thestias haud aliter dubiis affectibus errat ,
 Inque vicem ponit , positamque resuscitat iram.
 475 Incipit esse tamen melior germana parente ;
 Et , confanguineas ut sanguine leniat umbras ,
 Impietate pia est. Nam post quàm pestifer ignis
 Convaluit ; Rogus iste cremet mea viscera , dixit.
 Utque manu dirâ lignum fatale tenebat ,
 480 Ante sepulcrales infelix astitit aras :
 Poenarumque Deæ triplices , furialibus , inquit ,
 Eumenides , sacris vultus advertite vestros.
 Ulciscor , facioque , nefas : mors morte pianda est :
 In scelus addendum scelus est , in funera funus.
 485 Per coacervatos pereat domus impia luctus.
 An felix Cneus nato victore fruatur ?
 Thestius orbus erit ? meliùs lugebitis ambo.
 Vos modò fraterni manes , animæque recentes ,

Officium sentite meum : magnoque paratas
 Accipite inferias , uteri mala pignora nostri. 490
 Hei mihi ! quò rapior ? Fratres , ignoscite matri.
 Deficiunt ad cœpta manus : meruisse fatemur
 Illum , cur pereat : mortis mihi displicet auctor.
 Ergo impune feret ? vivusque , & victor , & ipso
 Successu tumidus , regnum Calydonis habebit ? 495
 Vos , cinis exiguus , gelidæque jacebitis umbræ ?
 Haud equidem patiâr. Pereat sceleratus : & ille
 Spemque patris , regnique trahat , patriæque ruinam.
 Mens ubi materna est ? ubi nunc pia vota parentum ?
 Et , quos sustinui , bis mensum quinque labores ? 500
 O ! utinam primis arsisses ignibus infans !
 Idque ego passa forem ! Vixisti munere nostro ,
 Nunc merito moriere tuo. Cape præmia facti ;
 Bisque datam , primum partu , mox stipite raptò ,
 Redde animam : vel me fraternis adde sepulcris. 505
 Et cupio , & nequeo. Quid agam ? modò vulnera fratrum
 Ante oculos mihi sunt , & tantæ cladis imago :
 Nunc animum pietas , maternaque nomina frangunt.
 Me miseram ! male vincetis : sed vincite , fratres ;
 Dummodo , quæ dederò vobis solatia , vosque 510
 Ipsa sequar. Dixit : dextrâque averfa trementi
 Funereum torrem medios conjecit in ignes.
 Aut dedit , aut visus gemitus est ille dedisse
 Stipes : & invitis correptus ab ignibus arsit.
 Inscius , atque absens flammâ Meleagros in illa 515
 Uritur , & cæcis torreri viscera sentit
 Ignibus : at magnos superat virtute dolores.
 Quod tamen ignavo cadat , & sine sanguine , leto ,
 Mæret : & Ancæi felicia vulnera dicit.
 Grandævumque patrem , fratremque , piasque sorores 520
 Cum gemitu , sociamque tori vocat ore supremo ;
 Forsitan & matrem. Crescunt ignisque dolorque ,
 Languescuntque iterum : Simul est exstinctus uterque ,
 Inque leves abiit paulatim spiritus auras ,

- 525 Alta jacet Calydon : lugent juvenesque senesque.
 Vulgusque , proceresque gemunt : scissæque capillos
 Planguntur matres Calydonides Eveninæ.
 Pulvere canitiem genitor vultusque seniles
 Fœdat humi fusus , spatiosumque increpat ævum.
- 530 Nam de matre manus , diri sibi conscia facti ,
 Exegit pœnas , acto per viscera ferro.
 Non mihi si centum Deus ora sonantia , linguæ
 Ingeniumque capax , totumque Heliconæ dedisset ;
 Tristia persequerer miserarum dicta sororum.
- 535 Immemores decoris , liventia pectora tundunt ;
 Dumque manet corpus , corpus refoventque foventque
 Oscula dant ipsi , posito dant oscula lecto.
 Post cinerem , cineres haustos ad pectora pressant :
 Affusæque jacent tumulo : signataque saxo
- 540 Nomina complexæ , lacrymas in nomina fundunt.
 Quas , Parthaoniæ tandem Latoïa clade
 Exfatiata domûs , præter Gorgenque , nurumque
 Nobilis Alcmenæ , natis in corpore pennis
 Allevat ; & longas per brachia porrigit alas :
- 545 Corneaque ora facit ; versasque per aëra mittit,

- Interea Theseus , sociati parte laboris
 Functus , Erechthêas Tritonidos ibat ad arces.
 Clausit iter , fecitque moras Acheloüs eunti ,
 Imbre tumens. Succede meis , ait , inclyte , testis ,
- 550 Cecropida ; nec te committe rapacibus undis.
 Ferre trabes solidas , obliquaque volvere magno .
 Murmure saxa solent. Vidi contermina ripæ
 Cum gregibus stabula alta trahi : nec fortibus illic
 Profuit armentis , nec equis velocibus esse.
- 555 Multa quoque hic torrens , nivibus de monte solutis ,
 Corpora turbineo juvenilia vortice mersit.
 Tutior est requies , solito dum flumina currant
 Limite ; dum tenues capiat suus alveus undas.
 Annuit Ægides : Utarque , Achelœ , domoque ,

METAMORPHOSEON L. VIII. 181

Consilioque tuo , respondit : & usus utroque est. 560
 Pumice multcavo , nec lævibus atria tophis
 Structa subit. Molli tellus erat humida musco ;
 Summa lacunabant alterno murice conchæ.
 Jamque duas lucis partes Hyperione menso ,
 Discubuere toris Theseus comitesque laborum : 565
 Hac Ixionides , illâ Trœzenius heros
 Parte Lelex , raris jam sparsus tempora canis.
 Quosque alios parili fuerat dignatus honore
 Amnis Acarnanum , lætissimus hospite tanto.
 Protinus appositas , nudæ vestigia , Nymphæ 570
 Instruxere epulis mensas : dapibusque remotis ,
 In gemma posuere merum. Tum maximus heros ,
 Æquora prospiciens oculis subjecta , Quis , inquit ,
 Ille locus ? digitoque ostendit : & , Insula nomen
 Quod gerat illa , doce : quamquam non una videtur. 575
 Amnis ad hæc ; Non est , inquit , quod cernimus , unum.
 Quinque jacent terræ : spatium discrimina fallit.
 Quoque minus spretæ factum mirere Dianæ ;
 Nāides hæ fuerant : quæ cūm bis quinque juvencos
 Mastassent , rurisque Deos ad sacra vocassent ; 580
 Immemores nostri , festas duxere choreas.
 Intumui : quantusque feror , cūm plurimus umquam ,
 Tantus eram : pariterque animis immanis & undis ,
 A silvis silvas , & ab arvis arva revelli.
 Cumque loco Nymphas , memores tum denique nostri , 585
 In freta provolvi. Fluctus nosterque marisque
 Continuum diduxit humum ; partesque resolvit
 In totidem , mediis quot cernis Echinadas undis ,

Ut tamen ipse vides , procul , en procul una recessit
 Insula , grata mihi : Perimelen navita dicit. 590
 Huic ego virgineum dilectæ nomen ademi :
 Quod pater Hippodamas ægrè tulit , inque profundum
 Propulit e scopulo parituræ corpora natæ.
 Excepi : nantemque ferens , O ! proxima cœlo

- 595 Regna vagæ, dixi, sortite, Tridentifer, undæ,
 In quo desinimus, quò sacri currimus amnes,
 Huc ades, atque audi placidus, Neptune, precantem.
 Huic ego, quam porto, nocui. Si mitis & æquus,
 Si pater, Hippodamas, aut si minùs impius esset,
 600 Debuit illius misereri; ignoscere nobis.
 Affer opem: merfæque, precor, feritate paternâ
 Da, Neptune, locum: vel sit locus ipsa, licebit,
 Hanc quoque complectar. Movit caput æquoreus rex;
 Concussitque suis omnes assensibus undas.
 605 Extimuit Nymphæ: nabat tamen. Ipse natantis
 Pectora tangebam trepido salientia motu:
 Dumque ea contrecto, totum durescere sensi
 Corpus; & inductâ condi præcordia terrâ.
 Dum loquor, amplexa est artus nova terra natantes;
 610 Et gravis increvit mutatis insula membris.

- Amnis ab his tacuit. Factum mirabile cunctos
 Moverat. Irridet credentes, utque Deorum
 Sprêtor erat, mentisque ferox, Ixione natus;
 Ficta refers, nimiumque putas, Acheloë, potentes
 615 Esse Deos, dixit, si dant adimuntque figuras.
 Obstupuere omnes; nec talia dicta probârunt;
 Ante omnesque Lelex. Animo maturus & ævo,
 Sic ait: Immensa est, finemque potentia cœli
 Non habet; & quicquid Superi voluere, peractum est.
 620 Quóque minus dubites, tiliæ contermina quercus
 Collibus est Phrygiis, modico circumdata muro.
 Ipse locum vidi: nam me Pelopeïa Pittheus
 Misit in arva, suo quondam regnata parenti.
 Haud procul hinc stagnum; tellus habitabilis olim,
 625 Nunc celebres mergis, fulicisque palustribus undæ.
 Juppiter huc, specie mortali, cumque parente
 Venit Atlantiades positus caducifer alis.
 Mille domos adiere, locum requiemque petentes;
 Mille domos claufere seræ. Tamen una recepit,

METAMORPHOSEON L. VIII. 183

Parva quidem , stipulis & cannâ testâ palustri : 630
Sed pia Baucis anus , parilique ætate Philemon
Illâ sunt annis juncti juvenilibus , illâ
Consenuere casâ : paupertatemque fatendo
Effecere levem , nec iniquâ mente ferendam.
Nec refert , dominos illic , famulosne requiras ; 635
Tota domus , duo sunt : idem parentque jubentque.
Ergo ubi Cœlicolæ parvos tetigere penates ,
Submissoque humiles intrarunt vertice postes ;
Membra senex posito jussit relevare sedili :
Quo superinjecit textum rude sedula Baucis. 640
Inde foco tepidum cinerem dimovit : & ignes
Suscitat hesternos ; foliisque & cortice sicco
Nutrit ; & ad flammâ animâ producit anili :
Multifidasque faces , ramaliaque arida testâ
Detulit , & minuit , parvoque admovit æno. 645
Quodque suus conjux riguo collegerat horto ,
Truncat olus foliis. Furcâ levat ille bicorni
Sordida terga suis , nigro pendentia tigno :
Servatoque diu refecat de tergore partem
Exiguam ; sectamque domat ferventibus undis. 650
Interea medias fallunt sermonibus horas :
Sentirique moram prohibent. Erat alveus illic
Fagineus , curvâ clavo suspensus ab ansâ :
Is tepidis impletur aquis ; artusque fovendos
Accipit. In medio torus est de mollibus ulvis 655
Impositus lecto , spondâ pedibusque salignis.
Vestibus hunc velant , quas non nisi tempore festo
Sternere consueverant : sed & hæc vilisque vetusque
Vestis erat , lecto non indignanda saligno.
Accubuere Dei. Mensam succincta tremensque 660
Ponit anus : mensæ sed erat pes tertius impar ;
Testa parem fecit. Quæ post quàm subdita clivum
Sustulit , æquatam mentæ tersere virentes.
Ponitur hic bicolor sinceræ bacca Minervæ ,
Conditaque in liquida corna autumnalia sæce , 665

- Intubaque, & radix, & lactis massa coacti;
 Ovaque, non acri leviter versata favillâ:
 Omnia fistilibus. Post hæc cælatus eâdem
 Sistitur argillâ crater, fabricataque fago
 670 Pocula; quâ cava sunt flaventibus illita ceris.
 Parva mora est; epulasque foci misere calentes:
 Nec longæ rursus referuntur vina senectæ;
 Dantque locum mensis paulum seducta secundis.
 Hic nux, hic mixta est rugosis carica palmis,
 675 Prunaque, & in patulis redolentia mala canistris.
 Et de purpureis collectæ vitibus uvæ.
 Candidus in medio favus est. Super omnia vultus
 Accessere boni, nec iners pauperque voluntas.
 Interea quoties, haustum cratera repleri
 680 Sponte suâ, per seque vident succrescere vina,
 Attoniti novitate pavent: manibusque supinis,
 Concipiunt Baucisque preces, timidusque Philemon;
 Et veniam dapibus, nullisque paratibus orant.
 Unicus anser erat, minimæ custodia villæ,
 685 Quem Dis hospitibus domini mactare parabant.
 Ille celer pennâ tardos ætate fatigat,
 Eluditque diu: tandemque est visus ad ipsos
 Confugisse Deos. Superi vetuere necari;
 Dique sumus, meritasque luet vicinia poenas
 690 Impia, dixerunt. Vobis immunibus hujus
 Esse mali dabitur: modò vestra relinquitte testâ,
 Ac nostros comitate gradus, & in ardua montis
 Ite simul. Parent ambo, baculisque levati
 Nituntur longo vestigia ponere clivo.
 695 Tantum aberant summo, quantum semel ire sagitta
 Missa potest: flexere oculos, & mersa palude
 Cetera prospiciunt: tantum sua testâ manere.
 Dumque ea mirantur, dum deflent fata suorum,
 Illa vetus, dominis etiam casa parva duobus,
 700 Vertitur in templum: furcas subiere columnæ:
 Stramina flavescent; adoptataque marmore tellus,

METAMORPHOSEON L. VIII. 185

Cælatæque fores , aurataque testæ videntur :
Talia cùm placido Saturnius edidit ore.
Dicite , iuste senex , & femina conjuge iusto
Digna , quid optetis. Cum Baucide pauca locutus , 705
Consilium Superis aperit commune Philemon.
Esse sacerdotes , delubraque vestra tueri
Poscimus : & quoniam concordēs egimus annos ,
Auferat hora duos eadem : nec conjugis umquam
Busta meæ videam : neu sim tumulandus ab illa. 710
Vota fides sequitur. Templi tutela fuere ,
Donec vita data est. Annis ævoque soluti
Ante gradus sacros cùm starent fortè , locique
Narrarent casus ; frondere Philemona Baucis ,
Baucida conspexit senior frondere Philemon. 715
Jamque super gelidos crescente cacumine vultus ,
Mutua , dum licuit , reddebant dicta ; Valeque ,
O ! conjux , dixere simul , simul abdita textit
Ora frutex. Ostendit adhuc Tyaneus illic
Incola de gemino vicinos corpore truncos. 720
Hæc mihi non vani , neque erat cur fallere vellent ,
Narravere senes : equidem pendentia vidi
Serta super ramos ; ponensque recentia , dixi ,
Curâ pii Dis sunt , & , qui coluere , coluntur.

Desierat : cunctosque & res & moverat auctor , 725
Thesea præcipue : quem facta audire volentem
Mira Deum , nixus cubito Calydonius amnis
Talibus alloquitur. Sunt , ô ! fortissime , quorum
Forma semel mota est , & in hoc renovamine mansit :
Sunt , quibus in plures jus est transire figuras : 730
Ut tibi , complexi terram maris incola , Proteu.
Nam modò te juvenem , modò te videre leonem :
Nunc violentus aper , nunc , quem tetigisse timerent ,
Anguis eras : modò te faciebant cornua taurum.
Sæpe lapis poteras , arbor quoque sæpe videri. 735
Interdum , faciem liquidarum imitatus aquarum ,

Flumen eras : interdum undis contrarius ignis.

- Nec minus Autolyçi conjux , Erisichthone nara ,
 Juris habet. Pater hujus erat , qui numina Divûm
 740 Sperneret , & nullos aris adoleret honores.
 Ille etiam Cereale nemus violasse securi
 Dicitur ; & lucos ferro temerasse vetustos.
 Stabat in his ingens annofo robore quercus ,
 Una nemus : vittæ mediam , memoresque tabellæ ,
 745 Sertaque cingebant , voti argumenta potentis.
 Sæpe sub hac Dryades festas duxere choreas ;
 Sæpe etiam , manibus nexis ex ordine , trunci
 Circuiere modum : mensuraque roboris ulnas
 Quinque ter implebat : nec non & cetera tanto
 750 Silva sub hac , silvâ quanto jacet herba sub omni.
 Non tamen idcirco ferrum Triopeius illâ
 Abstinuit , famulosque jubet succidere sacrum
 Robur : & ut jussos cunctari vidit , ab uno
 Edidit hæc raptâ sceleratus verba securi.
 755 Non dilecta Deæ solûm , sed & ipsa licebit
 Sit Dea , jam tanget frondente cacumine terram.
 Dixit : & , obliquos dum telum librat in ictus ,
 Contremuit , gemitumque dedit Deoïa quercus :
 Et pariter frondes , pariter pallescere glandes
 760 Cœpere ; ac longi pallorem ducere rami.
 Cujus ut in trunco fecit manus impia vulnus ;
 Haud aliter fluxit , discussâ cortice , sanguis ,
 Quàm solet ante aras , ingens ubi victima taurus
 Concidit , abruptâ cruor e cervice profusus.
 765 Obstupuere omnes : aliquisque ex omnibus audet
 Detertere nefas , sævamque inhibere bipennem.
 Aspicit hunc , Mentisque piæ cape præmia , dixit
 Thessalus : inque virum convertit ab arbore ferrum ,
 Detruncatque caput ; repetitaque robora cædit.
 770 Editus e medio sonus est cum robore talis.
 Nympha sub hoc ego sum , Cereri gratissima , ligno :

METAMORPHOSEON L. VIII. 187

Quæ tibi factorum pœnas instare tuorum
Vaticinor moriens, nostri solatia leti.
Persequitur scelus ille suum: labefactaque tandem
Istibus innumeris, adductaque funibus arbor 775
Corruit, & multam prostravit pondere silvam.
Attonitæ Dryades damno nemorisque suoque,
Omnes germanæ, Cererem cum vestibis atris
Mærentes adeunt; pœnamque Erisichthonis orant.
Annuit his: capitisque sui pulcherrima motu, 780
Concussit gravidis oneratos messibus agros:
Moliturque genus pœnæ miserabile, si non
Ille suis esset nulli miserabilis actis,
Pestiferâ lacerare Fame. Quæ quatenus ipsi 784
Non adeunda Deæ, neque enim Cereremque Famemque
Fata coire sinunt, montani numinis unam
Talibus agrestem compellat, Oreada, dictis.
Est locus extremis Scythiæ glacialis in oris:
Triste solum, sterilis, sine fruge, sine arbore, tellus.
Frigus iners illic habitant, Pallorque, Tremorque, 790
Et jejuna Fames. Ea se in præcordia condat
Sacrilegi scelerata, jube: nec copia rerum
Vincat eam; superetque meas certamine vires.
Neve viæ spatium te terreat, accipe currus:
Accipe, quos frenis altè moderere, dracones. 795
Et dedit. Illa dato subvecta per aëra curru
Devenit in Scythiam: rigidique cacumine montis,
Caucason appellant, serpentûm colla levavit:
Quæsitamque Famem lapidoso vidit in agro,
Unguibus & raris vellentem dentibus herbas. 800
Hirtus erat crinis, cava lumina: pallor in ore,
Labra incana situ, scabræ rubigine fauces:
Dura cutis, per quam spectari viscera possent.
Ossa sub incurvis exstabant arida lumbis.
Ventris erat pro ventre locus: pendere putares 805
Pectus, & a spinæ tantummodo crate teneri.
Auxerat articulos macies, genuumque rigeat

Orbis , & immodico prodibant tubera talo.

Hanc procul ut vidit , neque enim est accedere juxta
 810 Aufa , refert mandata Deæ ; paulumque morata ,
 Quæquam aberat longè , quamquam modò venerat illuc ,
 Visa tamen sensisse Famem , retroque dracones
 Egit in Hæmoniam , versis sublimis habenis.

Dicta Fames Cereris , quamvis contraria semper
 815 Illius est operi , peragit ; perque aëra vento
 Ad jussam delata domum est : & protinus intrat
 Sacrilegi thalamos : altoque sopore solutum ,
 Noctis erat tempus , geminis amplectitur alis :
 Seque viro inspirat , faucesque , & pectus & ora .
 820 Afflat , & in vacuis spargit jejunia venis.

Functaque mandato , secundum deserit orbem ;
 Inque domos inopes , assueta , revertitur , arva.

Lenis adhuc somnus placidis Erisichthona pennis
 Mulcebat. Petit ille dapes sub imagine somni ,
 825 Oraque vana movet , dentemque in dente fatigat :
 Exercetque cibo delusum guttur inani ,
 Proque epulis tenues nequicquam devorat auras.
 Ut verò est expulsa quies , furit ardor edendi ,
 Perque avidas fauces immensaque viscera regnat.

830 Nec mora : quod pontus , quod terra , quod educat aër ,
 Poscit ; & appositis queritur jejunia mensis :
 Inque epulis epulas quærit. Quodque urbibus esse ,
 Quodque satis populo poterat , non sufficit uni.
 Plusque cupit , quo plura suam demittit in alvum.

835 Utque fretum recipit de tota flumina terrâ ,
 Nec satiatur aquis , peregrinosque ebibit amnes ;
 Utque rapax ignis non umquam alimenta recusat ,
 Innumerasque faces cremat ; & quo copia major
 Est data , plura petit ; turbâque voracior ipsâ est ;

840 Sic epulas omnes Erisichthonis ora profani
 Accipiunt , poscuntque simul. Cibus omnis in illo
 Causa cibi est : semperque locus fit inanis edendo ,
 Jamque fame patrias atque voragine ventris ,

METAMORPHOSEON L. VIII. 189

Attenuârat opes : sed inattenuata manebas
Tum quoque , dira fames , implacatæque vigeat 845
Flamma gulæ. Tandem , demisso in viscera censu ,
Filia restabat , non illo digna parente :
Hanc quoque vendit inops. Dominum generosa recusat ;
Et vicina suas tendens super æquora palmas ,
Eripe me domino , qui raptæ præmia nobis 850
Virginitatis habes , ait. Hæc Neptunus habebat :
Qui , prece non spretâ , quamvis modò visa sequenti
Esset hero , formamque novat , vultumque virilem
Induit , & cultus piscem capientibus aptos.
Hanc dominus spectans , O ! qui pendentia parvo 855
Æra cibo celas , moderator arundinis , inquit ,
Sic mare compositum , sic sit tibi piscis in unda .
Credulus , & nullos , nisi fixus , sentiat hamos :
Quæ modò , cum vili turbatis veste capillis ,
Litore in hoc steterat , nam stantem in litore vidi , 860
Dic ubi sit : neque enim vestigia longiùs exstant.
Illa Dei munus bene cedere sentit : & a se
Se quæri gaudens , his est refecuta rogantem.
Quisquis es , ignoscas : in nullam lumina partem
Gurgite ab hoc flexi , studioque operatus inhæsi. 865
Quoque minus dubites , sic has Deus æquoris artes
Adjuvet , ut nemo jam dudum litore in isto ,
Me tamen excepto , nec femina constitit ulla.
Credidit : & verso dominus pede pressit arenam ,
Elususque abiit : illi sua reddita forma est. 870
Ast ubi habere suam transformia corpora sentit ,
Sæpe pater dominis Triopeïda vendit : at illa
Nunc equa , nunc ales , modò bos , modò cervus abibat :
Præbebatque avido non iusta alimenta parenti.
Vis tamen illa mali post quàm consumserat omnem 875
Materiam , dederatque gravi nova pabula morbo ;
Ipse suos artus lacero divellere morfu
Cœpit : & infelix minuendo corpus alebat.

190 *P. OVID. NAS. MET. L. VIII.*

Quid moror externis ? etiam mihi sæpe novandi
880 Corporis , ô juvenes ! numero finita potestas.
Nam modò,quod nunc sum,videor:modò flector in anguem:
Armenti modò dux vires in cornua fumo :
Cornua , dum potui : nunc pars caret altera telo
Frontis , ut ipse vides. Gemitus sunt verba secuti.





OVIDII NASONIS METAMORPHOSEON

LIBER IX.

QUÆ gemitûs , truncæque Deo Neptunius heros
Causa rogat frontis : cùm sic Calydonius amnis
Cœpit , inornatos redimitus arundine crines.
Triste petis munus : quis enim sua prælia victus
Commemorare velit ? Referam tamen ordine : nec tam 5
Turpe fuit vinci , quàm contendisse decorum est :
Magnaque dat nobis tantus solatia victor.
 Nomine si qua suo tandem pervenit ad aures
Deïanira tuas ; quondam pulcherrima virgo ,
Multorumque fuit spes invidiosa procorum. 10
Cum quibus ut focerî domus est intrata petiti ;
Accipe me generum , dixi , Parthaone nate.
Dixit & Alcides : alii cessere duobus.
Ille Jovem focerum dare se , famamque laborum ,
Et superata suæ referebat jussa novercæ. 15
Contra ego : (turpe Deum mortali cedere duxi :
Nondum erat ille Deus) Regem me cernis aquarum ,
Cursibus obliquis intra tua regna fluentûm :
Nec gener externis hospes tibi missus ab oris ,
Sed popularis ero , & rerum pars una tuarum. 20
Tantum ne noceat , quod me nec regia Juno
Odit , & omnis abest jussorum pœna laborum.
Nam quod te jactas Alcmenâ matre creatum ,

- Juppiter aut falsus pater est , aut crimine verus.
 25 Matris adulterio patrem petis : elige , fictum
 Esse Jovem malis , an te per dedecus ortum.
 Talia dicentem jam dudum lumine torvo
 Spectat , & accensæ non fortiter imperat iræ ;
 Verbaque tot reddit : Melior mihi dextera linguâ.
 30 Dummodo pugnando superem , tu vince loquendo.
 Congrediturque ferox. Puduit modò magna locutum
 Cedere. Rejeci viridem de corpore vestem ;
 Brachiaque opposui : tenuique a pectore varas
 In statione manus , & pugnae membra paravi.
 35 Ille cavis hausto spargit me pulvere palmis ,
 Inque vicem fulvæ jactu flavescit arenæ.
 Et modò cervicem , modò crura micantia captat ,
 Aut captare putes ; omnique a parte lacessit.
 Me mea defendit gravitas , frustra que petebar.
 40 Haud secus ac moles , quam magno murmure fluctus
 Oppugnant : manet illa , suoque est pondere tuta.
 Digredimur paulum : rursusque ad bella coimus ,
 Inque gradu stetimus , certi non cedere ; eratque
 Cum pede pes junctus : totoque ego pectore pronus
 45 Et digitos digitis , & frontem fronte premebam.
 Non aliter fortes vidi concurrere tauros ,
 Cum pretium pugnae , toto nitidissima saltu ,
 Expetitur conjux : spectant armenta , paventque
 Nescia quem maneat tanti victoria regni.
 50 Ter sine profectu voluit nitentia contra
 Rejicere Alcides a se mea pectora : quartò
 Excutit amplexus , adductaque brachia solvit ;
 Impulsumque manu , certum mihi vera fateri ,
 Protinus avertit : tergoque onerosus inhæsit.
 55 Si qua fides , neque enim fictâ mihi gloria voce
 Quæritur , imposito pressus mihi monte videbar.
 Vix tamen exserui sudore fluentia multo
 Brachia ; vix solvi duros a corpore nexus.
 Instat anhelanti , prohibetque resumere vires :

Et

METAMORPHOSEON L. IX. 193

Et cervice meâ potitur. Tum denique tellus 60
 Pressa genu nostro est, & arenas ore momordi.
 Inferior virtute, meas devertor ad artes;
 Elaborque viro, longum formatus in anguem.
 Qui post quàm flexos sinuavi corpus in orbes,
 Cùmque fero movi linguam stridore bisulcam; 65
 Risit, & illudens nostras Tirynthius artes;
 Cunarum labor est angues superare mearum,
 Dixit: &, ut vincas alios, Acheloë, dracones;
 Pars quota Lernææ serpens eris unus Echidnæ?
 Vulneribus fecunda suis erat illa: nec ullum 70
 De centum numero caput est impune recisum,
 Quin gemino cervix herede valentior esset.
 Hanc ego ramosam natis e cæde colubris,
 Crescentemque malo, domui; domitamque peremi.
 Quid fore te credas, solum qui versus in anguem 75
 Arma aliena moves? quem forma precaria celat?
 Dixerat: & summo digitorum vincula collo
 Injicit. Angebar, ceu guttura forcipe pressus;
 Pollicibusque meas pugnabam evellere fauces.
 Sic quoque devicto restabat tertia tauri 80
 Forma trucidis: tauro mutatus membra, rebello.
 Induit ille toris a læva parte lacertos;
 Admissumque trahens sequitur: deprensæque durâ
 Cornua figit humo, meque altâ sternit arenâ.
 Nec satis id fuerat: rigidum fera dextera cornu 85
 Dum tenet, infregit; truncâque a fronte revellit.
 Naidæ hoc, pomis & odore flore repletum,
 Sacrarunt; divesque meo bona Cópia cornu est.
 Dixerat: at Nympe, ritu succincta Dianæ,
 Una ministrarum, fuis utrimque capillis, 90
 Incessit, totumque tulit prædivite corpore
 Autumnum, & mensas, felicia poma, secundas.
 Lux subit: &, primo feriente cacumina Sole,
 Discedunt juvenes: neque enim dum flumina pacem,
 Et placidos habeant lapsus, motæque residant, 95

Opperiuntur , aquæ : vultus Acheloüs agrestes ,
 Et lacerum cornu mediis caput abdidit undis.
 Hunc tamen ablati domuit jaçtura decoris ,
 Cetera sospes erat : capitis quoque , fronde salignâ ,
 100 Aut super impositâ celatur arundine , damnum.

At te , Nefse ferox , ejusdem virginis ardor
 Perdiderat , volucris trajectum terga sagittâ.
 Namque , novâ repetens patrios cum conjuge muros ,
 Venerat Eveni rapidas Jove natus ad undas.
 105 Uberiùs solito nimbis hiemalibus auctus ,
 Vorticibusque frequens erat , atque impervius , amnis.
 Intrepidum pro se , curam de conjuge agentem ,
 Nefsus adit , membrisque valens , scitusque vadorum :
 Officioque meo ripâ sistetur in illa
 110 Hæc , ait , Alcide : tu viribus utere nando.
 Pallentemque metu , fluviumque , ipsumque timentem ,
 Tradidit Aonius pavidam Calydonida Nefso.
 Mox , ut erat , pharetrâque gravis , spolioque leonis ,
 Nam clavam & curvos trans ripam miserat arcus ,
 115 Quandoquidem coëpi , superentur flumina , dixit.
 Nec dubitat ; nec , quâ sit clementissimus amnis ,
 Quærit ; & obsequio deferri spernit aquarum.
 Jamque tenens ripam , missos cum tolleret arcus ,
 Conjugis agnovit vocem : Nefsoque parante
 120 Fallere depositum ; Quò te fiducia , clamat ,
 Vana pedum , violente , rapit ? tibi , Nefse biformis ,
 Dicimus : exaudi ; nec res intercipe nostras.
 Si te nulla mei reverentia movit , at orbes
 Concubitus vetitos poterant inhibere paterni.
 125 Haud tamen effugies , quamvis ope fidis equinâ.
 Vulnere , non pedibus te consequar. Ultima dicta
 Re probat : & missâ fugientia terga sagittâ
 Trajicit. Exstabat ferrum de pectore aduncum :
 Quod simul evulsum est , sanguis per utrumque foramen
 130 Emicuit , mixtus Lernæi tabe veneni.

METAMORPHOSEON L. IX. 195

Excipit hunc Nessus : Neque enim moriemur inulti ,
Secum ait : & calido velamina tincta cruore
Dat munus raptæ , velut irritamen amoris.

Longa fuit medii mora temporis : actaque magni
Herculis implerant terras , odiumque novercæ. 135
Victor ab Æthalia Cenæo sacra parabat
Vota Jovî , cum Fama loquax præcessit ad aures ,
Deianira tuas , (quæ veris addere falsa
Gaudet , & e minima sua per mendacia crescit)
Amphitryoniaden Ioles ardore teneri. 140
Credit amans : Venerisque novæ perterrita famâ
Indulsit primò lacrymis ; flendoque dolorem
Diffudit miseranda suum : mox deinde , Quid autem
Flemus , ait ? pellex lacrymis lætabitur istis : (est ,
Quæ quoniam adventat , properandum , aliquidq; novandum
Dum licet ; & nondum thalamos tenet altera nostros. 146
Conquerar , an sileam ? repetam Calydonâ , morerue ?
Excedam testis ? an , si nihil amplius , obstem ?
Quid si , me , Meleagre , tuam memor esse sororem ,
Forte paro facinus ? quantumque injuria possit , 150
Femineusque dolor , jugulatâ pellice , testor ?
In cursus animus varios abit : omnibus illi
Prætulit imbutam Nesso sanguine vestem
Mittere , quæ vires defecto reddat amori.
Ignaroque Lichæ , quid tradat nescia , luctus 155
Ipsa suos tradit : blandisque miserrima verbis ,
Dona det illa viro , mandat. Caput inscius heros ,
Induiturque humeris Lernææ virus Echidnæ.
Tura dabat primis , & verba precantia , flammis ;
Vinaque marmoreas paterâ fundebat in aras ; 160
Incaluit vis illa mali ; resolutaque flammis
Herculeos abiit , late diffusa , per artus.
Dum potuit , solitâ gemitum virtute repressit.
Victa malis post quàm patientia , repulit aras ,
Implevitque suis nemorosam vocibus Ætæna. 165

196 *P. OVIDII NASONIS*

- Nec mora : letiferam conatur scindere vestem.
 Quâ trahitur , trahit illa cutem : foedumque relatu ;
 Aut hæret membris frustra tentata revelli ;
 Aut laceros artus , & grandia detegit ossa.
 170 Ipse cruor , gelido ceu quondam lamina candens
 Tincta lacu , stridit ; coquiturque ardente veneno.
 Nec modus est : sorbent avidæ præcordia flammæ ,
 Cæruleusque fluit toto de corpore sudor :
 Ambustique sonant nervi : cæcæque medullis
 175 Tabe liquefactis , tendens ad sidera palmas ;
 Cladibus , exclamat , Saturnia , pascere nostris.
 Pascere : & hanc pestem specta , crudelis , ab alto :
 Corque ferum satia. Vel si miserandus & hosti ;
 Hostis enim tibi sum , diris cruciatibus ægram ,
 180 Invisamque animam , natamque laboribus , aufer.
 Mors mihi munus erit : decet hæc dare dona novercam.
 Ergo ego foedantem peregrino templa cruore
 Busirin domui ? sævoque alimenta parentis
 Antæo eripui ? nec me pastoris Iberi
 185 Forma triplex ; nec forma triplex tua , Cerbere , movit ?
 Vosne , manus , validi pressistis cornua tauri ?
 Vestrum opus Elis habet , vestrum Stympthalides undæ ,
 Partheniumque nemus ? vestrâ virtute relatus
 Thermodontiaco cælatus baltheus auro ,
 190 Pomaque ab insomni male custodita dracone ?
 Nec mihi Centauri potuere resistere , nec mi
 Arcadiæ vastator aper ? nec profuit Hydræ
 Crescere per damnum , geminasque resumere vires ?
 Quid ? cum Thracas equos , humano sanguine pingues ,
 195 Plenaque corporibus laceris præsepia vidi ,
 Visaque dejeci , dominumque ipsosque peremi ?
 His elisa jacet moles Nemeæa lacertis ?
 Hac cælum cervice tuli ? Defessa jubendo est
 Sæva Jovis conjux : ego sum indefessus agendo.
 200 Sed nova pestis adest , cui nec virtute resisti ,
 Nec telis armisve potest : pulmonibus errat

Ignis edax imis , perque omnes pascitur artus.
 At valet Eurystheus : & sunt , qui credere possint
 Esse Deos ? Dixit : perque altam faucibus Œten
 Haud aliter graditur , quàm si venabula tigris 205
 Corpore fixa gerat , fastique refugerit auctor.
 Sæpe illum gemitus edentem , sæpe frementem ,
 Sæpe retentantem totas infringere vestes ,
 Sternentemque trabes , irascentemque videres
 Montibus , aut patrio tendentem brachia cœlo. 210
 Ecce Lichan trepidum , & latitantem rupe cavatâ
 Aspicit : utque dolor rabiem collegerat omnem ;
 Tune , Licha , dixit , feralia dona tulisti ?
 Tune meæ necis auctor eris ? Tremat ille , pavetque
 Pallidus ; & timidè verba excusantia dicit. 215
 Dicentem , genibusque manus adhibere parantem ,
 Corripit Alcides ; & terque quaterque rotatum
 Mittit in Euboïcas , tormento fortiùs , undas.
 Ille per aërias pendens induruit auras.
 Utque ferunt imbres gelidis concrefcere ventis , 220
 Inde nives fieri ; nivibus quoque molle rotatis
 Astringi , & spissâ glomerari grandine corpus ;
 Sic illum validis actum per inane lacertis ,
 Exsanguemque metu , nec quicquam humoris habentem ,
 In rigidas versum silices prior edidit ætas. 225
 Nunc quoque in Euboïco scopulus brevis emicat altè
 Gurgite ; & humanæ servat vestigia formæ.
 Quem , quasi sensurum , nautæ calcare verentur ,
 Appellantque Lichan. At tu , Jovis inclyta proles ,
 Arboribus cæsis , quas ardua gesserat Œte , 230
 Inque pyram structis , arcus , pharetramque capacem ,
 Regnaque visuras iterum Trojana sagittas ,
 Ferre jubes Pæante satum : quæ flamma ministro
 Subdita. Dumque avidis comprehenditur ignibus agger ,
 Congeriem silvæ Nemeæo vellere summam 235
 Sternis : & , impositâ clavæ cervice , recumbis ,
 Haud alio vultu , quàm si conviva jaceres

- Inter plena meri redimitus pocula fertis.
 Jamque valens, & in omne latus diffusa sonabat,
 240 Securosque artus, contemptoremque petebat
 Flamma suum: timuere Dei pro vindice terræ.
 Quos ita, sensit enim, læto Saturnius ore
 Juppiter alloquitur: Nostra est timor iste voluptas,
 O! Superi: totoque libens mihi pectore grator,
 245 Quod memoris populi dicor rectorque paterque;
 Et mea progenies vestro quoque tuta favore est.
 Nam, quamquam ipsius datur hoc immanibus actis,
 Obligor ipse tamen: sed enim, ne pectora vano
 Fida metu paveant, Etæas spernite flammæ.
 250 Omnia qui vicit, vincet, quos cernitis, ignes;
 Nec nisi maternâ Vulcanum parte potentem
 Sentiet: æternum est, a me quod traxit, & expertus
 Atque immune necis, nullâque domabile flammâ.
 Idque ego, defunctum terrâ, cœlestibus oris
 255 Accipiam, cunctisque meum lætabile factum
 Dis fore confido: si quis tamen Hercule, si quis
 Forte Deo doliturus erit, data præmia nolet;
 Sed meruisse dari sciet, invitusque probabit.
 Assensere Dei: conjux quoque regia visa est
 260 Cetera non duro, duro tamen ultima vultu
 Dicta tulisse Jovis; seque indoluisse notatam.
 Interea, quodcumque fuit populabile flammæ,
 Mulciber abstulerat; nec cognoscenda remansit
 Herculis effigies; nec quicquam ab imagine ductum
 265 Matris habet, tantumque Jovis vestigia servat.
 Utque novus serpens, positâ cum pelle senectâ,
 Luxuriare solet, squamâque virere recenti;
 Sic, ubi mortales Tirynthius exiit artus,
 Parte sui meliore viget; majorque videri
 270 Cœpit, & augustâ fieri gravitate verendus.
 Quem pater omnipotens, inter cava nubila raptum,
 Quadrijugo curru radiantibus intulit astris.
 Sensit Atlas pondus. Neque adhuc Stheneleïus iras

METAMORPHOSEON L. IX. 199

Solverat Euryſtheus , odiumque in prole paternum
Exercebat atrox : at longis anxia curis 275
Argolis Alcmena , queſtus ubi ponat aniles ,
Cui referat nati teſtatos orbe labores ,
Cuive ſuos caſus , Iolen habet. Herculis illam
Imperiis , thalamoque animoque receperat Hyllus ;
Impleratque uterum generoſo germine. Cui ſic 280
Incipit Alcmena : Faveant tibi numina ſaltem ,
Corripiantque moras , tum cùm matura vocabis
Præpoſitam timidis parientibus Ilithyiam ;
Quam mihi difficilem Junonis gratia fecit.
Namque laboriferi cùm jam natalis aſſeſſet 285
Herculis , & decimum premeretur ſidere ſignum :
Tendebat gravitas uterum mihi : quodque ferebam ,
Tantum erat , ut poſſes auctorem dicere teſti
Ponderis eſſe Jovem. Nec jam tolerare labores
Ulterius poteram : quin nunc quoque frigidus artus , 290
Dum loquor , horror habet , parsque eſt meminifſe doloris.
Septem ego per noctes , totidem cruciata diebus ,
Feſſa malis , tendensque ad cœlum brachia , magno
Lucinam , Nixosque pares , clamore vocabam.
Illa quidem vênit , ſed præcorrupta , meumque 295
Quæ donare caput Junoni vellet iniquæ.
Utque meos audit gemitus , ſubſedit in illa
Ante fores arâ : dextroque a poplite lævum
Preſſa genu , digitis inter ſe peſtine junctis ,
Sufſtinuit nixus. Tacitâ quoque carmina voce 300
Dixit : & inceptos tenuerunt carmina partus.
Nitor , & ingrato facio convicia demens
Vana Jovi : cupioque mori , moturaque duras
Verba queror ſilices. Matres Cadmeïdes adſunt ,
Votaque ſuſcipiunt , exhortanturque dolentem. 305
Una miniſtrarum , mediâ de plebe , Galanthiis ,
Flava comas , aderat , faciendis ſtrenua juffis ;
Officiis dilecta ſuis. Ea ſenſit iniquâ
Neſcio quid Junone geri : dumque exit , & intrat

- 310 Sæpe fores ; Divam residentem vidit in ara ,
 Brachiaque in genibus digitis connexa tenentem ;
 Et , Quæcumque es , ait , dominæ gratare : levata est
 Argolis Alcmene , potiturque puerpera voto.
 Exsiluit , junctasque manus patefacta remisit
 315 Diva potens uteri : vinclis levor ipsa remissis.
 Numine decepto , risisse Galanthida fama est.
 Ridentem , prensamque ipsis Dea sæva capillis
 Traxit , & e terra corpus relevare volentem
 Arcuit : inque pedes mutavit brachia primos.
 320 Strenuitas antiqua manet : nec terga colorem
 Amisere suum : forma est diversa priori.
 Quæ , quia mendaci parientem juverat ore ,
 Ore parit : nostrasque domos , ut & ante , frequentat.

- Dixit : & , admonitu veteris commota ministræ ,
 325 Ingemuit ; quam sic nurus est affata gementem.
 Te tamen , ô ! genitrix , alienæ sanguine vestro
 Rapta movet facies. Quid ? si tibi mira sororis
 Fata meæ referam ? quamquam lacrymæque dolorque
 Impediunt , prohibentque loqui. Fuit unica matri ,
 330 Me pater ex alia genuit , notissima formâ
 Æcholidum , Dryope : quam , virginitate carentem ,
 Vimque Dei passam , Delphos Delonque tenentis ,
 Excipit Andræmon ; & habetur conjuge felix.
 Est lacus , acclivi devexo margine formam
 335 Litoris efficiens : summum myrteta coronant.
 Venerat huc Dryope fatorum nescia ; quôque
 Indignere magis , Nymphis latura coronas.
 Inque sinu puerum , qui nondum impleverat annum ,
 Dulce ferebat onus ; tepidique ope lactis alebat.
 340 Haud procul a stagno , Tyrios imitata colores ,
 In spem baccarum florebat aquatica lotos.
 Carpserrat hinc Dryope , quos oblectamina nato
 Porrigeret , flores : & idem factura videbar ;
 Namque aderam. Vidi guttas e flore cruentas.

METAMORPHOSEON L. IX. 201

Decidere ; & tremulo ramos horrore moveri. 345
 Scilicet , ut referunt tardi nunc denique agrestes ,
 Lotis in hanc Nymphæ , fugiens obscena Priapi ,
 Contulerat versos , servato nomine , vultus.
 Nescierat soror hoc ; quæ cùm perterrita retro
 Ire , & adoratis vellet discedere Nymphis ; 350
 Hæserunt radice pedes. Convellere pugnat :
 Nec quicquam , nisi summa , movet : succrescit ab imo ,
 Totaque paulatim lentus premit inguina cortex.
 Ut vidit , conata manu laniare capillos ;
 Frondemanum implevit : frondes caput omne tenebant. 355
 At puer Amphissos , namque hoc avus Eurytus illi
 Addiderat nomen , materna rigescere sentit
 Ubra : nec sequitur ducentem lacteus humor.
 Spectatrix aderam fati crudelis ; opemque
 Non poteram tibi ferre ; soror : quantumque valebam , 360
 Crescentem truncum ramosque amplexa , morabar :
 Et , fateor , volui sub eodem cortice condi.
 Ecce vir Andræmon , genitorque miserrimus , adsunt ;
 Et quærunt Dryopen : Dryopen quærentibus illis
 Ostendi loton. Tepido dant oscula ligno ; 365
 Affusique suæ radicibus arboris hærent.
 Nil , nisi jam faciem , quod non foret arbor , habebas ,
 Cara soror. Lacrymæ misero de corpore factis
 Irrorant foliis : ac , dum licet , oraque præstant
 Vocis iter , tales effundit in aëra questus. 370
 Si qua fides miseris , hoc me per numina juro
 Non meruisse nefas : patior sine crimine pœnam.
 Viximus innocuæ : si mentior , arida perdam ,
 Quas habeo , frondes ; & cæsa securibus utar.
 Hunc tamen infantem maternis demite ramis , 375
 Et date nutrici : nostrâque sub arbore sæpe
 Lac facitote bibat , nostrâque sub arbore ludat.
 Cùmque loqui poterit , matrem facitote salutet.
 Et tristis dicat ; Latet hoc sub stipite mater.
 Stagna tamen timeat , nec carpat ab arbore flores , 380

Et frutices omnes corpus putet esse Dearum.
 Care, vale, conjux, & tu germana, paterque.
 Quis si qua est pietas, ab acutæ vulnere falcis,
 A pecoris morfu, frondes defendite nostras.

- 385 Et quoniam mihi fas ad vos incumbere non est,
 Erigite huc artus, & ad oscula nostra venite,
 Dum tangi possum, parvumque attollite natum.
 Plura loqui nequeo: nam jam per candida mollis
 Colla liber serpit, summoque cacumine condor.
 390 Ex oculis removete manus: sine munere vestro
 Contegat inductus morientia lumina cortex.
 Desierant simul ora loqui, simul esse: diuque,
 Corpore mutato, rami caluere recentes.
 Dumque refert Iole fatum miserabile, dumque
 395 Eurytidos lacrymas admoto pollice siccet
 Alceme, flet & ipsa tamen. Compescuit omnem
 Res nova tristitiam: nam limine constitit alto
 Pæne puer, dubiâque tegens lanugine malas,
 Ora reformatus primos Iolæus in annos.

- 400 Hoc illi dederat Junonia muneris Hebe,
 Vincta viri precibus. Quæ cum jurare pararet
 Dona tributuram post hac se talia nulli,
 Non est passa Themis. Nam jam discordia Thebæ
 Bella movent, dixit, Capaneusque nisi ab Jove vincit
 405 Haud poterit: ibuntque pares in vulnere fratres:
 Seductâque, suos manes, tellure, videbit
 Vivus adhuc vates: ultusque parente parentem
 Natus, erit factio pius & sceleratus eodem:
 Attonitusque malis, exsul mentisque domusque,
 410 Vultibus Eumenidum, matrisque agitabitur umbris;
 Donec eum conjux fatale poposcerit aurum,
 Cognatumque latus Phegeius hauserit ensis.
 Tum demum magno petet hos Acheloia supplex
 Ab Jove Callirhoë natis infantibus annos.
 415 Juppiter his motus, privignæ dona nurusque

Præcipiet, facietque viros impubibus annis.

Hæc ubi faticano venturi præscia dixit
 Ore Themis; vario Superi sermone fremebant:
 Et, cur non aliis eadem dare dona liceret,
 Murmur erat. Queritur veteres Pallantias annos 420
 Conjugis esse sui: queritur canescere mitis
 Iasiona Ceres: repetitum Mulciber ævum
 Poscit Erichthonio. Venerem quoque cura futuri
 Tangit, & Anchisæ renovare paciscitur annos.
 Cui studeat, Deus omnis habet: crescitque favore 425
 Turbida seditio; donec sua Juppiter ora
 Solvit: &, O! nostri si qua est reverentia, dixit,
 Quò ruitis? tantumne sibi quis posse videtur,
 Fata quoque ut superet? Fatis Iolæus in annos,
 Quos egit, rediit: fatis revirescere debent 430
 Callirhoë geniti, non ambitione, nec armis.
 Vos etiam, quòque hoc animo meliore feratis,
 Me quoque, fata regunt: quæ si mutare valerem,
 Nec nostrum feri curvarent Æacon anni;
 Perpetuumque ævi florem Rhadamanthus haberet 435
 Cum Minoë meo: qui propter amara senectæ
 Pondera despicitur, nec, quo priùs, ordine regnat.
 Dicta Jovis movêre Deos: nec sustinet ullus,
 Cum videant fessos Rhadamanthon & Æacon annis,
 Et Minoa, queri. Qui, dum fuit integer ævi, 440
 Terruerat magnas, ipso quoque nomine, gentes:
 Tunc erat invalidus: Deïonidenque juventæ
 Robore Miletum, Phœboque parente superbum,
 Pertimuit: credensque suis insurgere regnis,
 Haud tamen est patriis arcere penatibus ausus. 445
 Sponte fugis, Milete, tuâ: celerique carinâ
 Ægæas metiris aquas; & in Aside terrâ
 Mœnia constituis, positoris habentia nomen.
 Hic tibi, dum sequitur patriæ curvamina ripæ,
 Filia Mæandri, toties redeuntis eodem, 450

Cognita Cyaneæ : præstanti corpora formâ ,
 Byblida cum Cauno , prolem est enixa gemellam.
 Byblis in exemplo est , ut ament concessâ puellæ.

- Byblis Apollinei correpta cupidine fratris ,
 455 Non , soror ut fratrem , nec quâ debebat , amavit.
 Illa quidem primò nullos intelligit ignes ,
 Nec peccare putat , quod sæpius oscula jungat ,
 Quod sua fraterno circumdet brachia collo ;
 Mendacique diu pietatis fallitur umbrâ.
- 460 Paulatim declinat amor , visuraque fratrem
 Culta venit ; nimiumque cupit formosa videri :
 Et , si qua est illic formosior , invidet illi.
 Sed nondum manifesta sibi est , nullumque sub illo
 Igne facit votum ; verùm tamen æstuat intus.
- 465 Jam dominum appellat : jam nomina sanguinis odit :
 Byblida jam mavult , quàm se vocet ille sororem.
 Spes tamen obscenas animo demittere non est
 Ausa suo vigilans. Placidâ resoluta quiete
 Sæpe videt , quod amat : visa est quoque jungere fratrem
- 470 Corpus ; & erubuit , quamvis sopita jacebat.
 Somnus abit : silet illa diu , repetitque quietis
 Ipsa suæ speciem , dubiâque ita mente profatur.
 Me miseram ! tacitæ quid vult sibi noctis imago ,
 Quàm nolim rata sit ? Cur hæc ego somnia vidi ?
- 475 Ille quidem est oculis quamvis formosus iniquis :
 Et placet , & possum , si non sit frater , amare :
 Et me dignus erat. Verùm nocet esse sororem.
 Dummodo tale nihil vigilans committere tentem ,
 Sæpe licet simili redeat sub imagine somnus.
- 480 Testis abest somno , nec abest imitata voluptas.
 Prò Venus ! & tenerâ volucer cum matre Cupido !
 Gaudia quanta tuli ! quàm me manifesta libido
 Contigit ! ut jacui totis resoluta medullis !
 Ut meminisse juvat ! quamvis brevis illa voluptas ,
- 485 Noxque fuit præceps , & cœptis invida nostris.
 O ! ego , si liceat mutato nomine jungi ,

METAMORPHOSEON L. IX. 205

Quàm bene , Caune , tuo poteram nurus esse parenti !
Quàm bene , Caune , meo poteras gener esse parenti !
Omnia , Di facerent , essent communia nobis ,
Præter avos ! Tu me vellem generosior esses. 490
Nescio quam facies igitur , pulcherrime , matrem !
At mihi , quæ malè sum , quos tu , fortita parentes ,
Nil nisi frater eris : quod obest , id habebimus unum.
Quid mihi significant ergo mea visa ? quod autem
Somnia pondus habent ? an habent & somnia pondus ? 495
Di melius ! Di nempe suas habuere sorores.
Sic Saturnus Opim , junctam sibi sanguine , duxit ,
Oceanus Tethyn , Junonem rector Olympi.
Sunt Superis sua jura : quid ad cœlestia ritus
Exigere humanos , diversaquæ fœdera tento ? 500
Aut nostro vetitus de corde fugabitur ardor ;
Aut , hoc si nequeo , peream precor ante , toroque
Mortua componar , positæque det oscula frater.
Et tamen arbitrium quærit res ista duorum.
Finge placere mihi , scelus esse videbitur illi. 505
At non Æolidæ thalamos timuere sororum.
Unde sed hos novi ? cur hæc exempla paravi ?
Quò feror ? obscenæ procul hinc discedite flammæ :
Nec , nisi quâ fas est germanæ , frater ametur.
Si tamen ipse mei captus prior esset amore , 510
Forsitan illius possem indulgere furori.
Ergo ego , quem fueram non rejeçtura petentem ,
Ipsa petam ? poterisne loqui ? poterisne fateri ?
Coget amor : potero. Vel , si pudor ora tenebit ,
Litera celatos arcana fatebitur ignes. 515
Hæc placet , hæc dubiam vincit sententia mentem.
In latus erigitur , cubitoque innixa sinistro ,
Viderit : insanos , inquit , fateamur amores.
Hei mihi ! quò labor ? quem mens mea concipit ignem ?
Et meditata manu componit verba trementi. 520
Dextra tenet ferrum , vacuam tenet altera ceram.
Incipit , & dubitat : scribit , damnatque tabellas ;

Et notat , & delet : mutat , culpatque , probatque :
Inque vicem sumtas ponit , positasque refumit.

- 525 Quid velit , ignorat : quicquid factura videtur ,
Displicet : in vultu est audacia mixta pudori.
Scripta Soror fuerat : visum est delere Sororem ,
Verbaque correctis incidere talia ceris.

- Quam , nisi tu dederis , non est habitura salutem ,
530 Hanc tibi mittit amans : pudet , ah ! pudet edere nomen !
Et , si quid cupiam , quæris ; sine nomine vellem
Possent agi mea causa meo : nec cognita Byblis
Ante forem , quam spes votorum certa fuisset.
Esse quidem læsi poterant tibi pectoris index ,
535 Et color , & macies , & vultus , & humida sæpe
Lumina , nec causâ suspiria mota patenti ,
Et crebri amplexus ; & quæ , si forte notasti ,
Oscula sentiri non esse sororia possent.

- Ipsa tamen , quamvis animo grave vulnus habebam ,
540 Quamvis intus erat furor igneus , omnia feci ,
Sunt mihi Dî testes , ut tandem sanior essem :
Pugnâque diu violenta Cupidinis arma
Effugere infelix ; & plus , quam ferre puellam
Posses putes , ego dura tuli. Superata fateri
545 Cogor , opemque tuam timidis exposcere votis.
Tu servare potes , tu perdere solus amantem.
Elige utrum facias. Non hoc inimica precatur :
Sed quæ , cùm tibi sit junctissima , junctior esse
Expetit ; & vinclo tecum propiore ligari.

- 550 Jura senes norint : & quid liceatque , nefasque ,
Fasque sit , inquirant ; legumque examina servant :
Conveniens Venus est annis temeraria nostris.
Quid liceat , nescimus adhuc : & cuncta licere
Credimus : & sequimur magnorum exempla Deorum.

- 555 Nec nos aut durus pater , aut reverentia famæ ,
Aut timor impediunt : tantum absit causa timendi.
Dulcia fraterno sub nomine furta tegemus.
Est mihi libertas tecum secreta loquendi :

Et damus amplexus , & jungimus oscula coram.
 Quantum est , quod desit ! miserere fatentis amorem , 560
 Et non falluræ , nisi cogeret ultimus ardor :
 Neve merere , meo subscribi causa sepulcro.
 Talia nequicquam perarantem plena reliquit
 Cera manum : summusque in margine versus adhæsit.
 Protinus impressâ signat sua crimina gemmâ , 565
 Quam tinxit lacrymis : linguam defecerat humor.
 Deque suis unum famulis pudibunda vocavit :
 Et pavidum blandita , Fer has , fidissime , nostro ,
 Dixit , & adjecit post longo tempore , fratri.
 Cum daret , elapsæ manibus cecidere tabellæ. 570
 Omne turbata est : misit tamen. Apta minister
 Tempora nactus , adit , traditque latentia verba.
 Attonitus subitâ juvenis Mæandrius irâ ,
 Projicit acceptas , lectâ sibi parte , tabellas :
 Vixque manus retinens trepidantis ab ore ministri , 575
 Dum licet , ô ! vetitæ scelerate libidinis auctor ,
 Effuge , ait : qui , si nostrum tua fata pudorem
 Non traherent secum , pœnas mihi morte dedisses.
 Ille fugit pavidus : dominæque ferocia Cauni
 Dicta refert. Palles auditâ , Bybli , repulsâ : 580
 Et pavet obsessum glaciali frigore pectus.
 Mens tamen ut rediit , pariter rediere furores :
 Linguaque vix tales isto dedit aëre voces.
 Et meritò : quid enim temeraria vulneris hujus
 Indicium feci ? quid , quæ celanda fuerunt , 585
 Tam citò commisi properatis verba tabellis ?
 Ante erat ambiguus animi sententia dictis
 Prætentanda mihi. Ne non sequeretur euntem ,
 Parte aliquâ veli , qualis foret aura , notare
 Debueram ; tutoque mari decurrere : quæ nunc 590
 Non exploratis implevi lintea ventis.
 Auferor in scopulos igitur , submersaque toto
 Obruor Oceano : neque habent mea vela recursus.
 Quid ? quod & omnibus certis prohibebar amori.

- 595 Indulgere meo , tum cùm mihi ferre iubenti
 Excidit , & fecit spes nostras cera caducas ?
 Nonne vel illa dies fuerat , vel tota voluntas ,
 Sed potius mutanda dies ? Deus ipse monebat ,
 Signaque certa dabat , si non malè sana fuissèm.
- 600 Et tamen ipsa loqui , nec me committere ceræ
 Debueram , præsensque meos aperire furores.
 Vidisset lacrymas : vultus vidisset amantis.
 Plura loqui poteram , quàm quæ cepere tabellæ.
 Invito potui circumdare brachia collo :
- 605 Amplectique pedes : affusaque poscere vitam :
 Et , si rejicerer , potui moritura videri.
 Omnia fecissem , quorum si singula duram
 Flectere non poterant , potuissent omnia , mentem.
 Forsitan & missi sit quædam culpa ministri.
- 610 Non adiit cautè : non legit idonea , credo ,
 Tempora : nec petiit horamque animumque vacantem.
 Hæc nocuere mihi : neque enim de tigride natus ;
 Nec rigidas silices , solidumve in pectore ferrum ,
 Aut adamanta , gerit : nec lac bibit ille leænæ.
- 615 Vincetur. Repetendus erit : nec tædia cœpti
 Ulla mei capiam , dum spiritus iste manebit.
 Nam primum , si fata mihi revocare liceret ,
 Non cœpisse fuit : cœpta expugnare secundum est.
 Quippe nec ille potest , ut jam mea vota relinquam ,
- 620 Non tamen ausorum semper memor esse meorum.
 Et , quia desierim , leviter voluisse videbor ;
 Aut etiam tentasse illum , insidiisque petisse.
 Vel certè non hoc , qui plurimus urit , & ussit
 Pæstora nostra , Deo , sed victa libidine credar.
- 625 Denique jam nequeo nil commisisse nefandum.
 Et scripsi , & petii : temerata est nostra voluntas :
 Ut nihil adjiciam , non possum innoxia dici.
 Quod superest , multum est in vota , in crimina parvum.
 Dixit : & , incertæ tanta est discordia mentis !
- 630 Cùm pigeat tentasse , libet tentare : modumque.

Exit ; & infelix committit sæpe repelli.
 Mox ubi finis abest , patriam fugit ille , nefasque ;
 Inque peregrinâ ponit nova mœnia terrâ.
 Tum verò mæstam totâ Miletida mente
 Defecisse ferunt : tum verò a pectore vestem 635
 Deripuit , planxitque suos furibunda lacertos :
 Jamque palam est demens ; inconcessamque fatetur
 Spem Veneris : sine quâ patriam , invisosque penates ,
 Deferit , & profugi sequitur vestigia fratris.
 Utque tuo motæ , proles Semeleïa , thyrso 640
 Ismarïæ celebrant repetita triennia Bacchæ ;
 Byblida non aliter latos ululasse per agros
 Bubasides vidère nurus : quibus , illa , relictis ,
 Caras , & armiferos Lelegas , Lyciamque pererrat.
 Jam Cragon, & Lymiren, Xanthique reliquerat undas, 645
 Quoque Chimæra jugo mediis in partibus ignem,
 Pectus & ora leæ , caudam serpentis habebat.
 Deficiunt silvæ : cùm tu lassata sequendo
 Procidis ; & , durâ positis tellure capillis ,
 Bybli, taces ; frondesque tuo premis ore caducas. 650
 Sæpe etiam Nymphæ teneris Lelegeïdes ulnis
 Tollere conantur : sæpe , ut moderetur amori ,
 Præcipiunt ; surdæque adhibent solatia menti.
 Muta jacet : viridesque suis terit unguibus lherbas
 Byblis , & humestat lacrymarum gramina rivo. 655
 Naidas his venam , quæ numquam arescere posset ,
 Supposuisse ferunt : quid enim dare majus habebant ?
 Protinus , ut secto piceæ de cortice guttæ ,
 Utve tenax gravidâ manat tellure bitumen ;
 Utve , sub adventum spirantis lene Favonî , 660
 Sole remollescit , quæ frigore constitit , unda ,
 Sic lacrymis consumpta suis Phœbeïa Byblis
 Vertitur in fontem , qui nunc quoque vallibus illis
 Nomen habet dominæ ; nigrâque sub ilice manat.

Fama novi centum Cretæas forsitan urbes 665

Implêssêt monstri ; si non miracula nuper ,
Iphide mutatâ , Crete propiora tulisset.

- Proxima Gnossiaco nam quondam Phæstia regno
Progenuit tellus , ignoto nomine Ligdum ,
670 Ingenuâ de plebe virum. Nec census in illo
Nobilitate suâ major : sed vita fidesque
Inculpata fuit : gravidæ qui conjugis aures
Vocibus his movit , cùm jam prope partus adesset.
Quæ voveam , duo sunt : minimo ut relevere labore ,
675 Utque marem parias. Onerosior altera fors est :
Et vires fortuna negat. Quod abominor , ergo
Edita sortè tuo fuerit si femina partu ,
(Invitus mando : Pietas , ignosce ,) necetur.
Dixerat : & lacrymis vultum lavere profusis ,
680 Tam qui mandabat , quàm cui mandata dabantur.
Sed tamen usque suum vanis Telethusa maritum
Solicitat precibus , ne spem sibi ponat in arcto.
Certa sua est Ligdo sententia : jamque serendo
Vix erat illa gravem maturo pondere ventrem ;
685 Cùm medio noctis spatio , sub imagine somni ,
Inachis ante torum , pompâ comitata fuorum ,
Aut stetit , aut visa est. Inerant lunaria fronti
Cornua , cum spicis nitido flaventibus auro ,
Et regale decus : cum quâ latrator Anubis ,
690 Sanctaque Bubastis , variusque coloribus Apis :
Quique premit vocem , digitoque silentia suadet ;
Sistraque erant , numquamque satis quæsitus Osiris ,
Plenaque somniferi serpens peregrina veneni.
Cùm , velut excussam somno , & manifesta videntem ,
695 Sic affata Dea est. Pars , ô ! Telethusa , mearum ,
Pone graves curas ; mandataque falle mariti.
Nec dubita , cùm te partu Lucina levârit ,
Tollere quicquid erit. Dea sum auxiliaris , opemque
Exorata fero : nec te coluisse querêris
700 Ingratum numen. Monuit , thalamoque recessit.
Læta thoro surgit , purasque ad sidera supplex

METAMORPHOSEON L. IX. 211

Cressa manus tollens , rata sint sua visa , precatur.
 Ut dolor increvit , seque ipsum pondus in auras
 Expulit , & nata est ignaro femina patri ;
 Jussit ali mater , puerum mentita ; fidemque 705
 Res habuit : neque erat facti nisi conscia nutrix.
 Vota pater solvit , nomenque imponit avitum :
 Iphis avus fuerat. Gavisa est nomine mater ,
 Quod commune foret , nec quemquam falleret illo.
 Impercepta piâ mendacia fraude latebant. 710
 Cultus erat pueri : facies , quam sive puellæ ,
 Sive dares puero , fieret formosus uterque.
 Tertius interea decimo successerat annus ,
 Cùm pater , Iphi , tibi flavam despondet Ianthem ;
 Inter Phæstiadas quæ laudatissima formæ 715
 Dote fuit virgo , Dictæo nata Teleste.
 Par ætas , par forma fuit : primasque magistris
 Accepere artes , elementa ætatis , ab isdem.
 Hinc amor ambarum tetigit rude pectus , & æquum
 Vulnus utrique tulit : sed erat fiducia dispar. 720
 Conjugii pactæque expectat tempora tædæ ,
 Quamque virum putat esse , suum fore credit , Ianthe.
 Iphis amat , quâ posse frui desperat ; & auget
 Hoc ipsum flammæ : ardetque in virgine virgo.
 Vixque tenens lacrymas, Quis me manet exitus, inquit, 725
 Cognita quam nulli , quam prodigiosa , novæque
 Cura tenet Veneris ? si Dî mihi parcere vellent ,
 Perdere debuerant : si non & perdere vellent ,
 Naturale malum saltem , & de more , dedissent.
 Nec vaccam vaccæ , nec equas amor urit equarum. 730
 Urit oves aries : sequitur sua femina cervum.
 Sic & aves coëunt ; interque animalia cuncta
 Femina femineo correpta cupidine nulla est.
 Vellem nulla forem. Ne non tamen omnia Crete
 Monstra ferat , taurum dilexit filia Solis : 735
 Femina nempe marem. Meus est furiosior illo ,
 Si verum profitemur , amor. Tamen illa secuta est

- Spem Veneris : tamen illa dolis , & imagine vaccæ ,
 Passa bovem est : & erat , qui deciperetur , adulter.
- 740 Huc licet e toto sollertia confluat orbe ,
 Ipse licet revolet ceratis Dædalus alis ;
 Quid faciet ? Num me puerum de virgine doctis
 Artibus efficiet ? num te mutabit , lanthe ?
 Quin animum firmas ? teque ipsa recolligis , Iphi ?
- 745 Consilii que inopes & stultos excutis ignes ?
 Quid sis nata , vide : nisi te quoque decipis ipsam ,
 Et pete quod fas est : & ama , quod femina debes.
 Spes est quæ capiat : spes est quæ pascat amorem.
 Hanc tibi res adimit. Non te custodia caro
- 750 Arcet ab amplexu , nec cauti cura magistri ,
 Non patris asperitas. Non se negat ipsa roganti ,
 Nec tamen est potiunda tibi : nec , ut omnia fiant ,
 Esse potes felix ; ut Dique hominesque laborent.
 Nunc quoque votorum pars una est vana meorum :
- 755 Dique mihi faciles , quicquid valuere , dederunt.
 Quodque ego , vult genitor , vult ipsa , focerque futurus :
 At non vult Natura , potentior omnibus illis ,
 Quæ mihi sola nocet. Venit ecce optabile tempus ,
 Luxque jugalis adest , ut jam mea fiat lanthe ;
- 760 Nec mihi continget : mediis sitiemus in undis.
 Pronuba quid Juno , quid ad hæc , Hymenæe , venitis
 Sacra ? quibus qui ducat abest , ubi nubimus ambæ.
 Pressit ab his vocem : nec lenius altera virgo
- 764 Æstuat : utque celer venias , Hymenæe , precatur.
 Quod petit hæc , Telethusa timens , modò tempora differt :
 Nunc , ficto languore , moram trahit. Omina sæpe ,
 Visa que causatur. Sed jam consumserat omnem
 Materiam ficti : dilataque tempora tædæ
 Institerant , unusque dies restabat : at illa
- 770 Crinalem capiti vittam natæque sibi que
 Detrahit : & , passis aram complexa capillis ,
 Isi , Parætonium , Mareoticaque arva , Pharonque ,
 Quæ colis , & septem digestum in cornua Nilum ,

METAMORPHOSEON L. IX. 213

Fer, precor, inquit, opem : nostroque medere timori.
Te, Dea, te quondam, tuaque hæc insignia vidi : 775
Cunctaque cognovi, comitesque, facesque, sonumque
Sistrorum : memorique animo tua jussa notavi.
Quod videt hæc lucem, quod non ego punior ipsa,
Consilium monitumque tuum est : miserere duarum,
Auxilioque juva. Lacrymæ sunt verba secutæ. 780
Visa Dea est movisse suas, & moverat, aras.
Et templi tremuere fores, imitataque Lunam
Cornua fulserunt ; crepuitque sonabile sistrum.
Non secura quidem, fausto tamen omine læta,
Mater abit templo. Sequitur comes Iphis euntem, 785
Quàm solita est, majore gradu : nec candor in ore
Permanet, & vires augentur, & acrior ipse est
Vultus : & incomtis brevior mensura capillis.
Plusque vigoris adest, habuit quàm femina. Jam, quæ
Femina nuper eras, puer es. Date munera templis : 790
Nec timidâ gaudete fide. Dant munera templis.
Addunt & titulum : titulus breve carmen habebat :
Dona puer solvit, quæ femina voverat, Iphis.
Postera lux radiis latum patefecerat orbem,
Cum Venus & Juno, sociosque Hymenæus ad ignes 795
Conveniunt ; potiturque suâ puer Iphis lanthe.





OVIDII NASONIS
METAMORPHOSEON
LIBER X.

- I**ND E per immensum, croceo velatus amictu,
Aëra digreditur, Ciconumque Hymenæus ad oras
Tendit; & Orpheâ nequicquam voce rogatur.
Adfuit ille quidem: sed nec sollempnia verba,
5 Nec lætos vultus, nec felix attulit omen.
Fax quoque, quam tenuit, lacrymoso stridula fumo
Usque fuit, nullosque invênit motibus ignes.
Exitus auspicio gravior: nam nupta per herbas
Dum nova, Naiadum turbâ comitata, vagatur,
10 Decidit, in talum serpentis dente recepto.
Quam satis ad superas post quàm Rhodopeïus auras
Deflevit vates; ne non tentaret & umbras,
Ad Styga Tænariâ est ausus descendere portâ.
Perque leves populos, simulacraque functa sepulcris,
15 Persephonen adiit, inamœnaque regna tenentem
Umbrarum dominum: pulsisque ad carmina nervis,
Sic ait. O! positi sub terrâ numina mundi,
In quem recidimus quicquid mortale creamur;
Si licet, &, falsi positis ambagibus oris,
20 Vera loqui sinitis; non huc, ut opaca viderem
Tartara, descendi; nec uti villosa colubris
Terna Medusæi vincirem guttura monstri.
Causa viæ conjux: in quam calcata venenum
Vipera diffudit, crescentesque abstulit annos.

METAMORPHOSEON L. X. 215

Posse pati volui : nec me tentasse negabo. 25
Vicit Amor. Superâ Deus hic bene notus in ora est :
An sit & hic , dubito. Sed & hic tamen auguror esse :
Famaque si veterem non est mentita rapinam ,
Vos quoque junxit Amor. Per ego hæc loca plena timoris ,
Per Chaos hoc ingens , vastique silentia regni , 30
Eurydices , oro , properata retexite fila.
Omnia debemur vobis : paulumque morati ,
Serius aut citius sedem properamus ad unam.
Tendimus liuc omnes : hæc est domus ultima : vosque
Humani generis longissima regna tenetis. 35
Hæc quoque , cùm iustos matura peregerit annos ,
Juris erit vestri : pro munere poscimus usum.
Quod si fata negant veniam pro conjuge , certum est
Nolle redire mihi : leto gaudete duorum.

Talia dicentem , nervosque ad verba moventem , 40
Exsangues flebant animæ : nec Tantalus undam
Captavit refugam : stupuitque Ixionis orbis.
Nec carpere jecur volucres : urnisque vacarunt
Belides , inque tuo sedisti , Sisyphæ , saxo.*
Tum primum lacrymis , victarum carmine , fama est 45
Eumenidum maduisse genas. Nec regia conjux
Sustinet oranti , nec qui regit ima , negare :
Eurydicenque vocant. Umbras erat illa recentes
Inter , & incessit passu de vulnere tardo.
Hanc , simul & legem , Rhodopeius accipit heros ; 50
Ne flectat retro sua lumina ; donec Avernas
Exierit valles : aut irrita dona futura.

Carpitur acclivus per muta silentia trames ,
Arduus , obscurus , caligine densus opacâ.
Nec procul abfuerunt telluris margine summæ : 55
Hic , ne deficeret , metuens , avidusque videndi ,
Flexit amans oculos : & protinus illa relapsa est.
Brachiaque intendens , prendique , & prendere certans ,
Nil nisi cedentes infelix arripit auras.
Jamque iterum moriens non est de conjuge quicquam 60

- Questa suo : quid enim nisi se quereretur amatam ?
 Supremumque vale , quod jam vix auribus ille
 Acciperet , dixit : revolutaque rursus eodem est.
 Non aliter stupuit geminâ nece conjugis Orpheus ;
 65 Quàm tria qui timidus , medio portante catenas ,
 Colla canis vidit ; quem non pavor ante reliquit ,
 Quàm natura prior , saxo per corpus oborto :
 Quique in se crimen traxit , voluitque videri
 Olenos esse nocens : tuque ô ! confusa figuræ ,
 70 Infelix Lethæa , tuæ ; junctissima quondam
 Pectora , nunc lapides , quos humida sustinet Ideæ
 Orantem , frustra iterum transire volentem ,
 Portitor arcuerat : septem tamen ille diebus
 Squalidus in ripa , Cereris sine munere , sedit.
 75 Cura , dolorque animi , lacrymæque alimenta fuere.
 Esse Deos Erebi crudeles questus , in altam
 Se recipit Rhodopen, pulsūque Aquilonibus Hæmon.
 Tertius æquoreis inclusum Piscibus annum
 Finierat Titan ; omnemque refugerat Orpheus
 80 Femineam Venerem : seu quod malè cesserat illi ;
 Sive fidem dederat. Multas tamen ardor habebat
 Jungere se vati : multæ doluere repulsæ.
 Ille etiam Thracum populis fuit auctor , amorem
 In teneros transferre mares : citraque juventam
 85 Ætatis breve ver , & primos carpere flores.

- Collis erat , collemque super planissima campi
 Area ; quam viridem faciebant graminis herbæ.
 Umbra loco deerat : quâ post quàm parte resedit
 Dis genitus vates , & fila sonantia movit ,
 90 Umbra loco venit. Non Chaonis abfuit arbos ,
 Non nemus Heliadum , non frondibus esculus altis ,
 Nec tiliæ molles , nec fagus , & innuba laurus.
 Et coryli fragiles , & fraxinus utilis hastis ,
 Enodisque abies , curvataque glandibus ilex ,
 95 Et platanus genialis , acerque coloribus impar ,
 Amnicolæque

Amnicolæque simul salices , & aquatica lotos ,
 Perpetuóque virens buxus , tenuesque myricæ ,
 Et bicolor myrtus , & baccis cærulea tinus.
 Vos quoque , flexipedes hederæ , venistis , & unâ
 Pampinæ vites , & amictæ vitibus ulmi : 100
 Ornique , & piceæ , pomoque onerata rubenti
 Arbutus , & lentæ , victoris præmia , palmæ :
 Et succincta comas , hirsutaque vertice pinus ,
 Grata Deûm matri : siquidem Cybeleius Attis
 Exiit hac hominem , truncoque induruit illo. 105
 Aduit huic turbæ , metas imitata , cupressus :
 Nunc arbor , puer ante Deo dilectus ab illo ,
 Qui citharam nervis , & nervis temperat arcus.
 Namque facer Nymphis , Carthæa tenentibus arva ,
 Ingens cervus erat : latèque patentibus altas 110
 Ipse suo capiti præbebat cornibus umbras.
 Cornua fulgebant auro , demissaque in armos
 Pendebant tereti gemmata monilia collo
 Bulla super frontem , parvis argentea loris
 Vincita , movebatur : parilesque ex ære nitebant , 115
 Auribus in geminis , circum cava tempora , baccæ.
 Isque metu vacuus , naturalique pavore
 Deposito , celebrare domos , mulcendaque colla
 Quamlibet ignotis manibus præbere solebat.
 Sed tamen ante alios , Cææ pulcherrime gentis , 120
 Gratus erat , Cyparisse , tibi. Tu pabula cervum
 Ad nova , tu liquidi ducebas fontis ad undam :
 Tu modò texebas varios per cornua flores :
 Nunc , eques in tergo residens , huc latus & illuc ,
 Mollia purpureis frenabas ora capistris. 125
 Æstus erat , mediusque dies ; Solisque vapore
 Concava litorei fervebant brachia Cancræ.
 Fessus in herbosâ posuit sua corpora terrâ
 Cervus , & arboreâ ducebat frigus ab umbra.
 Hunc puer imprudens jaculo Cyparissus acuto 130
 Fixit : & , ut sævo morientem vulnere vidit ,

- Velle mori statuit. Quæ non solatia Phœbus
 Dixit : & , ut leviter , pro materiâque doleret ,
 Admonuit : gemit ille tamen : munusque supremum
 135 Hoc petit a Superis , ut tempore lugeat omni.
 Jamque , per immensos egesto sanguine fletus ,
 In viridem verti cœperunt membra colorem ;
 Et modò , qui niveâ pendebant fronte capilli ,
 Horrida cæsaries fieri : sumtoque rigore ,
 140 Sidereum gracili spectare cacumine cœlum.
 Ingemuit , tristisque Deus , Lugebere nobis ,
 Lugebisque alios , aderisque dolentibus , inquit.

- Tale nemus vates contraxerat : inque ferarum
 Concilio , medius turbæ , volucrumque sedebat.
 145 Ut satis impulsas tentavit pollice chordas ;
 Et sensit varios , quamvis diversa sonarent ,
 Concordare modos , hoc vocem carmine rupit.
 Ab Jove, Musa parens, cedunt Jovis omnia regno ,
 Carmina nostra move. Jovis est mihi sæpe potestas
 150 Dicta prius : cecini plestro graviore Gigantas ,
 Sparsaque Phlegræis victricia fulmina campis.
 Nunc opus est levioze lyrâ : puerosque canamus
 Dilectos Superis ; inconcessisque puellas
 Ignibus attonitas meruisse libidine pœnam.
 155 Rex Superûm Phrygii quondam Ganymedis amore
 Arsit : & inventum est aliquid , quod Juppiter esse ,
 Quàm quod erat , mallet : nullâ tamen alite verti
 Dignatur , nisi quæ possit sua fulmina ferre.
 Nec mora : percussio mendacibus aëre pennis ,
 160 Abripit Iliaden : qui nunc quoque pocula miscet ,
 Invitâque Jovi nectar Junone ministrat.

- Te quoque, Amyclide, posuisset in æthere Phœbus,
 Tristia si spatium ponendi fata dedissent.
 Quà licet , æternus tamen es : quotiesque repellit
 165 Ver hiemem , Piscique Aries succedit aquoso ;

Tu toties oreris , viridique in cespite vernas.
 Te meus ante alios genitor dilexit : & orbe
 In medio positi caruerunt præside Delphi.
 Dum Deus Eurotan' , immunitamque frequentat
 Sparten ; nec citharæ , nec sunt in honore sagittæ ; 170
 Immemor ipse sui non retia ferre recusat ,
 Non tenuisse canes ; non per juga montis iniqui
 Ipse comes : longæque alit assuetudine flammæ.
 Jamque ferè medius Titan venientis & ætæ
 Noctis erat , spatioque pari distabat utrimque ; 175
 Corpora veste levant , & succo pinguis olivi
 Splendescunt , latique ineunt certamina disci :
 Quem prius ærias libratum Phœbus in auras
 Misit , & oppositas disjecit pondere nubes.
 Recidit in solidam longo post tempore terram 180
 Pondus , & exhibuit junctam cum viribus artem.
 Protinus imprudens , ætusque cupidine ludi ,
 Tollere Tænarides orbem properabat : at illum
 Dura percussio subjecit ab ære tellus
 In vultus , Hyacinthe , tuos. Expalluit æquè , 185
 Ac puer , ipse Deus : collapsosque excipit artus.
 Et modò te refovet : modò tristia vulnera siccant :
 Nunc animam admotis fugientem sustinet herbis.
 Nil profunt artes : erat immedicabile vulnus.
 Ut si quis violas , riguve papaver in horto , 190
 Liliaque infringat , fulvis hærentia virgis ;
 Marcida demittant subito caput illa gravatum ,
 Nec se sustineant , spectentque cacumine terram :
 Sic vultus moriens jacet ; & defecta vigore
 Ipsa sibi est oneri cervix ; humeroque recumbit. 195
 Laberis , Cbalide , primâ fraudate juventâ ,
 Phœbus ait : videoque tuum , mea crimina , vulnus.
 Tu dolor es facinusque meum. Mea dextera leto
 Inscribenda tuo est : ego sum tibi funeris auctor.
 Quæ mea culpa tamen ? nisi si lusisse , vocari 200
 Culpa potest : nisi culpa potest , & amasse , vocari.

220 P. OVIDII NASONIS

- Atque utinam pro te vitam, tecumve liceret
 Reddere ! Sed quoniam fatali lege tenemur,
 Semper eris mecum, memorique hærebis in ore.
- 205 Te lyra pulsa manu, te carmina nostra sonabunt :
 Flosque novus scripto gemitus imitabere nostros.
 Tempus & illud erit, quo se fortissimus heros
 Addat in hunc florem; folioque legatur eodem.
 Talia dum vero memorantur Apollinis ore,
- 210 Ecce cruor, qui fusus humi signaverat herbam,
 Desinit esse cruor : Tyrioque nitentior ostro
 Flos oritur; formamque capit, quam lilia : si non
 Purpureus color huic, argenteus esset in illis.
 Non satis hoc Phœbo est, is enim fuit auctor honoris.
- 215 Ipse suos gemitus foliis inscribit, & ai ai
 Flos habet inscriptum : funestaque litera ducta est.
 Nec genuisse pudet Sparten Hyacinthon : honorque
 Durat in hoc ævi, celebrandaque, more priorum,
 Annua prælatâ redeunt Hyacinthia pompâ.
- 220 At si fortè roges fecundam Amathunta metalli,
 An genuisse velit Propœtidas, abnuat æquè,
 Atque illos, gemino quondam quibus aspera cornu
 Frons erat; unde etiam nomen traxere Ceraistæ.
 Ante fores horum stabat Jovis Hospitis ara,
- 225 Lugubris sceleris : quam si quis sanguine tinctam
 Advena vidisset, mactatos crederet illic
 Lactentes vitulos, Amathusiacasve bidentes :
 Hospes erat cæsus. Sacris offensa nefandis,
 Ipsa suas urbes, Ophiusiaque arva parabat
- 230 Deferere alma Venus. Sed quid loca grata, quid urbes
 Peccavere meæ ? quod crimen, dixit, in illis ?
 Exilio pœnam potius gens impia pendat,
 Vel nece ; vel si quid medium mortisque fugæque.
 Idque quid esse potest, nisi versæ pœna figuræ ?
- 235 Dum dubitat, quo mutet eos ; ad cornua vultum
 Flexit : & admonita est hæc illis posse relinqui :

METAMORPHOSEON L. X. 221

Grandiaque in torvos transformat membra juvencos.

Sunt tamen obscenæ Venerem Propoetides aufæ
Esse negare Deam : pro quo sua , numinis irâ ,
Corpora cum formâ primæ vulgasse feruntur. 240
Utque pudor cessit , fanguisque induruit oris ,
In rigidum parvo silicem discrimine versæ.

Quas quia Pygmalion ævum per crimen agentes
Viderat , offensus vitiis , quæ plurima menti
Femineæ Natura dedit , sine conjuge cælebs 245
Vivebat : thalamique diu consorte carebat.
Interea niveum mirâ feliciter arte
Sculpit ebur ; formamque dedit , quâ femina nasci
Nulla potest : operisque sui concepit amorem.
Virginis est veræ facies , quam vivere credas : 250
Et , si non obstat reverentia , velle moveri.
Ars adeo latet arte suâ ! Miratur , & haurit
Pectore Pygmalion simulati corporis ignes.
Sæpe manus operi tentantes admovet , an sit
Corpus , an illud ebur : nec ebur tamen esse fatetur. 255
Oscula dat , reddique putat : loquiturque , tenetque :
Et credit tactis digitos insidere membris :
Et metuit , pressos veniat ne livor in artus.
Et modò blanditias adhibet , modò , grata puellis
Munera , fert illi conchas , teretesque lapillos , 260
Et parvas volucres , & flores mille colorum ,
Liliaque , pictasque pilas , & ab arbore lapsas
Heliadum lacrymas. Ornat quoque vestibus artus :
Dat digitis gemmas , longoque monilia collo :
Aure leves baccæ , redimicula pectore pendent. 265
Cuncta decent : nec nuda minus formosa videtur.
Collocat hanc stratis , conchâ Sidonide tinctis :
Appellatque tori sociam : acclinataque colla
Mollibus in plumis , tamquam sensura , reponit.
Festa dies Veneri , totâ celeberrima Cypro , 270

- Venerat : & , pandis inductæ cornibus aurum ,
 Conciderant istæ niveâ cervice juvencæ ;
 Turaque fumabant : cùm munere functus ad aras
 Confluit ; & timidè , si Dî dare cuncta potestis ,
 275 Sit conjux opto , (non ausus , eburnea virgo ,
 Dicere Pygmalion) similis mea , dixit , eburnæ.
 Sensit , ut ipsa suis aderat Venus aurea festis ,
 Vota quid illa velint : & , amici numinis omen ,
 Flamma ter accensa est ; apicemque per aëra duxit.
 280 Ut rediit , simulacra suæ petit ille puellæ :
 Incumbensque toro , dedit oscula. Visa tepere est.
 Admovet os iterum : manibus quoque pectora tentat :
 Tentatum mollescit ebur : positoque rigore ,
 Subsedit digitis , ceditque : ut Hymettia sole
 285 Cera remollescit , tractataque pollice multas
 Flectitur in facies , ipsoque fit utilis usu.
 Dum stupet , & timidè gaudet , fallique veretur ;
 Rursus amans rursusque manu sua vota retractat :
 Corpus erat : salient tentatæ pollice venæ.
 290 Tum verò Paphius plenissima concipit heros
 Verba , quibus Veneri grates agat : oraque tandem
 Ore suo non falsa premit : dataque oscula virgo
 Sensit , & erubuit : timidumque ad lumina lumen
 Attollens , pariter cum cœlo vidit amantem.
 295 Conjugio , quod fecit , adest dea. Jamque coactis
 Cornibus in plenum novies lunaribus orbem ,
 Illa Paphon genuit : de quo tenet insula nomen.

Editus hac ille est , qui , si sine prole fuisset ,
 Inter felices Cinyras potuisset haberi.

- 300 Dira canam. Natæ procul hinc , procul este parentes :
 Aut , mea si vestras mulcebunt carmina mentes ,
 Desit in hac mihi parte fides ; nec credite factum :
 Vel , si crederis , facti quoque credite pœnam.
 Si tamen admissum sinit hoc Natura videri ,
 305 Gentibus Ismariis , & nostro gratulor orbi ;

Gratulor huic terræ , quod abest regionibus illis ,
 Quæ tantum genuere nefas. Sit dives amomo ;
 Cinnamaque , costumque suam , sudataque ligno
 Tura ferat , floresque alios Panchaia tellus ;
 Dum ferat & Myrrham. Tanti nova non fuit arbos. 310
 Ipse negat nocuisse tibi sua tela Cupido ,
 Myrrha : facesque suas a crimine vindicat isto.
 Stipite te Stygio , tumidisque afflavit Echidnis ,
 E tribus una foror. Scelus est odisse parentem :
 Hic amor est odio majus scelus. Undique lecti 315
 Te cupiunt procures ; totoque Oriente juvenus
 Ad thalami certamen adest. Ex omnibus unum
 Elige , Myrrha , tibi : dum ne sit in omnibus unus.
 Illa quidem sentit ; fædoque repugnat amor :
 Et secum , Quò mente feror ? quid molior ? inquit. 320
 Di , precor , & Pietas , sacrataque Jura parentum ,
 Hoc prohibete nefas , scelerique resistite tanto :
 Si tamen hoc scelus est. Sed enim damnare negatur
 Hanc Venerem Pietas : coeuntque animalia nullo
 Cetera delectu. Nec habetur turpe juvencæ 325
 Ferre patrem tergo : fit equo sua filia conjux ;
 Quasque creavit , init pecudes , caper : ipsaque cujus
 Semine concepta est , ex illo concipit ales.
 Felices , quibus ista licent ! Humana malignas
 Cura dedit leges : & quod Natura remittit , 330
 Invida jura negant. Gentes tamen esse feruntur ,
 In quibus & nato genitrix , & nata parenti
 Jungitur ; & pietas geminato crescit amore.
 Me miseram ! quod non nasci mihi contigit illic.
 Fortunæque loci lædor : quid in ista revolvor ? 335
 Spes interdictæ , discedite. Dignus amari
 Ille , sed ut pater , est. Ergo si filia magni
 Non essem Cinyræ , Cinyræ concumbere possem ?
 Nunc quia tam meus est , non est meus ; ipsaque damno
 Est mihi proximitas : aliena potentior essem. 340
 Ire libet procul hinc , patriosque relinquere fines ,

Dum scelus effugiam. Retinet malus error amantem,
 Ut præfens spectem Cinyran, tangamque, loquarque,
 Osculaque admoveam, si nil conceditur ultra.

- 345 Ultra autem sperare aliquid potes, impia virgo?
 Nec, quot confundas & jura & nomina, sentis?
 Tune eris, & matris pellex, & adultera patris?
 Tune soror gnati, genitrixque vocabere fratris?
 Nec metues atro crinitas angue Sorores,

- 350 Quæ, facibus sævis oculos atque ora petentes,
 Noxia corda vident? At tu, dum corpore non es
 Passa nefas, animo ne concipe: neve potentis,
 Concubitu vetito, Naturæ pollue fœdus.

Velle puta: res ipsa vetat: pius ille, memorque

- 355 Juris: & ô! vellem similis furor esset in illo!

Dixerat. At Cinyras, quæ copia digna procorum,
 Quid faciat, dubitare facit, scitatur ab ipsa,
 Nominibus dictis, cujus velit esse mariti.

Illa silet primò: patriisque in vultibus hærens,

- 360 Æstuat, & tepido suffundit lumina rore.

Virginei Cinyras hæc credens esse timoris,
 Flere vetat; siccaturque genas, atque oscula jungit.
 Myrrha datis nimium gaudet: consultaque, qualem
 Optet habere virum, Similem tibi, dixit. At ille

- 365 Non intellectam vocem collaudat; &, Esto
 Tam pia semper, ait. Pietatis nomine dicto,
 Demisit vultus, sceleris sibi conscia, virgo.

Noctis erat medium, curasque & pectora somnus
 Solverat: at virgo Cinyreia pervigil igni

- 370 Carpitur indomito, furiosaque vota retrahat.

Et modò desperat, modò vult tentare: pudetque,
 Et cupit; &, quod agat, non invenit. Utque securi
 Sancia trabs ingens, ubi plaga novissima restat,
 Quò cadat, in dubio est; omnique a parte timetur;

- 375 Sic animus vario labefactus vulnere nutat
 Huc levis, atque illuc; momentaque sumit utroque.
 Nec modus, aut requies, nisi mors, reperitur amoris.

METAMORPHOSEON L. X. 225

Mors placet. Erigitur : laqueoque innectere fauces
Destinat : & , zonâ summo de poste revinctâ ,
Care , vale , Cinyra , causamque intellige mortis , 380
Dixit : & aptabat pallenti vincula collo.
Murmura verborum fidas nutricis ad aures
Pervenisse ferunt , limen servantis alumnæ.
Surgit anus , referatque fores : mortisque paratæ
Instrumenta videns , spatio conclamat eodem , 385
Seque ferit , scinditque sinus , ereptaque collo
Vincula dilaniat. Tum denique flere vacavit ;
Tum dare complexus , laqueique requirere causam.
Muta silet virgo , terramque immota tuetur ;
Et deprensa dolet tardæ conamina mortis. 390
Instat anus ; canosque suos , & inania nudans
Ubera , per cunas alimentaue prima precatur ,
Ut sibi committat , quicquid dolet. Illa rogantem
Aversata gemit : certa est exquirere nutrix ;
Nec solam spondere fidem. Dic , inquit , opemque 395
Me sine ferre tibi : non est mea pigra senectus.
Seu furor est , habeo quæ carmine sanet & herbis.
Sive aliquis nocuit , magico lustrabere ritu.
Sive est ira Deûm , sacris placabilis ira.
Quid rear ulterius ? Certè fortuna domusque 400
Sospes , & in cursu est : vivunt genitrixque paterque.
Myrrha , patre audito , suspiria duxit ab imo
Pectore. Nec nutrix etiamnum concipit ullum
Mente nefas ; aliquemque tamen præsentit amorem :
Propositique tenax , quodcumque sit , orat , ut ipsi 405
Indicer : & gremio lacrymantem tollit anili :
Atque ita complectens infirmis colla lacertis ,
Sensimus , inquit : amas : & in hoc mea , pone timorem ,
Sedulitas erit apta tibi : nec sentiet umquam
Hoc pater. Exsiluit gremio furibunda , torumque 410
Ore premens , Discede , precor ; miseroque pudori
Parce , ait. Instanti , Discede , aut desine , dixit ,
Quærere quid doleam. Scelus est , quod scire laboras.

- Horret anus , tremulasque manus annisque metuque
 415 Tendit , & ante pedes supplex procumbit alumnae.
 Et modò blanditur , modò , si non conscia fiat ,
 Terret : & indicium laquei cœptæque minatur
 Mortis : & officium commissio spondet amori.
 Extulit illa caput , lacrymisque implevit obortis
 420 Pectora nutricis : conataque sæpe fateri ,
 Sæpe tenet vocem : pudibundaque vestibis ora
 Texit : & , O ! dixit , felicem conjuge matrem !
 Hastenus : & gemit. Gelidos nutricis in artus
 Ossaque , sensit enim , penetrat tremor : albaque toto
 425 Vertice canities rigidis stetit hirta capillis :
 Multaque , ut excuteret diros , si posset , amores ,
 Addidit. At virgo scit se non falsa moneri :
 Certa mori tamen est , si non potiatur amato.
 Vive , ait hæc ; potiere tuo , non ausa , parente ,
 430 Dicere , conticuit : promissaque numine firmat.
 Festa piæ Cereris celebrabant annua matres
 Illa , quibus niveâ velatæ corpora veste
 Primitias frugum dant , spicea ferta , suarum :
 Perque novem noctes Venerem , tactusque viriles ,
 435 In vetitis numerant. Turbâ Cenchreïs in illa
 Regis adest conjux , arcanaque sacra frequentat.
 Ergo , legitimâ vacuus dum conjuge lectus ,
 Nacta gravem vino Cinyran malè sedula nutrix ,
 Nomine mentito , veros exponit amores :
 440 Et faciem laudat. Quæsitis virginis annis ;
 Par , ait , est Myrrhæ. Quam post quàm adducere jussa est ,
 Utque domum rediit , Gaude mea , dixit , alumna :
 Vicimus ! Infelix non toto corpore sentit
 Lætitiâ virgo ; præfagaque pectora mærent.
 445 Sed tamen & gaudet : tanta est discordia mentis !
 Tempus erat , quo cuncta silent ; interque Triones
 Flexerat obliquo plaustrum temone Bootes :
 Ad facinus venit illa suum. Fugit aurea cœlo
 Luna : tegunt nigræ latitantia sidera nubes ;

METAMORPHOSEON L. X. 227

Nox caret igne suo. Primos tegis, Icare, vultus; 450
Erigoneque pio sacrata parentis amore.
Ter pedis offensi signo est revocata: ter omen
Funereus bubo letali carmine fecit.
It tamen: & tenebræ minuunt, noxque atra, pudorem.
Nutricisque manum lævâ tenet; altera motu 455
Cæcum iter explorat. Thalami jam limina tangit,
Jamque fores aperit, jam ducitur intus: at illi
Poplite succiduo genua intremuere, fugitque
Et color, & sanguis: animusque relinquit euntem.
Quoque suo propior sceleri, magis horret, & ausi 460
Pœnitet; & vellet non cognita posse reverti.
Cunctantem longæva manu deducit: & alto
Admotam lecto cùm traderet, Accipe, dixit;
Ista tua est, Cinyra: devotaque corpora junxit.
Accipit obsceno genitor sua viscera lecto, 465
Virgineosque metus levat, hortaturque timentem.
Forsitan ætatis quoque nomine, Filia, dicat:
Dicat & illa, Pater; sceleri ne nomina desint.
Plena patris thalamis excedit: & impia diro
Semina fert utero; conceptaque crimina portat. 470
Postera nox facinus geminat: nec finis in illa est.
Cùm tandem Cinyras, avidus cognoscere amantem
Post tot concubitus, illato lumine, vidit
Et scelus, & natam: verbisque dolore retentis,
Pendenti nitidum vaginâ deripit ensen. 475
Myrrha fugit, tenebris & cæcæ munere noctis
Intercepta neci: latosque vagata per agros,
Palmiferos Arabas, Panchæaque rura relinquit.
Perque novem erravit redeuntis cornua Lunæ;
Cùm tandem terrâ requievit fessa Sabæâ; 480
Vixque uteri portabat onus. Tum nescia voti,
Atque inter mortisque metus, & tædia vitæ,
Est tales exorsa preces. O! si qua patetis
Numina confessis; merui, nec triste recuso
Supplicium: sed, ne violem vivosque superstes, 485

K vj

- Mortuaque exstinctos , ambobus pellite regnis ;
 Mutatæque mihi vitamque necemque negate.
 Numen confessis aliquod patet. Ultima certè
 Vota suos habuere Deos : nam crura loquentis
 490 Terra supervenit ; ruptosque obliqua per unguēs
 Porrigitur radix , longi firmamina trunci ;
 Ossaque robur agunt : mediâque manente medullâ ,
 Sanguis it in succos , in magnos brachia ramos ,
 In parvos digiti : duratur cortice pellis.
- 495 Jamque gravem crescens uterum perstrinxerat arbor ,
 Pectoraque obruerat , collumque operire parabat :
 Non tulit illa moram ; venientique obvia ligno
 Subsedit , mersitque suos in cortice vultus.
 Quæ , quamquam amisit veteres cum corpore sensus ,
 500 Flet tamen : & tepidæ manant ex arbore guttæ.
 Est honor & lacrymis : stillataque cortice Myrrha
 Nomen herile tenet , nullique tacebitur ævo.

- At malè conceptus sub robore creverat infans ;
 Quærebatque viam , quâ se , genitrice relicta ,
 505 Exfereret. Mediâ gravidus tumet arbore venter.
 Tendit onus matrem , nec habent sua verba dolores ;
 Nec Lucina potest parientis voce vocari.
 Nitenti tamen est similis , curvataque crebros
 Dat gemitus arbor : lacrymisque cadentibus humet.
- 510 Constitit ad ramos mitis Lucina dolentes ,
 Admovitque manus , & verba puerpera dixit.
 Arbor agit rimas ; & , fissa cortice , vivum
 Reddit onus , vagitque puer : quem mollibus herbis
 Naïdes impositum lacrymis unxere parentis.
- 515 Laudaret faciem Livor quoque. Qualia namque
 Corpora nudorum tabulâ pinguntur Amorum ,
 Talis erat : sed , ne faciat discrimina cultus ,
 Aut huic adde leves , aut illis deme pharetras.
 Labitur occultè , fallitque volatilis ætas ;
 520 Et nihil est annis velocius. Ille sorore

Natus avoque suo , qui conditus arbore nuper ,
 Nuper erat genitus ; modò formosissimus infans ;
 Jam juvenis , jam vir , jam se formosior ipso est :
 Jam placet & Veneri , matrisque ulciscitur ignes.
 Namque pharetratus dum dat puer oscula matri , 525
 Infcius exstanti destrinxit arundine pectus.
 Læsa manu natum Dea repulit : altiùs actum
 Vulnus erat specie : primòque fefellerat ipsam.
 Capta viri formâ , non jam Cythereia curat
 Litora : non alto repetit Paphon æquore cinctam , 530
 Piscosamque Cnidon , gravidamve Amathunta metalli.
 Abstinet & cœlo : cœlo præfertur Adonis.
 Hunc tenet : huic comes est : assuetaque semper in umbrâ
 Indulgere sibi , formamque augere colendo ,
 Per juga , per silvas , dumosaque saxa vagatur , 535
 Nuda genu , vestem ritu succincta Dianæ.
 Hortaturque canes , tutæque animalia prædæ ,
 Aut pronos lepores , aut celsum in cornua cervum ,
 Aut agitat damas : a fortibus abstinet apris.
 Raptoresque lupos , armatosque unguibus urfos 540
 Vitat , & armenti saturatos cæde leones.
 Te quoque , ut hos timeas , si quid prodesse monendo
 Possit , Adoni , monet : Fortisque fugacibus esto ,
 Inquit ; in audaces non est audacia tuta.
 Parce meo , juvenis , temerarius esse periclo ; 545
 Neve feras , quibus arma dedit Natura , lacesse ;
 Stet mihi ne magno tua gloria. Non movet ætas ,
 Nec facies , nec quæ Venerem movêre , leones ,
 Setigerosque suos , oculosque , animosque ferarum.
 Fulmen habent acres in aduncis dentibus apri : 550
 Impetus est fulvis , & vasta leonibus ira ;
 Invisumque mihi genus est. Quæ causa , roganti ,
 Dicam , ait : & veteris monstrum mirabere culpæ.
 Sed labor insolitus jam me lassavit : & ecce
 Opportuna suâ blanditur populus umbrâ ; 555
 Datque torum cespes. Libet hac requiescere tecum ,

Et requievit, humo : pressitque & gramen, & ipsum.
 Inque sinu juvenis positâ cervice, renidens
 Sic ait : ac mediis interferit oscula verbis.

- 560 Forsitan audieris aliquam certamine cursûs
 Veloces superasse viros. Non fabula rumor
 Ille fuit : superabat enim : nec dicere posses ,
 Laude pedum , formæne bono præstantior esset.
 Scitanti Deus huic de conjuge ; Conjuge , dixit ,
 565 Nil opus est , Atalanta , tibi : fuge conjugis usum.
 Nec tamen effugies , teque ipsâ viva carebis.
 Territa forte Dei per opacas innuba silvas
 Vivit , & instantem turbam violenta procorum
 Conditione fugat : Nec sum potiunda , nisi , inquit ,
 570 Victa priûs cursu : pedibus contendite mecum.
 Præmia veloci conjux thalamique dabuntur ,
 Mors pretium tardis. Ea lex certaminis esto.
 Illa quidem immitis : sed , tanta potentia formæ est !
 Venit ad hanc legem temeraria turba procorum.
 575 Sederat Hippomenes cursûs spectator iniqui ;
 Et , Petitur cuiquam per tanta pericula conjux !
 Dixerat : ac nimios juvenum damnârat amores.
 Ut faciem , & posito corpus velamine vidit ,
 Quale meum , vel quale tuum , si femina fias ;
 580 Obstupuit : tollensque manus , Ignoscite , dixit ,
 Quos modò culpavi : nondum mihi præmia nota ,
 Quæ peteretis , erant. Laudando concipit ignem ;
 Et , ne quis juvenum currat velocius , optat ;
 Invidiâque timet. Sed cur certaminis hujus
 585 Intentata mihi fortuna relinquitur ? inquit.
 Audentes Deus ipse juvat. Dum talia secum
 Exigit Hippomenes , passu volat alite virgo.
 Quæ quamquam Scythicâ non secius ire sagittâ
 Aonio visa est juveni , tamen ille decorem
 590 Miratur magis : & cursus facit ipse decorem.
 Aura refert ablata citis talaria plantis :

Tergaque jactantur crines per eburnea, quæque
 Poplitibus suberant picto genualia limbo;
 Inque puellari corpus candore ruborem
 Traxerat. Haud aliter, quàm cum super atria velum 595
 Candida purpureum simulatas inficit umbras.
 Dum notat hæc hospes, decursa novissima meta est:
 Et tegitur festâ victrix Atalanta coronâ.
 Dant gemitum victi, penduntque ex fœdere pœnas.

Non tamen eventu juvenum deterritus horum, 600
 Constitit in medio; vultuque in virgine fixo,
 Quid facilem titulum superando quæris inertes!
 Mecum confer, ait: seu me fortuna potentem
 Fecerit, a tanto non indignabere vinci.

Namque mihi genitor Megareus, Onchestius illi; 605
 Est Neptunus avus: pronepos ego regis aquarum.
 Nec virtus citra genus est: seu vincar, habebis,
 Hippomene victo, magnum & memorabile nomen.
 Talia dicentem molli Schœneïa vultu

Aspicit: & dubitat, superari an vincere malit. 610

Atque ita, Quis Deus hunc formosis, inquit, iniquus
 Perdere vult? caræque jubet discrimine vitæ
 Conjugium petere hoc? Non sum, me iudice, tanti.
 Nec formâ tangor: poteram tamen hac quoque tangi.
 Quid? quod adhuc puer est: non me movet ipse, sed ætas.
 Quid? quod inest virtus, & mens interrita leti. 616

Quid? quod ab æquoreâ numeratur origine quartus.
 Quid? quod amat, tantique putat connubia nostra,
 Ut pereat, si me Fors illi dura negarit.

Dum licet, hospes, abi; thalamosque relinque cruentos. 620

Conjugium crudele meum est: tibi nubere nulla
 Nolet: & optari potes a sapiente puellâ.

Cur tamen est mihi cura tui, tot jam ante peremtis?

Viderit: intereat: quoniam tot cæde procorum
 Admonitus non est; agiturque in tædia vitæ. 625

Occidet hic igitur, voluit quia vivere mecum?
 Indignamque necem pretium patietur amoris?

Non erit invidiæ victoria nostra ferendæ.

Sed non culpa mea est. Utinam desistere velles !

630 Aut , quoniam es demens , utinam velocior esses !

At quàm virgineus puerili vultus in ore est !

Ah ! miser Hippomene , nollem tibi visa fuisset !

Vivere dignus eras. Quod si felicior essem ,

Nec mihi conjugium fata importuna negarent ;

635 Unus eras , cum quo sociare cubilia possem.

Dixerat : utque rudis , primoque Cupidine tacta ,

Quid facit ignorans , amat , & non sentit amorem.

Jam solitos poscunt cursus populusque paterque ;

Cùm me sollicità proles Neptunia voce

640 Invocat Hippomenes. Cythereia , comprecor , ausis

Adsit , ait , nostris ? & , quos dedit , adjuvet ignes.

Detulit aura preces ad me non invida blandas ;

Motaque sum , fateor : nec opis mora longa dabatur.

Est ager , indigenæ Tamaseum nomine dicunt ,

645 Telluris Cypriæ pars optima : quem mihi prisci

Sacravere senes , templisque accedere dotem

Hanc jussere meis. Medio nitet arbor in arvo ,

Fulva comam , fulvo ramis crepitantibus auro.

Hinc tria fortè meâ veniens decerpta ferebam

650 Aurea poma manu : nullique videnda , nisi ipsi ,

Hippomenen adii ; docuique , quis usus in illis.

Signa tubæ dederant ; cùm carcere pronus uterque

Emicat , & summam celeri pede libat arenam.

Posse putes illos sicco freta radere passu ,

655 Et segetis canæ stantes percurrere aristas.

Adjiciunt animos juveni clamorque , favorque ,

Verbaque dicentùm , Nunc , nunc incumbere tempus ,

Hippomene : propera. Nunc viribus uterè totis.

Pelle moram : vinctes. Dubium Megareus heros

660 Gaudeat , an virgo magis his Schœneia distis.

O ! quoties , cùm jam posset transire , morata est !

Spektatosque diu vultus invita reliquit !

Aridus e lassò veniebat anhelitus ore :

METAMORPHOSEON L. X. 233

Metaque erat longè. Tum denique de tribus unum
Fetibus arboreis proles Neptunia misit. 665

Obstupuit virgo, nitidique cupidine pomi
Declinat cursus, aurumque volubile tollit.
Præterit Hippomenes: resonant spectacula plausu.
Illa moram celeri, cessataque tempora, cursu
Corrigit: atque iterum juvenem post terga relinquit. 670

Et rursus pomi jactu remorata secundi,
Consequitur, transitque virum. Pars ultima cursûs
Restabat: Nunc, inquit, ades, Dea muneris auctor:
Inque latus campi, quo tardiùs illa rediret,
Jecit ab obliquo nitidum juveniliter aurum. 675

An peteret, virgo visa est dubitare: coëgi
Tollere, & adjeci sublato pondera malo:
Impediique oneris pariter gravitate morâque.
Neve meus sermo cursu sit tardior illo,
Præterita est virgo: duxit sua præmia victor. 680

Dignane, cui grates ageret, cui turis honorem
Ferret, Adoni, fui? nec grates immemor egit,
Nec mihi tura dedit. Subitam convertor in iram;
Contemnique dolens, ne sim spernenda futuris,
Exemplo caveo: meque ipsam exhortor in ambos. 685

Templa Deûm Matri, quæ quondam clarus Echion
Fecerat ex voto, nemorosis abdita silvis,
Transibant: & iter longum requiescere suasit.
Illic concubitûs intempestiva cupido
Occupat Hippomenen, a numine concita nostro. 690

Luminis exigui fuerat prope templa recessus,
Speluncæ similis, nativo pumice testus;
Relligione sacer priscâ: quò multa sacerdos
Lignea contulerat veterum simulacra Deorum.
Hunc init; & vetito temerat sacraria probro. 695

Sacra retorserunt oculos: turritaque Mater,
An Stygiâ fontes, dubitavit, mergeret undâ.
Pœna levis visa est. Ergo modò lævia fulvæ

234 P. OVIDII NASONIS

- Colla jubæ velant : digiti curvantur in ungues.
 700 Ex humeris armi fiunt : in pectora totum
 Pondus abit : summæ caudâ verruntur arenæ.
 Iram vultus habet : pro verbis murmura reddunt ;
 Pro thalamis celebrant silvas : aliisque timendi ,
 Dente premunt domito Cybeleïa frena leones.
 705 Hos tu , care mihi , cumque his genus omne ferarum ,
 Quæ non terga fugæ , sed pugnæ pectora præbent ,
 Effuge : ne virtus tua sit damnosa duobus.

- Illa quidem monuit , junctisque per aëra cygnis
 Carpit iter : sed stat monitis contraria virtus.
 710 Forte suem latebris , vestigia certa secuti ,
 Excivere canes ; silvisque exire parantem
 Fixerat obliquo juvenis Cinyreïus ictu.
 Protinus excussit pando venabula rostro ,
 Sanguine tincta suo : trepidumque , & tuta petentem
 715 Trux aper insequitur : totosque sub inguine dentes
 Abdidit , & fulvâ moribundum stravit arenâ.
 Vesta levi curru medias Cytheræa per auras
 Cypron olorinis nondum pervenerat alis.
 Agnovit longè gemitum morientis , & albas
 720 Flexit aves illuc. Utque æthere vidit ab alto
 Exanimem , inque suo jactantem sanguine corpus ,
 Desiluit : pariterque sinus , pariterque capillos
 Rupit ; & indignis percussit pectora palmis.
 Quæstaque cum fatis ; At non tamen omnia vestri
 725 Juris erunt , inquit. Luctûs monumenta manebunt
 Semper , Adoni , mei : repetitaque mortis imago
 Annua plangoris peraget simulamina nostri.
 At cruor in florem mutabitur. An tibi quondam
 Femineos artus in olentes vertere menthas ,
 730 Persephone , licuit ? nobis Cinyreïus heros
 Invidiæ mutatus erit ? Sic fata , cruorem
 Nectare odorato spargit : qui tactus ab illo

METAMORPHOSEON L. X. 235

Intumuit ; sic , ut pluvio perlucida cœlo
Surgere bulla solet. Nec plenâ longior horâ
Facta mora est ; cùm flos e sanguine concolor ortus : 735
Qualem , quæ lento celant sub cortice granum ,
Punica ferre solent : brevis est tamen usus in illo.
Namque malè hærentem , & nimîa levitate caducum ,
Excutiunt idem , qui præstant nomina , venti.





OVIDII NASONIS
METAMORPHOSEON
LIBER XI.

- CARMINE dum tali silvas, animosque ferarum
Threïcius vates, & saxa sequentia ducit;
Ecce nurus Ciconum, testæ lymphata ferinis
Pectora velleribus, tumuli de vertice cernunt.
5 Orphea, percussis sociantem carmina nervis.
E quibus una, levem jactato crine per auram,
En, ait, en hic est nostri contemtor: & hastam
Vatis Apollinei vocalia misit in ora.
Quæ foliis præfuta notam sine vulnere fecit.
10 Alterius telum lapis est: qui missus, in ipso
Aëre concentu victus vocisque lyræque est;
Ac veluti supplex pro tam furialibus ausis,
Ante pedes jacuit. Sed enim temeraria crescunt
Bella: modusque abiit, insanaque regnat Erynnis.
15 Cunctaque tela forent cantu mollita: sed ingens
Clamor, & inflato Berecynthia tibia cornu,
Tympanaque, plaususque, & Bacchæi ululatus
Obstrepuere sono citharæ. Tum denique saxa
Non exauditi rubuerunt sanguine vatis.
20 Ac primùm, attonitas etiamnum voce canentis,
Innumeras volucres, anguesque, agmenque ferarum,
Mænades Orphæi titulum rapuere theatri.
Inde cruentatis vertuntur in Orphea dextris;

METAMORPHOSEON L. XI. 237

Et coeunt , ut aves , si quando luce vagantem
Noctis avem cernunt : struſtoque utrimque theatro , 25
Ceum matutinam cervus periturus arenam ,
Præda canum eſt : vatemque petunt , & fronde virenti
Conjiciunt thyrfos , non hæc in munera factos.
Hæ glebas , illæ dereptos arbore ramos ,
Pars torquent ſilices. Ne deſint tela furori , 30
Forte boves preſſo ſubigebant vomere terram ;
Nec procul hinc , multo fructum ſudore parantes ,
Dura lacertosi fodiebant arva coloni ;
Agmine qui viſo fugiunt , operisque relinquunt
Arma ſui : vacuosque jacent diſperſa per agros 35
Sarculaque , raſtriſque graves , longique ligones.
Quæ poſt quàm rapuere feræ , cornuque minaci
Divellere boves , ad vatis fata recurrunt.
Tendentemque manus , & in illo tempore primum
Irrita dicentem , nec quicquam voce moventem , 40
Sacrilegæ perimunt. Perque os , pro Juppiter ! illud ,
Auditum ſaxis , intellectumque ferarum
Sensibus , in ventos anima exhalata reſceſſit.
Te mæſtæ volucres , Orpheu , te turba ferarum ,
Te rigidi ſilices , tua carmina sæpe ſecutæ 45
Fleverunt ſilvæ : poſitis te frondibus arboſ ,
Tonſa comam , luxit : lacrymis quoque flumina dicunt
Increviſſe ſuis : obſcuraque carbæſa pullo
Naiðes & Dryades , paſſosque habuere capillos.
Membra jacent diverſa locis. Caput, Hebre, lyramque 50
Excipis ; & , mirum ! medio dum labitur amne ,
Flebile neſcio quid queritur lyra , flebile lingua
Murmurat exanimis : reſpondent flebile ripæ.
Jamque mare inveſtæ flumen populare relinquunt ,
Et Methymnææ potiuntur litore Leſbi. 55
Hic ferus expoſitum peregrinis anguis arenis
Os petit , & ſparſos ſtillanti rore capillos.
Tandem Phœbus adeſt , morſusque inferre parantem
Arcet : & in lapidem riſtus ſerpentis apertos

- 60 Congelat ; & patulos , ut erant , indurat hiatus.
 Umbra subit terras : & , quæ loca viderat ante ,
 Cuncta recognoscit : quærensque per arva piorum
 Invenit Eurydicen , cupidisque amplectitur ulnis.
 Hic , modò conjunctis spatiantur passibus ambo ,
 65 Nunc præcedentem sequitur : nunc prævius anteit,
 Eurydicenque suam jam tutò respicit Orpheus.

- Non impune tamen scelus hoc sinit esse Lyæus :
 Amissoque dolens sacrorum vate suorum ,
 Protinus in silvis matres Edonidas omnes ,
 70 Quæ fecere nefas , tortâ radice ligavit.
 Quippe pedum digitos, in quantum quæque secuta est,
 Traxit ; & in solidam detrusit acumine terram.
 Utque suum laqueis , quos callidus abdidit auceps ,
 Crus ubi commisit volucris , sensitque teneri ;
 75 Plangitur , ac trepidans astringit vincula motu ;
 Sic , ut quæque solo defixa cohæserat harum ,
 Exsternata fugam frustra tentabat : at illam
 Lenta tenet radix , exsultantemque coërcet.
 Dumque ubi sint digiti, dum pes ubi quærit, & ungues,
 80 Aspicit in teretes lignum succedere furas.
 Et conata femur mærenti plangere dextrâ ,
 Robora percussit : pectus quoque robora fiunt.
 Robora sunt humeri : porrectaque brachia veros
 Esse putes ramos , & non fallare putando.
 85 Nec fatis hoc Baccho est, ipsos quoque deserit agros:
 Cumque choro meliore , sui vineta Tymoli
 Paestolonque petit : quamvis non aureus illo
 Tempore , nec caris erat invidiosus arenis.
 Hunc, assueta cohors, Satyri Bacchæque frequentant:
 90 At Silenus abest. Titubantem annisque meroque
 Ruricolæ cepere Phryges : vinctumque coronis
 Ad regem traxere Midan , cui Thracius Orpheus
 Orgia tradiderat , cum Cecropio Eumolpo.
 Qui simul agnovit socium comitemque sacrorum ,

METAMORPHOSEON L. XI. 239

Hospitis adventu festum genialiter egit 95
 Per bis quinque dies, & junctas ordine noctes.
 Et jam stellarum sublime coëgerat agmen
 Lucifer undecimus, Lydos cum lætus in agros
 Rex venit; & juveni Silenum reddit alumno.
 Huic Deus optandi gratum, sed inutile, fecit 100
 Muneris arbitrium, gaudens altore recepto.
 Ille malè usurus donis, ait, Effice, quicquid
 Corpore contigero, fulvum vertatur in aurum.
 Annuit optatis, nocituraque munera solvit
 Liber; at indoluit, quod non meliora petisset. 105
 Lætus abit, gaudetque malo Berëcynthius heros;
 Pollicitamque fidem tangendo singula tentat.
 Vixque sibi credens, non altâ fronde virentem
 Illice detraxit virgam: virga aurea facta est.
 Tollit humo saxum: saxum quoque palluit auro. 110
 Contigit & glebam: contactu gleba potenti
 Massa fit. Arentes Cereris decerpit aristas;
 Aurea messis erat. Demtum tenet arbore pomum;
 Hesperidas donasse putes. Si postibus altis
 Admovit digitos; postes radiare videntur. 115
 Ille etiam liquidis palmas ubi laverat undis,
 Unda fluens palmis Danaën eludere posset.
 Vix spes ipse suas animo capit, aurea fingens
 Omnia. Gaudenti mensas posuere ministri,
 Exstructas dapibus, nec tostæ frugis egentes: 120
 Tum verò, sive ille suâ Cerealia dextrâ
 Munera contigerat, Cerealia dona rigeant:
 Sive dapes avido convellere dente parabat,
 Lamina fulva dapes admoto dente nitebant.
 Miscuerat puris auctorem muneris undis? 125
 Fusile per rictus aurum fluitare videres.
 Attonitus novitate mali, divesque, miserque
 Effugere optat opes: &, quæ modò voverat, odit.
 Copia nulla famem relevat: sitis arida guttur
 Urit, & invisio meritus torquetur ab auro. 130

240 *P. OVIDII NASONIS*

- Ad cœlumque manus , & splendida brachia tollens ,
 Da veniam , Lenæe pater : peccavimus , inquit ;
 Sed miserere , precor , speciosoque eripe damno.
 Mite Deûm numen : Bacchus peccasse fatentem
 135 Restituit , pactamque fidem , data munera , solvit.
 Neve malè optato maneat circumlitus auro ,
 Vade , ait , ad magnis vicinum Sardibus amnem ;
 Perque jugum montis labentibus obvius undis
 Carpe viam , donec venias ad fluminis ortus.
 140 Spumiferoque tuum fonti , quâ plurimus exit ,
 Subde caput : corpusque simul , simul elue crimen.
 Rex iussæ succedit aquæ. Vis aurea tinxit
 Flumen , & humano de corpore cessit in amnem.
 Nunc quoque jam , veteris percepto semine venæ ,
 145 Arva rigent , auro madidis pallentia glebis.

- Ille , perofus opes , silvas & rura colebat ,
 Panaque montanis habitantem semper in antris.
 Pingue sed ingenium mansit : nocituraque , ut ante ,
 Rursus erant domino stolidæ præcordia mentis.
 150 Nam , freta prospiciens , latè riget arduus alto
 Tmolus in ascensu : clivoque extentus utroque ,
 Sardibus hinc , illinc parvis finitur Hypæpis.
 Pan ibi dum teneris jactat sua carmina Nymphis ,
 Et leve ceratâ modulatur arundine carmen ;
 155 Ausus Apollineos præ se contemnere cantus ,
 Judice sub Tmolo , certamen venit ad impar.
 Monte suo senior judex confedit , & aures
 Liberat arboribus : quercu coma cærula tantùm
 Cingitur ; & pendent circum cava tempora glandes.
 160 Isque Deum pecoris spectans , In judice , dixit
 Nulla mora est. Calamis agrestibus insonat ille ;
 Barbaricoque Midan , aderat nam forte canenti ,
 Carmine delinit. Post hunc facer ora retorsit
 Tmolus ad os Phœbi : vultum sua silva secuta est.
 165 Ille , caput flavum lauro Parnaside vinctus ,

Verrit

METAMORPHOSEON L. XI. 241

Verrit humum Tyrio saturatâ murice pallâ ;
 Instruatque fidem gemmis & dentibus Indis
 Sustinet a læva : tenuit manus altera plectrum.
 Artificis status ipse fuit. Tum stamina docto
 Pollice sollicitat : quorum dulcedine captus 170
 Pana jubet Tmolus citharæ submittere cannas.
 Judicium sanctique placet sententia montis
 Omnibus : arguitur tamen , atque injusta vocatur
 Unius sermone Midæ. Nec Delius aures
 Humanam stolidas patitur retinere figuram ; 175
 Sed trahit in spatium , villisque albeantibus implet ;
 Instabilesque imo facit , & dat posse moveri.
 Cetera sunt hominis : partem damnatur in unam ,
 Induiturque aures lentè gradientis aselli.

Ille quidem celat , turpique onerata pudore 180
 Tempora purpureis tentat velare tiris.
 Sed solitus longos ferro refecare capillos
 Viderat hoc famulus : qui , cùm nec prodere visum
 Dædectus auderet , cupiens efferre sub auras ,
 Nec posset reticere tamen , secedit ; humumque 185
 Effodit : & , domini quales aspexerit aures ,
 Voce refert parvâ ; terræque immurmurat haustæ.
 Indiciumque suæ vocis tellure regeßtâ
 Obruit , & scrobibus tacitus discedit opertis.
 Creber arundinibus tremulis ibi surgere lucus 190
 Cœpit : & , ut primùm pleno maturuit anno ,
 Prodidit agricolam : leni nam motus ab Austro
 Obruta verba refert , dominique coarguit aures.

Ultus abit Tmolo , liquidumque per aëra vestus
 Angustum citra pontum Nepheleïdos Helles 195
 Laomedontæis Latioius aslitit arvis.
 Dexterâ Sigæi , Rhætæi læva profundi ,
 Ara Panomphæo vetus est sacrata Tonanti.
 Inde novæ primùm moliri mœnia Trojæ
 Laomedonta videt : susceptaque magna labore 200

Crescere difficili, nec opes exposcere parvas.
 Cumque tridentigero tumidi genitore profundi
 Mortalem induitur formam; Phrygioque tyranno
 Ædificant muros, pacto pro mœnibus auro.

- 205 Stabat opus: pretium rex inficiatur, & addit,
 Perfidie cumulum, falsis perjuria verbis.
 Non impune feres, rector maris inquit: & omnes
 Inclinauit aquas ad avaræ litora Trojæ,
 Inque freti formam terras convertit; opesque
 210 Abstulit agricolis, & fluctibus obruit arva.
 Pœna neque hæc satis est: Regis quoque filia monstro
 Poscitur æquoreo: quam dura ad saxa revinctam
 Vindicat Alcides: promissaque munera, dictos
 Poscit equos: tantique operis mercede negatâ,
 215 Bis perjura capit superatæ mœnia Trojæ.
 Nec, pars militiæ, Telamon sine honore recessit;
 Hesioneque datâ potitur. Nam conjuge Peleus
 Clarus erat Divâ: nec avi magis ille superbit
 Nomine, quàm foceri: siquidem Jovis esse nepoti
 220 Contigit haud uni, conjux Dea contigit uni.
 Namque senex Thetidi Proteus; Dea, dixerat, undæ,
 Concipe: mater eris juveni, qui fortibus actis
 Acta patris vincet; majorque vocabitur illo.
 Ergo, ne quicquam mundus Jove majus haberet,
 225 Quamvis haud tepidos sub pectore senferat ignes
 Juppiter, æquoræ Thetidis connubia vitat;
 In suæque Æaciden succedere vota nepotem
 Jussit, & amplexus in virginis ire marinæ.
 Est sinus Hæmonia curvos falcatus in arcus:
 230 Brachia procurrunt; ubi, si foret altior unda,
 Portus erat: summis inductum est æquor arenis.
 Litus habet solidum, quod nec vestigia servet,
 Nec remoretur iter, nec opertum pendeat algâ.
 Myrtea silva subest, bicoloribus obsita baccis.
 235 Est specus in medio: naturâ factus, an arte,
 Ambiguum; magis arte tamen: quò sæpe venire

METAMORPHOSEON L. XI. 243

Frenato delphine sedens , Theti nuda , solebas.
Illic te Peleus , ut somno vincta jacebas ,
Occupat : & , quoniam precibus tentata repugnas ,
Vim parat , innectens ambobus colla lacertis. 240
Quod nisi venisses , variatis sæpe figuris ,
Ad solitas artes , auso foret ille potitus.
Sed modò tu volucris , volucrem tamen ille tenebat ;
Nunc gravis arbor eras , hærebat in arbore Peleus.
Tertia forma fuit maculosæ tigridis : illà 245
Territus Æacides a corpore brachia solvit.
Unde Deos pelagi , vico super æquora fuso ,
Et pecoris fibris , & fumo turis adorat.
Donec Carpathius medio de gurgite vates ,
Æacida , dixit , thalamis potiere petitis. 250
Tu modò , cùm gelido sopita quiescet in antro ,
Ignaram laqueis vincloque innecte tenaci.
Nec te decipiat centum mentita figuras ;
Sed preme quicquid erit , dum , quod fuit ante , reformet.
Dixerat hæc Proteus : & condidit æquore vultum , 255
Admisitque suos in verba novissima fluctus.
Pronus erat Titan , inclinatoque tenebat
Hesperium temone fretum : cùm pulchra , relicto ,
Nereis ingreditur consueta cubilia , ponto.
Vix bene virgineos Peleus invaserat artus ; 260
Illa novat formas , donec sua membra teneri
Sentit , & in partes diversas brachia tendit.
Tum demum ingemuit ; Neque , ait , sine numine vincis :
Exhibita estque Thetis. Confessam amplectitur heros ,
Et potitur votis ; ingentique implet Achille. 265

Felix & nato , felix & conjuge Peleus ;
Et cui si demas jugulati crimina Phoci ,
Omnia contigerant Fraterno sanguine fontem ,
Expulsumque domo patriâ Trachinia tellus
Accipit. Hic regnum sine vi , sine cæde , tenebat 270
Lucifero genitore satus , patriumque nitorem

- Ore ferens Ceyx : illo qui tempore mæstus ,
 Dissimilisque sui , fratrem lugebat ademtum.
 Quò post quam Æacides , fellus curâque viâque ,
 275 Venit ; & intravit , paucis comitantibus , urbem ;
 Quosque greges pecorum , quæ secum armenta trahebat ,
 Haud procul a muris sub opacâ valle reliquit.
 Copia cùm facta est adeundi prima tyranni ,
 Velamenta manu prætendens supplice , qui sit ,
 280 Quoque satus , memorat : tantùm sua crimina celat.
 Mentitusque fugæ causam , petit urbe , vel agro ,
 Se juvet. Hunc contra placido Trachinius ore
 Talibus alloquitur. Mediæ quoque commoda plebi
 Nostra patent , Peleu ; nec inhospita regna tenemus.
 285 Adjicis huic animo momenta potentia , clarum
 Nomen , avumque Jovem : nec tempora perde precando.
 Quod petis , omne feres : tuaque hæc pro parte videto ,
 Qualiacumque vides. Utinam meliora videres !
 Et flebat. Moveat quæ tantos causa dolores ,
 290 Peleusque comitesque rogant : quibus ille profatur.
 Forsitan hanc volucrem , rapto quæ vivit , & omnes
 Terret aves , semper pennas habuisse putetis.
 Vir fuit : & tanta est animi constantia , quantum
 Acer erat , belloque ferox , ad vimque paratus :
 295 Nomine Dædalion , illo genitore creatus
 Qui vocat Auroram , cœloque novissimus exit.
 Culta mihi pax est ; pacis mihi cura tenendæ ,
 Conjugiique , fuit : fratri fera bella placebant :
 Illius virtus reges , gentesque subegit.
 300 Quæ nunc Thisbæas agitat mutata columbas ,
 Nata erat huic Chione : quæ dotatissima formâ
 Mille procis placuit , bis septem nup̄ilis annis.
 Fortè revertentes , Phœbus Maiâque creatus ,
 Ille suis Delphis , hic vertice Cyllenæo ,
 305 Vidère hanc pariter , pariter traxere calorem.
 Spem Veneris differt in tempora noctis Apollo ;
 Non tulit ille moras : virgæque movente soporem

METAMORPHOSEON L. XI. 245

Virginis os tangit. Taëlu jacet illa potenti ,
Vimque Dei patitur. Nox cœlum sparserat astris :
Phœbus anum simulat , præceptaque gaudia sumit. 310
Ut sua maturus complevit tempora venter ;
Alipedis de stirpe Dei , versuta propago ,
Nascitur Autolycus , furtum ingeniosus ad omne ;
Qui facere assuerat , patriæ non degener artis ,
Candida de nigris , & de candentibus atra. 315
Nascitur e Phœbo , namque est enixa gemellos ,
Carmine vocali clarus citharæque Philammon.
Quid peperisse duos , & Dis placuisse duobus ?
Et forti genitore , & progenitore Tonanti
Esse satam prodest ? an obest quoque gloria multis ? 320
Obfuit huic certè , quæ se præferre Dianæ
Sustinuit ; faciemque Deæ culpavit. At illi
Ira ferox mota est ; Facilisque placebimus , inquit.
Nec mora : curvavit cornu , nervoque sagittam
Impulit ; & meritam trajecit arundine linguam. 325
Lingua tacet : nec vox tentataque verba sequuntur ;
Conantemque loqui cum sanguine vita reliquit.
Quem , misera ô pietas ! ego tum patruoque dolorem
Corde tuli ! fratrique pio solatia dixi !
Quæ pater haud aliter , quàm cautes murmura ponti , 330
Accipit : & natam delamentatur ademtam.
Ut verò ardentem vidit , quater impetus illi
In medios fuit ire rogos : quater inde repulsus
Concita membra fugæ mandat : similisque juvenco ,
Spicula crabronum pressâ cervice gerenti , 335
Quâ via nulla , ruit. Jam tum mihi currere visus
Plus homine est : alasque pedes sumsisse putares.
Effugit ergo omnes ; veloxque cupidine leti
Vertice Parnasi potitur. Miseratus Apollo :
Cum se Dædalion saxo misisset ab alto , 340
Fecit avem , & subitis pendentem sustulit alis ;
Oraque adunca dedit , curvos dedit unguibus hamos ,
Virtutem antiquam , majores corpore vires.

246 *P. OVIDII NASONIS*

Et nunc accipiter, nullis fatis æquus, in omnes
 345 Sævitur aves; aliisque dolens fit causa dolendi.

- Quæ dum Lucifero genitus miracula narrat
 De consorte suo; cursu festinus anhelat
 Advolat armenti custos Phocæus Anetor.
 Heu Peleu! Peleu! magnæ tibi nuncius adsum
 350 Cladis, ait. Quodcumque ferat, jubet edere Peleus.
 Pendet, & ipse metu trepidat Trachinius heros.
 Ille refert. Fessos ad litora curva juvencos
 Appuleram, medio cum Sol altissimus orbe
 Tantum respiceret, quantum superesse videret.
 355 Parsque boum fulvis genua inclinârat arenis,
 Latarumque jacens campum spectabat aquarum:
 Pars gradibus tardis illuc errabat, & illuc;
 Nant alii, celsoque exstant super æquora collo.
 Templâ mari subfunt, nec marmore clara, nec auro;
 360 Sed trabibus densis, lucoque umbrosa vetusto.
 Nereïdes Nereusque tenent: hos navita templi
 Edidit esse Deos, dum retia litore siccant.
 Juncta palus huic est, densis obfessa salictis,
 Quam restagnantis fecit maris unda paludem.
 365 Inde, fragore gravi strepitans, loca proxima terret,
 Bellua vasta, lupus: ulvisque palustribus exit,
 Oblitus & spumis, & spisso sanguine rictus
 Fulmineos; rubrâ suffusus lumina flammâ.
 Qui, quamquam sævit pariter rabieque fameque,
 370 Acrior est rabie. Neque enim jejunia curat
 Cæde boum, diramque famem, satiare; sed omne
 Vulnerat armentum, sternitque hostiliter omne.
 Pars quoque de nobis funesto saucia morfu,
 Dum defensamus, leto est data: sanguine litus
 375 Undaque prima rubent, demugitæque paludes.
 Sed mora damnosa est, nec res dubitare remittit.
 Dum superest aliquid, cuncti coëamus, & arma,
 Arma capeffamus, conjunctaque tela feramus,

METAMORPHOSEON L. XI. 247

Dixerat agrestis. Nec Pelea damna movebant ;
 Sed , memor admissi , Nerēida colligit orbam 380
 Damna sui inferias extincto mittere Phoco.
 Induere arma viros , violentaque sumere tela
 Rex jubet Ætæus : cum quis simul ipse parabat
 Ire : sed Halcyone conjux excita tumultu
 Prosilit , & , nondum totos ornata capillos , 385
 Disjicit hos ipsos : colloque infusa mariti ,
 Mittat ut auxilium sine se , verbisque precatur
 Et lacrymis ; animasque duas ut servet in una.
 Æacides illi ; Pulchros , Regina , piosque
 Pone metus : plena est promissi gratia vestri. 390
 Non placet arma mihi contra nova monstra moveri :
 Numen adorandum pelagi est. Erat ardua turris ;
 Arce focus summā : fessis loca grata carinis.
 Ascendunt illuc , stratosque in litore tauros
 Cum gemitu aspiciunt , vastatoremque cruento 395
 Ore ferum , longos infectum sanguine villos.
 Inde manus tendens in aperti litora ponti ,
 Cæruleam Peleus Psamathen , ut finiat iram ,
 Orat ; opemque ferat : nec vocibus illa rogantis
 Flebitur Æacidæ. Thetis hanc pro conjuge supplex 400
 Accepit veniam : sed enim irrevocatus ab acri
 Cæde lupus perstat , dulcedine sanguinis asper ;
 Donec inhærentem laceræ cervice juvencæ
 Marmore mutavit. Corpus , præterque colorem ,
 Omnia servavit : lapidis color indicat , illum 405
 Jam non esse lupum , jam non debere timeri.
 Nec tamen hac profugum consistere Pelea terrâ
 Fata sinunt : Magnetæ adit vagus exsul , & illic
 Sumit ab Hæmonio purgamina cædis Acasto.

Interea fratrisque sui , fratremque secutis 410
 Anxia prodigiis turbatus pectora Cēyx ,
 Consulat ut sacras , hominum oblectamina , sortes ,
 Ad Clarium parat ire Deum : nam templa profanus

Invia cum Phlegyis faciebat Delphica Phorbas.

- 415 Consilii tamen ante sui, fidissima, certam
Te facit, Halcyone : cui protinus intima frigus
Ossa receperunt ; buxoque simillimus ora
Pallor obit : lacrymisque genæ maduere profusis.
Ter conata loqui, ter fletibus ora rigavit ;
- 420 Singultuque pias interrumpente querelas,
Quæ mea culpa tuam, dixit, carissime, mentem
Vertit ? ubi est, quæ cura mei prius esse solebat ?
Jam potes Halcyone securus abesse relicta.
Jam via longa placet : jam sum tibi carior absens.
- 425 At, puto, per terras iter est ; tantumque dolebo,
Non etiam metuum, curæque timore carebunt.
Æquora me terrent, & ponti tristis imago.
Et laceras nuper tabulas in litore vidi ;
Et sæpe in tumultis sine corpore nomina legi.
- 430 Neve tuum fallax animum fiducia tangat,
Quod focer Hippotades tibi sit, qui carcere fortes
Contineat ventos ; & , cùm velit, æquora placet.
Cùm semel emissi tenuerunt æquora venti,
Nil illis vetitum est ; incommendataque tellus
- 435 Omnis, & omne fretum. Cœli quoque nubila vexant ;
Excitantque feris rutilos concursibus ignes.
Quo magis hos novi, nam novi, & sæpe paternâ
Parva domo vidi, magis hoc reor esse timendos.
Quod tua si flecti precibus sententia nullis,
- 440 Care, potest, conjux, nimiumque es certus eundi ;
Me quoque tolle simul : certè jactabimur unâ ;
Nec, nisi quæ patiar, metuum : pariterque feremus
Quicquid erit : pariter super æquora lata feremur.
Talibus Æolidos dictis lacrymisque movetur
- 445 Sidereus conjux : neque enim minor ignis in ipso est.
Sed neque propositos pelagi dimittere cursus,
Nec vult Halcyonen in partem adhibere pericli ;
Multaque respondit, timidum solantia pectus :
Nec tamen idcirco causam probat. Addidit illis

Hoc quoque lenimen , quo solo flexit amantem. 450
 Longa quidem nobis omnis mora ; sed tibi juro
 Per patrios ignes , si me modò fata remittent ,
 Ante reversurum , quàm Luna bis impleat orbem.
 His ubi promissis spes est admota recursûs ,
 Protinus eductam navalibus æquore tingi , 455
 Aptarique suis pinum jubet armamentis.
 Quâ rursus visâ , veluti præfaga futuri ,
 Horruit Halcyone : lacrymasque emisit obortas ,
 Amplexusque dedit : tristisque miserrima tandem
 Ore , Vale , dixit : collapsaque corpore tota est. 460
 Ast juvenes , quærente moras Cêyce , reducunt
 Ordinibus geminis ad fortia pectora remos ;
 Æqualique ictu scindunt freta. Sustulit illa
 Humentes oculos ; stantemque in puppe recurvâ ,
 Concussâque manu dantem sibi signa , maritum 465
 Prima videt : redditque notas. Ubi terra recessit
 Longiùs , atque oculi nequeunt cognoscere vultus ;
 Dum licet , insequitur fugientem lumine pinum.
 Hæc quoque ut haud poterat , spatio submota , videri ;
 Vela tamen spectat summo fluitantia malo. 470
 Ut nec vela videt , vacuum petit anxia lectum ;
 Seque toro ponit. Renovat lectusque locusque
 Halcyonæ lacrymas : & quæ pars , admonet , absit.
 Portubus exierant ; & moverat aura rudentes :
 Obvertit lateri pendentes navita remos ; 475
 Cornuaque in summa locat arbore , totaque malo
 Carbasa deducit ; venientesque accipit auras.
 Aut minus , aut certè medium , non amplius , æquor
 Puppe secabatur , longèque erat utraque tellus ;
 Cùm mare sub noctem tumidis albescere cœpit 480
 Fluctibus ; & præceps spirare valentiùs Euris.
 Ardua , jamdudum , demittite cornua , rector
 Clamat , & antennis totum subnectite velum.
 Hic jubet : impediunt adversæ jussâ procellæ ;
 Nec sinit audiri vocem fragor æquoris ullam. 485

- Sponte tamen properant alii subducere remos ,
 Pars munire latus , pars ventis vela negare.
 Egerit hic fluctus , æquorque refundit in æquor ;
 Hic rapit antennas. Quæ dum sine lege geruntur ,
 490 Aspera crescit hiems ; omnique e parte feroces
 Bella gerunt venti , fretaque indignantia miscent.
 Ipse pavet : nec se , qui sit status , ipse fatetur
 Scire ratis rector ; nec quid jubeatve vetetve :
 Tanta mali moles ! totâque potentior arte est !
 495 Quippe sonant clamore viri , stridore rudentes ,
 Undarum incurfu gravis unda , tonitribus æther.
 Fluctibus erigitur , cœlumque æquare videtur ,
 Pontus ; & indultas aspergine tingere nubes.
 Et modò , cùm fulvas ex imo vertit arenas ,
 500 Concolor est illis ; Stygiâ modò nigrior undâ :
 Sternitur interdum , spumisque sonantibus albet.
 Ipsa quoque his agitur vicibus Trachinia puppis ;
 Et modò sublimis , veluti de vertice montis ,
 Despicere in valles , imumque Acheronta , videtur ;
 505 Nunc , ubi demissam curvum circumstetit æquor ,
 Suspiciere inferno summum de gurgite cœlum.
 Sæpe dat ingentem , fluctu latus icta , fragorem ;
 Nec leviùs pulsata sonat , quàm ferreus olim
 Cùm laceras aries ballistave concutit arces.
 510 Utque solent , sumtis in cursu viribus , ire
 Pectore in arma feri , prætentaque tela , leones ;
 Sic ubi se , ventis , admiserat unda , coortis ,
 Ibat in arma ratis ; multoque erat altior illis.
 Jamque labant cunei , spoliataque tegmine ceræ
 515 Rima patet ; præbetque viam letalibus undis.
 Ecce cadunt largi resolutis nubibus imbres ,
 Inque fretum credas totum descendere cœlum ;
 Inque plagas cœli tumefactum ascendere pontum.
 Vela madent nimbis ; & cum cœlestibus undis
 520 Æquoreæ miscentur aquæ. Caret ignibus æther ;
 Cæcaque nox premitur tenebris hiemisque suisque.

METAMORPHOSEON L. XI. 251

Discutiunt tamen has , præbentque micantia lumen
Fulmina : fulmineis ardescunt ignibus undæ.
Dat quoque jam saltus intra cava texta carinæ
Fluctus : & , ut miles , numero præstantior omni , 525
Cum sæpe assiluit defensæ mœnibus urbis ,
Spe potitur tandem ; laudisque accensus amore ,
Inter mille viros murum tamen occupat unus.
Sic ubi pulsarunt acres latera ardua fluctus ,
Vastius insurgens decimæ ruit impetus undæ ; 530
Nec prius absistit fessam oppugnare carinam ,
Quàm velut in captæ descendat mœnia navis.
Pars igitur tentabat adhuc invadere pinum ;
Pars maris intus erat. Trepidant haud segnius omnes ,
Quàm solet urbs , aliis murum fodientibus extra , 535
Atque aliis murum , trepidare , tenentibus intus.
Deficit ars , animique cadunt : totidemque videntur ,
Quot veniunt fluctus , ruere atque irrumpere mortes.
Non tenet hic lacrymas , stupet hic : vocat ille beatos ,
Funera quos maneant : hic votis numen adorat , 540
Brachiaque ad cælum , quod non videt , irrita tollens
Poscit opem : subeunt illi fratresque parensque ;
Huic cum pignoribus domus , & quod cuique relictum est.
Halcyone Cêyca movet : Cêycis in ore
Nulla nisi Halcyone est : & , cum desideret unam , 545
Gaudet abesse tamen. Patriæ quoque vellet ad oras
Respicere , inque domum supremos vertere vultus.
Verùm ubi sit , nescit : tantâ vertigine pontus
Fervet ! & , inductâ piceis e nubibus umbrâ ,
Omne latet cælum , duplicataque noctis imago est. 550
Frangitur incursum nimborum turbinis arbor ;
Frangitur & regimen ; spoliisque animosa superstitans
Unda , velut victrix , sinuatas despicit undas.
Nec levius , quàm si quis Athon Pindumve , revulsos
Sede suâ , totos in apertum everterit æquor , 555
Præcipitata ruit ; pariterque & pondere & ictu
Mergit in ima ratem : cum quâ pars magna virorum

- Gurgite pressa gravi , neque in aëra reddita , fato
 Functa suo est. Alii partes & membra carinæ
 560 Trunca tenent. Tenet ipse manu, quâ sceptrâ solebat,
 Fragmina navigii Cêyx ; focerumque patremque
 Invocat , heu ! frustra : sed plurima nantis in ore
 Halcyone conjux. Illam meminitque refertque :
 Illius ante oculos ut agant sua corpora fluctus ,
 565 Optat ; & exanimis manibus tumuletur amicis.
 Dum natat , absentem , quoties sinit hiscere fluctus ,
 Nominat Halcyonen , ipsisque immurmurat undis.
 Ecce , super medios fluctus , niger arcus aquarum
 Frangitur : & ruptâmersum caput obruit undâ.
 570 Lucifer obscurus , nec quem cognoscere posses ,
 Illâ nocte fuit : quoniamque excedere Olympo
 Non licuit , densis texit sua nubibus ora.
 Æolis interea tantorum ignara malorum
 Dinumerat noctes : & jam , quas induat ille ,
 575 Festinat vestes ; jam quas , ubi venerit ille ,
 Ipsa gerat : reditusque sibi promittit inanes.
 Omnibus illa quidem Superis pia tura ferebat ,
 Ante tamen cunctos Junonis templa colebat ;
 Proque viro , qui nullus erat , veniebat ad aras.
 580 Utque foret sospes conjux suus , utque rediret ,
 Optabat ; nullamque sibi præferret. At illi
 Hoc de tot votis poterat contingere solum.
 At Dea non ultra , pro functo morte , rogari
 Sustinet : utque manus funestas arceat aris ,
 585 Iri , meæ , dixit , fidissima nuncia vocis ,
 Vise soporiferam Somni velociter aulam ;
 Exstinctique jube Cêycis imagine mittat
 Somnia ad Halcyonen , veros narrantia casus.
 Dixerat. Induitur velamina mille colorum
 590 Iris ; & , arquato cœlum curvamine signans ,
 Testa petit jussi sub rupe latentia regis.
 Est prope Cimmerios longo spelunca recessu ,
 Mons cavus , ignavi domus & penetralia Somni ;

METAMORPHOSEON L. XI. 253

Quò numquam radiis oriens , mediusve , cadensve
Phœbus adire potest. Nebulæ caligine mixtæ 595
Exhalantur humo , dubiæque crepuscula lucis.
Non vigil ales ibi , cristati cantibus oris ,
Evocat Auroram : nec voce silentia rumpunt
Solicitive canes , canibusve sagacior anser ;
Non fera , non pecudes , non moti flamine rami , 600
Humanæve sonum reddunt convicia linguæ.
Muta Quies habitat : saxo tamen exit ab imo
Rivus aquæ Lethes : per quem , cum murmure labens ,
Invitat somnos crepitantibus unda lapillis.
Ante fores antri fecunda papavera florent , 605
Innumeræque herbæ : quarum de lacte soporem
Nox legit , & spargit per opacas humida terras.
Janua , quæ verso stridorem cardine reddat ,
Nulla domo totâ : custos in limine nullus.
At medio torus est , ebena sublimis in atra , 610
Plumeus , atricolor , pullo velamine testus ;
Quo cubat ipse Deus , membris languore solutis.
Hunc circa passim , varias imitantia formas ,
Somnia vana jacent totidem , quot messis aristas ,
Silva gerit frondes , ejectas litus arenas. 615
Quò simul intravit , manibusque obstantia virgo
Somnia dimovit ; vestis fulgore reluxit
Sacra domus : tardâque Deus gravitate jacentes
Vix oculos tollens , iterumque iterumque relabens ,
Summaque percutiens nutanti pectora mento , 620
Excussit tandem sibi se : cubitoque levatus ,
Quid veniat , cognôrat enim , scitatur. At illa ;
Somne , quies rerum , placidissime Somne Deorum ,
Pax animi , quem cura fugit ; qui corda diurnis
Fessa ministeriis mulces , reparasque labori ; 625
Somnia , quæ veras æquent imitamine formas ,
Herculeâ Trachine jube , sub imagine regis ,
Halcyonem adeant ; simulacraque naufraga fingant.
Imperat hoc Juno. Post quàm mandata peregit

- 630 Iris , abit. Neque enim ulteriùs tolerare vaporis
 Vim poterat : labique ut Somnum sensit in artus ,
 Effugit ; & remeat per , quos modò venerat , arcus.
 At pater , e populo natorum mille suorum ,
 Excitat artificem , simulatoremque figuræ ,
- 635 Morphea. Non illo jussos sollertiùs alter
 Exprimit incessus , vultumque sonumque loquendi.
 Adjicit & vestes , & consuetissima cuique
 Verba. Sed hic solos homines imitatur : at alter
 Fit fera , fit volucris , fit longo corpore serpens.
- 640 Hunc Icelon Superi , mortale Phobetora vulgus
 Nominat. Est etiam diversæ tertius artis
 Phantasos : ille in humum , saxumque , undamque , trabemque ,
 Quæque vacant animâ , feliciter omnia transit.
 Regibus hi ducibusque suos ostendere vultus
- 645 Nocte solent : populos alii plebemque pererrant.
 Præterit hos senior : cunctisque e fratribus unum
 Morphea , qui peragat Thaumantidos edita , Somnus
 Eligit : & rursus molli languore solutum
 Deposuitque caput , stratoque recondidit alto.
- 650 Ille volat , nullos strepitus facientibus alis ,
 Per tenebras : intraque moræ breve tempus , in urbem
 Pervenit Hæmoniam : positisque e corpore pennis ,
 In faciem Cêycis abit : formæque sub illa
 Luridus , exsanguis similis , sine vestibis ullis ,
- 655 Conjugis ante torum miseræ stetit. Uda videtur
 Barba viri , madidisque gravis fluere unda capillis.
 Tum lecto incumbens , fletu super ora refuso ,
 Hæc ait. Agnoscis Cêyca , miserrima conjux ?
 An mea mutata est facies nece ? Respice : nosces ,
- 660 Inveniesque , tuo pro conjuge , conjugis umbram.
 Nil opis , Halcyone , nobis tua vota tulerunt :
 Occidimus : falsæ tibi me promittere noli.
 Nubilus Ægæo deprendit in æquore navim
 Auster , & ingenti jactatam flamine solvit ;
- 665 Oraque nostra , tuum clamantia nomen ,

METAMORPHOSEON L. XI. 255

Implerunt fluctus. Non hæc tibi nunciat auctor
Ambiguus : non ista vagis rumoribus audis :
Ipse ego fata tibi præfens mea naufragus edo.
Surge , age : da lacrymas , lugubriaque indue : nec me
Indeploratum sub inania Tartara mitte. 670
Adjicit his vocem Morpheus , quam conjugis illa
Crederet esse sui. Fletus quoque fundere veros
Visus erat : gestumque manus Cêycis habebant.
Ingemit Halcyone lacrymans , motatque lacertos
Per somnum : corpusque petens , amplectitur auras ; 675
Exclamatque , Mane : quò te rapis ? ibimus unâ.
Voce sui specieque viri turbata , soporem
Excutit : & primò , si sit , circumspicit illic ,
Qui modò visus erat : nam , moti voce , ministri
Intulerant lumen. Post quàm non invenit usquam , 680
Percutit ora manu : laniatque a pectore vestes ,
Pectoraque ipsa ferit : nec crinem solvere curat ;
Scindit : & altrici , quæ luctûs causa , roganti ;
Nulla est Halcyone : nulla est , ait : occidit unâ
Cum Cêyce suo. Solantia tollite verba ; 685
Naufragus interiit. Vidi , agnovique ; manusque
Ad discedentem , cupiens retinere , tetendi.
Umbra fugit : sed & umbra tamen manifesta virique
Vera mei. Non ille quidem , si quæris , habebat
Assuetos vultus : nec , quo prius ore , nitebat. 690
Pallentem , nudumque , & adhuc humente capillo ,
Infelix vidi. Stetit hoc miserabilis ipso
Ecce loco : & quærit , vestigia si qua supersint.
Hoc erat , hoc animo quod divinante timebam ;
Et ne , me fugiens , ventos sequerere , rogabam. 695
At certè vellem , quoniam periturus abibas ,
Me quoque duxisses ! Tecum fuit utile , tecum
Ire mihi : neque enim de vitæ tempore quicquam
Non simul egissem : nec mors discreta fuisset.
Nunc absens pereo , jactor nunc fluctibus absens ; 700
Et , sine me , me pontus habet. Crudelior ipso

- Sit mihi mens pelago, si vitam ducere nitar
 Longius; & tanto pugnem superesse dolori.
 Sed neque pugnabo, nec te, miserande, relinquam;
 705 Et tibi nunc saltem veniam comes: inque sepulcro,
 Si non urna, tamen junget nos litera: si non
 Ossibus ossa meis, at nomen nomine tangam.

- Plura dolor prohibet: verboque intervenit omni
 Plangor, & attonito gemitus e corde trahuntur.
 710 Mane erat: egreditur tectis ad litus: & illum
 Mæsta locum repetit, de quo spectarat euntem.
 Dumque, Moratus ibi: dumque, Hic retinacula solvit,
 Hoc mihi discedens dedit oscula litore, dicit,
 Dumque notata oculis reminiscitur æta, fretumque
 715 Prospicit; in liquida, spatio distante, tuetur
 Nescio quid, quasi corpus, aquâ. Primoque, quid illud
 Effet, erat dubium. Post quàm appulit unda,
 Et, quamvis aberat, corpus tamen esse liquebat;
 Qui foret, ignorans, quia naufragus, omine mota est;
 720 Et tamquam ignoto lacrymam daret, Heu! miser, inquit,
 Quisquis es, & si qua est conjux tibi! Fluctibus actum
 Fit propius corpus: quod quo magis illa tuetur,
 Hoc minus & minus est amens sua. Jamque propinquæ
 Admotum terræ, jam quod cognoscere posset:
 725 Cernit: erat conjux. Ille est, exclamat: & unâ
 Ora, comas, vestem lacerat: tendensque trementes
 Ad Cæcyæ manus, Sic, ô carissime conjux?
 Sic ad me, miserande, redis? ait. Adjacet undis
 Facta manu moles, quæ primas æquoris iras
 730 Frangit; & incurfus quæ prædelassat aquarum.
 Insilit huc; mirumque fuit potuisse: volabat;
 Percutiensque levem modò natis ærâ pennis,
 Stringebat summas ales miserabilis undas.
 Dumque volat, mæsto similem, plenumque querelæ,
 735 Ora dedere sonum, tenui crepitantia rostro.
 Ut verò tetigit mutum & sine sanguine corpus,
 Dilectos artus amplexa recentibus aliis,

METAMORPHOSEON L. XI. 257

Frigida nequicquam duro decit oscula rostro.
 Senferit hoc Cēyx, an vultum motibus undæ
 Tollere sit visus, populus dubitabat : at ille 740
 Senferat. Et tandem, Superis miserantibus, ambq
 Alite mutantur. Fatis obnoxius isdem
 Tunc quoque mansit amor, nec conjugiale solutum
 Fœdus in alitibus : coëunt, fiuntque parentes ;
 Perque dies placidos, hiberno tempore, septem, 745
 Incubat Halcyone pendentibus æquore nidis.
 Tum via tuta maris : ventos custodit, & arcet
 Æolus egressu ; præstatque nepotibus æquor.

Hos aliquis senior, circum freta lata volantes,
 Spectat : & ad finem servatos laudat amores. 750
 Proximus, aut idem, si fors tulit, Hic quoque, dixit,
 Quem mare carpentem, substrietaque crura gerentem,
 Aspicias, (ostendens spatiosum guttura mergum,)
 Regia progenies : & , si descendere ad ipsum
 Ordine perpetuo quæris, sunt hujus origo 755
 Ilus & Assaracus, raptusque Jovi Ganymedes,
 Laomedonque senex, Priamusque novissima Trojæ
 Tempora sortitus. Frater fuit Hectoris iste ;
 Qui, nisi sensisset primâ nova fata juventâ,
 Forsitan inferius non Hectore nomen haberet ; 760
 Quamvis est illum proles enixa Dymantis.
 Æsacon umbrosâ furtim peperisse sub Ida
 Fertur Alexirhoë, Granico nata bicorni.
 Oderat hic urbes : nitidâque remotus ab aula
 Secretos montes, & inambitiosa colebat 765
 Rura : nec Iliacos cœtus, nisi rarus, adibat.
 Non agreste tamen, nec inexpugnabile Amori
 Pectus habens, silvas captatam sæpe per omnes,
 Aspicit Hesperien patriâ Cebrenida ripâ,
 Injectos humeris siccantem sole capillos. 770
 Visa fugit Nymphæ, veluti perterrita fulvum
 Cerva lupum, longèque lacu deprensa relicto

258 *P. OVID. NAS. MET. L. XI.*

- Accipitrem fluvialis anas. Quam Troïus heros
Insequitur : celeremque metu celer urget amore.
- 775 Ecce , latens herbà coluber , fugientis adunco
Dente pedem stringit , virusque in corpore linquit.
Cum vità suppressà fuga est : amplectitur amens
Exanimem ; clamatque , Piget , piget esse secutum ;
Sed non hoc timui : nec erat mihi vincere tanti.
- 780 Perdidimus miseram nos te duo : vulnus ab angue ,
A me causa data est. Ego sim sceleratior illo ,
Ni tibi , morte meà , mortis solatia mittam.
Dixit : & e scopulo ; quem rauca subederat unda ,
Se dedit in pontum. Tethys miserata cadentem
- 785 Molliter excepit : nantemque per æquora pennis
Texit , & optatæ non est data copia mortis.
Indignatur amans invitum vivere cogi ,
Obstarique animæ , miserà de sede volenti
Exire. Utque novas humeris assumerat alas ,
- 790 Subvolat : atque iterum corpus super æquora mittit.
Pluma levat casus. Furit Æsacos : inque profundum
Pronus abit , letique viam sine fine retentat.
Fecit amor maciem : longa internodia crurum ;
Longa manet cervix : caput est a corpore longè.
- 795 Æquor amat : nomenque manet , quia mergitur , illi.





OVIDII NASONIS
METAMORPHOSEON
LIBER XII.

NESCIVS assumtis Priamus pater Æsacon alis
Vivere, lugebat: tumulo quoque nomen habenti
Inferias dederat cum fratribus Hector inanes.
Defuit officio Paridis præsentia tristi;
Postmodo qui raptâ longum cum conjuge bellum 5
Attulit in patriam: conjuratæque sequuntur
Mille rates, gentisque simul commune Pelasgæ.
Nec dilata foret vindicta; nisi æquora sævi
Invia fecissent venti, Bœotæque tellus
Aulide piscosâ puppes tenuisset ituras. 10
Hic, patrio de more, Jovi cùm sacra parassent;
Ut vetus accensis incanduit ignibus ara,
Serpere cæruleum Danaï vidēre draconem
In platanum, cœptis quæ stabat proxima sacris.
Nidus erat volucrum bis quattuor arbore summâ; 15
Quas simul, & matrem circum sua damna volantem,
Corripuit serpens; avidâque recondidit alvo.
Obstupuere omnes: at veri providus augur
Thestorides, Vincemus, ait: gaudete, Pelasgi.
Troja cadet; sed erit nostri mora longa laboris. 20
Atque novem volucres in belli digerit annos.
Ille, ut erat, virides amplexus in arbore ramos,
Fit lapis, & servat serpentis imagine saxum.

- Permanet Aoniis Nereus violentus in undis ,
 25 Bellaque non transfert : & sunt , qui parcere Trojæ
 Neptunum credant , quia mœnia fecerit urbi.
 At non Thestorides : nec enim nescitve , tacetve
 Sanguine virgineo placandam virginis iram
 Esse Deæ. Post quàm pietatem publica causa ,
 30 Rexque patrem vicit ; castumque datura cruorem ,
 Flentibus , ante aram stetit Iphigenia , ministris ,
 Victa Dea est : nubemque oculis objecit ; & inter
 Officium turbamque sacri , vocesque precantùm ,
 Suppositâ fertur mutasse Mycenida cervâ.
 35 Ergo ubi , quâ decuit , lenita est cæde Diana ,
 Et pariter Phœbes , pariter maris ira recessit ;
 Accipiunt ventos a tergo mille carinæ ,
 Multaque perpeßæ Phrygiâ potiuntur arenâ.

- Orbe locus medio est , inter terrasque , fretumque ,
 40 Cœlestesque plagas , triplicis confinia mundi ;
 Unde , quod est usquam , quamvis regionibus absit ,
 Inspicitur ; penetratque cavas vox omnis ad aures.
 Fama tenet , summâque domum sibi legit in arce :
 Innumerosque aditus , ac mille foramina testis
 45 Addidit , & nullis inclusit limina portis :
 Nocte dieque patent. Tota est ex ære sonanti ;
 Tota fremit : vocesque refert , iteratque quod audit.
 Nulla quies intus , nullâque silentia parte.
 Nec tamen est clamor , sed parvæ murmura vocis ;
 50 Qualia de pelagi , si quis procul audiat , undis
 Esse solent : qualemve sonum , cùm Juppiter atras
 Increpuit nubes , extrema tonitrua reddunt.
 Atria turba tenent : veniunt leve vulgus , euntque.
 Mixtaque cum veris passim commenta vagantur
 55 Millia Rumorum , confusaque verba volutant.
 E quibus hi vacuas implent sermonibus aures ;
 Hi narrata ferunt aliò : mensuraque fidei
 Crescit , & auditis aliquid novus adjicit auctor.

METAMORPHOSEON L. XII. 261

Illic Credulitas , illic temerarius Error ,
Vanaque Lætitia est , consternatique Timores , 60
Seditioque recens , dubioque auctore Sufurri.
Ipsa quid in cœlo rerum , pelagoque geratur ,
Et tellure , videt , totumque inquit in orbem.

Fecerat hæc notum , Grajas cum milite forti
Adventare rates : neque inexpectatus in armis 65
Hostis adest : prohibent aditu , litusque tuentur
Troës : & Hectoreâ primus fataliter hastâ ,
Protesilaë , cadis : commissaque prælia magno
Stant Danaïs : fortisque animæ nece cognitus Hector.
Nec Phryges exiguo , quid Achaïa dextera posset , 70
Sanguine senserunt. Et jam Sigæa rubebant
Litora : jam leto , proles Neptunia , Cygnus
Mille viros dederat : jam curru instabat Achilles ,
Troaque Peliacæ sternebat cuspidis ictu 74
Agmina : perque acies aut Cygnum aut Hectora quærens ,
Congreditur Cygno : decimum dilatus in annum
Hector erat. Tum colla jugo candentia pressos
Exhortatus equos , currum direxit in hostem ;
Concutiensque suis vibrantia tela lacertis ,
Quisquis es , ô ! juvenis , solatia mortis habeto , 80
Dixit , ab Hæmonio quod sis jugulatus Achille.
Hactenus Æacides : vocem gravis hasta secuta est.
Sed , quamquam certâ nullus fuit error in hasta ,
Nil tamen emissi profecit acumine ferri.
Utque hebeti pectus tantummodo contudit ictu ; 85
Nate Deâ , nam te famâ prænovimus , inquit
Ille , quid a nobis vulnus miraris abesse ?
Mirabatur enim. Non hæc , quam cernis , equinîs
Fulva jubis cassis , neque onus cava parma sinistræ
Auxilio mihi sunt : decor est quæsitus ab istis. 90
Mars quoque ob hoc capere arma solet : removebitur omne
Tegminis officium ; tamen indestructus abibo.
Est aliquid , non esse satum Nereïde , sed qui

- Nereaque, & natas, & totum temperet æquor.
- 95 Dixit: & hæsurum clypei curvamine telum
Misit in Æaciden: quod & æs, & proxima rupit
Terga novena boum: decimo tamen orbe moratum.
Excutit hoc heros: rursusque trementia forti
Tela manu torsit: rursus sine vulnere corpus,
- 100 Sincerumque, fuit. Nec tertia cuspis apertum,
Et se præbentem valuit destringere Cygnum.
Haud secus exarsit, quàm Circo taurus aperto,
Cùm sua terribili petit irritamina cornu,
Pæniceas vestes, elusaque vulnera sentit.
- 105 Num tamer exciderit ferrum, considerat, hastæ;
Hærebat ligno. Manus est mea debilis ergo;
Quasque, ait, ante habuit vires, effudit in uno.
Nam certè valuit, vel cùm Lyrnesia primus
Mœnia disjeci; vel cùm Tenedonque, suoque
- 110 Eëtionêas implevi sanguine Thebas.
Vel cùm purpureus populari cæde Caycus
Fluxit; opusque meæ bis sensit Telephus hastæ.
Hic quoque tot cæsis, quorum per litus acervos
Et feci, & video, valuit mea dextra, valetque.
- 115 Dixit: & ante actis veluti malè crederet, hastam
Misit in adversum Lyciâ de plebe Menœten;
Loricamque simul, subiectaque pectora rupit.
Quo plangente gravem moribundo vertice terram,
Extrahit illud idem calido de vulnere telum;
- 120 Atque ait, Hæc manus est: hæc, quâ modò vicimus, hasta:
Utar in hunc isdem: sit in hoc precor exitus idem.
Sic fatus, Cygnumque petit, nec fraxinus errat;
Inque humero sonuit non evitata sinistro:
Inde, velut muro solidâve a caute, repulsa est.
- 125 Quâ tamen ictus erat, signatum sanguine Cygnum
Viderat, & frustra fuerat gavisus, Achilles.
Vulnus erat nullum: sanguis fuit ille Menœtæ.
Tum verò præceps, curru fremebundus ab alto,
Desilit: & nitido securum cominus hostem

METAMORPHOSEON L. XII. 263

Ense petens , parmam gladio galeamque cavari 130
Cernit , & in duro lædi quoque corpore ferrum.
Haud tulit ulterius : clypeoque adversa reducto
Ter quater ora viri , capulo cava tempora pulsat.
Cedentique sequens inflat : turbatque , ruitque ;
Attonitoque negat requiem. Pavor occupat illum , 135
Ante oculosque natant tenebræ : retroque ferenti
Aversos passus medio lapis obstitit arvo.
Quem super impulsus resupino pectore Cygnum
Vi multâ vertit , terræque afflixit Achilles.
Tum , clypeo genibusque premens præcordia duris , 140
Vincla trahit galeæ : quæ pressa subdita mento
Elidunt fauces ; & respiramen iterque
Eripiunt animæ. Victum spoliare parabat ;
Arma relicta videt. Corpus Deus æquoris albam
Contulit in volucrem , cujus modò nomen habebat. 145

Hic labor , hæc requiem multorum pugna dierum
Attulit : & , positis , pars utraque substitit , armis.
Dumque vigil Phrygios servat custodia muros ,
Et vigil Argolicas servat custodia fossas ;
Festa dies æderat , quâ Cygni victor Achilles 150
Pallada vittatæ placabat sanguine vaccæ.
Cujus ut imposuit profecta calentibus aris ,
Et Dis acceptus penetravit in æthera nidor ,
Sacra tulere suam ; pars est data cetera mensis.
Discubuere toris procures , & corpora tostâ 155
Carne replent : vinoque levant curasque sitimque.
Non illos citharæ , non illos carmina vocum ,
Longave multifori delectat tibia buxi ;
Sed noctem sermone trahunt : virtusque loquendi
Materia est. Pugnam referunt hostisque suamque ; 160
Inque vices adita atque exhausta pericula sæpe
Commemorare juvat : quid enim loqueretur Achilles ?
Aut quid apud magnum potiùs loquerentur Achillem ?
Proxima præcipue , domito , victoria , Cygno ,

- 165 In sermone fuit. Visum mirabile cunctis ,
 Quod juveni corpus nullo penetrabile telo ,
 Invisumque ad vulnera erat , ferrumque terebat.
 Hoc ipsum Æacides , hoc mirabantur Achivi.
 Cùm sic Nestor ait. Vestro fuit unicus ævo
- 170 Contemptor ferri , nulloque forabilis ictu ,
 Cygnus : at ipse olim patientem vulnera mille ,
 Corpore non læso , Perrhæbum Cænea vidi ;
 Cænea Perrhæbum , qui , factis inclytus , Othryn
 Incoluit : quòque id mirum magis esset in illo ,
- 175 Femina natus erat. Monstri novitate moventur ,
 Quisquis adest : narretque , rogant : quos inter Achilles ,
 Dic , age , nam cunctis eadem est audire voluntas ,
 O ! facunde senex , ævi prudentia nostri ;
 Quis fuerit Cæneus , cur in contraria versus ;
- 180 Quà tibi militià , cujus certamine pugnæ
 Cognitus ; a quo sit victus , si victus ab ullo est.
 Tum senior : Quamvis obset mihi tarda vetustas ,
 Multaque me fugiant , primis spectata sub annis ;
 Plura tamen memini : nec , quæ magis hæreat illà ,
- 185 Pectore res nostro est , inter bellicque domique
 Acta tot : ac , si quem potuit spatiosa senectus
 Spectatorem operum multorum reddere , vixi
 Annos bis centum : nunc tertia vivitur ætas.
- Clara decore fuit , proles Elateia , Cænis ,
- 190 Thessalidum virgo pulcherrima ; perque propinquas ,
 Perque tuas , urbes , tibi enim popularis , Achille ,
 Multorum frustra votis optata procorum.
 Tentasset Peleus thalamos quoque forsitan illos ;
 Sed jam aut contigerant illi connubia matris ,
- 195 Aut fuerant promissa , tuæ. Nec Cænis in ullos
 Denupsit thalamos : secretaque litora carpens ,
 Æquorei vim passa Dei est : ita Fama ferebat.
 Utque novæ Veneris Neptunus gaudia cepit ;
 Sint tua vota licet , dixit , secura repulsæ :
- 200 Elige quid voveas. Eadem hoc quoque Fama ferebat.

Magnum ,

METAMORPHOSEON L. XII. 265

Magnum , Cænis ait , facit hæc injuria votum :
 Tale pati nil posse mihi da , femina ne sim :
 Omnia præstiteris. Graviore novissima dixit
 Verba sono : poteratque viri vox illa videri ,
 Sicut erat. Nam jam voto Deus æquoris alti 205
 Annuerat : dederatque super , ne saucius ullis
 Vulneribus fieri , ferrove occumbere posset.
 Munere lætus abit : studiisque virilibus ævum
 Exigit Atracides , Peneïaque arva pererrat.
 Duxerat Hippodamen audaci Ixione natus ; 210
 Nubigenasque feros , positis ex ordine mensis ,
 Arboribus tecto discumbere jusserat antro.
 Hæmonii proceres aderant , aderamus & ipsi ;
 Festaque confusâ resonabat regia turbâ.
 Ecce canunt Hymenæon : & ignibus atria fumant ; 215
 Cinctaque adest virgo matrum nuruumque catervâ ,
 Præsignis facie. Felicem diximus illâ
 Conjuge Pirithoum : quod pæne fefellimus omen.
 Nam tibi , sævorum sævissime Centaurorum
 Euryte , quàm vino pectus , tam virgine visâ , 220
 Ardet : & ebrietas geminata libidine regnat.
 Protinus everfæ turbant convivia mensæ ,
 Raptaturque comis per vim nova nupta prehensis.
 Eurytus Hippodamen , alii , quam quisque probarant ,
 Aut poterant , rapiunt : captæque erat urbis imago. 225
 Femineo clamore sonat domus. Ocios omnes
 Surgimus. : & primus , Quæ te vecordia , Theseus ,
 Euryte , pulsât , ait ? qui , me vivente , laceffas
 Pirithoum , violesque duos ignarus in uno.
 Neve ea magnanimus frustra memoraverit heros , 230
 Submovet instantes ; raptamque furentibus aufert.
 Ille nihil contra ; neque enim defendere verbis
 Talia facta potest : sed vindicis ora protervis
 Insequitur manibus , generosaque pectora pulsat.
 Forte fuit juxta , signis exstantibus asper , 235
 Antiquus crater , quem vastum vastior ipse

- Sustulit Ægides ; adversaque misit in ora.
 Sanguinis ille globos pariter, cerebrumque, merumque,
 Vulnere & ore vomens , madidâ resupinus arenâ
 240 Calcitrat. Ardescunt germanâ cæde bimembres ;
 Certatimque omnes uno ore, Arma, arma, loquuntur.
 Vina dabant animos : & primâ pocula pugnâ
 Missa volant , fragilesque cadi , curvique lebetes ;
 Res epulis quondam , nunc bello & cædibus , aptæ.
 245 Primus Ophionides Amycus penetralia donis
 Haud timuit spoliare suis ; & primus ab æde
 Lampadibus densum rapuit funale coruscis ;
 Elatumque altè , veluti qui candida tauri
 Rumpere sacrificâ molitur colla securi ;
 250 Illisit fronti Lapithæ Celadontis : & ossa
 Non agnoscendo confusa reliquit in ore.
 Exsiluere oculi ; disiectisque ossibus oris ,
 Acta retro naris , medioque infixâ palato est.
 Hunc pede convulso mensæ Pellæus acernæ
 255 Stravit humi Belates , disiecto in pectora mento ;
 Cumque atro mixtos sputantem sanguine dentes ,
 Vulnere Tartareas geminato mittit ad umbras.
 Proximus ut steterat , spectans altaria vultu
 Fumida terribili , Cur non , ait , utimur istis ?
 260 Cumque suis Gryneus immanem sustulit aram
 Ignibus , & medium Lapitharum jecit in agmen ;
 Depressitque duos , Brotean & Orion. Orio
 Mater erat Mycale , quam deduxisse canendo
 Sæpe reluctanti constabat cornua Lunæ.
 265 Non impunè feres , teli modò copia detur ,
 Dixerat Exadius : telique habet instar , in alta
 Quæ fuerant pinu , votivi cornua cervi.
 Figitur huic duplici Gryneus in lumina ramo ,
 Eruiturque oculos : quorum pars cornibus hæret ,
 270 Pars fluit in barbam ; concretaque sanguine pendet.
 Ecce rapit mediis flagrantem Rhœtus ab aris
 Primitium torrem ; dextrâque a parte , Charaxi

METAMORPHOSEON L. XII. 267

Tempora perfringit , fulvo protecta capillo.
 Correpti rapidà , veluti seges arida , flammâ
 Arserunt crines : & vulnere sanguis inustus 275
 Terribilem stridore sonum dedit ; ut dare ferrum
 Igne rubens plerumque solet , quod forcipe curvâ
 Cum faber eduxit , lacubus demittit : at illud
 Stridet , & in trepida submersum sibilat undâ.
 Saucius hirsutis avidum de crinibus ignem 280
 Excudit : inque humeros limen , tellure revulsum ,
 Tollit , onus plaustrî : quod ne permittat in hostem ,
 Ipsa facit gravitas. Socium quoque saxea moles
 Oppressit spatio stantem propiore Cometem ,
 Gaudia nec retinet , Rhœtus. Sic comprecor , inquit , 285
 Cetera sit fortis castrorum turba tuorum ;
 Semicremoque novat repetitum stipite vulnus ;
 Terque quaterque gravi juncturas verticis ictu
 Rupit : & in liquido sederunt ossa cerebro.
 Victor ad Evagrum , Corythumque , Dryantaque transit. 290
 E quibus ut , primâ testus lanugine malas ,
 Procubuit Corythus ; Puero quæ gloria fuso
 Parta tibi est ? Evagros ait. Nec dicere Rhœtus
 Plura sinit : rutilasque ferox in aperta loquentis
 Condidit ora viri , perque os , in pectora , flammâs. 295
 Te quoque , sæve Drya , circum caput igne rotato
 Insequitur ; sed non in te quoque constitit idem
 Exitus : assiduæ successu cædis ovantem ,
 Quâ juncta est humero cervix , sude figis obustâ.
 Ingemuit , duroque sudem vix osse revellit 300
 Rhœtus ; & ipse suo madefactus sanguine fugit.
 Fugit & Ornæus , Lycabasque , & saucius armo
 Dexteriore Medon , & cum Pisenore Thaumâs ;
 Quique pedum nuper certamine vicerat omnes
 Mermeros , accepto nunc vulnere tardiùs ibat ; 305
 Et Pholus , & Melaneus , & Abas prædator aprorum ;
 Quique suis frustra bellum dissuaseraut augur
 Astylos. Ille etiam metuenti vulnera Nesso ,

Ne fuge ; ad Herculeos , inquit , servaberis arcus.

- 310 At non Eurynomus Lycidasque , & Arêos & Imbreus
Effugère necem : quos omnes dextra Dryantis
Perculit adversos. Adversum tu quoque , quamvis
Terga fugæ dederas , vulnus , Crenæ , tulisti.
Nam grave , respiciens , inter duo lumina ferrum ,
315 Quà naris fronti committitur , accipis , imæ.

In tanto fremitu , ductis sine fine , jacebat ,
Sopitus vinis , & inexperrectus , Aphidas ;
Languentique manu carchesia mixta tenebat ,
Fusus in Ossææ villosis pellibus ursæ.

- 320 Quem procul ut vidit frustra nulla arma moventem ,
Inferit amento digitos , Miscendaque , dixit ,
Cum Styge vina bibes , Phorbas. Nec plura moratus ,
In juvenem torsit jaculum : ferrataque collo
Fraxinus , ut casu jacuit resupinus , adacta est.

- 325 Mors caruit sensu : plenoque e gutture fluxit
Inque toros , inque ipsa niger carchesia sanguis.

Vidi ego Petræum , conantem evellere terrâ
Glandiferam quercum : quam dum complexibus ambit ,
Et quatit huc illuc , labefactaque robora jactat ,

- 330 Lancea Pirithoï , costis immissa Petræi ,
Pectora cum duro luctantia robore fixit.
Pirithoï virtute Lycum cecidisse ferebant ;
Pirithoï cecidisse Chromin : sed uterque minorem
Victori titulum , quàm Diety Helopsque , dederunt.

- 335 Fixus Helops jaculo , quod pervia tempora fecit ;
Et missum a dextra lævam penetravit in aurem.
Diety , ab ancipiti delapsus acumine montis ,
Dum fugit instantem trepidans Ixione natum ,
Decidit in præceps : & pondere corporis ornum

- 340 Ingentem fregit , suaque induit ilia fractæ.
Ultor adest Aphareus ; saxumque e monte revulsum
Mittere conatur : conantem stipite querno
Occupat Ægides , cubitique ingentia frangit
Ossa. Nec ulterius dare corpus inutile leto

METAMORPHOSEON L. XII. 269

Aut vacat, aut curat: tergoque Bianoris alti 345
 Insilit, haud solito quemquam portare, nisi ipsum;
 Opposuitque genu costis: prensamque sinistra
 Cæsariem retinens, vultum minitantiæque ora
 Robore nodoso, præduraque tempora, fregit.
 Robore Nedymnum, jaculatoremque Lycotan 350
 Sternit, & immisâ protectum pectora barbâ
 Hippasem, & summis exstantem Riphea silvis;
 Tereaque, Hæmoniis qui, pressos montibus, urfos
 Ferre domum vivos indignantesque solebat.
 Haud tulit utentem pugnae successibus ultra 355
 Thesea Demoleon: solidoque revellere dumo
 Annosam pinum magno molimine tentat:
 Quod quia non potuit, præfractam misit in hostem.
 Sed procul a telo Theseus veniente recessit,
 Pallados admonitu: credi sic ipse volebat. 360
 Non tamen arbor iners cecidit: nam Crantoris alti
 Abscidit jugulo pectusque, humerumque sinistrum.
 Armiger ille tui fuerat genitoris, Achille;
 Quem Dolopum rector, bello superatus, Amyntor
 Æacidæ dederat, pacis pignusque, fidemque. 365
 Hunc procul ut fœdo disiectum vulnere Pelcus
 Vidit, At inferias, juvenum gratissime Crantor,
 Accipe, ait: validoque in Demoleonta lacerto;
 Fraxineam misit, mentis quoque viribus, hastam.
 Quæ laterum cratem perrumpit, & ossibus hærens 370
 Intremuit: trahit ille manu sine cuspide lignum;
 Id quoque vix sequitur: cuspis pulmone retenta est.
 Ipse dolor vires animo dabat. Æger in hostem
 Erigitur, pedibusque virum proculcat equinis.
 Excipit ille ictus galeâ clypeoque sonantes, 375
 Defensatque humeros, prætentaque sustinet arma;
 Perque armos uno duo pectora perforat ictu.
 Ante tamen leto dederat Phlegæon & Hylæ
 Eminus: Hiphinon, collato Marte, Claninque.
 Additur his Dorylas: qui tempora testa gerebat 380

270 *P. OVIDII NASONIS*

- Pelle lupi , sævique vicem præstantia teli ,
 Cornua vara boum , multo rubefacta cruore.
 Huic ego , nam vires animus dabat , Aspice , dixi ,
 Quantum concedant nostro tua cornua ferro ;
 385 Et jaculum torsi. Quod cum vitare nequiret ,
 Opposuit dextram passuræ vulnera fronti ;
 Affixa est cum fronte manus. Fit clamor : at illum
 Hærentem Peleus , & acerbo vulnere victum ,
 Stabat enim propior , mediam ferit ense sub alvum.
 390 Prosiluit , terræque ferox sua viscera traxit ;
 Tractaque calcavit , calcataque rupit ; & illis
 Crura quoque impediit , & inani concidit alvo.
 Nec te pugnantem tua , Cyllare , forma redemit ;
 Si modò naturæ formam concedimus illi.
 395 Barba erat incipiens : barbæ color aureus : aureaque
 Ex humeris medios coma descendebat in armos.
 Gratus in ore vigor : cervix , humerique , manusque ,
 Pectoraque artificum laudatis proxima signis ;
 Et quâ parte viri est : nec equi mendosa sub illa
 400 Deteriorque viro facies. Da colla , caputque ;
 Castore dignus erit. Sic tergum sessile , sic stant
 Pectora celsa toris : totus pice nigrior atrâ.
 Candida cauda tamen : color est quoque cruribus albus.
 Multæ illum petiere suâ de gente ; sed una
 405 Abstulit Hylonome : quâ nulla nitentior inter
 Semiferos altis habitavit femina silvis.
 Hæc & blanditiis , & amando , & amare fatendo ,
 Cyllaron una tenet : cultus quoque , quantus in illis
 Esse potest membris : ut sit coma pectine lævis ;
 410 Ut modò rore maris , modò se violâve rosâve
 Implicet ; interdum candentia lilia gestet :
 Bisque die lapsis Pagasæ vertice silvæ
 Fontibus ora lavet : bis flumine corpora tingat.
 Nec , nisi quæ deceant , electarumque ferarum ,
 415 Aut humero , aut lateri prætendat vellera lævo.
 Par amor est illis : errant in montibus unâ ;

METAMORPHOSEON L. XII. 271

Antra simul subeunt : & tum Lapitheia tecta
Intrarant pariter , pariter fera bella gerebant.
Auctor in incerto est : jaculum de parte sinistra
Venit ; & inferius , quam collo pectora subsunt , 420
Cyllare , te fixit : parvo cor vulnere læsum
Corpore cum toto , post tela educta , refrixit.
Protinus Hylonome morientes excipit artus ,
Impositaque manu vulnus fovet ; oraque ad ora
Admovenet : atque animæ fugienti obsistere tentat. 425
Ut videt exstinctum : dictis , quæ clamor ad aures
Arcuit ire meas , telo , quod inhæserat illi ,
Incubuit : moriensque suum complexa maritum est.

Ante oculos stat & ille meos , qui sena leonum
Vinxerat inter se connexis vellera nodis , 430
Phæocomes , hominemque simul protectus equumque.
Codice qui misso , quem vix juga bina moverent
Juncta , Phonoleniden a summo vertice fregit.
Fracta volubilitas capitis latissima : perque os ,
Perque cavas nares , oculosque , auresque , cerebrum 435
Molle fluit : veluti concretum vimine querno
Lac solet ; utve liquor rari sub pondere cribri
Manat ; & exprimitur per densa foramina spissus.
Ast ego , dum parat hunc armis nudare jacentem ,
Scit tuus hoc genitor , gladium spoliantis in ima 440
Ilia demisi. Chthonius quoque Teleboasque
Ense jacent nostro. Ramum prior ille bifurcum
Gesserat , hic jaculum : jaculo mihi vulnera fecit.
Signa vides : apparet adhuc vetus , ecce , cicatrix.
Tunc ego debueram capienda ad Pergama mitti ; 445
Tunc poteram magni , si non superare , morari
Hectoris arma meis : illo sed tempore nullus ,
Aut puer , Hector erat ; nunc me mea deficit ætas.
Quid tibi victorem gemini Periphanta Pyreti ,
Ampyca quid referam ? qui quadrupedantis Oëcli 450
Fixit in adverso cornum sine cuspide vultu.
Veste Pelethronium Macareus in pectus adacto

272 *P. OVIDII NASONIS*

Stravit Erygdupum. Memini & venabula condi
Inguine, Nessëis manibus conjecta, Cymeli.

- 455 Nec tu credideris tantum cecinisse futura
Ampyciden Mopsum. Mopso jaculante, biformis
Occubuit, frustra loqui tentavit, Odites,
Ad mentum linguâ, mentoque ad guttura fixo.

Quinque neci Cæneus dederat, Stiphelumque Bromumque,
Antimachumque Helimumque securiferumque Pyracmon.

- 461 Vulnera non memini: numerum nomenque notavi.
Prôvolat Emathii spoliis armatus Halesi,
Quem dederat leto, membris & corpore Latreus
Maximus: huic ætas inter juvenemque senemque,
465 Vis juvenilis, erat: variabant tempora cani.
Qui clypeo, galeâque, Macedoniâque sarissâ
Conspicuus, faciemque obversus in agmen utrumque,
Armaque concussit, certumque equitavit in orbem;
Verbaque tot fudit vacuas animosus in auras.

- 470 Et te, Cæni, feram? nam tu mihi femina semper,
Tu mihi Cænis eris. Nec te natalis origo
Comminuit? mentemque subit, quo præmia facto,
Quâque viri falsam speciem mercede parâris?
Vel, quid nata, vide, vel quid sis passa: columque,
475 I, cape cum calathis; & stamina pollice torque;
Bella relinque viris. Jactanti talia Cæneus
Extentum cursu missâ latus eruit hastâ,
Quâ vir equo commissus erat. Furit ille dolore,
Nudaque Phyllêi juvenis ferit ora sarissâ.

- 480 Non secus hæc resilit, quàm testi a culmine grando;
Aut si quis parvo feriat cava tympana saxo.
Cominus aggreditur, laterique recondere duro
Luctatur gladium: gladio loca pervia non sunt.

- 484 Haud tamen effugies: medio jugulaberis ense,
Quandoquidem mucro est hebes, inquit; & in latus ensem
Obliquat, longâque amplectitur ilia dextrâ.
Plaga facit gemitus, ceu corpore marmoris icti;
Fractaque dissiluit percusso lamina collo.

METAMORPHOSEON L. XII. 273

Ut satis illæfos miranti præbuit artus ;
Nunc age , ait Cæneus , nostro tua corpora ferro 490
Tentemus : capuloque tenus demisit in armos
Ensem fatiferum : cæcamque in viscera movit
Versavitque manum , vulnusque in vulnere fecit.
Ecce ruunt vasto rabidi de more bimbres ,
Telaque in hunc omnes unum mittuntque , feruntque : 495
Tela retusa cadunt : manet imperfossus ab omni ,
Inque cruentatus Cæneus Elateius , ictu.

Fecerat attonitos nova res. Heu ! dedecus ingens !
Monychus exclamat : populus superamur ab uno ,
Vixque viro ! quamquam ille vir est ; nos segnibus actis , 500
Quod fuit ille , fumus. Quid membra immania profunt ?
Quid geminæ vires ? quid , quod fortissima rerum
In nobis natura duplex animalia junxit ?
Nec nos matre Deâ , nec nos Ixione natos
Esse reor ; qui tantus erat , Junonis ut altæ 505
Spem caperet : nos semimari superamur ab hoste.
Saxa , trabesque super , totosque involvite montes ;
Vivacemque animam missis elidite silvis.
Silva premat fauces ; & erit pro vulnere pondus.
Dixit : & insani dejectam viribus Austri 510
Forte trabem nactus , validum conjecit in hostem ;
Exemplumque fuit : parvoque in tempore nudus
Arboris Othrys erat , nec habebat Pelion umbras.
Obrutus immani cumulo , sub pondere Cæneus
Æstuat arboreo : congestaque robora duris 515
Fert humeris. Sed enim post quàm super ora caputque
Crevit onus ; neque habet , quas ducat , spiritus auras ,
Deficit interdum ; modò se super aëra frustra
Tollere conatur , jactasque evolvere silvas ;
Interdumque movet : veluti , quam cernimus , ecce , 520
Ardua si terræ quatiatur motibus Ide.
Exitus in dubio est : alii sub inania corpus
Tartara detrusum silvarum mole ferebant.
Annuit Ampycides : medioque ex aggere fulvis

274 *P. OVIDII NASONIS*

- 525 Vidit avem pennis liquidas exire sub auras ;
 Quæ mihi tunc primum, tunc est conspecta supremum.
 Hanc ubi lustrantem leni sua castra volatu
 Mopsus , & ingenti circum clangore sonantem
 Aspexit , pariterque oculis animoque secutus ;
 530 O ! salve , dixit , Lapithææ gloria gentis
 Maxima , vir quondam , sed nunc avis unica , Cæneu.
 Credita res auctore suo est. Dolor addidit iram ;
 Oppressumque ægrè tulimus tot ab hostibus unum.
 Nec priùs abstinitus ferrum exercere cruore ,
 535 Quàm data pars leto , partem fuga noxque removit.

- Hæc , inter Lapithas & semihomines Centauros ,
 Prælia , Tlepolemus , Pylio referente , dolorem
 Præteriti Alcidæ tacito non pertulit ore ;
 Atque ait ; Herculeæ mirum est oblivia laudis
 540 Acta tibi , senior : certè mihi sæpe referre
 Nubigenas domitos a se pater ipse solebat.
 Tristis ad hæc Pylius : Quid me meminisse malorum
 Cogis ? & obductos annis rescindere luctus ?
 Inque tuum genitorem odium offensasque fateri ?
 545 Ille quidem majora fide (Di !) gessit ; & orbem
 Implevit meritis ; quod mallet posse negari.
 Sed neque Deïphobum, nec Polydamanta, nec ipsum
 Hæctora laudamus : quis enim laudaverit hostem ?
 Ille tuus genitor Messenia mœnia quondam
 550 Stravit : & immeritas urbes , Elinque Pylonque ,
 Diruit : inque meos ferrum flammamque penates
 Impulit. Utque alios taceam , quos ille peremit ;
 Bis sex Nelidæ fuimus , conspecta juvenus :
 Bis sex Herculeis ceciderunt , me minus uno ,
 555 Viribus. Atque alios vinci potuisse ferendum est ;
 Mira Periclymeni mors est : cui posse figuras
 Sumere quas vellet , rursusque reponere sumtas
 Neptunus dederat , Nelèi sanguinis auctor.
 Hic , ubi nequicquam est formas variatus in omnes ,

METAMORPHOSEON L. XII. 275

Vertitur in faciem volucris, quæ fulmina curvis 560
Ferre solet pedibus, divûm gratissima Regi.

Viribus usus avis, pennis rostroque redunco,
Hamatisque viri laniaverat unguibus ora.

Tendit id hunc nimum certos Tirynthius arcus;

Atque inter nubes sublimia membra ferentem, 565

Pendentemque ferit, lateri quâ jungitur ala.

Nec grave vulnus erat: sed rupti vulnere nervi

Deficiunt, motumque negant viresque volandi.

Decidit in terram, non concipientibus auras

Infirmis pennis: & quâ levis hæserat alæ, 570

Corporis affixi pressa est gravitate, sagitta;

Perque latus summum jugulo est exacta sinistro.

Num videor debere tui præconia rebus

Herculis, ô! Rhodiæ ductor pulcherrime classis?

Ne tamen ulterius, quàm fortia facta silendo, 575

Ulciscar fratres, solida est mihi gratia tecum.

Hæc post quàm dulci Neleïus edidit ore;

A sermone senis, repetito munere Bacchi,

Surrexere toris: nox est data cetera somno.

At Deus, æquoreas qui cuspide temperat undas, 580

In volucrem corpus nati Stheneleïda versum

Mente dolet patriâ: sævumque perosus Achillen

Exercet memores, plus quàm civiliter, iras.

Jamque ferè tracto duo per quinquennia bello,

Talibus intonsum compellat Smynthea dictis; 585

O! mihi de fratris longè gratissime natis,

Irrita qui mecum posuisti mœnia Trojæ;

Ecquid, ut has jam jam casuras aspicias arces,

Ingemis? aut ecquid tot defendentia muros

Millia cæsa doles? ecquid, ne persequar omnes, 590

Hectoris umbra subit, circum sua Pergama tracti?

Cùm tamen ille ferox, belloque cruentior ipso,

Vivit adhuc, operis nostri populator, Achilles.

Det mihi se: faxo, triplici quid cuspide possim,

M vj

- 595 Sentiat. At quoniam concurrere cominus hosti
Non datur, occultâ necopinum perde sagittâ.
Annuit : atque animo pariter patruoque suoque
Delius indulgens, nebulâ velatus in agmen
Pervenit Iliacum ; mediâque in cæde virorum
- 600 Rara per ignotos spargentem cernit Achivos
Tela Parin : fassusque Deum, Quid spicula perdis
Sanguine plebis ? ait : si qua est tibi cura tuorum,
Vertere in Æaciden, cæsosque ulciscere fratres.
Dixit : & ostendens sternentem Troïa ferro
- 605 Corpora Peliden, arcus obvertit in illum ;
Certaque letiferâ direxit spicula dextrâ.
Quod Priamus gaudere senex post Hectora posset,
Hoc fuit. Ille igitur tantorum victor, Achille,
Vinceris a timido Grajæ raptore maritæ ?
- 610 At si femineo fuerat tibi Marte cadendum,
Thermodontiacâ malles cecidisse bipenni.
Jam timor ille Phrygum, decus & tutela Pelasgî
Nominis, Æacides, caput insuperabile bello,
Arserat ; armârat Deus idem, idemque cremârat.
- 615 Jam cinis est ; & de tam magno restat Achille
Nescio quid, parvam quod non bene compleat urnam.
At vivit, totum quæ, gloria, compleat orbem.
Hæc illi mensura viro respondet : & hac est
Par sibi Pelides, nec inania Tartara sentit.
- 620 Ipse etiam, ut cujus fuerit cognoscere possis,
Bella movet clypeus : deque armis arma feruntur.
Non ea Tydides, non audet Oïleos Ajax,
Non minor Atrides, non regno major & ævo.
Poscere, non alii : soli Telamone creato
- 625 Laërtâque, fuit tantæ fiducia laudis.
A se Tantalides onus invidiamque removit ;
Argolicosque duces mediis considerare castris
Jussit, & arbitrium litis trajecit in omnes.



.. OVIDII NASONIS METAMORPHOSEON

L I B E R X I I I .

CONSEDERE duces ; & , vulgi stante coronâ ,
Surgit ad hos clypei dominus septemplex Ajax :
Utque erat impatiens iræ , Sigeïa torvo
Litora respexit , classemque in litore , vultu ;
Intendensque manus , Agimus , pro Juppiter ! inquit , 5
Ante rates causam ! & mecum confertur Ulysses !
At non Hecstoreis dubitavit cedere flammis ,
Quas ego sustinui , quas hac a classe fugavi.
Tutius est fictis igitur contendere verbis ,
Quàm pugnare manu. Sed nec mihi dicere promptum , 10
Nec facere est isti : quantumque ego marte feroci ,
Quantum acie valeo , tantum valet iste loquendo.
Nec memoranda tamen vobis mea facta , Pelasgi ,
Esse reor ; vidistis enim : sua narret Ulysses ,
Quæ sine teste gerit , quorum nox conscia sola est. 15
Præmia magna peti fateor ; sed demit honorem
Æmulus Ajaci. Non est tenuisse superbum ,
Sit licet hoc ingens , quicquid speravit Ulysses.
Iste tulit pretium jam nunc certaminis hujus ,
Quo , cùm victus erit , mecum certasse feretur. 20
Atque ego , si virtus in me dubitabilis esset ,
Nobilitate potens essem , Telamone creatus ,
Mœnia qui forti Trojana sub Hercule cepit ;
Litoraque intravit Pagasæâ Colcha carinâ .

- 25 Æacus huic pater est : qui jura silentibus illic
 Reddit , ubi Æoliden saxum grave Sisyphon urget.
 Æacon agnoscit summus , prolemque fatetur
 Juppiter esse suam : sic ab Jove tertius Ajax.
 Nec tamen hæc series in causa prosit , Achivi ,
- 30 Si mihi cum magno non est communis Achille.
 Frater erat : fraterna peto. Quid sanguine cretus
 Sisyphio , furtisque & fraude simillimus illi ,
 Inferit Æacidis alienæ nomina gentis ?
 An quod in arma prior , nulloque sub indice veni ,
- 35 Arma neganda mihi ? potiorque videbitur ille ,
 Ultima qui cepit ? detrectavitque furore
 Militiam ficto : donec sollertior isto ,
 Sed sibi inutilior , timidi commenta retexit
 Naupliades animi , vitataque traxit in arma.
- 40 Optima nunc sumat , qui sumere noluit ulla !
 Nos inhonorati , & donis patruelibus orbi ,
 Obtulimus qui nos ad prima pericula , simus !
 Atque utinam , aut verus furor ille , aut creditus esset !
 Nec comes hic Phrygias umquam venisset ad arces
- 45 Hortator scelerum ! non te , Pœantia proles ,
 Expositum Lemnos nostro cum crimine haberet.
 Qui nunc , ut memorant , silvestribus abditus antris
 Saxa moves gemitu , Laërtiadæque precaris ,
 Quæ meruit : quæ , si Dî sunt , non vana preceris.
- 50 Et nunc ille eadem nobis juratus in arma ,
 Heu ! pars una ducum , quo successore sagittæ
 Herculis utuntur , fractus morboque fameque ,
 Velaturque aliturque avibus ; volucresque petendo
 Debita Trojanis exercet spicula fatis.
- 55 Ille tamen vivit , quia non comitavit Ulyssen.
 Mallet & infelix Palamedes esse relictus ;
 Viveret ; aut certè letum sine crimine haberet.
 Quem malè convicti nimium memor iste furoris
 Prodere rem Danaam finxit , fictumque probavit
- 60 Crimen & ostendit , quod jam præfoderat , aurum.

METAMORPHOSEON L. XIII. 279

Ergo aut exsilio vires subduxit Achivis,
Aut nece : sic pugnat , sic est metuendus , Ulysses.
Qui , licet eloquio fidum quoque Nestora vincat ,
Haud tamen efficiet , desertum ut Nestora crimen
Esse rear nullum : qui , cùm imploraret Ulyssen 65
Vulnere tardus equi , fessusque senilibus annis ,
Proditus a socio est. Non hæc mihi crimina fingi
Scit bene Tydides , qui nomine sæpe vocatum
Corripuit ; trepidoque fugam exprobravit amico.
Aspiciunt oculis Superi mortalia justis. 70

En eget auxilio , qui non tulit ; utque reliquit ,
Sic linquendus erat : legem sibi dixerat ipse.
Conclamat socios : adsum , videoque trementem ,
Pallentemque metu , ac trepidantem morte futurâ.
Opposui molem clypei , texique jacentem , 75
Servavique animam , minimum est hîc laudis , inertem.
Si perstas certare , locum redeamus in illum ;
Redde hostem , vulnusque tuum , solitumque timorem ;
Post clypeumque late , & mecum contende sub illo.
At post quàm eripui ; cui standi vulnera vires 80
Non dederant , nullo tardatus vulnere fugit.

Hector adest , secumque Deos in prælia ducit.
Quaque ruit , non tu tantùm terroris , Ulysse ;
Sed fortes etiam : tantùm trahit ille timoris !
Hunc ego , sanguineæ successu cædis ovanter , 85
Cominus ingenti resupinum pondere fudi.
Hunc ego poscentem , cum quo concurreret , unus
Sustinui : sortemque meam vovistis ; Achivi ;
Et vestræ valere preces. Si quæritis hujus
Fortunam pugnae ; non sum superatus ab illo. 90

Ecce ferunt Troës ferrumque , ignemque Jovemque
In Danaas classes : ubi nunc facundus Ulysses ?
Nempe ego mille meo protexi pectore puppes ,
Spem vestri reditûs. Date tot pro navibus arma.
Quod si vera licet mihi dicere ; quæritur istis , 95
Quàm mihi , major honos : conjunctaque gloria nostra est ;

- Atque Ajax armis , non Ajaci arma petuntur.
 Conferat his Ithacus Rhœsum , imbellemque Dolona ,
 Priamidenque Helenum raptâ cum Pallade captum.
- 100 Luce nihil gestum , nihil est , Diomede remoto.
 Si semel ista datis meritis tam vilibus arma ,
 Dividite : & major pars sit Diomedis in illis.
 Quò tamen hæc Ithaco ? qui clam , qui semper inermis
 Rem gerit , & furtis incantum decipit hostem.
- 105 Ipse nitor galeæ , claro radiantis ab auro ,
 Insidias prodet , manifestabitque latentem.
 Sed neque Dulichius sub Achillis casside vertex
 Pondera tanta feret : nec non onerosa gravisque
 Pelias esse potest imbellibus hasta lacertis.
- 110 Nec clypeus , vasti cælatus imagine mundi ,
 Conveniet timidæ , natæque ad furta sinistrae.
 Debilitaturum quid te petis , improbe , munus ?
 Quod tibi si populi donaverit error Achivi ;
 Cur spolieris , erit ; non , cur metuaris ab hoste.
- 115 Et fuga , quâ solâ cunctos , timidissime , vincis ,
 Tarda futura tibi est , gestamina tanta trahenti.
 Adde , quod iste tuus , tam rarò prœlia passus ,
 Integer est clypeus : nostro , qui tela ferendo
 Mille patet plagis , novus est successor habendus.
- 120 Denique , quid verbis opus est ? spectemur agendo :
 Arma viri fortis medios mittantur in hostes ;
 Inde jubete peti , & referentem ornate relatis.

- Finierat Telamone fatus , vulgique secutum
 Ultima murmur erat : donec Laërtius heros
- 125 Astitit : atque oculos , paulum tellure moratos ,
 Sustulit ad proceres ; exspectatoque resolvit
 Ora sono : neque abest facundis gratia dictis.
 Si mea cum vestris valuissent vota , Pelasgi ,
 Non foret ambiguus tanti certaminis heres ;
- 130 Tuque tuis armis , nos te poteremur , Achille.
 Quem quoniam , non æqua mihi vobisque , negârunt

METAMORPHOSEON L. XIII. 281

Fata ; (manumque simul veluti lacrymantia tersit
Lumina :) quis magno melius succedat Achilli ,
Quàm per quem magnus Danaïs successit Achilles ?
Huic modò ne prosit, quod, ut est, hebes esse videtur. 135
Neve mihi noceat , quod vobis semper , Achivi ,
Profuit ingenium : meaque hæc facundia , si qua est ,
Quæ nunc pro domino , pro vobis sæpe locuta est ,
Invidiâ careat : bona nec sua quisque recuset.
Nam genus , & proavos , & quæ non fecimus ipsi , 140
Vix ea nostra voco. Sed enim , quia retulit Ajax
Esse Jovis pronepos , nostri quoque sanguinis auctor
Juppiter est ; totidemque gradus distamus ab illo.
Nam mihi Laërtes pater est , Arcesius illi ,
Juppiter huic: neque in his quisquam damnatus & exsul. 145
Est quoque per matrem Cyllenius addita nobis
Altera nobilitas : Deus est in utroque parente.
Sed neque materno quod sum generosior ortu ,
Nec mihi , quod pater est fraterni sanguinis insons ,
Proposita arma peto : meritis expendite causam. 150
Dummodo quod fratres Telamon Peleusque fuerunt ,
Ajacis meritum non sit : nec sanguinis ordo ,
Sed virtutis honos spoliis quærat in istis.
Aut si proximitas , primusque requiritur heres ;
Est genitor Peleus , est Pyrrhus filius illi. 155
Quis locus Ajaci ? Phthiam Scyronve ferantur.
Nec minùs est isto Teucer patruelis Achilli.
Num petit ille tamen ? num sperat , ut auferat arma ?
Ergo operum quoniam nudum certamen habetur ;
Plura quidem feci , quàm quæ comprehendere dictis 160
In promptu mihi sit : rerum tamen ordine ducar.

Præscia venturi genitrix Nereïa leti
Dissimulat cultu natum : deceperat omnes ,
In quibus Ajacem , sumtæ fallacia vestis.
Arma ego femineis , animum motura virilem , 165
Mercibus inserui : neque adhuc projecerat heros
Virgineos habitus , cùm parmam hastamque tenenti ,

- Nate Deâ , dixi ; tibi se peritura reservant
 Pergama. Quid dubitas ingentem evertere Trojam ?
 170 Injecique manum , fortemque ad fortia misi.
 Ergo opera illius mea sunt : ego Telephon hastâ
 Pugnanti domui : victum orantemque refeci.
 Quod Thebæ cecidere , meum est : me credite Lesbon,
 Me Tenedon, Chrysenque, & Cyllan, Apollinis urbes,
 175 Et Syron cepisse : meâ concussa putate
 Procubuisse solo Lyrnesia mœnia dextrâ.
 Utque alias taceam ; qui sævum perdere posset
 Hæctora , nempe dedi : per me jacet inclytus Hæctor.
 Illis hæc armis , quibus est inventus Achilles ,
 180 Arma peto : vivo dederam , post fata reposco.
 Ut dolor unius Danaos pervenit ad omnes ,
 Aulidaque Euboicam complerunt mille carinæ ;
 Expectata diu , nulla , aut contraria classi ,
 Flamina sunt : duræque jubent Agamemnona sortes
 185 Immeritam sævæ natam mactare Dianæ.
 Denegat hoc genitor , Divisque irascitur ipsis :
 Atque in rege tamen pater est. Ego mite parentis
 Ingenium verbis ad publica commoda verti.
 Nunc equidem fateor , fassoque ignoscat Atrides ;
 190 Difficilem tenui sub iniquo iudice causam.
 Hunc tamen utilitas populi fratrisque , datique
 Summa movet sceptri ; laudem ut cum sanguine penset.
 Mittor & ad matrem ; quæ non hortanda , sed astu
 Decipienda fuit : quo si Telamonius isset ,
 195 Orba suis essent etiamnum lintea ventis.
 Mittor & Iliacas audax orator ad arces ,
 Visaque & intrata est altæ mihi curia Trojæ :
 Plenaque adhuc erat illa viris. Interritus egi ,
 Quam mihi mandârat communis Græcia , causam ;
 200 Accusoque Parin : prædamque Helenamque reposco ;
 Et moveo Priamum , Priamoque Antenora junctum.
 At Paris , & fratres , & qui rapuere sub illo ,
 Vix tenuere manus , scis hoc , Menelæë , nefandas ;

METAMORPHOSEON L. XIII. 283

Primaque lux nostri tecum fuit illa pericli.

Longa referre mora est, quæ consilioque manuque 205
Utiliter feci spatiosi tempore belli.

Post acies primas, urbis se mœnibus hostes

Continuere diu; nec aperti copia Martis

Ulla fuit: decimo demum pugnavimus anno,

Quid facis interea, qui nil nisi prœlia nosti? 210

Quis tuus usus erat? nam si mea facta requiris,

Hostibus insidior: fossas munimine cingo;

Consolor socios, ut longi tœdia belli

Mente ferant placidâ: doceo quo simus alendi

Armandique modo: mittor quò postulat usus. 215

Ecce Jovis monitu, deceptus imagine somni,

Rex jubet incepti curam dimittere belli.

Ille potest auctore suam defendere causam.

Non sinat hoc Ajax, delendaque Pergama poscat;

Quodque potest, pugnet. Cur non remoratur ituros? 220

Cur non arma capit? dat, quod vaga turba sequatur?

Non erat hoc nimium, numquam nisi magna loquenti.

Quid? quod & ipse fugis: vidi, puduitque videre,

Cùm tu terga dares, inhonestaque vela parares.

Nec mora, Quid facitis? quæ vos dementia, dixi, 225

Concitat, ô! socii, captam dimittere Trojam?

Quidve domum fertis decimo, nisi dedecus, anno?

Talibus atque aliis, in quæ dolor ipse disertum

Fecerat; averfos profugâ de classe reduxi.

Convocat Atrides socios terrore paventes; 230

Nec Telamoniades etiam nunc hiscere quicquam

Ausit: at ausus erat reges incessere dictis

Thersites, etiam per me haud impune, protervis.

Erigor: & trepidos cives exhortor in hostem;

Amissamque meâ virtutem voce reposco. 235

Tempore ab hoc, quodcumque potest fecisse videri

Fortiter iste, meum est, quem, dantem terga, retraxi.

Denique de Danaïs quis te laudatve petitve?

At sua Tydides mecum communicat acta;

- 240 Me probat, & socio semper confidit Ulyffe.
 Est aliquid, de tot Grajorum millibus, unum
 A Diomede legi: nec me fors ire jubebat;
 Sic tamen &, spreto noctisque hostisque periclo,
 Ausum eadem, quæ nos, Phrygiâ de gente Dolona
- 245 Interimpo: non ante tamen, quàm cuncta coëgi
 Prodere: & edidici quid perfida Troja pararet.
 Omnia cognoram: nec, quod specularer, habebam;
 Et jam præmissâ poteram cum laude reverti.
 Haud contentus eâ, petiî tentoria Rhesi;
- 250 Inque suis ipsum castris comitesque peremi.
 Atque ita captivo victor, votisque potitus,
 Ingredior curru, lætos imitante triumphos.
 Cujus equos, pretium pro nocte, poposcerat hostis,
 Arma negate mihi: fueritque benignior Ajax.
- 255 Quid Lycii referam Sarpedonis agmina ferro
 Devastata meo? Cum multo sanguine fudi
 Cæranon Iphitiden, & Alastoraque, Chromiumque,
 Alcandrumque, Haliumque, Noëmonaque, Prytaninque,
 Exitioque dedi cum Chersidamante Thoona,
- 260 Et Charopen, fatisque immitibus Ennomon actum;
 Quique minus celebres nostrâ sub mœnibus urbis
 Procubuere manu. Sunt & mihi vulnera, cives,
 Ipso pulchra loco: nec vanis credite verbis.
 Aspiciate, en: (vestemque manu diducit) &, Hæc sunt
- 265 Pectora semper, ait, vestris exercita rebus.
 At nihil impendit per tot Telamonius annos
 Sanguinis in socios, & habet sine vulnere corpus.
 Quid tamen hoc refert? si se pro classe Pelasgâ
 Arma tulisse refert contra Troasque Jovemque.
- 270 Confiteorque, tulit: neque enim bene facta malignæ
 Detrectare meum est: sed nec communia solus
 Occupet, atque aliquem vobis quoque reddat honorem.
 Repulit Aëtorides, sub imagine tutus Achillis,
 Troas ab arsuris cum defensore carinis.
- 275 Ausum etiam Hectoreo solum concurrere Marti

METAMORPHOSEON L. XIII. 285

Se putat, oblitus regisque, ducumque, meique;
Nonus in officio, & prælatus munere fortis.
Sed tamen eventus vestræ, fortissime, pugnæ
Quis fuit? Hæstor abit violatus vulnere nullo.

Me miserum! quanto cogor meminisse dolore 280
Temporis illius, quo, Grajûm murus, Achilles
Procubuit! nec me lacrymæ, luctusve, timorve
Tardarunt, quin corpus humo sublime referrem.
His humeris, his, inquam, humeris ego corpus Achillis,
Et simul arma tuli: quæ nunc quoque ferre laboro. 285
Sunt mihi, quæ valeant in talia pondera, vires;
Est animus, vestros certè sensurus honores.

Scilicet idcirco pro gnato cærule mater
Ambitiosa suo fuit, ut cœlestia dona,
Artis opus tantæ, rudis & sine pectore miles 290
Indueret? neque enim clypei cælamina norit,
Oceanum, & terras, cumque alto sidera cœlo,
Pleiadasque, Hyadasque, immunemque æquoris Arcton,
Diversasque urbes, nitidumque Orionis ense.
Postulat ut capiat, quæ non intelligit, arma. 295

Quid? quod me, duri fugientem munera belli,
Arguit incepto serum accessisse labori:
Nec se magnanimo maledicere sentit Achilli.
Si simulasse vocat crimen, simulavimus ambo.
Si mora pro culpa est, ego sum maturior illo. 300
Me pia detinuit conjux: pia mater Achillen;
Primaque sunt illis data tempora, cetera vobis.
Haud timeo, si jam nequeo defendere crimen
Cum tanto commune viro. Deprensus Ulyssis
Ingenio tamen ille; at non Ajacis, Ulysses. 305

Neve in me stolidæ convicia fundere linguæ
Admiremur eum; vobis quoque digna pudore
Objicit. An falso Palameden crimine turpe
Accusasse mihi, vobis damnassee decorum est?
Sed neque Naupliades facinus defendere tantum, 310
Tamque patens, valuit: nec vos audistis in illo

Crimina , vidistis : pretioque objecta patebant.

Nec Pœantiaden quod habet Vulcania Lemnos ,
Esse reus merui : factum defendite vestrum ;

315 Consensistis enim. Nec me suasisse negabo ,
Ut se subtraheret bellicæ viæque labori ,
Tentaretque feros requie lenire dolores.

Paruit , & vivit. Non hæc sententia tantum
Fida , sed & felix ; cum sit satis esse fidelem.

320 Quem quoniam vates delenda ad Pergama poscunt ,
Ne mandate mihi : melius Telamonius ibit ;
Eloquioque virum morbis iræque furemtem
Molliet , aut aliquâ producet callidus arte.

Ante retro Simois fluet , & sine frondibus Ide

325 Stabit , & auxilium promittet Achaïa Trojæ ;
Quam , cessante meo pro vestris pectore rebus ,
Ajacis stolidi Danaïs sollertia prosit.

Sis licet infestus sociis , regique , mihi que ,
Dure Philoctete ; licet execrere , meumque

330 Devoveas sine fine caput ; cupiasque dolenti
Me tibi forte dari , nostrumque haurire cruorem ;
Utque tui mihi , sic fiat tibi copia nostri ;

Te tamen aggrediar , mecumque reducere nitâr.

Tamque tuis potiar , faveat Fortuna , sagittis ;

335 Quam sum Dardanio , quem cepi , vate potitus ;
Quam responsa Deum , Trojanaque fata , retexi ;
Quam rapui Phrygiæ signum penetræ Minervæ

Hostibus e mediis. Et se mihi comparet Ajax ?

Nempe capi Trojam prohibebant fata sine illis.

340 Fortis ubi est Ajax ? ubi sunt ingentia magni
Verba viri ? cur hic metuis ? cur audet Ulysses
Ire per excubias , & se committere nocti ?

Perque feros enses , non tantum mœnia Troum ,

Verum etiam summas arces intrare : suæque

345 Eripere æde Deam : raptamque efferre per hostes ?

Quæ nisi fecissem , frustra Telamone creatus

Gestasset lævâ taurorum tergora septem.

METAMORPHOSEON L. XIII. 287

Illâ nocte mihi Trojæ victoria parta est :

Pergama tum vici , cùm vinci posse coëgi.

Desine Tydiden vultuque & murmure nobis 350

Ostentare meum : pars est sua laudis in illis.

Nec tu , cùm sociâ clypeum pro classe tenebas ,

Solus eras : tibi turba comes , mihi contigit unus.

Qui , nisi pugnacem sciret sapiente minorem

Esse , nec indomitæ deberi præmia dextræ , 355

Ipse quoque hæc peteret : peteret moderatior Ajax ,

Eurypilusque ferox , claroque Andremonē natus ;

Nec minus Idomeneus , patriâque creatus eâdem

Meriones : peteret majoris frater Atridæ ;

Quippe manu fortes , nec sunt tibi Marte secundi. 360

Consiliis cessere meis. Tibi dextera bello

Utilis ; ingenium est , quod eget moderamine nostri.

Tu vires sine mente geris , mihi cura futuri est.

Tu pugnare potes : pugnandi tempora mecum

Eligit Atrides. Tu tantum corpore prodes ; 365

Nos animo : quantoque ratem quî temperat , anteit

Remigis officium ; quanto dux milite major ,

Tanto ego te supero : nec non in corpore nostro

Pectora sunt potiora manu : vigor omnis in illis.

At vos , ô Proceres , vigili date præmia vestro ; 370

Proque tot annorum curâ , quos anxius egi ,

Hunc titulum meritis pensandum reddite nostris.

Jam labor in fine est : obstantia fata removi ;

Altaque , posse capi faciendo , Pergama cepi.

Per spes nunc socias , casuraque mœnia Troum , 375

Perque Deos oro , quos hosti nuper ademi ;

Per , si quid superest , quod sit sapienter agendum ;

Si quid adhuc audax , ex præcipitique petendum ;

Si Trojæ fatis aliquid restare putatis ;

Este mei memores : aut si mihi non datis arma , 380

Huic date. Et ostendit signum fatâle Minervæ.*

Mota manus procerum est : & , quid facundia posset ,

Re patuit ; fortisque viri tulit arma disertus.

- Hæciora qui solus, qui ferrum, ignemque, Jovemque
 385 Sustinuit toties; unam non sustinet iram;
 Inviſtumque virum vincit dolor. Arripit enſem,
 Et, Meus hic certè eſt: an & hunc ſibi poſcet Ulyſſes?
 Hoc, ait, utendum eſt in me mihi: quique cruore
 Sæpe Phrygum maduit, domini nunc cæde madebit,
 390 Ne quiſquam Ajacem poſſit ſuperare, niſi Ajax.
 Dixit: & in peſtus, tum denique vulnera paſſum,
 Quà patuit ferro, letalem condidit enſem.
 Nec valuere manus infixum educere telum;
 Expulſit ipſe cruor. Rubefactaque ſanguine tellus
 395 Purpureum viridi genuit de ceſpite florem,
 Qui priùs Œbalio fuerat de vulnere natus.
 Litera communis mediis pueroque viroque
 Inſcripta eſt foliis: hæc nominis, illa querelæ.

- Viſtor ad Hypſipyles patriam clarique Thoantis,
 400 Et veterum terras infames cæde virorum,
 Tranſierat: tandem portu votoque potitus
 Vela dat; ut referat, Tirynthia tela, ſagittas.
 Quæ poſt quàm ad Grajos, domino comitante, revexit,
 Impoſita eſt ſero tandem manus ultima bello.
 405 Troja ſimul Priamusque cadunt: Priameia conjux
 Perdidit infelix hominis, poſt omnia, formam,
 Externasque novo latratu terruit auras.

- Longus in anguſtum quà clauditur Hellespontus,
 Ilion ardebat; neque adhuc confederat ignis;
 410 Exiguumque ſenis Priami Jovis ara cruorem
 Combiberat: tractata comis antiſtita Phœbi
 Non profeſturas tendebat ad æthera palmas.
 Dardanidas matres, patriorum ſigna Deorum,
 Dum licet, amplexas, ſuccenſaque templa tenentes,
 415 Invidioſa trahunt viſtores præmia Graji.
 Mittitur Aſtynax illis de turribus, unde
 Pugnantem pro ſe, proavitaque regna tuentem,
 Sæpe videre patrem, monſtratum a matre, ſolebat.

Jamque

Jamque viam suadet Boreas , flatuque secundo
 Carbasa mota sonant : jubet uti navita ventis. 420
 Troja , vale : rapimur , clamant , dantque oscula terræ ,
 Troades , & patriæ fumantia tecta relinquunt.
 Ultima conscendit classem , (miserabile visu !)
 In mediis Hecube natorum inventa sepulcris.
 Prenfantem tumulos , atque ossibus oscula dantem 425
 Dulichiæ traxere manus : tamen unius hausit ,
 Inque sinu cineres secum tulit Hæctoris haustos.
 Hæctoris in tumulo canum de vertice crinem ,
 Inferias inopes , crinem lacrymasque relinquit.

Est , ubi Troja fuit , Phrygiæ contraria tellus , 430
 Bistoniis habitata viris. Polymeſtoris illic
 Regia dives erat , cui te commisit alendum
 Clam , Polydore , pater , Phrygiisque removit ab armis.
 Consilium sapiens : sceleris nisi præmia magnas
 Adjecisset opes , animi irritamen avari. 435
 Ut cecidit Fortuna Phrygum , capit impius ense
 Rex Thracum , juguloque sui defigit alumni ;
 Et , tamquam tolli cum corpore crimina possent ,
 Exanimem e scopulo subjectas misit in undas.

Litore Threïcio classem religarat Atrides , 440
 Dum mare pacatum , dum ventus amior esset.
 Hic subito , quantus , cum viveret , esse solebat ,
 Exit humo late ruptâ ; similisque minaci ,
 Temporis illius vultum referebat Achilles ,
 Quo ferus injusto petiit Agamemnona ferro. 445
 Immemoresque mei disceditis , inquit , Achivi ?
 Obrutaque est mecum virtutis gratia nostræ ?
 Ne facite : utque meum non sit sine honore sepulcrum ,
 Placet Achillæos mactata Polyxena manes.
 Dixit : & , immiti fociis parentibus Umbræ , 450
 Rapta sinu matris , quam jam prope sola fovebat ,
 Fortis , & infelix , & plus quam femina , virgo ,
 Ducitur ad tumulum , diroque fit hostia busto.
 Quæ memor ipsa sui , post quam crudelibus aris

- 455 Admota est, sensitque sibi fera sacra parari;
 Utque Neoptolemum stantem, ferrumque tenentem,
 Inque suo vidit figentem lumina vultu;
 Utere jamdudum generoso sanguine, dixit.
 Nulla mora est: at tu jugulo, vel pectore, ferrum
- 460 Conde meo: jugulumque simul pectusque retexit.
 Scilicet aut ulli servire Polyxena ferrem,
 Aut per tale sacrum numen placabitur ullum.
 Mors tantum vellem matrem mea fallere posset.
 Mater obest, minuitque necis mihi gaudia: quamvis
- 465 Non mea mors illi, verum sua vita gemenda est.
 Vos modò, ne Stygios adeam non libera Manes,
 Este procul, si justa peto: tactuque viriles
 Virgineo removete manus. Acceptor illi,
 Quisquis is est, quem cæde meâ placare paratis,
- 470 Liber erit sanguis. Si quos tamen ultima nostri
 Vota movent oris; Priami vos filia regis,
 Non captiva, rogat: genitrici corpus inemtum
 Reddite: neve auro redimat jus triste sepulcri,
 Sed lacrymis: tunc, cum poterat, redimebat & auro.
- 475 Dixerat. At populus lacrymas, quas illa tenebat,
 Non tenet: ipse, etiam flens invitusque, sacerdos
 Præbita conjecto rupit præcordia ferro.
 Illa, super terram, defesto poplite, labens,
 Pertulit intrepidos ad fata novissima vultus.
- 480 Tunc quoque cura fuit partes velare pudendas,
 Cum caderet, castique decus servare pudoris.
 Troades excipiunt; deploratosque recensent
 Priamidas, & quid dederit domus una cruoris.
 Teque gemunt, virgo; teque, ô! modò regia conjux,
- 485 Regia dicta parens, Asiæ florentis imago;
 Nunc etiam prædæ mala fors: quam victor Ulysses
 Esse suam nollet, nisi quod tamen Hæctora partu
 Edideras: dominum matri vix reperit Hæctor.
 Quæ corpus complexa animæ tam fortis inane,
- 490 Quas toties patriæ dederat, natisque, viroque,

Huic quoque dat lacrymas : lacrymas in vulnera fundit ,
 Osculaque ore legit : consuetaque pectora plangit ;
 Canitiemque suam concreto in sanguine verrens ,
 Plura quidem , sed & hæc , laniato pectore , dixit.

Nata tuæ, (quid enim superest?) dolor ultime matri, 495
 Nata , jaces ! videoque tuum , mea vulnera , vulnus !
 En , ne perdiderim quemquam sine cæde meorum ,
 Tu quoque vulnus habes. At te , quia femina , rebar
 A ferro tutam : cecidisti & femina ferro.

Totque tuos idem fratres , te perdidit idem , 500
 Exitium Trojæ , nostrique orbator , Achilles.

At post quàm cecidit Paridis Phœbique sagittis ;
 Nunc certè , dixi , non est metuendus Achilles.
 Nunc quoque mihi metuendus erat : cinis ipse sepulti
 In genus hoc sævit : tumulo quoque sensimus hostem. 505

Æacidæ fecunda fui : jacet Ilion ingens ,
 Eventuque gravi finita est publica clades ;
 Si finita tamen. Soli mihi Pergama restant ;
 In cursuque meus dolor est. Modò maxima rerum ,
 Tot generis natisque potens , nuribusque , viroque , 510

Nunc trahor exsul , inops , tumultis avulsa meorum ,
 Penelopæ munus : quæ me , data pensa trahentem ,
 Matribus ostendens Ithacis , Hæc Hæctoris illa est
 Clara parens : hæc est , dicet , Priamæia conjux.

Postque tot amissos tu nunc , quæ sola levabas 515
 Maternos luctus , hostilia busta piaſti.

Inferias hosti peperit. Quò ferrea resto ?
 Quidve moror ? quò me servas , damnoſa ſeneſtus ?
 Quid , Dî crudeles , niſi uti nova ſunera cernam ,
 Vivacem differtis anum ? quis poſſe putaret 520

Felicem Priamum , poſt diruta Pergamam , dici ?
 Felix morte ſuâ : nec te , mea nata , peremtam
 Aſpicit : & vitam pariter regnumque reliquit.

At , puto , funeribus dotabere , regia virgo ;
 Condeturque tuum monumentis corpus avitis. 525
 Non hæc eſt Fortuna domûs. Tibi munera matris

- Contingent fletus , peregrinæque haustus arenæ.
 Omnia perdidimus. Superest , cur-vivere tempus
 In breve sustineam , proles gratissima matri ,
 530 Nunc solus , quondam minimus de stirpe virili ,
 Has datus Ismario regi Polydorus in oras.
 Quid moror interea crudelia vulnera lymphis
 Abluere , & sparfos immiti sanguine vultus ?
 Dixit : & ad litus passu processit anili ,
 535 Albentes laniata comas. Date , Troades , urnam ,
 Dixerat infelix , liquidas hauriret ut undas ;
 Aspicit ejectum Polydori in litore corpus ,
 Factaque Threïciis ingentia vulnera telis.
 Troades exclamant : obmutuit illa dolore ;
 540 Et pariter vocem , lacrymasque introrsus obortas
 Devorat ipse dolor : duroque simillima saxo
 Torpet : & adversâ figit modò lumina terrâ ,
 Interdum torvos sustollit ad æthera vultus ;
 Nunc positi spectat vultum , nunc vulnera , nati ;
 545 Vulnera præcipuè : seque armat & instruit irâ.
 Quâ simul exarsit , tamquam regina maneret ,
 Ulcisci statuit ; pœnæque in imagine tota est.
 Utque furit catulo lactente orbata læna ;
 Signaque nacta pedum , sequitur , quem non videt , hostem ;
 550 Sic Hecube , post quàm cum luctu miscuit iram ,
 Non oblita animorum , annorum oblita suorum ,
 Vadit ad artificem diræ Polymestora cædis ;
 Colloquiumque petit : nam se monstrare relictum
 Velle latens illi , quod nato redderet , aurum.
 555 Credidit Odrysius : prædæque assuetus amore
 In secreta venit : cum blando callidus ore ,
 Tolle moras , Hecube , dixit : da munera nato.
 Omne fore illius quod das , quod & ante dedisti ,
 Per Superos juro. Spectat truculenta loquentem ,
 560 Falsaque jurantem ; tumidâque exæstuat irâ ;
 Atque ita correptum captivarum agmine matrum
 Involat , & digitos in perfida lumina condit ;

METAMORPHOSEON L. XIII. 293

Exspoliatque genas oculis , (facit ira valentem ,)
Immergitque manus : fœdataque sanguine fonti
Non lumen, neque enim superest, loca luminis haurit. 565
Clade sui Thracum gens irritata tyranni
Troada telorum lapidumque incessere jactu
Cœpit : at hæc missum rauco cum murmure saxum
Morsibus insequitur : rictuque in verba parato
Latravit , conata loqui. Locus exstat , & ex re 570
Nomen habet : veterumque diu memor illa malorum ,
Tum quoque Sithonios ululavit mæsta per agros.
Illius Troasque suos , hostesque Pelasgos ,
Illius Fortuna Deos quoque moverat omnes ;
Sic omnes , ut & ipsa Jovis conjuxque , sororque , 575
Eventus Hecubam meruisse negaverit illos.

Non vacat Auroræ , quamquam isdem faverat armis ,
Cladibus & casu Trojæque Hecubæque moveri.
Cura Deam propior , luctusque domesticus angit
Memnonis amissi , Phrygiis quem lutea campis 580
Vidit Achilleâ pereuntem cuspide mater.
Vidit ; & ille color , quo matutina rubescunt
Tempora , palluerat : latuitque in nubibus æther.
At non impositos supremis ignibus artus
Sustinuit spectare parens : sed , crine soluto , 585
Sicut erat , magni genibus procumbere non est
Dedignata Jovis , lacrymisque has addere voces.
Omnibus inferior , quas sustinet aureus æther ,
Nam mihi sunt totum rarissima templa per orbem ,
Diva tamen venio : non ut delubra , diesque 590
Des mihi sacrificos , caliturasque ignibus aras.
Si tamen aspicias , quantum tibi femina præstem ,
Tum cùm luce novâ noctis confinia servo ,
Præmia danda putes. Sed non ea cura , neque hic est
Nunc status Auroræ , meritos ut poscat honores. 595
Memnonis orba mei venio : qui fortia frustra
Pro patruo tulit arma suo ; primisque sub annis

- Occidit a forti, sic vos voluistis, Achille. ●
 Da, precor, huic aliquem, solatia mortis, honorem,
 600 Summe Deū rector; maternaque vulnera leni.
 Juppiter annuerat, cū Memnonis arduus alto
 Corruit igne rogos; nigrique volumina fumi
 Infecere diem: veluti cū flumina natas
 Exhalant nebulas, nec Sol admittitur infra.
 605 Atra favilla volat, glomerataque corpus in unum
 Densatur; faciemque capit, sumitque calorem
 Atque animam ex igni. Levitas sua præbuit alas.
 Et primò similis volucris, mox vera volucris
 Insonuit pennis: pariter sonuere sorores
 610 Innumeræ, quibus est eadem natalis origo.
 Terque rogom lustrant, & consonus exit in auras
 Ter clangor: quarto seducunt castra volatu.
 Tum duo diversâ populi de parte feroces
 Bella gerunt: rostrisque & aduncis unguibus iras
 615 Exercent, alasque adversaque pectora lassant;
 Inferiæque cadunt cineri cognata sepulto
 Corpora, seque viro forti meminere creatas.
 Præpetibus subitis nomen facit auctor: ab illo
 Memnonides dictæ. Cū Sol duodena peregit
 620 Signa, parentali perituræ marte rebellant.
 Ergo aliis latrasse Dymantida flebile visum;
 Luctibus est Aurora suis intenta; piasque
 Nunc quoque dat lacrymas, & toto rorat in orbe.

- Nec tamen everfam Trojæ cum mœnibus esse
 625 Spem quoque fata sinunt: sacra, & sacra altera, patrem,
 Fert humeris, venerabile onus, Cythereius heros.
 De tantis opibus prædam pius eligit illam,
 Ascâniumque suum: profugâque per æquora classe
 Fertur ab Antandro: scelerataque limina Thracum,
 630 Et Polydorœo manantem sanguine terram
 Linqvit: & utilibus ventis, æstuque secundo
 Intrat Apollineam, sociis comitantibus, urbem.

METAMORPHOSEON L. XIII. 295

Hunc Anius , quo rege homines , antistite Phœbus
Rite colebantur , temploque domoque recepit ;
Urbemque ostendit , delubraque vota , duasque 635
Latonâ quondam stirpes pariente retentas.
Ture dato flammis , vinoque in tura profuso ,
Cæforumque boum fibris de more crematis ,
Regia tecta petunt : positique tapetibus altis
Munera cum liquido capiunt Cerealia Baccho. 640
Tum pius Anchises : O ! Phœbi leste sacerdos ,
Fallor ? an & natum , cum primùm hæc mœnia vidi ,
Bisque duas natas , quantum reminiscor , habebas ?
Huic Anius , niveis circumdata tempora vittis
Concutiens , & tristis , ait : Non falleris , heros 645
Maxime : natorum vidisti quinque parentem.
Quem nunc , tanta homines rerum inconstantia versat !
Pæne vides orbem : quid enim mihi filius absens
Auxilii ? quem dicta suo de nomine tellus
Andros habet , pro patre locumque & regna tenentem. 650
Delius augurium dedit huic : dedit altera Liber
Femineæ sorti voto majora fideque
Munera : nam tactu natarum cuncta mearum
In segetem , laticemque meri , baccamque Minervæ
Transformabantur : divesque erat usus in illis. 655
Hoc ubi cognovit , Trojæ populator , Atrides ,
Ne non ex aliqua vestram sensisse procellam
Nos quoque parte putes , armorum viribus usus ,
Abstrahit invitas gremio genitoris : alantque
Imperat Argolicam cœlesti munere classem. 660
Effugiunt quo quæque potest. Eubœa duabus ,
Et totidem natis Andros fraterna petita est.
Miles adest ; & , ni dedantur , bella minatur.
Vista metu pietas consortia pectora pœnæ
Dedit : & ut timido possis ignoscere fratri , 665
Non hic Æneas , non , qui defenderet Andron ,
Hector erat ; per quos decimum durastis in annum.
Jamque parabantur captivis vincla lacertis :

Illæ tollentes etiamnum libera cœlo

- 670 Brachia ; Bacche pater , fer opem , dixere : tulitque
Muneris auctor opem : si miro perdere more
Ferre vocatur opem. Nec quâ ratione figuram
Perdiderint , potui scire , aut nunc dicere possim.
Summa mali nota est : pennas sumfere , tuæque
675 Conjugis in volucrem , niveas abiere columbas.

Talibus atque aliis post quàm convivia dictis

Implerunt ; mensâ , somnum petiere , remotâ.

Cùmque die surgunt , adeuntque oracula Phœbi ;

Qui petere antiquam matrem , cognataque jussit

- 680 Litora. Prosequitur rex , & dat munus ituris ,

Anchisæ sceptrum , chlamydem pharetramque nepoti ,

Cratera Æneæ , quem quondam miserat illi

Hospes ab Aoniis Therfes Ismenius oris.

Miserat hunc illi Therfes , fabricaverat Alcon

- 685 Myleus , & longo cælaverat argumento.

Urbs erat : & septem posses ostendere portas.

Hæ pro nomine erant , & , quæ foret illa , docebant.

Ante urbem exsequiæ , tumulique , ignesque , rogi que ,

Effusæque comas , & apertæ pectora , matres

- 690 Significant luctum. Nymphæ quoque flere videntur ,

Siccatosque queri fontes : sine frondibus arbos

Nuda riget : rodunt arentia saxa capellæ.

Ecce facit mediis , natas Orione , Thebis ,

Hanc non femineum jugulo dare pectus aperto ,

- 695 Illam demisso per fortia vulnera telo

Pro populo cecidisse suo ; pulchrisque per urbem

Funeribus ferri , celebrique in parte cremari ;

Tum de virginea geminos exire favillâ ,

Ne genus intereat , juvenes , quos fama Coronas

- 700 Nominat , & cineri materno ducere pompam.

Haftenus : antiquo signis fulgentibus ære ,

Summus inaurato crater erat asper acantho.

Nec leviora datis Trojani dona remittunt ;

METAMORPHOSEON L. XIII. 297

Dantque sacerdoti , custodem turis , acerram ;
 Dant pateram , claramque auro gemmisque coronam. 705
 Inde recordati Teucros a sanguine Teucri
 Ducere principium , Creten tenuere ; locique
 Ferre diu nequiere Jovem : centumque relictis
 Urbibus , Ausonios optant contingere portus.
 Sævit hiems, jactatque viros : Strophadumque receptos 710
 Portubus infidis exterruit ales Aëлло.
 Et jam Dulichios portus , Ithacamque , Samenque ,
 Neritiasque domos , regnum fallacis Ulyssæi ,
 Præter erant vestî : certatam lite Deorum
 Ambraciam , versique vident sub imagine saxum 715
 Judicis , Asiaco quæ nunc ab Apolline nota est ,
 Vocalemque suâ terram Dodonida quercu ,
 Chaoniosque sinus , ubi nati rege Molosso
 Irrita subjectis fugere incendia pennis.
 Proxima Phæacum , felicibus obsita pomis , 720
 Rura petunt : Epiros ab his , regnataque vati
 Buthrotos Phrygio , simulataque Troja tenentur.
 Inde futurorum certi , quæ cuncta fideli
 Priamides Helenus monitu prædixerat , intrant
 Sicaniam. Tribus hæc excurrit in æquora linguis ; 725
 E quibus imbriferos obversa Pachynos ad Austros ;
 Mollibus expositum Zephyris Lilybæon : at Arcton
 Æquoris expertem spectat , Boreanque Peloros. ,
 Hac subeunt Teucri : remisque æstuque secundo ,
 Sub noctem potitur Zancleâ classis arenâ. 730
 Scylla latus dextrum , lævum irrequieta Charybdis
 Infestant : vorat hæc , raptas revomitque , carinas ;
 Illa feris atram canibus succingitur alvum ,
 Virginis ora gerens : & , si non omnia vates
 Ficta reliquerunt , aliquo quoque tempore virgo. 735
 Hanc multi petiere proci : quibus illa repulsis
 Ad pelagi Nymphas , pelagi gratissima Nymphis ,
 Ibat : & elusos juvenum narrabat amores.
 Quam , dum pestendos præbet Galatæa capillos ,

298 *P. OVIDII NASONIS*

- 740 Talibus alloquitur , repetens suspiria , dictis.
Te tamen , ô ! virgo , genus haud immite virorum
Expetit ; utque facis , potes his impune negare ;
At mihi , cui pater est Nereus , quam cœrula Doris
Enixa est ; quæ sum turbâ quoque tuta sororum ,
- 745 Non , nisi per fluctus , licuit Cyclopis amorem
Effugere : & lacrymæ vocem impediere loquentis.
Quas ubi marmoreo deterisit pollice virgo ,
Et solata Deam est ; Refer , ô ! carissima , dixit ;
Neve tui causam tege , sum tibi fida , doloris.
- 750 Nereis his contra refecuta Cratæide natam.
Acis erat , Fauno Nymphâque Symæthide cretus ,
Magna quidem patrisque sui matrisque voluptas ,
Nostra tamen major. Nam me sibi junxerat uni
Pulcher : & , ostonis iterum natalibus ælis ,
- 755 Signârat dubiâ teneras lanugine malas.
Hunc ego , me Cyclops , nullo cum fine petebat.
Nec , si quæsieris , odium Cyclopis , amorne
Acidis in nobis fuerit præsentior , edam.
Par utrimque fuit. Prô ! quanta potentia regni
- 760 Est , Venus alma , tui ! nempe ille immitis , & ipsis
Horrendus silvis , & visus ab hospite nullo
Impune , & magni cum Dis contemtor Olympi ,
Quid sit amor , sentit : nostrique cupidine captus
Uritur , oblitus pecorum antrorumque suorum.
- 765 Jamque tibi formæ , jamque est tibi cura placendi ;
Jam rigidos pestis rastris , Polypheme , capillos.
Jam libet hirsutam tibi falce recidere barbam ,
Et spectare feros in aqua , & componere , vultus.
Cædis amor , feritasque , sitisque immensa cruoris ,
- 770 Cessant : & tutæ veniunt abeuntque carinæ.
Telemus interea Siculam delatus ad Ætner ,
Telemus Eurymides , quem nulla fefellerat ales ,
Terribilem Polyphemon adit ; Lumenque , quod unum
Fronte geris mediâ , rapiet tibi , dixit , Ulysses.
- 775 Risit , & , O ! vatum celeberrime , falleris , inquit ;

METAMORPHOSEON L. XIII. 299

Altera jam rapuit. Sic frustra vera monentem
 Spernit : & aut gradiens ingenti litora passu
 Degravat , aut fessus sub opaca revertitur antra.
 Prominet in pontum , cuneatus acumine longo ,
 Collis : utrumque latus circumfluit æquoris unda. 780
 Huc ferus ascendit Cyclops , mediusque refedit.
 Lanigeræ pecudes , nullo ducente , secutæ.
 Cui post quàm pinus , baculi quæ præbuit usum ,
 Ante pedes posita est , antennis apta ferendis ;
 Sumtaque arundinibus compacta est fistula centum , 785
 Senferunt toti pastoria sibila montes ;
 Senferunt undæ : latitans ego rupe , meique
 Acidis in gremio residens , procul auribus hausi
 Talia dicta meis , auditaque mente notavi.
 Candidior nivei folio , Galatæa , ligustri ; 790
 Floridior pratis ; longâ procerior alno ,
 Splendidior vitro , tenero lascivior hædo ,
 Lævior assiduo detritis æquore conchis ;
 Solibus hibernis , æstivâ gratior umbrâ ,
 Nobilior pomis , platano conspectior altâ , 795
 Lucidior glacie ; maturâ dulcior uvâ ,
 Mollior & cygni plumis , & lacte coacto ;
 Et , si non fugias , riguo formosior horto.
 Sævior indomitis eadem Galatæa juvenis ,
 Durior annosâ quercu , fallacior undis ; 800
 Lentior & falicis virgis , & vitibus albis ;
 His immobilior scopulis , violentior amne ,
 Laudato pavone superbior , acrior igni ,
 Asperior tribulis , fetâ truculentior ursâ ,
 Surdior æquoribus , calcato immitior hydro ; 805
 Et , quod præcipue vellem tibi demere , possem !
 Non tantum cervo , claris latratibus æsto ,
 Verum etiam ventis , volucrique fugacior aurâ.
 At , bene si nôris , pigeat fugisse ; morasque
 Ipsa tuas damnes , & me retinere labores. 810
 Sunt mihi , pars montis , vivo pendentia saxo

N vj

300 P. OVIDII NASONIS

- Antra ; quibus nec Sol medio sentitur in æstu ,
 Nec sentitur hiems : sunt poma gravantia ramos ;
 Sunt auro similes longis in vitibus uvæ ;
- 815 Sunt & purpureæ : tibi & has servamus & illas.
 Ipsa tuis manibus , silvestri nata sub umbrâ ,
 Mollia fraga leges : ipsa autumnalia corna ,
 Prunaeque , non solum nigro liventia succo ,
 Verum etiam generosa , novasque imitantia ceras.
- 820 Nec tibi castaneæ , me conjuge , nec tibi deerunt
 Arbutei fetus. Omnis tibi serviet arbor.
- Hoc pecus omne meum est : multæ quoque vallibus errant ;
 Multas silva tegit : multæ stabulantur in antris.
 Nec , si fortè roges , possim tibi dicere , quot sint.
- 825 Pauperis est numerare pecus. De laudibus harum
 Nil mihi credideris : præsens potes ipsa videre ,
 Ut vix sustineant distentum cruribus uber.
 Sunt , fetura minor , tepidis in ovilibus agni ;
 Sunt quoque , par ætas , aliis in ovilibus hædi.
- 830 Lac mihi semper adest niveum : pars inde bibenda
 Servatur : partem liquefacta coagula durant.
 Nec tibi deliciæ faciles , vulgataque tantum
 Munera contingent , damæ , leporesque , capræque ,
 Parve columbarum , demtusve cacumine nidus ;
- 835 Inveni geminos , qui tecum ludere possint ,
 Inter se similes , vix ut dignoscere possis ,
 Villosæ catulos in summis montibus ursæ.
 Inveni : & dixi , Dominæ servabimus istos.
 Jam modò cæruleo nitidum caput exsere ponto ;
- 840 Jam , Galatæa , veni ; nec munera despice nostra.
 Certè ego me novi , liquidæque in imagine vidi
 Nuper aquæ ; placuitque mihi mea forma videnti.
 Aspice , sim quantus. Non est hoc corpore major
 Juppiter in cælo : nam vos narrare soletis
- 845 Nescio quem regnare Jovem. Coma plurima torvos
 Prominet in vultus : humerosque , ut lucus , obumbrat.
 Nec mihi quod rigidis horrent densissima setis

METAMORPHOSEON L. XIII. 301

Corpora, turpe puta : turpis sine frondibus arbos ;
Turpis equus, nisi colla jubæ flaventia velent.
Pluma tegit volucres : ovibus suâ lana decori est ; 850
Barba viros, hirtæque decent in corpore setæ.
Unum est in media lumen mihi fronte, sed instar
Ingentis clypei : quid ? non hæc omnia magno
Sol videt e cœlo ? Soli tamen unicus orbis.
Adde, quod in vestro genitor meus æquore regnat. 855
Hunc tibi do focerum : tantum miserere, precesque
Supplicis exaudi : tibi enim succumbimus uni.
Quique Jovem, & cœlum sperno, & penetrabile fulmen,
Nerei, te vereor : tua fulmine sævior ira est.
Atque ego contentus essem patientior hujus, 860
Si fugeres omnes. Sed cur, Cyclope repulso,
Acin amas, præfersque meis amplexibus Acin ?
Ille tamen placeatque sibi, placeatque licebit,
Quod nollem, Galatæa, tibi, modò copia detur,
Sentiet esse mihi tanto pro corpore vires. 865
Viscera viva traham : divulsaque membra per agros,
Perque tuas spargam, sic se tibi misceat, undas.
Uror enim ; læsusque exæstuat acrius ignis ;
Cumque suis videor translatam viribus Ætnam
Pectore ferre meo : nec tu, Galatæa, moveris. 870
Talia nequicquam questus, nam cuncta videbam,
Surgit : & ut taurus vaccâ furibundus ademtâ
Stare nequit, silvâque & notis saltibus errat.
Cum ferus ignaros ; nec quicquam tale timentes,
Me videt atque Acin : Videoque, exclamat ; & , ista 875
Ultima sit, faciam, Veneri concordia vestræ.
Tantaque vox, quantam Cyclops iratus habere
Debuit, illa fuit. Clamore perhorruit Ætnæ.
Ast ego vicino pavescit sub æquore mergor.
Terga fugæ dederat conversa Symæthius heros ; 880
Et, Fer opem, Galatæa, precor, mihi : ferte parentes,
Dixerat, & vestris periturum admittite regnis.
Insequitur Cyclops : partemque e monte revulsam

- Mittit, &, extremus quamvis pervenit ad illum
 885 Angulus e saxo, totum tamen obruit Acin.
 At nos, quod fieri solum per fata licebat,
 Fecimus; ut vires assumeret Acis avitas.
 Puniceus de mole cruor manabat, & intra
 Temporis exiguum rubor evanescere cœpit:
 890 Fitque color primo turbati fluminis imbre,
 Purgaturque morâ. Tum moles jacta dehiscit,
 Vivaque per rimas, proceraque surgit arundo;
 Osque cavum faxi sonat exsultantibus undis.
 Miraque res! subito mediâ tenus exstitit alvo
 895 Incinctus juvenis flexis nova cornua cannis.
 Qui, nisi quod major, quod toto cœrulus ore est,
 Acis erat. Sed sic quoque erat tamen Acis in amnem
 Versus: & antiquum tenuerunt flumina nomen.

- Desierat Galatœa loqui, cœtuque soluto,
 900 Discedunt; placidisque natant Nereïdes undis.
 Scylla redit: neque enim medio se credere ponto
 Audet; & aut bibulâ sine vestibis errat arenâ,
 Aut ubi lassata est, seductos nacta recessus
 Gurgitis, inclusâ sua membra refrigerat undâ.
 905 Ecce fretum findens alti novus incola ponti,
 Nuper in Euboïca versis Anthedone membris,
 Glaucus adest: visæque cupidine virginis hæret;
 Et, quæcumque putat fugientem posse morari,
 Verba refert: fugit illa tamen: veloxque timore
 910 Pervenit in summum positi prope litora montis.
 Ante fretum, est ingens, apicem collectus in unum,
 Longa sine arboribus convexus ad æquora, vertex.
 Constat hic: & tuta loco, monstrumne, Deusne
 Ille sit, ignorans, admiraturque colorem,
 915 Cæsariemque humeros, subjectaque terga, tegentem,
 Ultimaque excipiat quod tortilis inguina piscis.
 Sentit: & innitens, quæ stabat proxima, moli;
 Non ego prodigium, non sum fera bellua, virgo;

METAMORPHOSEON L. XIII. 303

Sum Deus, inquit, aquæ : nec majus in æquora Proteus
Jus habet, aut Triton, Athamantiadesve Palæmon. 920
Ante tamen mortalis eram : sed scilicet altis
Deditus æquoribus, jam tum exercebar in illis.
Nam modò ducebam ducentia retia pisces,
Nunc, in mole sedens, moderabar arundine linum.
Sunt viridi prato confinia litora, quorum 925
Altera pars undis, pars altera cingitur herbis,
Quas neque cornigeræ morfu læseré juvencæ;
Nec placidæ carpsistis, oves, hirtæve capillæ.
Non apis inde tulit collectos sedula flores;
Non data sunt capiti genialia ferta, nec umquam 930
Falciferæ secuere manus. Ego primus in illo
Cespite confedi, dum lina madentia sicco.
Utque recenserem captivos ordine pisces,
Insuper exposui, quos aut in retia casus,
Aut sua credulitas in aduncos egerat hamos. 935
Res similis fictæ ! sed quid mihi fingere prodest ?
Gramine contacto, cœpit mea præda moveri,
Et mutare latus ; terræque, ut in æquore, niti.
Dumque moror, mirorque simul, fugit omnis in undas
Turba suas : dominumque novum, litusque, relinquunt. 940
Obstupui : dubiusque diu ; quæ causa, requiro ;
Num Deus hoc aliquis, num succus fecerit herbæ.
Quæ tamen has, inquam, vires habet herba ? manuque
Pabula decerpsi, decerptaque dente momordi.
Vix bene combiberant ignotos guttura succos, 945
Cum subito trepidare intus præcordia sensi ;
Alteriusque rapi naturæ pectus amore.
Nec potui restare loco : Repetendaque numquam
Terra, vale, dixi : corpusque sub æquora mersi.
Dî maris exceptum socio dignantur honore ; 950
Utque mihi, quæcumque feram, mortalia demant,
Oceanum Tethynque rogant. Ego lustror ab illis ;
Et, purgante nefas novies mihi carmine dicto,
Pectora fluminibus jubeor supponere centum.

- 955 Nec mora : diversis lapsi de fontibus amnes ,
 Totaque vertuntur supra caput æquora nostrum.
 Hæstenus acta mihi possum memoranda referre ;
 Hæstenus & memini : nec mens mea cetera sensit.
 Quæ post quàm rediit , alium me corpore toto ,
 960 Ac fueram nuper , nec eundem mente , recepi.
 Hanc ego tum primùm viridem ferrugine barbam ,
 Cæsariemque meam , quam longa per æquora verro ,
 Ingentesque humeros , & cærule brachia vidi ,
 Cruraque pinnigero curvata novissima pisce.
 965 Quid tamen hæc species , quid Dis placuisse marinis ,
 Quid juvat esse Deum , si tu non tangeris istis ?
 Talia dicentem , dicturum plura , reliquit
 Scylla Deum : furit ille , irritatusque repulsâ
 Prodigiousa petit Titanidos atria Circes.





OVIDII NASONIS
METAMORPHOSEON
LIBER XIV.

JAMQUE Gigantæis injectam faucibus Ætnen ,
Arvaque Cyclopum , quid rastra , quid usus aratri
Nescia , nec quicquam junctis debentia bubus ,
Liquerat Euboicus tumidarum cultor aquarum ;
Liquerat & Zanclen , adversaque mœnia Rhegi , 5
Navifragumque fretum , gemino quod litore pressum
Ausoniæ Siculæque tenet confinia terræ.
Inde , manu magnâ Tyrrhena per æquora lapsus ,
Herbiferos adiit colles , atque atria Glaucus
Sole fatæ Circes , variarum plena ferarum. 10
Quam simul aspexit ; dictâ acceptâque salute ,
Diva , Dei miserere , precor : nam sola levare
Tu potes hunc , dixit , videar modò dignus , amorem.
Quanta sit herbarum , Titani , potentia nulli ,
Quàm mihi , cognitius , qui sum mutatus ab illis. 15
Neve mei non nota tibi sit causa furoris ;
Litore in Italico , Messania mœnia contra ,
Scylla mihi visa est : pudor est promissa , precesque ,
Blanditiasque meas , contemptaque verba referre.
At tu , sive aliquid regni est in carmine , carmen 20
Ore move sacro : sive expugnacior herba est ;
Utere tentatis operosæ viribus herbæ.
Nec medeare mihi , sanesque hæc vulnera , mando ;

- Fineque nil opus est : partem ferat illa caloris.
- 25 At Circe , neque enim flammis habet aptius ulla
 Talibus ingenium ; seu causa est hujus in ipsa ,
 Seu Venus indicio facit hoc offensa paterno ,
 Talia verba refert : Melius sequerere volentem ,
 Optantemque eadem , parilique cupidine captam.
- 30 Dignus eras : ultro poteras certèque rogari ;
 Et , si spem dederis , mihi crede , rogaberis ultro.
 Neu dubites , absitque tuæ fiducia formæ ;
 En ego , cùm Dea sim , nitidi cùm filia Solis ,
 Carmine cùm tantum , tantum cùm gramine possim ,
- 35 Ut tua sim , voveo. Spernentem sperne : sequenti
 Redde vices , unoque duos ulciscere facto.
 Talia tentanti , Prius , inquit , in æquore frondes ,
 Glaucus , & in summis nascentur montibus algæ ;
 Sospite quàm Scyllâ nostri mutantur amores.
- 40 Indignata Dea est : & lædere quatenus ipsum
 Non poterat , nec vellet amans ; irascitur illi ,
 Quæ sibi prælata est : Venerisque offensa repulsâ ,
 Protinus horrendis infamia pabula succis
 Conterit ; & tritis Hecateïa carmina miscet.
- 45 Cærulaque induitur velamina : perque ferarum
 Agmen adulantum mediâ procedit ab aula ;
 Oppositumque petens contra Zancleïa saxa
 Rhegion , ingreditur ferventes æstibus undas.
 In quibus , ut solidâ , ponit vestigia , ripâ ;
- 50 Summaque decurrit pedibus super æquora siccis.
 Parvus erat gurgēs , curvos sinuatus in arcus ,
 Grata quies Scyllæ : quò se referebat ab æstu
 Et maris & cœli , medio cùm plurimus orbe
 Sol erat , & minimas a vertice fecerat umbras.
- 55 Hunc Dea prævitiat , portentiferisque venenis
 Inquinat. Hic pressos latices radice nocenti
 Spargit : & , obscurum verborum ambage novorum ,
 Ter novies carmen magico demurmurat ore.
 Scylla venit , mediâque tenus descenderat alvo ,

METAMORPHOSEON L. XIV. 307

Cùm sua fœdari latrantibus inguina monstribus 60
Aspicit : ac primò non credens corporis illas
Esse sui partes , refugitque , abigitque , timetque
Ora proterva canum. Sed quos fugit , attrahit unà.
Et corpus quærens femorum , crurumque , pedumque ,
Cerbereos rictus pro partibus invenit illis. 65
Statque canum rabies : subiectaque terga ferarum
Inguinibus truncis , úteroque exstante , cohærent.
Flevit amans Glaucus : nimiumque hostiliter usæ
Viribus herbarum fugit connubia Circes.
Scylla loco mansit : cùmque est data copia primùm , 70
In Circes odium sociis spoliavit Ulyssen.
Mox eadem Teucras fuerat mersura carinas ,
Ni priùs in scopulum , qui nunc quoque faxeus exstat ,
Transformata foret : scopulum quoque navita vitat.

Hanc ubi Trojanæ remis avidamque Charybdin 75
Evicere rates ; cùm jam prope litus adessent
Ausonium ; Libycas vento referuntur ad oras.
Excipit Ænean illic animoque domoque ,
Non bene discidium Phrygiæ latura mariti ,
Sidonis : inque pyrâ , sacri sub imagine factâ , 80
Incubuit ferro ; deceptaque decipit omnes.
Rursus arenosæ fugiens nova mœnia terræ ,
Ad sedemque Erycis , fidumque relatus Acesten ,
Sacrificat ; tumultumque sui genitoris honorat.
Quasque rates Iris Junonia pæne cremârat , 85
Solvit : & Hippotadæ regnum , terrasque calenti
Sulfure fumantes , Acheloïadumque relinquit
Sirenum scopulos : orbataque præside pinus
Inarimen , Prochytenque legit , sterilique locatas
Colle Pitheculas , habitantùm nomine dictas. 90
Quippe Deùm genitor fraudem , & perjuriam quondam
Cercopum exosus , gentisque admissa dolosæ ,
In deformem viros animal mutavit ; ut idem
Dissimiles homini possent similesque videri.

- 95 Membraque contraxit : naresque a fronte resimas
 Contudit , & rugis peraravit anilibus ora.
 Totaque velatos flaverit corpora villo
 Misit in has sedes : nec non prius abstulit usum
 Verborum , & natæ dira in perjuria linguæ.
- 100 Posse queri tantum rauco stridore relinquit.
 Has ubi præterit , & Parthenopeia dextrâ
 Mœnia deseruit ; lævâ de parte canori
 Æolidæ tumulum , & loca foeta palustribus ulvis
 Litora Cumarum , vivacisque antra Sibyllæ
- 105 Intrat : & , ut manes adeat per Averna paternos ,
 Orat. At illa diu vultus tellure moratos
 Erexit : tandemque Deo furibunda recepto ,
 Magna petis , dixit , vir factis maxime , cujus
 Dexterâ per ferrum , pietas spectata per ignes.
- 110 Pone tamen , Trojane , metum : potiere petitis ;
 Elysiasque domos , & regna novissima mundi ,
 Me duce , cognosces , simulacraque cara parentis.
 Invia virtuti nulla est via. Dixit : & auro
 Fulgentem ramum silvâ Junonis Avernæ
- 115 Monstravit , jussitque suo devellere trunco.
 Paruit Æneas : & formidabilis Orci
 Vidit opes , atavosque suos , umbramque senilem
 Magnanimi Anchisæ : didicit quoque jura locorum ,
 Quæque novis essent adeunda pericula bellis.
- 120 Inde ferens lassos averso tramite passus ,
 Cum duce Cumæâ fallit sermone laborem.
 Dumque iter horrendum per opaca crepuscula carpit ;
 Seu Dea tu præsens , seu Dis gratissima , dixit ;
 Numinis instar eris semper mihi : meque fatebor
- 125 Muneris esse tui : quæ me loca mortis adire ,
 Quæ loca me visæ voluisti evadere mortis.
 Pro quibus ærias meritis evectus ad auras
 Tempa tibi statuam , tribuam tibi turis honorem.
 Respicit hunc vates , & , suspiratibus haustis ;
- 130 Nec Dea sum , dixit : nec sacri turis honore

METAMORPHOSEON L. XIV. 309.

Hammanum dignare caput. Neu nescius erres ,
Lux æterna mihi , carituraque fine datur ,
Si mea virginitas Phœbo patuisset amanti.
Dum tamen hanc sperat , dum præcorrumpere donis
Me cupit : Elige , ait , virgo Cumæa , quid optes ; 135
Optatis potiere tuis. Ego pulveris hausti
Ostendens cumulum , quot haberet corpora pulvis ,
Tot mihi natales contingere vana rogavi.
Excidit optarem juvenes quoque protinus annos ;
Hos tamen ille mihi dabat , æternamque juventam , 140
Si Venerem paterer. Contemto munere Phœbi ,
Innuba permaneo. Sed jam felicior ætas
Terga dedit : tremuloque gradu venit ægra senectus ;
Quæ patienda diu est. Nam jam mihi secula septem
Acta vides : superest , numeros ut pulveris æquem , 145
Ter centum messes , ter centum musta videre.
Tempus erit , cùm me de tanto corpore parvam
Longa dies faciat : consumtaque membra senectâ
Ad minimum redigantur onus : nec amata videbor ,
Nec placuisse Deo. Phœbus quoque forsitan ipse 150
Vel non agnoscet , vel dilexisse negabit.
Usque adeo mutata ferar ! nullique videnda ,
Voce tamen noscar : vocem mihi fata relinquent.

Talia , convexum per iter , memorante Sibyllâ ,
Sedibus Euboïcam Stygiis emergit in urbem 155
Troïus Æneas : sacrisque e more litatis ,
Litora adit , nondum nutricis habentia nomen.
Hic quoque subliterat , post tædia longa laborum ,
Neritius Macaræus , comes experientis Ulyssæi :
Desertum quondam mediis qui rupibus Ætnæ 160
Noscit Achæmeniden : improvisoque repertum
Vivere miratus , Qui te casusve , Deusve ,
Servat Achæmenide ? cur , inquit , barbara Grajum
Prorâ vehit ? petitur vestræ quæ terra carinæ ?
Talia quærenti , jam non hirsutus amictu , 165

- Jam suus , & spinis conferto tegmine nullis ,
 Fatur Achæmenides : Iterum Polyphemon , & illos
 Aspiciam fluidos humano sanguine rictus ;
 Hac mihi si potior domus est Ithaceque carinâ ,
 170 Si minus Ænean veneror genitore : nec umquam
 Esse satis potero , præstem licet omnia , gratus.
 Quod loquor , & spiro , cœlumque & sidera Solis
 Respicio , (possimne ingratus & immemor esse ?)
 Ille dedit : quod non anima hæc Cyclopi in ora
 175 Venit : & , ut lumen jam nunc vitale relinquam ,
 Aut tumulto , aut certè non illà condar in alvo.
 Quid mihi tunc animi , nisi si timor abstulit omnem
 Sensum animumque , fuit , cùm vos petere alta relictus
 Æquora prospexi ? Volui inclamare ; sed hosti
 180 Prodere me timui : vestræ quoque clamor Ulyssis
 Pæne rati nocuit. Vidi , cùm , monte revulso ,
 Immanem scopulum medias permisit in undas.
 Vidi iterum , veluti tormenti viribus acta ,
 Vasta gigantèo jaculantem saxa lacerto.
 185 Et , ne deprimeret fluctusve lapise carinam ,
 Pertimui ; jam me non esse oblitus in illa.
 Ut verò fuga vos ab acerba morte removit ,
 Ille quidem totam fremebundus obambulat Ætnam ,
 Prætentatque manu silvas ; & luminis orbus
 190 Rupibus incurfat : fœdataque brachia tabo
 In mare protendens , gentem execratur Achivam.
 Atque ait : O ! si quis referat mihi casus Ulyssen !
 Aut aliquem e sociis , in quem mea sæviat ira !
 Viscera cujus edam , cujus viventia dextrâ
 195 Membra meâ laniem , cujus mihi sanguis inundet
 Guttur , & elisi trepident sub dentibus artus ;
 Quàm nullum , aut leve sit damnum mihi lucis ademptæ !
 Hæc , & plura ferox. Me luridus occupat horror ,
 Spectantem vultus etiamnum cæde madentes ,
 200 Crudelesque manus , & insanam luminis orbem ,
 Membraque , & humano concretam sanguine barbam.

METAMORPHOSEON L. XIV. 311

Mors erat ante oculos ; minimum tamen illa malorum.
Et jam prensurum , jam jam mea viscera rebar
In sua merfurum : mentique hærebat imago
Temporis illius , quo vidi bina meorum 205
Ter quater affligi sociorum corpora terræ.
Quæ super ipse jacens , hirsuti more leonis ,
Visceraque , & carnes , oblisisque ossa medullis ,
Semanimesque artus avidam condebat in alvum.
Me tremor invasit : stabam sine sanguine mæstus ; 210
Mudentemque videns , ejectionemque cruentas
Ore dapes , & frustra mero glomerata vomentem.
Talia fingebam misero mihi fata parari.
Perque dies multos latitans , omnemque tremiscens
Ad strepitum, mortemque timens, cupidusque moriri , 215
Glande famem pellens , & mixtâ frondibus herbâ ,
Solutus , inops , exspes : leto pœnæque relictus ,
Haud procul aspexi , longo post tempore , navim ;
Oravique fugam gestu , ad litusque cucurri ;
Et movi : Graiumque ratis Trojana recepit. 220
Tu quoque pande tuos , comitum gratissime , casus ,
Et ducis , & turbæ , quæ tecum credita ponto est.

Æolon ille refert Tusco regnare profundo ;
Æolon Hippotaden , cohibentem carcere ventos ;
Quos bovis inclusos tergo , memorabile munus , 225
Dulichium sumsisse ducem : flatuque secundo
Lucibus isse novem , & terram aspexisse petitam.
Proxima post nonam cum sese Aurora moveret ,
Invidia socios , prædæque cupidine ductos ,
Esse ratos aurum , demsisse ligamina ventis ; 230
Cum quibus isse retro , per , quas modò venerat , undas ,
Æoliique ratem portus repetisse tyranni.
Inde Lami veterem Læstrygonis , inquit , in urbem
Venimus. Antiphates terrâ regnabat in illa.
Missus ad hunc ego sum , numero comitante duorum ; 235
Vixque fugâ quæsita salus comitique mihique.

- Tertius e nobis Læstrigonis impia tinxit
 Ora cruore suo : fugientibus instat , & agmen
 Concitat Antiphates. Coeunt , & saxa trabesque
 240 Continuant : merguntque viros , merguntque carinas.
 Una tamen , quæ nos , ipsumque vehebat Ulyssen ,
 Effugit. Amisâ sociorum parte , dolentes ,
 Multaque conquesti terris allabimur illis ,
 Quas procul hinc cernis. Procul hinc tibi, cerne, videnda est
 245 Insula , visa mihi : tuque , ô ! iustissime Trôum ,
 Nate Deâ , neque enim finito Marte vocandus
 Hostis es , Ænea , moneo , fuge litora Circes.
 Nos quoque , Circæo religatâ in litore pinu ,
 Antiphatæ memores , immanfuetique Cyclopis ,
 250 Ire negabamus , & testâ ignota subire.
 Sorte sumus lecti. Sors me , fidumque Polyten ,
 Eurylochumque simul , nimique Elpenora vini ,
 Bisque novem socios Circæa ad moenia misit.
 Quæ simul attigimus , fletimusque in limine testî ;
 255 Mille lupi , mixtæque lupis ursæque lææque
 Occursu fecere metum : sed nulla timenda ,
 Nullaque erat nostro factura in corpore vulnus.
 Quin etiam blandas movêre per aëra caudas ,
 Nostræque adulantes comitant vestigia ; donec
 260 Excipiunt famulæ , perque atria marmore testâ ,
 Ad dominam ducunt. Pulchro sedet illa recessu ,
 Sollemni folio ; pallamque induta nitentem ,
 Insuper aurato circumvelatur amictu.
 Nereïdes Nymphæque simul , quæ vellera motis
 265 Nulla trahunt digitis , nec fila sequentia ducunt ,
 Gramina disponunt ; sparfosque sine ordine flores
 Secernunt calathis , variasque coloribus herbas.
 Ipsa , quod hæ faciunt , opus exigit : ipsa quid usûs
 Quoque sit in folio , quæ sit concordia mixtis ,
 270 Novit : & advertens pensas examinat herbas.
 Hæc ubi nos vidit , distâ acceptâque salute ,
 Diffudit vultus , & reddidit omnia votis.

METAMORPHOSEON L. XIV. 313

Nec mora : misceri cocti jubet hordea grani ,
 Mellaque , vimque meri , cum lacte coagula passio :
 Quique sub hac lateant furtim dulcedine , succos 275
 Adjicit. Accipimus sacrâ data pocula dextrâ.
 Quæ simul arenti sitientes hausimus ore ,
 Et terigit summos virgâ Dea dira capillos ;
 (Et pudet , & referam ,) setis horrescere coepi ,
 Nec jam posse loqui : pro verbis edere raucum 280
 Murmur , & in terram toto procumbere vultu ;
 Osque meum sensi pando occallescere rostro ,
 Colla tumere toris : & , quâ modò pocula parte
 Sumta mihi fuerant , illâ vestigia feci.
 Cumque eadem passis , tantum medicamina possunt ! 285
 Claudor harâ : solumque suis caruisse figurâ
 Vidimus Eurylochum : solus data pocula fugit.
 Quæ nisi vitasset , pecoris pars una maneret
 Nunc quoque setigeri : nec , tantæ cladis ab illo
 Certior , ad Circen ultor venisset , Ulysses. 290
 Pacifer huic dederat florem Cyllenius album ;
 Moly vocant Superi : nigrâ radice tenetur.
 Tutus eo , monitisque simul cœlestibus intrat
 Ille domum Circes : & ad insidiôsa vocatus
 Pocula , conantem virgâ mulcere capillos 295
 Repulit ; & stricte pavidam deterruit ense.
 Inde fides , dextræque datæ : thalamoque receptus ,
 Conjugii dotem , sociorum corpora , poscit.

Spargimur innocuæ succis melioribus herbæ ,
 Percutimurque caput conversæ verberare virgæ ; 300
 Verbaque dicuntur dictis contraria verbis.
 Quo magis illa canit , magis hoc tellure levati
 Erigimur : setæque cadunt , bifidosque relinquit
 Rima pedes. Redeunt humeri : subjecta lacertis
 Brachia sunt. Flentem flentes amplectimur illum , 305
 Hæremusque ducis collo : nec verba locuti
 Ulla priora sumus , quàm nos testantia gratos.

314 P. OVIDII NASONIS

- Annua nos illic tenuit mora : multaque præfens
 Tempore tam longo vidi : multa auribus hausi ;
 310 Hoc quoque cum multis, quod clam mihi retulit una
 Quattuor e famulis, ad talia sacra paratis.
 Cum duce namque meo Circe dum sola moratur,
 Illa mihi niveo factum de marmore signum
 Ostendit juvenile, gerens in vertice picum,
 315 Æde sacrâ positum, multisque insigne coronis.
 Quis foret, & quare sacrâ coleretur in æde,
 Cur hanc ferret avem, quærenti, & scire volenti,
 Accipe, ait, Macareu : dominæque potentia quæ sit
 Hinc quoque disce meæ : tu dictis adjice mentem.
- 320 Picus in Aufoniis, proles Saturnia, terris
 Rex fuit, utilium bello studiosus equorum.
 Forma viro, quam cernis, erat : licet ipse decorem
 Aspicias, sistâque probes ab imagine veram.
 Par animus formæ : nec adhuc spectasse per annos
 325 Quinquennem poterat Graiâ quater Elide pugnam.
 Ille suos Dryadas, Latiis in montibus ortas,
 Verterat in vultus : illum fontana petebant
 Numina, Naiades ; quas Albula, quasque Numici,
 Quasque Anienis aquæ, cursuque brevissimus Almo,
 330 Narque tulit præceps, & amœnæ Farfarus umbræ ;
 Quæque colunt Scythicæ regnum nemorale Dianæ,
 Finitimosque lacus. Spretis tamen omnibus, unam
 Ille fovet Nymphen, quam quondam in colle Palati
 Dicitur ancipiti peperisse Venilia Jano.
- 335 Hæc, ubi nubilibus primùm maturuit annis,
 Præposito cunctis Laurenti tradita Pico est.
 Rara quidem facie, sed rarior arte canendi ;
 Unde Canens dicta est. Silvas & saxa movere,
 Et mulcere feras, & flumina longa morari
 340 Ore suo, volucresque vagas retinere solebat.
 Quæ dum femineâ modulatur carmina voce,
 Exierat tecto Laurentes Picus in agros,

Indigenas fixurus aptos : tergumque premebat
 Acris equi ; lævâque hastilia bina ferebat ,
 Pœniceam fulvo chlamydem contractus ab auro. 345
 Venerat in silvas & filia Solis easdem ;
 Utque novas legeret fecundis collibus herbas ,
 Nomine dicta suo Cirœa , reliquerat arva.
 Quæ simul ac juvenem , virgultis abdita , vidit ,
 Obstupuit : cecidere sinu , quas legerat , herbæ , 350
 Flammaque per totas visa est errare medullas.
 Ut primùm valido mentem collegit ab æstu ,
 Quid cuperet , fassura fuit. Ne posset adire ,
 Cursus equi fecit , circumfususque satelles.
 Non tamen effugies , vento rapiare licebit , 355
 Si modò me novi , si non evanuit omnis
 Herbarum virtus , nec me mea carmina fallunt.
 Dixit : & effigiem , nullo cum corpore , falsi
 Finxit apri : præterque oculos transcurrere regis
 Jussit , & in densum trabibus nemus ire videri , 360
 Plurima quâ silva est , & equo loca pervia non sunt.
 Haud mora : continuò prædæ petit inscius umbram
 Picus ; equique celer fumantia terga relinquit :
 Spemque sequens vanam , silvâ pedes errat in alta.
 Concipit illa preces , & verba venefica dicit ; 365
 Ignotosque Deos ignoto carmine adorat ,
 Quo solet & nivæ vultum confundere Lunæ ,
 Et patrio capiti bibulas subtexere nubes.
 Tum quoque cantato densetur carmine cœlum ,
 Et nebulas exhalat humus ; cæcisque vagantur 370
 Limitibus comites : & abest custodia regi.
 Nacta locum tempusque , Per , ô ! tua lumina , dixit ,
 Quæ mea ceperunt , perque hanc , pulcherrime , formam ,
 Quæ facit , ut supplex tibi sim Dea , consule nostris
 Ignibus ; & socerum , qui pervidet omnia , Solem 375
 Accipe ; nec durus Titanida despice Circen.
 Dixerat. Ille ferox ipsamque precesque repellit ;
 Et , quæcumque es , ait , non sum tuus : altera captum

316 P. OVIDII NASONIS

- Me tenet : & teneat per longum , comprecor , ævum.
- 380 Nec Venere externâ locialia fœdera lædam ,
 Dum mihi Janigenam servabunt fata Canentem.
 Sæpe retentatis precibus , Titania , frustra ;
 Non impune feres , neque enim reddere Canenti ;
 Læsaque quid faciat , quid amans , quid femina , disces
- 385 Rebus , ait : sed amans , & læsa , & femina Circe.
 Tum bis ad occasum , his se convertit ad ortum ;
 Ter juvenem baculo tetigit : tria carmina dixit.
 Ille fugit : sese solito velocius ipse
 Currere miratus , pennas in corpore vidit ;
- 390 Seque novam subito Latiis accedere silvis
 Indignatus avem , duro fera robora rostro
 Figit ; & iratus longis dat vulnera ramis.
 Purpureum chlamydis pennæ traxere colorem.
 Fibula quod fuerat , vestemque momorderat aurum ,
- 395 Pluma fit : & fulvo cervix præcingitur auro.
 Nec quicquam antiqui Pico , nisi nomina , restat.
 Interea comites , clamato sæpe per agros
 Nequicquam Pico , nullâque in parte reperto ,
 Inveniunt Circen : nam jam tenuaverat auras ,
- 400 Passaque erat nebulas ventis ac sole resolvi ,
 Criminibusque premunt veris , regemque reposcunt ,
 Vimque ferunt , sævisque parant incussere telis.
 Illa nocens spargit virus , succosque veneni ;
 Et Noctem , Noctisque Deos Ereboque Chaoque
- 405 Convocat : & magicis Hecaten ululatibus orat.
 Exsiluere loco , (dictu mirabile !) silvæ ;
 Ingemuitque solum , vicinaque palluit arbos ;
 Sparsaque sanguineis maduerunt pabula guttis :
 Et lapides visi mugitus edere raucos ;
- 410 Et latrare canes : & humus serpentibus atris
 Squalere , & tenues animæ volitare videntur.
 Attonitum monstribus vulgus pavet. Illa paventûm
 Ora venenatâ tetigit mirantia virgâ.
 Cujus ab attactu , variarum monstra ferarum

METAMORPHOSEON L. XIV. 317

In juvenes veniunt : nulli sua mansit imago. 415

Preſſerat occiduus Tartessia litora Phœbus ;

Et frustra conjux oculis animoque Canentis
Exspectatus erat. Famuli populusque per omnes
Discurrunt silvas , atque obvia lumina portant.
Nec satis est Nymphæ flere , & lacerare capillos , 420

Et dare plangorem ; facit hæc tamen omnia : sese
Proripit , ac Latios errat vesana per agros.

Sex illam noctes , totidem redeuntia Solis
Lumina viderunt , inopem somnique cibique ,
Per juga , per valles , quâ fors ducebat , euntem. 425

Ultimus aspexit fessam luctuque viâque
Tibris , & in gelida ponentem corpora ripâ.

Illic cum lacrymis , ipsos modulata dolores
Verba , sono tenui mærens , fundebat ; ut olim
Carmina jam moriens canit exsequialia cygnus. 430

Luctibus extremum tenues liquefacta medullas
Tabuit ; inque leves paulatim evanuit auras.

Fama tamen signata loco est ; quem rite Canentem ,
Nomine de Nymphæ , veteres dixere Camenæ.

Talia multa mihi , longum narrata per annum , 435
Visaque sunt. Resides , & desuetudine tardi ,

Rursus inire fretum , rursus dare vela , jubemur.
Ancipitesque vias , & iter Titania vastum

Dixerat , & sævi restare pericula ponti.
Pertimui , fateor ; nactusque hoc litus , adhæsi. 440

Finierat Macareus : urnâque Æneïa nutrix

Condita marmoreâ , tumulo breve carmen habebat ;
Hic me Caieten , notæ pietatis alumnus ,

Argolico ereptam , quo debuit igne , cremavit.
Solvitur herboſo religatus ab aggere funis ; 445

Et procul insidias , infamatæque relinquunt
Teſta Deæ , lucosque petunt , ubi , nubilus umbrâ ,

In mare cum flava prorumpit Tibris arenâ.
Faunigenæque domo potitur , natâque Latini ;

O iij

- 450 Non sine Marte tamen : bellum cum gente feroci
 Suscipitur , pactâque furit pro conjuge Turnus.
 Concurrit Latio Tyrrhenia tota : diuque
 Ardua sollicitis victoria quæritur armis.
 Auget uterque suas externo robore vires ;
- 455 Et multi Rutulos , multi Trojana tuentur
 Castra. Neque Æneas Evandri ad limina frustra ,
 At Venulus magnam profugi Diomedis ad urbem ,
 Venerat. Ille quidem sub Iapyge maxima Dauno
 Mœnia condiderat , dotaliaque arva tenebat.
- 460 Sed Venulus Turni post quàm mandata peregit ,
 Auxiliumque petit ; vires Ætoli heros
 Excusat : nec se soceri committere pugnae
 Velle sui populos : nec quos e gente suorum
 Armet , habere viros. Neve hæc commenta putetis ;
- 465 Admonitu quamquam luctus renovantur amaro ,
 Perpetiar memorare tamen. Post quàm alta cremata est
 Ilion , & Danaas paverunt Pergama flammæ ;
 Naryciusque heros , a virgine , virgine raptâ ,
 Quam meruit solus pœnam , digessit in omnes ,
- 470 Spargimur : & ventis inimica per æquora rapti ,
 Fulmina , noctem , imbres , iram cœlique marisque
 Perpetimur Danaï , cumulumque , Capharea , cladis.
 Neve morer referens tristes ex ordine casus ;
 Græcia tum potuit Priamo quoque flenda videri.
- 475 Me tamen armiferæ servatum cura Minervæ
 Fluctibus eripuit : patriis sed rursus ab Argis
 Pellor : & antiquo memores de vulnere pœnas
 Exigit alma Venus : tantosque per alta labores
 Æquora sustinui , tantos terrestribus armis ,
- 480 Ut mihi felices sint illi sæpe vocati ,
 Quos communis hiems , importunisque Caphareus
 Mersit aquis : vellemque horum pars una fuissẽm.
 Ultima jam passi , comites , belloque fretoque ,
 Deficiunt , finemque rogant erroris. At Acmon
- 485 Fervidus ingenio , tum verò & cladibus asper ,

METAMORPHOSEON L. XIV. 319

Quid superest , quod jam patientia vestra recuset
 Ferre , viri ? dixit. Quid habet Cytheræa , quod ultra ,
 Velle puta , faciat ? Nam dum pejora timentur ,
 Est in vota locus : fors autem pessima rerum ,
 Sub pedibus timor est , securaque summa malorum. 490
 Audiat ipsa licet : licet , ut facit , oderit omnes
 Sub Diomede viros ; odium tamen illius omnes
 Spernimus , & magno stat magna potentia nobis.
 Talibus invitam Venerem Pleuronius Acmon
 Instimulat verbis , veteremque resuscitat iram. 495
 Dista placent paucis. Numeri majoris amici
 Acmona corripimus : cui respondere paranti
 Vox pariter , vocisque via est tenuata : comæque
 In plumas abeunt : plumis nova colla teguntur ,
 Pectoraque , & tergum : majores brachia pennas 500
 Accipiunt : cubitque leves sinuantur in alas.
 Magna pedum digitos pars occupat : oraque cornu
 Indurata rigent , finemque in acumine ponunt.
 Hunc Lycus , hunc Idas , & cum Rhetenore Nisteus ,
 Hunc mirantur Abas : & dum mirantur , eandem 505
 Accipiunt faciem : numerusque ex agmine major
 Subvolat , & remos plausis circumsonat alis.
 Si volucrum quæ sit subitarum forma requiris ;
 Ut non cygnorum , sic albis proxima cygnis.
 Vix equidem has sedes , & Iapygis arida Dauni 510
 Arva gener teneo , minimâ cum parte meorum.
 Hactenus Œnides. Venulus Calydonia regna ,
 Peucetiosque sinus , Messapiaque arva , relinquit.
 In quibus antra videt , quæ multâ nubila silvâ ,
 Et levibus stagnis manantia , semicaper Pan 515
 Nunc tenet ; at quodam tenuerunt tempore Nymphæ.
 Appulus has illâ pastor regione fugatas
 Terruit , & primò subitâ formidine movit ;
 Mox , ubi mens rediit , & contempsere sequentem ;
 Ad numerum motis pedibus duxere choreas. 520
 Improbat has pastor : saltuque imitatus agresti

320 P. OVIDII NASONIS

- Addidit obscenis convicia rustica dictis.
 Nec prius obticuit, quam guttura condidit arbor.
 Arbore enim succoque licet cognoscere mores ;
 525 Quippe notam linguæ baccis oleaster amaris
 Exhibet. Asperitas verborum cessit in illas.
 Hinc ubi legati rediere, negata ferentes
 Arma Ætola sibi, Rutuli sine viribus illis
 Bella instructa gerunt; multumque ab utraque cruoris
 530 Parte datur. Fert ecce avidas in pinea Turnus
 Texta faces: ignesque timent, quibus unda pepercit.
 Jamque picem, & ceras, alimenta que cetera flammæ,
 Mulciber urebat, perque altum ad carbasa malum
 Ibat, & incurvæ fumabant transtra carinæ ;
 535 Cùm memor has pinus Idæo vertice cæsas
 Sancta deum genitrix, tinnitibus aëra pulsi
 Æris, & inflati complevit murmure buxi.
 Perque leves, domitis investa leonibus, auras,
 Irrita sacrilegâ jactas incendia dextrâ
 540 Turne, ait. Eripiam; nec, me patiente, cremabit
 Ignis edax nemorum partes & membra meorum.
 Intonuit, dicente Deâ: tonitrumque secuti
 Cum saliente graves ceciderunt grandine nimbi;
 Aëraque, & subitis tumidum concursibus æquor,
 545 Astræi turbant, & eunt in prælia, fratres.
 E quibus alma parens, unius viribus usa,
 Stupea prærumpit Phrygiæ retinacula classis;
 Fertque rates pronas, imoque sub æquore mergit.
 Robore molito, lignoque in corpora verso,
 550 In capitum faciem puppes mutantur aduncæ.
 In digitos abeunt, & crura natantia, remi;
 Quodque prius fuerat, latus est: mediisque carina
 Subdita navigiis, spinæ mutatur in usum.
 Lina comæ molles, antennæ brachia fiunt.
 555 Cæruleus, ut fuerat, color est: quasque ante timebant,
 Illas virgineis exercent lusibus undas
 Naidæ, æquoreæ: durisque in montibus ortæ

Molle fretum celebrant : nec eas sua tangit origo.
 Non tamen oblitæ , quàm multa pericula sævo
 Pertulerint pelago , jactatis sæpe carinis 560
 Supposuere manus ; nisi si qua vehebat Achivos.
 Cladis adhuc Phrygiæ memores , odère Pelasgos ;
 Neritiæque ratis viderunt fragmina lætis
 Vultibus : & lætæ vidère rigescere puppim
 Cautibus Alcinoi , saxumque increfcere ligno. 565
 Spes erat , in Nymphas animatâ claffe marinas ,
 Posse , metu monstri , Rutulum desistere bello :
 Perstat , habetque Deos pars utraque : quique Deorum
 Instar , habent animos. Nec jam dotalia regna ,
 Nec sceptrum foci , nec te , Lavinia virgo , 570
 Sed vicisse , petunt : deponendique pudore
 Bella gerunt. Tandemque Venus victricia nati
 Arma videt , Turnusque cadit : cadit Ardea , Turno
 Sospite , dicta potens : quam post quàm barbarus ignis
 Abstulit , & tepidâ latuerunt tecta favillâ ; 575
 Congerie e media , tum primùm cognita , præpes
 Subvolat : & cineres plausis everberat alis.
 Et sonus , & macies , & pallor , & omnia , captam
 Quæ deceant urbem , nomen quoque mansit in illa
 Urbis : & ipsa suis deplangitur Ardea pennis. 580
 Jamque Deos omnes , ipsamque Æneia virtus
 Junonem veteres finire coëgerat iras ;
 Cùm , bene fundatis opibus crescentis lili ,
 Tempestivus erat cœlo Cythereius heros ;
 Ambieratque Venus Superos : colloque parentis 585
 Circumfusa sui , Numquam mihi , dixerat , ullo
 Tempore dure pater , nunc sis mitissimus , oro ;
 Æneæque meo , qui te de sanguine nostro
 Fecit avum , quamvis parvum , des , optime , numen ;
 Dummodo des aliquod. Satis est inamabile regnum 590
 Aspexisse semel , Stygios semel isse per amnes.
 Assensere Dei : nec conjux regia vultus
 Immotos tenuit ; placatoque annuit ore.

- Tum pater , Estis , ait , cœlesti munere digni ,
 Quæque petis , pro quoque petis : cape , gnata , quod optas .
 596 Fatus erat . Gaudet , gratesque agit illa parenti ;
 Perque leves auras , junctis investa columbis ,
 Litus adit Laurens ; ubi , testus arundine , serpit
 In freta flumineis vicina Numicius undis .
 600 Hunc jubet , Æneæ quæcumque obnoxia morti ,
 Abluere ; & tacito deferre sub æquora cursu .
 Corniger exsequitur Veneris mandata : suisque ,
 Quicquid in Ænea fuerat mortale , repurgat ,
 Et respergit , aquis : pars optima restitit illi .
 605 Lustratum genitrix divino corpus odore
 Unxit , & ambrosiâ cum dulci nectare mixtâ
 Contigit os , fecitque Deum : quem turba Quirini
 Nuncupat Indigetem , temploque arisque recepit .

- Inde sub Ascanii ditione binominis Alba ,
 610 Resque Latina fuit : succedit Silvius illi ;
 Quo satus , antiquo tenuit repetita Latinus
 Nomina cum sceptro . Clarum subit Alba Latinum ;
 Epitos ex illo est : post hunc Capetusque , Capysque ;
 Sed Capys ante fuit . Regnum Tiberinus ab illis
 615 Cepit , & in Tusci demersus fluminis undis
 Nomina fecit aquæ : de quo Remulusque feroxque
 Acrota sunt geniti : Remulus , maturior annis ,
 Fulmineo periit , imitator fulminis , ietu .
 Fratre suo sceptrum moderatior Acrota forti
 620 Tradit Aventino : qui quo regnârat , eodem
 Monte jacet positus ; tribuitque vocabula monti .
 Jamque Palatinæ summam Proca gentis habebat .
 Rege sub hoc Pomona fuit : quâ nulla Latinas
 Inter Hamadryadas coluit sollertius hortos ,
 625 Nec fuit arborei studiosior altera fetus ;
 Unde tenet nomen . Non silvas illa , nec amnes ;
 Rus amat , & ramos felicia poma ferentes .
 Nec jaculo gravis est , sed aduncâ dexterâ falce :

METAMORPHOSEON L. XIV. 323

Quâ modò luxuriem premit , & spatiantia passim
 Brachia compescit. Fissâ modò cortice virgam 630
 Inferit , & succos alieno præstat alumno.
 Nec patitur sentire sitim , bibulæque recurvas
 Radicis fibras labentibus irrigat undis.
 Hic amor , hoc studium : Veneris quoque nulla cupido.
 Vim tamén agrestùm metuens , pomaria claudit 635
 Intus : & accessus prohibet refugitque viriles.
 Quid non & Satyri , saltatibus apta juvenus ,
 Fecere ? & pinu præcincti cornua Panes ,
 Silvanusque , suis semper juvenior annis ,
 Quique Deus fures vel falce , vel inguine , terret , 640
 Ut poterentur eâ ? Sed enim superabat amando
 Hos quoque Vertumnus : neque erat felicior illis.
 O ! quoties habitu duri messoris aristas
 Corbe tulit ! verique fuit messoris imago !
 Tempora sæpe gerens fœno religata recenti , 645
 Defectum poterat gramen versasse videri.
 Sæpe manu stimulos rigidâ portabat ; ut illum
 Jûrâres fessos modò disjunxisse juvencos.
 Falce datâ , frondator erat , vitisque putator.
 Induerat scalas ? lecturum poma putares. 650
 Miles erat , gladio ; piscator , arundine sumtâ.
 Denique per multas aditum sibi tæpe figuras
 Reperit , ut caperet spectatæ gaudia formæ.
 Ille etiam , pictâ redimitus tempora mitrâ ,
 Innitens baculo , positus ad tempora canis , 655
 Assimulavit anum : cultosque intravit in hortos ,
 Pomaque mirata est : Tantoque potentior , inquit.
 Paucaque laudatæ dedit oscula , qualia numquam
 Vera dedisset anus : glebâque incurva resedit ,
 Suspiciens pandos autumnî pondere ramos. 660
 Ulmus erat contra , spatiosa tumentibus avis ;
 Quam sociâ post quàm pariter cum vite probavit ;
 At si staret , ait , cælebs sine palmitè truncus ,
 Nil præter frondes , quare peteretur , haberet.

O vj

- 665 Hæc quoque , quæ junctâ vitis requiescit in ulmo ,
 Si non nupta foret , terræ acclinata jaceret.
 Tu tamen exemplo non tangeris arboris hujus ,
 Concubitusque fugis ; nec te conjungere curas.
 Atque utinam velles ! Helene non pluribus esset
- 670 Sollicitata procis : nec quæ Lapitheia movit
 Prælia , nec conjux timidis audacis Ulyssæi.
 Nunc quoque , cùm fugias averferisque petentes ,
 Mille proci cupiunt ; & Semideique , Deique ,
 Et quæcumque tenent Albanos nmina montes.
- 675 Sed tu , si sapias , si te bene jungere , anumque
 Hanc audire voles , quæ te plus omnibus illis ,
 Plus quàm credis , amo , vulgares rejice tædas ;
 Vertumnumque tori socium tibi delige : pro quo
 Me quoque pignus habe. Neque enim sibi notior ille est.
- 680 Quàm mihi : nec toto passim vagus errat in orbe.
 Hæc loca sola colit : nec uti pars magna procorum ,
 Quam modò vidit , amat : tu primus & ultimus illi
 Ardor eris ; solique suos tibi devovet annos.
 Adde , quod est juvenis ; quod naturale decoris
- 685 Munus habet , formasque aptè fingetur in omnes ;
 Et , quod erit jussus , jubeas licet omnia , fiet.
 Quid ? quod amatis idem ; quod , quæ tibi poma coluntur ,
 Primus habet ; lætâque tenet tua munera dextrâ ?
 Sed neque jam fetus desiderat arbore demtos ,
- 690 Nec , quas hortus alit , cum succis mitibus herbas ;
 Nec quicquam , nisi te. Miserere ardentis : & ipsum ,
 Qui petit , ore meo præsentem crede precari.
 Ultioresque Deos , & pectora dura perosam
 Idalien , memoremque time Rhamnusidis iram.
- 695 Quoque magis timeas , etenim mihi multa vetustas
 Scire dedit , referam totâ notissima Cyprio
 Facta ; quibus flecti faciliè & mitescere possis.
 Viderat a veteris generosam sanguine Teucri
 Iphis Anaxareten , humili de stirpe creatus.
- 700 Viderat : & totis perceperat ossibus æstum.

Luctatusque diu , post quàm ratione furorem
 Vincere non potuit , supplex ad limina venit.
 Et modò nutrici miserum confessus amorem ,
 Ne sibi dura foret , per spes oravit alumnae ;
 Et modò de multis blanditus cuique ministris , 705
 Sollicità petiit propensum voce favorem.
 Sæpe ferenda dedit blandis sua verba tabellis ;
 Interdum madidas lacrymarum rore coronas
 Postibus intendit , posuitque in limine duro
 Molle latus : tristisque seræ convicia fecit. 710
 Surdior illa freto surgente , cadentibus Hædis ,
 Durior & ferro , quod Noricus excoquit ignis ,
 Et saxo , quod adhuc vivâ radice tenetur ,
 Spernit & irridet : factisque immitibus addit
 Verba superba ferox : & spe quoque fraudat amantem. 715
 Non tulit impatiens longi tormenta doloris
 Iphis , & ante fores hæc verba novissima dixit.
 Vincis , Anaxarete : neque erunt tibi tædia tandem
 Ulla ferenda mihi. Lætos molire triumphos ,
 Et Pæana voca , nitidâque incingere lauro. 720
 Vincis enim , moriorque libens : age , ferrea , gaude.
 Certè aliquid laudare mei cogêris , eritque
 Quo tibi sim gratus : meritumque fatebere nostrum.
 Non tamen ante tui curam cessisse memento ,
 Quàm vitam ; geminâque simul mihi luce carendum. 725
 Nec tibi Fama mei ventura est nuncia leti ;
 Ipse ego , ne dubites , adero ; præsensque videbor ,
 Corpore ut exanimi crudelia lumina pascas.
 Si tamen , ô ! Superi , mortalia fata videtis ,
 Este mei memores : nihil ultra lingua precari 730
 Sustinet ; & longo facite ut memoremur in ævo ;
 Et , quæ demsisit vitæ , date tempora famæ.
 Dixit : & ad postes , ornatos sæpe coronis ,
 Humentes oculos & pallida brachia tendens ,
 Cum foribus laquei religaret vincula summi ; 735
 Hæc tibi ferta placent , crudelis & impia ? dixit.

- Inferuitque caput , sed tum quoque versus ad illam ;
 Atque onus infelix , elisâ fauce , pependit.
 Ista pedum motu trepidantùm , ut multa gementem
 740 Visa dedisse sonum est , adaperataque janua factum
 Prodidit : exclamant famuli : frustra levatum ,
 Nam pater occiderat , referunt ad limina matris.
 Accipit illa sinu , complexaque frigida nati
 Membra sui , post quàm miserarum verba parentùm
 745 Edidit ; & matrum miserarum facta peregit ;
 Funera ducebat mediam lacrymosa per urbem ,
 Luridaque arfuro portabat membra feretro.
 Forte viæ vicinâ domus , quâ flebilis ibat
 Pompa , fuit : duræque sonus plangoris ad aures
 750 Venit Anaxaretes , quam jam Deus ultor agebat.
 Mota tamen , Videamus , ait , miserabile funus ;
 Et patulis iniit tectum sublime fenestris.
 Vix bene compositum lecto prospexerat Iphin ,
 Deriguere oculi : calidusque e corpore sanguis ,
 755 Inducto pallore , fugit. Conataque retrò
 Ferre pedes , hæsit : conata avertere vultus ;
 Hoc quoque non potuit : paulatimque occupat artus ,
 Quod fuit in duro jam pridem pectore , saxum.
 759 Neve ea ficta putes , dominæ sub imagine signum
 Servat adhuc Salamis : Veneris quoque nomine templum
 Prospicientis habet. Quorum memor , ô ! mea ; lentos
 Pone , precor , fastus , & amanti jungere , Nymphæ.
 Sic tibi nec vernum nascentia frigus adurat
 Poma , nec excutiant rapidi florentia venti.
 765 Hæc ubi , nequicquam formas Deus aptus in omnes,
 Edidit ; in juvenem rediit , & anilia demit
 Instrumenta sibi : talisque apparuit illi ,
 Qualis ubi oppositas nitidissima Solis imago
 Evicit nubes , nullâque obstante , reluxit.
 770 Vimque parat ; sed vi non est opus : inque figura
 Capta Dei Nymphæ est : & mutua vulnera sentit.

METAMORPHOSEON L. XIV. 327

Proximus Aufonias iniusti miles Amuli
 Rexit opes : Numitorque senex , amissa , nepotum
 Munere , regna capit : festisque Palilibus Urbis
 Mœnia conduntur. Tatiisque patresque Sabini 775
 Bella gerunt : arcisque viâ , Tarpeia , reclusâ ,
 Dignâ animam poenâ congestis exuit armis.
 Inde fati Curibus , tacitorum more Inporum ,
 Ore premunt voces ; & corpora victa sopore
 Invadunt : portasque petunt , quas objice firmâ 780
 Clauserat Iliades. Unam tamen ipsa recludit ,
 Nec strepitum verso , Saturnia , cardine fecit.
 Sola Venus portæ cecidisse repagula sensit ,
 Et clausura fuit ; nisi quod rescindere numquam
 Dis licet acta Deûm. Jano loca juncta tenebant 785 ,
 Nâides Aufoniæ , gelido rorantia fonte ;
 Has rogat auxilium. Nec Nymphæ justa petentem
 Sustinuere Deam : venasque & flumina fontis
 Elicuere sui. Nondum tamen invia Jani
 Ora patentis erant , neque iter præcluserat unda. 790
 Lurida supponunt fecundo sulfura fonti ,
 Incenduntque cavas , fumante bitumine , venas.
 Viribus his aliisque vapor penetravit ad ima
 Fontis : & Alpino modò quæ certare rigori
 Audebatis , aquæ , non ceditis ignibus ipsis. 795
 Flammiferâ gemini fumant aspergine postes ;
 Portaque , nequicquam rigidis permixta Sabinis ,
 Fonte fuit præstructa novo ; dum Martius arma
 Indueret miles. Quæ post quàm Romulus ultro
 Obtulit , & strata est tellus Romana Sabinis 800
 Corporibus , strata estque suis ; generique cruorem
 Sanguine cum foci permiscuit impius ensis ;
 Pace tamen sisti bellum , nec in ultima ferro
 Decertare , placet ; Tatumque accedere regno.

Occiderat Tatius , populisque æquata duobus , 805
 Romule , jura dabas : positâ cum casside Mavors

- Talibus affatur Divùmque hominumque parentem.
 Tempus adest, genitor, quoniam fundamine magno
 Res Romana viget, nec præside pendet ab uno,
 810 Præmia, quæ promissâ mihi dignoque nepoti,
 Solvere, & ablatum terris imponere cœlo.
 Tu mihi, concilio quondam præsentem Deorum,
 Nam memoro, memorique animo pia verba notavi,
 Unus erit, quem tu tolles in cærule cœli;
 815 Dixisti. Rata sit verborum summa tuorum.
 Annuit Omnipotens: & nubibus aëra cæcis
 Occuluit, tonitruque & fulgure terruit Urbem.
 Quæ sibi promissæ sensit data signa rapinæ,
 Innixusque hastæ, pressos temone cruento
 820 Impavidus conscendit equos Gradivus, & istu
 Verberis increpuit: pronumque per aëra lapsus
 Constitit in summo nemorosi colle Palati;
 Reddentemque suo jam regia jura Quiriti
 Abstulit Iliaden. Corpus mortale per auras
 825 Dilapsum tenues: ceu latâ plumbea fundâ
 Missa solet medio glans intabescere cœlo.
 Pulchra subit facies, & pulvinaribus altis
 Dignior, & qualis trabeati forma Quirini.
 Flebat ut amissum conjux; cùm regia Juno
 830 Irin ad Hersiliam descendere limite curvo
 Imperat, & vacuæ sua sic mandata referre.
 O! & de Latia, ô! & de gente Sabinâ
 Præcipuum matrona decus; dignissima tanti
 Ante fuisse viri conjux, nunc esse Quirini,
 835 Siste tuos fletus: & si tibi cura videndi
 Conjugis est, duce me, lucum pete, colle Quirino
 Qui viret, & templum Romani regis obumbrat.
 Paret: & in terram pictos delapsa per arcus,
 Hersiliam jussis compellat vocibus Iris.
 840 Illa verecundo vix tollens lumina vultu,
 O! Dea, namque mihi, nec quæ sis dicere promptum est,
 Et liquet esse Deam, duc, ô! duc, inquit: & offer

METAMORPHOSEON L. XIV. 329

Conjugis ora mihi. Quæ si modò posse videre
Fata semel dederint, cœlum aspectasse fatebor.
Nec mora : Romuleos cum virgine Thaumantea 845
Ingreditur colles. Ibi sidus ab æthere lapsum
Decidit in terras : a cujus lumine flagrans
Hersiliæ crinis cum sidere cessit in auras.
Hanc manibus notis Romanæ conditor urbis
Excipit : & priscum pariter cum corpore nomen 850
Mutat, Oramque vocat : quæ nunc Dea juncta Quirino est.





OVIDII NASONIS METAMORPHOSEON

L I B E R X V.

- Q**UÆRITUR interea , qui tantæ pondera molis
Sustineat , tantoque queat succedere regi.
Destinat imperio clarum prænuncia veri
Fama Numam. Non ille satis cognosse Sabinæ
5 Gentis habet ritus : animo majora capaci
Concipit , & quæ sit rerum natura requirit.
Hujus amor curæ , patriâ Curibusque relictis ,
Fecit , ut Herculei penetraret ad hospitis urbem.
Graja quis Italicis auctor posuisset in oris
10 Mœnia , quærenti , sic e senioribus unus
Retulit indigenis , veteris non inscius ævi.
Dives ab Oceano bubus Jove natus Iberis
Litora feliti tenuisse Lacinia cursu
Fertur : & , armento teneras errante per herbas ,
15 Ipse domum magni , nec inhospita testâ , Crotonis
Intrasse ; & requie longum relevasse laborem ;
Atque ita discedens , Ævo , dixisse , nepotum
Hic locus urbis erit ; promissaque vera fuerunt.
Nam fuit Argolico generatus Alemone quidam
20 Myscelos , illius Dis acceptissimus ævi.
Hunc super incumbens pressum gravitate soporis
Claviger alloquitur : Patrias , age , desere sedes ;
I , pete diversi lapidosas Æsaris undas.

Et , nisi paruerit , multa ac metuenda minatur.
 Post ea discedunt pariter fohnusque Deusque. 25
 Surgit Alemonides ; tacitâque recentia mente
 Visa refert : pugnatque diu sententia secum.
 Numen abire jubet : prohibent discedere leges ;
 Pœnaque mors posita est patriam mutare volenti.
 Candidus Oceano nitidum caput abdiderat Sol , 30
 Et caput extulerat densissima sidereum nox ;
 Visus adesse idem Deus est , eademque monere ,
 Et , nisi paruerit , plura & graviora minari.
 Pertimuit : patriumque simul transferre parabat
 In sedes penetrare novas. Fit murmur in urbe ; 35
 Spretarumque agitur legum reus. Utque peracta est
 Causa prior , crimenque patet sine teste probatum ,
 Squalidus ad Superos tollens reus ora manusque ,
 O ! cui jus cœli bis sex fecere labores ,
 Fer, precor, inquit, opem : nam tu mihi criminis auctor. 40
 Mos erat antiquus , niveis atrisque lapillis ,
 His damnare reos , illis absolvere culpæ.
 Nunc quoque sic, latâ est sententia tristis : & omnis
 Calculus imitem demittitur ater in urnam.
 Quæ simul effudit numerandos versa lapillos , 45
 Omnibus e nigro color est mutatus in album ;
 Candidaque Herculeo sententia munere facta
 Solvit Alemoniden. Grates agit ille parenti
 Amphitryoniadæ : ventisque faventibus æquor
 Navigat Ionium , Lacedæmoniumque Tarentum 50
 Præterit , & Sybarin , Salentinumque Neæthum ,
 Thurinosque sinus , Temesenque & Iapygis arva.
 Vixque pererratis , quæ spectant litora , terris ,
 Invenit Æsarei fatalia fluminis ora ;
 Nec procul hinc tumulum , sub quo sacrata Crotonis 55
 Ossa tegebat humus : jussâque ibi mœnia terrâ
 Condidit , & nomen tumulati traxit in urbem.
 Talia constabat certâ primordia famâ
 Esse loci , positæque Italis in finibus urbis.

- 60 Vir fuit hic ortu Samius : sed fugerat unâ
 Et Samon & dominos , odioque tyrannidis exsul
 Sponte erat : isque , licet cœli regione remotos ,
 Mente Deos adiit ; & , quæ natura negabat
 Visibus humanis , oculis ea pectoris hausit.
- 65 Cùmque animo , & vigili perspexerat omnia curâ ,
 In medium discenda dabat : cœtumque silentûm ,
 Dictaque mirantûm , magni primordia mundi ,
 Et rerum causas , & quid natura , docebat ;
 Quid Deus , unde nives , quæ fulminis esset origo :
- 70 Juppiter , an venti , discussâ nube , tonarent ;
 Quid quateret terras , quâ sidera lege mearent ,
 Et quodcumque latet. Primusque animalia mensis
 Arcuit imponi : primus quoque talibus ora
 Docta quidem solvit , sed non & credita , verbis.
- 75 Parcite , mortales , dapibus temerare nefandis
 Corpora. Sunt fruges : sunt deducuntia ramos
 Pondere poma suo , tumidæque in vitibus uvæ ;
 Sunt herbæ dulces : sunt , quæ mitescere flammâ ,
 Mollirique queant. Nec vobis lacteus humor ,
- 80 Eripitur , nec mella thymi redolentia florem.
 Prodigia divitias alimentaue mitia tellus
 Suggestit : atque epulas sine cæde & sanguine præbet.
 Carne feræ sedant jejunia ; nec tamen omnes.
 Quippe equus , & pecudes , armentaue , gramine vivunt.
- 85 At quibus ingenium est immansuetumque , ferumque ,
 Armeniæ tigres , iracundique leones ,
 Cùmque lupis ursi , dapibus cum sanguine gaudent.
 Heu ! quantum scelus est , in viscera viscera condi !
 Congelloque avidum pinguescere corpore corpus !
- 90 Alteriusque animantem animantis vivere leto !
 Scilicet in tantis opibus , quas optima matrum
 Terra parit , nil te nisi tristitia mandere sævo
 Vulnera dente juvat ? ritusque referre Cyclopum ?
 Nec , nisi perdideris alium , placare voracis ,
- 95 Et male morati , poteris jejunia ventris ?

METAMORPHOSEON L. XV. 333

At vetus illa ætas , cui fecimus Aurea nomen ,
Fetibus arboreis , & , quas humus educat , herbis
Fortunata fuit : nec polluit ora cruore.

Tunc & aves tutæ movère per aëra pennas ;
Et lepus inpavidus mediis erravit in agris ; 100
Nec sua credulitas piscem suspenderat hamo.
Cuncta sine insidiis , nullamque timentia fraudem ,
Plenaque pacis , erant. Post quam non utilis auctor
Victibus invidit , quisquis fuit ille virorum ,
Corporeasque dapes avidam demersit in alvum ; 105
Fecit iter sceleri : primæque e cæde ferarum
Incaluisse putem maculatum sanguine ferrum.
Idque satis fuerat : nostrumque petentia letum
Corpora missa neci , salvâ pietate , fatemur ;
Sed quàm danda neci , tam non epulanda fuerunt. 110
Longius inde nefas abiit : & prima putatur
Hostia sus meruisse mori ; quia semina pando
Eruerit rostro , spemque interceperit anni.
Vite , caper , morsâ , Bacchi mactandus ad aras
Ducitur ultoris : nocuit sua culpa duobus. 115
Quid meruistis oves , placidum pecus , inque tuendos
Natum homines , pleno quæ fertis in ubère nectar ?
Mollia quæ nobis vestras velamina lanas
Præbetis : vitæque magis , quàm morte juvatis.
Quid meruere boves , animal sine fraude dolisque , 120
Innocuum , simplex , natum tolerare labores ?
Immemor est demum , nec frugum munere dignus ,
Qui potuit , curvi demto modò pondere aratri ,
Ruricolam mactare suum : qui trita labore
Illa , quibus toties durum renovaverat arvum , 125
Tot dederat messes , percussit colla securi.
Nec satis est , quod tale nefas committitur : ipsos
Inscripsere Deos sceleri : numenque supernum
Cæde laboriferi credunt gaudere juvenci.
Victima , labe carens , & præstantissima formâ , 130
Nam placuisse nocet , vittis præsignis & auro ,

- Sisitur ante aras , auditque ignara precantem ;
 Imponique suæ videt inter cornua fronti ,
 Quas coluit , fruges : percussaque sanguine cultros
 135 Inficit in liquida prævisos forsitan undà.
 Protinus ereptas viventi pectore fibras
 Inspiciunt , mentesque Deum scrutantur in illis.
 Unde fames homini vetitorum tanta ciborum ?
 Audetis vesci , genus ô ! mortale ? quod , oro ,
 140 Ne facite : & monitis animos advertite nostris.
 Cumque boum dabitis cælorum membra palato ,
 Mandere vos vestros scite & sentite colonos.
 Et quoniam Deus ora movet , sequar ora moventem
 Rite Deum ; Delphosque meos , ipsumque recludam
 145 Æthera ; & augustæ referabo oracula mentis.
 Magna , nec ingeniis evestigata priorum ,
 Quæque diu latuere , canam. Juvat ire per alta
 Astra : juvat , terris & inertî sede relictis ,
 Nube vehi , validique humeris insistere Atlantis ;
 150 Palantesque animos passim , ac rationis egentes ,
 Despectare procul , trepidosque , obitumque timentes
 Sic exhortari ; feriemque evolvere fati.

- O ! genus attonitum gelidæ formidine mortis !
 Quid Styga , quid tenebras , quid nomina vana timetis ?
 155 Materiem vatum , falsique piacula mundi.
 Corpora sive rogos flammâ , seu tabe vetustas
 Abstulerit , mala posse pati non ulla putetis.
 Morte carent animæ : semperque , priore relictâ
 Sede , novis habitant domibus , vivuntque receptæ.
 160 Ipse ego , nam memini , Trojani tempore belli
 Panthoïdes Euphorbus eram : cui pectore quondam
 Sedit in adverso gravis hasta minoris Atridæ.
 Cognovi clypeum , lævæ gestamina nostræ ,
 Nuper Abantæis templo Junonis in Argis.
 165 Omnia mutantur : nihil interit. Errat , & illinc
 Huc venit , hinc illuc ; & quoslibet occupat artus

METAMORPHOSEON L. XV. 335

Spiritus : eque feris humana in corpora transit,
Inque feras noster : nec tempore deperit ullo.
Utque novis fragilis signatur cera figuris ,
Nec manet ut fuerat , nec formas servat easdem ; 170
Sed tamen ipsa eadem est : animam sic semper eandem
Esse , sed in varias doceo migrare figuras.
Ergo , ne pietas sit victa cupidine ventris ,
Parcite , vaticinor , cognatas cæde nefandâ
Exturbare animas ; nec sanguine sanguis alatur. 175

Et quoniam magno feror æquore , plenaque ventis
Vela dedi ; nihil est toto quod perftet in orbe.
Cuncta fluunt : omnisque vagans formatur imago.
Ipsa quoque assiduo labuntur tempora motu ,
Non secus ac flumen. Neque enim consistere flumen , 180
Nec levis hora potest : sed ut unda impellitur undâ ,
Urgeturque prior venienti , urgetque priorem ;
Tempora sic fugiunt pariter , pariterque sequuntur ;
Et nova sunt semper : nam quod fuit ante , relictum est ;
Fitque , quod haud fuerat : momentaque cuncta novantur.
Cernis & emeritas in lucem tendere noctes , 186
Et jubar hoc nitidum nigræ succedere nocti.
Nec color est idem cœlo , cùm lassâ quiete
Cuncta jacent mediâ ; cùmque albo Lucifer exit
Clarus equo : rursusque alius , cùm prævia luci 190
Tradendum Phœbo Pallantias inficit orbem.
Ipse Dei clypeus , terrâ cùm tollitur imâ ,
Mane rubet : terrâque , rubet , cùm conditur imâ ;
Candidus in summo est : melior natura quod illic
Ætheris est , terræque procul contagia vitat. 195
Nec par aut eadem nocturnæ forma Dianæ
Esse potest umquam : semperque hodierna sequente ,
Si crescit , minor est ; major , si contrahit orbem.
Quid ? non in species succedere quattuor annum
Aspicias , ætatis peragentem imitamina nostræ ? 200
Nam tener , & lactens , puerique simillimus ævo ,
Vere novo est. Tunc herba recens , & roboris expers

336 P. OVIDII NASONIS

- Turget, & infolida est; & spe delectat agrestem.
 Omnia tum florent; florumque coloribus almus
 205 Rider ager: neque adhuc virtus in frondibus ulla est.
 Transit in Æstatem, post Ver, robustior Annus;
 Fitque valens juvenis. Neque enim robustior ætas
 Ulla, nec uberior: nec, quæ magis æstuet, ulla est.
 Excipit Autumnus, posito fervore juventæ,
 210 Maturus mirisque, inter juvenemque senemque
 Temperie medius, sparsis per tempora canis.
 Inde senilis hiems tremulo venit horrida passu;
 Aut spoliata suos, aut, quos habet, alba capillos.
 Nostra quoque ipsorum semper, requieque sine ulla,
 215 Corpora vertuntur: nec quod fuimusve, sumusve,
 Cras erimus. Fuit illa dies, quâ femina tantum,
 Spesque hominum primæ, maternâ habitavimus alvo.
 Artifices Natura manus admovit, & angî
 Corpora visceribus distentæ condita matris
 220 Noluit; eque domo vacuas emisit in auras.
 Editus in lucem jacuit sine viribus infans;
 Mox quadrupes, ritumque tulit sua membra ferarum;
 Paulatimque tremens, & nondum poplite firmo,
 Constitit, adjutis aliquo conamine nervis.
 225 Inde valens veloxque fuit: spatiumque juventæ
 Transit: &, emensis medii quoque temporis annis,
 Labitur occidua per iter declive senectæ.
 Subripit hæc ævi, demoliturque, prioris
 Robora: fletque Milon senior, cum spectat inanes
 230 Illos, qui fuerant, solidorum mole tororum,
 Herculeis similes, fluidos pendere lacertos.
 Flet quoque, ut in speculo rugas aspexit aniles,
 Tyndaris: & secum, cur sit bis rapta, requirit.
 Tempus edax rerum, tuque invidiosa vetustas,
 235 Omnia destruitis: vitiataque dentibus ævi
 Paulatim lentâ consumitis omnia morte.
 Hæc quoque non perstant, quæ nos elementa vocamus.
 Quasque vices peragant, animos adhibete, docebo.

Quattuor

METAMORPHOSEON L. XV. 337

Quattuor æternus genitalia corpora mundus
 Continet. Ex illis duo sunt operosa, suoque 240
 Pondere in inferius, tellus atque unda, feruntur:
 Et totidem gravitate carent; nulloque premente,
 Alta petunt, aër, atque aëre purior ignis.
 Quæ quamquam spatio distant, tamen omnia sunt
 Ex ipsis, & in ipsa cadunt: resolutaque tellus 245
 In liquidas rorescit aquas: tenuatus in auras
 Aëraque humor abit: demto quoque pondere, rursus
 In superos aër tenuissimus emicat ignes.
 Inde retro redeunt, idemque retextitur ordo.
 Ignis enim densum spissatus in aëra transit; 250
 Hic in aquas: tellus glomeratâ cogitur undâ.
 Nec species sua cuique manet: rerumque novatrix
 Ex aliis alias reparat Natura figuras.
 Nec perit in toto quicquam, mihi credite, mundo;
 Sed variat, faciemque novat: nascique vocatur, 255
 Incipere esse aliud, quàm quod fuit ante; morique,
 Desinere illud idem: cum sint huc forsitan illa,
 Hæc translata illuc; summâ tamen omnia constant.
 Nil equidem durare diu sub imagine eadem
 Crediderim: sic ad ferrum venistis ab auro, 260
 Secula: sic toties versa es, Fortuna locorum.
 Vidi ego, quod fuerat quondam solidissima tellus,
 Esse fretum. Vidi factas ex æquore terras:
 Et procul a pelago conchæ jacuere marinæ;
 Et vetus inventa est in montibus anchora summis. 265
 Quodque fuit campus, vallem decursus aquarum.
 Fecit: & eluvie mons est deductus in æquor,
 Eque paludosâ siccis humus aret arenis;
 Quæque sitim tulerant, stagnata paludibus hument.
 Hic fontes Natura novos emisit; at illic 270
 Clausit: & antiquis tam multa tremoribus orbis
 Flumina prosiliunt; aut desiccata residunt.
 Sic ubi terreno Lycus est epotus hiatu,
 Exsistit procul hinc, alioque renascitur ore,

- 275 Sic modò combibitur, testò modò gurgite lapsus
 Redditur Argolicis ingens Erasinus in arvis.
 Et Mysum capitisque sui, ripæque prioris
 Pœnituisse ferunt, alià nunc ire, Cæicum.
 Nec non Sicanias volvens Amēnanus arenas
- 280 Nunc fluit; interdum suppressis fontibus aret.
 Ante bibebatur, nunc quas contingere nolis,
 Fundit Anigros aquas: post quàm, nisi vatibus omnis
 Eripienda fides, illic lavere bimembres
 Vulnera, clavigeri quæ fecerat Herculis arcus.
- 285 Quid? non & Scythicis Hypanis de montibus ortus,
 Qui fuerat dulcis, salibus vitiatur amaris.
 Flustibus ambitæ fuerant Antissa Pharosque,
 Et Phœnissa Tyros: quarum nunc insula nulla est.
 Leucada continuam veteres habuere coloni;
- 290 Nunc freta circueunt. Zancle quoque iuncta fuisse
 Dicitur Italiæ: donec confinia pontus
 Abstulit; & mediâ tellurem repulit undâ.
 Si quæras Helicen & Burin, Achæidas urbes,
 Invenies sub aquis: & adhuc ostendere nautæ
- 295 Inclinata solent cum mœnibus oppida mersis.
 Est prope Pitthêam tumulus Trœzena, sine ullis
 Arduus arboribus, quondam planissima campi
 Area, nunc tumulus: nam (res horrenda relatu!)
 Vis fera ventorum, cæcis inclusa cavernis,
- 300 Exspirare aliquà cupiens, luctataque frustra
 Liberiore frui cœlo, cùm carcere rima
 Nulla foret toto, nec pervia flatibus esset;
 Extentam tumefecit humum: ceu spiritus oris
 Tendere vesicam solet, aut derepta bicorni
- 305 Terga capro. Tumor ille loco permansit; & alti
 Collis habet speciem, longoque induruit ævo.
 Plurima cùm subeant, audita aut cognita vobis,
 Pauca super referam. Quid? non & lympa figuras
 Datque capitque novas? medio tua, corniger Ammon,
- 310 Unda die gelida est: ortuque obituque calescit.

METAMORPHOSEON L. XV. 339

Admotis Athamanis aquis accendere lignum
 Narratur, minimos cum Luna recessit in orbes.
 Flumen habent Cicones, quod potum saxea reddit
 Viscera: quod tactis inducit in armora rebus.
 Crathis, & huic Sybaris, nostris conterminus arvis, 315
 Electro similes faciunt auroque capillos.
 Quodque magis mirum, sunt, qui non corpora tantum,
 Verum animos etiam valeant mutare, liquores.
 Cui non audita est obscenæ Salmacis undæ?
 Æthiopesque lacus? quos si quis faucibus hausit, 320
 Aut furit, aut mirum patitur gravitate soporem.
 Clitorio quicumque sitim de fonte levârit,
 Vina fugit, gaudetque meris abstemiis undis.
 Seu vis est in aqua, calido contraria vino;
 Sive quod indigenæ memorant, Amithaone natus, 325
 Prætidas attonitas post quàm per carmen & herbas
 Eripuit Furiis, purgamina mentis in illas
 Misit aquas: odiumque meri permansit in undis.
 Huic fluit effectû dispar Lyncestius amnis:
 Quem quicumque parùm moderato gutture traxit, 330
 Haud aliter titubât, quàm si mera vina bibisset.
 Est locus Arcadiæ, Pheneon dixere priores,
 Ambiguis suspectus aquis: quas nocte timeto;
 Noctæ nocent potæ: sine noxa luce bibuntur.
 Sic alias aliasque lacus & flumina vires 335
 Concipiunt. Tempusque fuit, quo navit in undis,
 Nunc sedet, Ortygie. Timuit concursibus Argo
 Undarum sparsas Symplegadas elisarum;
 Quæ nunc immotæ perstant, ventisque resistunt.
 Nec, quæ sulfureis ardet fornacibus, Ætne 340
 Ignea semper erit: neque enim fuit ignea semper.
 Nam sive est animal tellus, & vivit, habetque
 Spiramenta, locis flammam exhalantia multis;
 Spirandi mutare vias, quotiesque movetur,
 Has finire potest, illas aperire cavernas. 345
 Sive leves imis venti cohibentur in antris;

340 *P. OVIDII NASONIS*

Saxaque cum faxis, & habentem semina flammæ
Materiem jactant; ea concipit istibus ignem;
Antra relinquentur sedatis frigida ventis.

- 350 Sive bitumineæ rapiunt incendia vires,
Luteave exiguis arescunt sulfura fumis;
Nempe ubi terra cibos alimentaue pingua flammæ
Non dabit, absumtis per longum viribus ævum,
Naturæque suum nutrimentum deerit edaci;
- 355 Non feret illa famem, desertaue deferet ignes.
Esse viros fama est in Hyperborea Pallene,
Qui soleant levibus velari corpora plumis,
Cum Tritoniacam novies subiere paludem.
Haud equidem credo. Sparsæ quoque membra veneno
- 360 Exercere artes Scythides memorantur easdem.
Si qua fides rebus tamen est addenda probatis:
Nonne vides, quæcumque morâ fluidove calore
Corpora tabuerint, in parva animalia verti?
I quoque, delectos mactatos obrue tauros;
- 365 Cognita res usu, de putri viscere passim
Florilegæ nascuntur apes: quæ more parentum,
Rura colunt, operique favent; in spemque laborant.
Pressus humo bellator equus crabronis origo est.
Concava litoreo si demas brachia cancro,
- 370 Cetera supponas terræ; de parte sepultâ
Scorpius exhibit, caudâque minabitur uncâ.
Quæque solent canis frondes intexere filis
Agrestes tineæ, res observata colonis,
Ferali mutant cum papilione figuram.
- 375 Semina limus habet virides generantia ranas,
Et generat truncas pedibus: mox apta natando
Crura dat: utque eadem sint longis saltibus apta,
Posterior partes superat mensura priores.
Nec catulus, partu quem reddidit urfa recenti,
- 380 Sed malè viva caro est: lambendo mater in artus
Fingit; & in formam, quantam capit ipsa, reducit.
Nonne vides, quos cæra tegit sexangula, fetus

METAMORPHOSEON L. XV. 341

Melliferarum apium sine membris corpora nasci ,
Et ferosque pedes , ferasque assumere pennas ?
Junonis volucrem , quæ caudâ sidera portat , 385
Armigerumque Jovis , Cythereïadasque columbas ,
Et genus omne avium , mediis e partibus ovi
Ni sciret fieri , fieri quis posse putaret ?
Sunt qui , cùm clauso putrefacta est spina sepulcro ,
Mutari credant humanas angue medullas. 390

Hæc tamen ex aliis ducunt primordia rebus ;
Una est , quæ reparet , seque ipsa refeminet , ales.
Assyrii Phœnica vocant. Non fruge , neque herbis ,
Sed turis lacrymis , & succo vivit amomi.
Hæc ubi quinque suæ complevit secula vitæ , 395
Ilicis in ramis , tremulæve cacumine palmæ ,
Unguibus & pando nidum sibi construit ore.
Quò simul ac casias , & nardi lenis aristas ,
Quassaque cum fulva substravit cinnama myrrhâ ,
Se super imponit , finitque in odoribus ævum. 400
Inde ferunt , totidem qui vivere debeat annos ,
Corpore de patrio parvum phœnica renasci.
Cùm dedit huic ætas vires ; onerique ferendo est ,
Ponderibus nidi ramos levat arboris altæ ;
Fertque pius cunasque suas , patriumque sepulcrum ; 405
Perque leves auras Hyperionis urbe potitus ,
Ante fores sacras Hyperionis æde reponit.

Si tamen est aliquid miræ novitatis in istis ;
Alternare vices , & quæ modò femina tergo
Passa marem est , nunc esse marem miremur hyænam. 410
Id quoque , quod ventis animal nutritur & aurâ ,
Protinus assimulat tactu quoscumque colores.
Viستا racemifero lyncas dedit India Baccho ;
E quibus , ut memorant , quicquid vesica remisit ,
Vertitur in lapides ; & congelat aëre tacto. 415
Sic & curalium , quo primùm contigit auras
Tempore , durefcit : mollis fuit herba sub undis.

Deferet ante dies , & in alto Phœbus anhelos

- Æquore tinget equos, quàm consequar omnia dictis
 420 In species translata novas. Sic tempora verti
 Cernimus, atque illas assumere robora gentes;
 Concidere has. Sic magna fuit censuque virisque,
 Perque decem potuit tantum dare sanguinis annos,
 Nunc humilis veteres tantummodo Troja ruinas,
 425 Et pro divitiis tumulos ostendit avorum.
 Clara fuit Sparte: magnæ viguere Mycenæ,
 Nec non Cecropiæ, nec non Amphionis arces.
 Vile solum Sparte est: altæ cecidere Mycenæ.
 Œdipodioniæ quid sunt, nisi fabula, Thebæ?
 430 Quid Pandioniæ restant, nisi nomen, Athenæ?
 Nunc quoque Dardanium fama est consurgere Romam.
 Appenninigenæ quæ proxima Tibridis undis,
 Mole sub ingenti rerum fundamina ponit.
 Hæc igitur formam crescendo mutat; & olim
 435 Immensi caput orbis erit. Sic dicere vates,
 Faticinasque ferunt sortes: quantumque recordor,
 Priamides Helenus flenti, dubioque salutis,
 Dixerat Æneæ, cùm res Trojana labaret;
 Nate Deâ, si nota satis præfagia nostræ
 440 Mentis habes, non tota cadet, te sospite, Troja.
 Flamma tibi ferrumque dabunt iter: ibis, & unâ
 Pergama rapta feres, donec Trojæque tibi que
 Externum patrio contingat amicus arvom.
 Urbem & jam cerno Phrygios debere nepotes,
 445 Quanta nec est, nec erit, nec visa prioribus annis.
 Hanc alii proceres per secula longa potentem,
 Sed dominam rerum de sanguine natus Iulius
 Efficiet: quo, cùm tellus erit usa, fruentur
 Ætheriæ sedes: cœlumque erit exitus illi.
 450 Hæc Helenum cecinisse Penatigero Æneæ,
 Mente memor refero: cognataque mœnia lætor
 Crescere; & utiliter Phrygibus vicisse Pelasgos.
 Ne tamen oblitis ad metam tendere longè
 Exspatiemur equis; cœlum, & quæcumque sub illo est;

METAMORPHOSEON L. XV. 343

Immutat formas , tellusque , & quicquid in illa est. 455
Nos quoque pars mundi , quoniam non corpora solùm ,
Verùm etiam volucres animæ sumus , inque ferinas
Possumus ire domos , pecudumque in pectora condi ,
Corpora , quæ possint animas habuisse parentùm ,
Aut fratrum , aut aliquo junctorum fœdere nobis , 460
Aut hominum certè , tuta esse & honesta sinamus ;
Neve Thyestæis cumulemur viscera mensis.
Quàm malè consuevit ! quàm se parat ille cruori
Impius humano ! vituli qui guttura cultro
Rumpit , & immotas præbet mugitibus aures. 465
Aut qui vagitus similes puerilibus hædum
Edentem jugulare potest ; aut alite vesci ,
Cui dedit ipse cibos. Quantum est , quod desit in istis
Ad plenum facinus , quò transitus inde paratur !
Bos aret , aut mortem senioribus imputet annis ; 470
Horriferum contra Borean ovis arma ministret.
Ubra dent saturæ manibus pressanda capellæ.
Retia cum pedicis , laqueosque artesque dolosas
Tollite : nec volucrem viscatà fallite virgâ ;
Nec formidatis cervos eludite pinnis ; 475
Nec celate cibis uncos fallacibus hamos.
Perdite, si qua nocent : verùm hæc quoque perditè tantùm.
Ora vacent epulis , alimenta que mitia carpant.

Talibus atque aliis instructo pectore dictis ,
In patriam remeasse ferunt , ultroque petitem 480
Accepisse Numam populi Latialis habenas.
Conjuge qui felix Nymphâ , ducibusque Camenis ,
Sacrificos docuit ritus ; gentemque , feroci
Assuetam bello , pacis traduxit ad artes.
Quem, post quàm senior regnumque ævumque peregit, 485
Exstinctum Latiaeque nurus , populusque , Patresque ,
Dessevere Numam : nam conjux , urbe relicta ,
Vallis Aricinæ densis latet abdita silvis ;
Sacraque Orestæa gemitu questuque Dianæ

344 P. OVIDII NASONIS

- 490 Impedit. Ah ! quoties Nymphæ nemorisque lacûsque ,
 Ne faceret , monuere ! & consolantia verba
 Dixere ! Ah ! quoties flenti Theseïus heros ,
 Sisle modum , dixit : neque enim fortuna querenda
 Sola tua est. Similes aliorum respice casus ,
- 495 Mitiùs ista feres : utinamque exempla dolentem ,
 Non mea , te possent relevare ! sed & mea possunt.
 Fando aliquem Hippolytum vestras , puto , contigit aures ,
 Credulitate patris , sceleratæ fraude novercæ ,
 Occubuisse neci. Mirabere , vixque probabo ;
- 500 Sed tamen ille ego sum. Me Pasiphaeïa quondam
 Tentatum frustra , patrium temerare cubile ,
 Quod voluit , finxit voluisse , & crimine verso ,
 Indiciine metu magis , offensâne repulsæ ,
 Arguit : immeritumque pater projecit ab urbe ;
- 505 Hostilique caput prece detestatur euntis.
 Pitthêam profugo curru Trœzena petebam ;
 Jamque Corinthiaci carpebam litora ponti ,
 Cùm mare surrexit ; cumulusque immanis aquarum
 In montis speciem curvari , & crescere , visus ,
- 510 Et dare mugitus , summoque cacumine findi.
 Corniger hinc taurus ruptis expellitur undis ,
 Pectoribusque tenus molles erectus in auras ,
 Naribus & patulo partem maris evomit ore.
 Corda pavent comitum , mihi mens interrita mansit ,
- 515 Exsiliis contenta suis : cùm colla feroces
 Ad freta convertunt , arrectisque auribus , horrent
 Quadrupedes ; monstrique metu turbantur , & altis
 Præcipitant currum scopulis. Ego ducere vanâ
 Frena manu , spumis albentibus oblita , luctor ;
- 520 Et retro lentas tendo resupinus habenas.
 Nec vires tamen has rabies superasset equorum ,
 Nî rota , perpetuum quâ circumvertitur axem ,
 Stipitis occurfu fracta ac disjecta fuisset.
 Excutior curru : lorisque tenentibus artus ,
- 525 Viscera viva trahi , nervos in stirpe teneri ,

METAMORPHOSEON L. XV. 345

Membra rapi partim, partim reprensa relinqui,
Ossa gravem dare fracta sonum, fessamque videres
Exhalari animam; nullasque in corpore partes,
Noscere quas posses: unumque erat omnia vulnus.
Num potes, aut audes cladi componere nostræ, 530
Nympha, tuam? vidi quoque luce carentia regna;
Et lacerum fovi Phlegethontide corpus in unda:
Nec, nisi Apollineæ valido medicamine prolis,
Reddita vita foret. Quam post quàm fortibus herbis,
Atque ope Pæoniâ, Dite indignante, recepi; 535
Tum mihi, ne præsens augerem muneris hujus
Invidiam, densas objecit Cynthia nubes.
Utque forem tutus, possemque impune videri,
Addidit ætatem: nec cognoscenda reliquit
Ora mihi. Cretenque diu dubitavit habendam 540
Traderet, an Delon. Delo Cretâque relictis,
Hic posuit: nomenque simul, quod possit equorum
Admonuisse, jubet deponere: Quique fuisti
Hippolytus, dixit, nunc idem Virbius esto.
Hoc nemus inde colo: de Disque minoribus unus, 545
Numine sub dominæ, lateo: atque accenseor illi.
Non tamen Egeriæ luctus aliena levare
Damna valent: montisque jacens radicibus imis,
Liquitur in lacrymas: donec, pietate dolentis
Mota, soror Phœbi gelidum de corpore fontem 550
Fecit; & æternas artus tenuavit in undas.

At Nymphas tetigit nova res: & Amazone natus
Haud aliter stupuit, quàm cùm Tyrrhenus arator
Fatalem glebam mediis aspexit in arvis,
Sponte suâ primùm, nulloque agitante, moveri; 555
Sumere mox hominis, terræque amittere, formam;
Oraque venturis aperire recentia fatis.
Indigenæ dixere Tagen: qui primus Etruscum
Edocuit gentem casus aperire futuros.

346 P. OVIDII NASONIS

- 560 Utve Palatinis hærentem collibus olim ,
 Cùm subitò vidit frondescere Romulus hastam ;
 Quæ radice novâ , non ferro stabat adaſto ;
 Et jam non telum , ſed lentî vîminis arbor ,
 Non exſpectatas dabat admirantibus umbras.
- 565 Aut ſua fluminèâ cùm vidit Cipus in unda
 Cornua , vidit enim , falſamque in imagine credens
 Eſſe fidem , digitis ad frontem ſæpe relatis ,
 Quæ vidit , tetigit : neq̃ jam ſua lumina damnans
 Reſtitit , ut victor domito remeabat ab hoſte.
- 570 Ad cœlumque oculos , & eédem brachia tollens ,
 Quicquid , ait , Superi , monſtro portenditur iſto ,
 Seu lætum eſt , Patriæ lætuni populoque Quirini ;
 Sive minax , mihi ſit. Viridique e ceſpite factas
 Placat odoratis herboſas ignibus aras ;
- 575 Vinaque dat pateris : maſtatarumque bidentûm ,
 Quid ſibi ſignificent , trepidantia conſulit exta.
 Quæ ſimul inſpexit Tyrrhenæ gentis haruſpex ,
 Magna quidem rerum molimina vidit in illis ,
 Non manifeſta tamen. Cùm verò ſuſtulit acre
- 580 A pecudis fibris ad Cipi cornua lumen ;
 Rex , ait , ô ! ſalve : tibi enim , tibi , Cipe , tuiſque
 Hic locus & Latîæ parebunt cornibus arces.
 Tu modò rumpe moram , portasque intrare patentes
 Appropera. Sic fata jubent : namque Urbe receptus
- 585 Rex eris , & ſceptro tutus potiere perenni.
 Retulit ille pedem : torvamque a mœnibus Urbis
 Avertens faciem , Procul , ah ! procul omîna , dixit ,
 Talia Dî pellant : multoque ego juſtius ævum
 Exſul agam , quàm me videant Capitolia regem.
- 590 Dixit : & extemplo populumque gravemque Senatum
 Convocat. Ante tamen pacali cornua lauro
 Velat : & aggeribus factis a milite forti
 Inſiſtit : priſcoque Deos e more precatus ,
 En , ait , hic unus , quem vos ni pellitis urbe ,

METAMORPHOSEON L. XV. 347

Rex erit : is qui sit , signo , non nomine , dicam. 595
 Cornua fronte gerit : quem vobis indicat augur ,
 Si Romam intrârit , famularia jura daturum.
 Ille quidem potuit portas irrumpere apertas ;
 Sed nos oblitimus : quamvis conjunctior illo
 Nemo mihi est. Vos Urbe virum prohibete, Quirites; 600
 Vel , si dignus erit , gravibus vincite catenis ;
 Aut finite metum fatalis morte tyranni.
 Qualia succinctis , ubi trux insibilat Eurus ,
 Murmura pinetis fiunt ; aut qualia flustus
 Æquorei faciunt , si quis procul audiat illos ; 605
 Tale sonat populus. Sed per confusa frementis
 Verba tamen vulgi vox eminet una , Quis ille ?
 Et spectant frontes : prædictaque cornua quærunt.
 Rursus ad hos Cipus , Quem poscitis , inquit , habetis ;
 Et , demtâ capiti , populo prohibente , coronâ , 610
 Exhibuit gemino præsignia tempora cornu.
 Demisere oculos omnes , gemitumque dedere ;
 Atque illud meritis clarum , (quis credere possit ?)
 Inviti vidère caput : nec honore carere
 Ulteriùs passi , festam imposuere coronam. 615
 At proceres , quoniam muros intrare vetaris ,
 Ruris honorati tantum tibi , Cipe , dedere ,
 Quantum depresso subjectis bubus aratro
 Complecti posses ad finem Solis ab ortu.
 Cornuaque æratis , miram referentia formam , 620
 Postibus insculpunt , longum mansura per ævum.

Pandite nunc , Musæ , præsentia numina vatum ,
 Scitis enim , nec vos fallit spatiosa vetustas ,
 Unde Coroniden , circumflua Tibridis alveo ,
 Insula Romulææ sacris adsciverit urbis. 625

Dira lues quondam Latias vitiaverat auras ,
 Pallidaque exsanguisqualebant corpora tabo.
 Funeribus fessi post quàm mortalia cernunt
 Tentamenta nihil , nihil artes posse medentùm ;

- 630 Auxilium cœleste petunt : mediamque tenentes
 Orbis humum Delphos adeunt , oracula Phœbi ;
 Utque salutiferâ miseris succurrere rebus
 Sorte velit , tantæque urbis mala finiat , orant.
 Et locus , & laurus , & , quas habet ille , pharetræ ,
- 635 Intremuere simul : cortinaque reddidit imo
 Hanc adyto vocem ; pavefactaque pectora movit ;
 Quod petis hinc , propiore loco , Romane , petisses ;
 Et pete nunc propiore loco : nec Apolline vobis ,
 Qui minuat luctus , opus est ; sed Apolline nato.
- 640 Ite bonis avibus , prolemque arcessite nostram.
 Iussa Dei prudens post quàm accepere Senatus ;
 Quam colat , explorant , juvenis Phœbeius urbem ;
 Quique petant ventis Epidauria litora , mittunt.
 Quæ simul incurvâ missi tetigere carinâ ;
- 645 Concilium Grajosque patres adiere : darentque
 Oravere Deum , qui præsens funera gentis
 Finit Ausoniæ : certas ita dicere sortes.
 Dissidet & variat sententia : parsque negandum
 Non putat auxilium ; multi renuere , suamque
- 650 Non emittere opem , nec numina tradere suadent.
 Dum dubitant , seram crepuscula lucem ,
 Umbraque telluris tenebras induxerat orbi ;
 Cùm deus in somnis opifer consistere visus
 Ante tuum , Romane , torum ; sed qualis in æde
- 655 Esse solet : baculumque tenens agreste sinistrâ ,
 Cæsariem longæ dextrâ deducere barbæ ,
 Et placido tales emittere pectore voces.
 Pone metus : veniam , simulacraque nostra relinquam.
 Hunc modò serpentem , baculum qui nexibus ambit ,
- 660 Perspice : & usque nota visu ; ut cognoscere possis.
 Vertar in hunc ; sed major ero : tantusque videbör ,
 In quantum verti cœlestia corpora debent.
 Extemplo cum voce Deus , cum voce Deoque
 Somnus abit : somnique fugam lux alma secuta est.
- 665 Postera sidereos Aurora fugaverat ignes ;

METAMORPHOSEON L. XV. 349

Incerti, quid agant, procures, ad templa petiti
 Conveniunt operosa Dei: quâque ipse morari
 Sede velit, signis cœlestibus indicet, orant.
 Vix bene desierant, cùm cristis aureus altis
 In serpente Deus prænumcia sibila misit; 670
 Adventuque suo signumque, arasque, foresque,
 Marmoreumque solum, fastigiaque aurea movit;
 Pectoribusque tenus mediâ sublimis in æde
 Constitit: atque oculos circumtulit igne micantes.
 Territa turba pavet. Cognovit numina castos 675
 Evinctus vittâ crines albente sacerdos;
 Et, Deus en, Deus en; linguisque animisque favete,
 Quisquis ades, dixit. Sis, ô! pulcherrime, visus
 Utiliter; populosque juves tua sacra colentes.
 Quisquis adest, jussu venerantur numen; & omnes 680
 Verba sacerdotis referunt geminata: piumque
 Æneadæ præstant & mente & voce favorem.
 Annuit his: motisque Deus, rata pignora, cristis,
 Ter repetita dedit vibratâ sibila linguâ.
 Tum gradibus nitidis delabitur, oraue retro 685
 Flestit: & antiquas abiturus respicit aras;
 Assuetasque domos, habitataque templa salutat.
 Inde per injectis adopertam floribus ingens
 Serpit humum, flestitque sinus: mediamque per urbem
 Tendit ad incurvo munitos aggere portus. 690
 Restitit hîc: ægmenque suum, turbæque sequentis
 Officium placido visus dimittere vultu.
 Corpus in Ausonia posuit rate: numinis illa
 Sensit onus: pressâque Dei gravitate carinâ,
 Æneadæ gaudent: cæsoque in litore tauro, 695
 Torta coronatæ solvunt retinacula puppis.
 Impulerat levis aura ratem: Deus eminet altè;
 Impositâque premens puppim cervice recurvam,
 Cæruleas despectat aquas: modicisque per æquor
 Ionium Zephyris, sexto Pallantidos ortu, 700
 Italiam tenuit; præterque Lacinia templo

- Nobilitata Deæ , Scylacæaque litora fertur.
 Linqvit Iapygiam , lævisque Amphissia remis
 Saxa fugit : dextrâ prærupta Ceraunia parte ,
 705 Romechiumque legit , Caulonaque , Naryciamque ,
 Evincitque fretum , Siculique angusta Pelori ,
 Hipпотadæque domos regis , Themesesque metalla ;
 Leucosiamque petit , tepidique rosaria Pæsti.
 Inde legit Capreas , promontoriumque Minervæ ,
 710 Et Surrentino generosos palmite colles ,
 Herculeamque urbem , Stabiasque , & in otia natam
 Parthenopen , & ab hac Cumææ templa Sibyllæ.
 Hinc calidi fontes , lentisciferumque tenentur
 Linternum , multamque trahens sub gurgite arenam
 715 Vulturinus , niveisque frequens Sinuessæ columbis ;
 Minturnæque graves , & quam tumulavit alumnus ,
 Antiphataque domus , Trachasque obsessa palude ,
 Et tellus Circæa , & spissi litoris Antium.
 Huc ubi veliferam nautæ advertère carinam ;
 720 Asper enim jam pontus erat , Deus explicat orbes ,
 Perque sinus crebros & magna volumina labens ,
 Templâ parentis init , flavum tangentia litus.
 Æquore pacato , patrias Epidaurius aras
 Linqvit : & , hospitio juncti sibi numinis usus ,
 725 Litoream tractu squamæ crepitantis arenam
 Sulcat : & , innixus moderamine navis , in alta
 Puppe caput posuit : donec Castrumque , sacrasque
 Lavini sedes , Tiberinaque ad ostia venit.
 Huc omnes populi passim , matrumque patrumque
 730 Obvia turba ruit ; quæque ignes , Troïca , servant ,
 Vesta , tuos : hætoque Deum clamore salutant.
 Quæque per adversas navis cita ducitur undas ,
 Tura super ripas , aris ex ordine factis ,
 Parte ab utraque sonant : & odorant aëra fumis ;
 735 Ictaque coniectos incalfacit hostia cultros.
 Jamque , caput rerum , Romanam intraverat urbem ,
 Erigitur serpens ; fummoque acclinia mæso

METAMORPHOSEON L. XV. 351

Colla movet, sedesque sibi circumspicit aptas.
Scinditur in geminas partes circumfluus amnis;
Insula nomen habet: laterumque a parte duorum 740
Porrigit æquales, mediâ tellure, lacertos.
Huc se de Latia pinu Phœbeius anguis
Contulit: & finem, specie cœleste resumtâ,
Lustibus imposuit, venitque salutifer Urbi.

Hic tamen accessit delubris advena nostris; 745
Cæsar in Urbe suâ Deus est: quem Marte rogâque
Præcipuum, non bella magis finita triumphis,
Resque domi gestæ, properataque gloria rerum,
In sidus vertère novum, stellamque comantem,
Quàm sua progenies. Neque enim de Cæsaris actis 750
Ullum majus opus, quàm quod pater existit hujus.
Scilicet æquoreos plus est domuisse Britannos!
Perque papyriferi septemflua flumina Nili
Vistrices egisse rates! Numidasque rebelles,
Cinyphiumque Jubam, Mithridatæisque tumentem 755
Nominibus Pontum, populo adjecisse Quirini;
Et multos meruisse, aliquos egisse, triumphos;
Quàm tantum genuisse virum, quo præside rerum,
Humano generi, Superi, cavistis abundè!
Ne foret hic igitur mortali semine cretus, 760
Ille Deus faciendus erat. Quod ut aurea vidit
Ænææ genitrix; vidit quoque triste parari
Pontifici letum, & conjurata arma moveri;
Palluit: & cunâtis, ut cuique erat obvia, Divis,
Aspice, dicebat, quantâ mihi mole parentur 765
Insidiæ! quantâque caput cum fraude petatur,
Quod de Dardanio solum mihi restat lilio!
Solane semper ero justis exercita curis?
Quam modò Tydidæ Calydonia vulneret hasta,
Nunc malè defensæ confundant mœnia Trojæ? 770
Quæ videam natum longis erroribus actum,
Jactarique freto, sedesque intrare silentium;

352 P. OVIDII NASONIS

Bellaque cum Turno gerere ; aut , si vera fatemur ,
 Cum Junone magis ? Quid nunc antiqua recordor
 775 Damna mei generis ? Timor hic meminisse priorum
 Non sinit. In me acui sceleratos cernitis enses ;
 Quos prohibete , precor ; facinusque repellite : neve
 Cæde sacerdotis flammæ exstinguite Vestæ.

Talia nequicquam toto Venus anxia cœlo
 Verba jacit, Superosque movet. Qui rumpere quamquam
 781 Ferrea non possunt veterum decreta Sororum ,
 Signa tamen luctûs dant haud incerta futuri.
 Arma ferunt inter nigras crepitantia nubes ,
 Terribilesque tubas , auditaque cornua cœlo
 785 Præmonuisse nefas. Phœbi quoque tristis imago
 Lurida sollicitis præbebat lumina terris.
 Sæpe faces visæ mediis ardere sub astris ;
 Sæpe inter nimbos guttæ cecidère cruentæ.
 Cærus & vultum ferrugine Lucifer atrâ
 790 Sparsus erat : sparsi Lunares sanguine currus.
 Tristia mille locis Stygius dedit omina bubo ;
 Mille locis lacrymavit ebur : cantusque feruntur
 Auditi sanctis , & verba minacia , lucis.
 Victima nulla litat , magnosque instare tumultus
 795 Fibra monet , cæsumque caput reperitur in extis.
 Inque foro , circumque domos , & templa Deorum ,
 Nocturnos ululasse canes , umbrasque silentium
 Erravisse ferunt ; motamque tremoribus urbem.
 Non tamen insidias venturaque vincere fata
 800 Præmonitus potuere Deum : strictique feruntur
 In templum gladii : neque enim locus ullus in Urbe
 Ad facinus diramque placet , nisi Curia , cædem.
 Tum verò Cytheræa manu percussit utrâque
 Pectus : & ætheriâ molitur condere nube ,
 805 Quâ prius infesto Paris est ereptus Atridæ ;
 Et Diomedæos Æneas fugerat enses.
 Talibus hanc genitor. Sola insuperabile fatum ,

METAMORPHOSEON L. XV. 353

Nata , movere paras ? intres , licet , ipsa Sororum
Testa trium , cernes illic , molimine vasto ,
Ex ære & solido rerum tabularia ferro ; 810
Quæ neque concursus cœli , neque fulminis iram ,
Nec metuunt ullas , tuta atque æterna , ruinas.
Invenies illic incisa adamante perenni
Fata tui generis. Legi ipse , animoque notavi :
Et referam ; ne sis etiamnum ignara futuri. 815
Hic sua complevit , pro quo , Cytheræa , laboras ,
Tempora , perfectis , quos terræ debuit , annis.
Ut Deus accedat cœlo , templisque colatur ,
Tu facies , natusque suus , qui nominis heres ,
Impositum feret Urbis onus : cæsique parentis 820
Nos in bella suos fortissimus ultor habebit.
Illius auspiciis obsessæ mœnia pacem
Visita petent Mutinæ : Pharfalia sentiet illum ,
Æmathiæque iterum madefacti cæde Philippi ;
Et Magnum Siculis nomen superabitur undis ; 825
Romanique ducis conjux Ægyptia , tædæ
Non bene fisa , cadet : frustra erit illa minata ,
Servitura suo Capitolia nostra Canopo.
Quid tibi Barbariem , gentes ab utroque jacentes
Oceano , numerem ? Quodcumque habitabile tellus 830
Sustinet , hujus erit : pontus quoque serviet illi.
Pace datâ terris , animum ad civilia vertet
Jura suum , legesque feret justissimus auctor ;
Exemploque suo mores reget : inque futuri
Temporis ætatem , venturorumque nepotum , 835
Prospiciens , prolem sanctâ de conjuge natam
Ferre simul nomenque suum , curasque jubebit:
Nec , nisi cùm senior similes æquaverit annos ,
Ætherias sedes cognataque sidera tanget.
Hanc animam interea , cæso de corpore raptam , 840
Fac jubar , ut semper Capitolia nostra , Forumque
Divus ab excelsa prospectet Julius æde.

Vix ea fatus erat ; mediâ cum sede Senatûs
Constitit alma Venus , nulli cernenda : sui que

354 *P. OVID. NAS. MET. L. XV.*

- 845 Cæsaris eripuit membris , nec in aëra solvi
 Passa recentem animam , cœlestibus intulit astris.
 Dumque tulit , lumen capere , atque ignescere , sensit ;
 Emisitque sinu. Lunâ volat altius illa ;
 Flammiferumque trahens , spatioso limite , crinem
 850 Stella micat , natique videns bene facta , fatetur
 Esse suis majora ; & vinci gaudet ab illo.
 Hic sua præferri quamquam vetat aëta paternis ;
 Libera fama tamen , nullisque obnoxia jussis ,
 Invitum præfert , unâque in parte repugnat.
 855 Sic magni cedit titulis Agamemnonis Atreus ;
 Ægea sic Theseus , sic Pelea vincit Achilles.
 Denique , ut exemplis ipsos æquantibus utar ,
 Sic & Saturnus minor est Jove. Juppiter arces
 Temperat ætherias , & mundi regna triformis ;
 860 Terra sub Augusto. Pater est & rector uterque.
 Dî , precor , Ænææ comites , quibus ensis & ignis
 Cesserunt , Dique Indigetes , genitorque , Quirine .
 Urbis , & invicti genitor , Gradive , Quirini ,
 Vestaque Cæsareos inter sacrata Penates ;
 865 Et cum Cæsarea tu , Phœbe domestice , Vestâ ,
 Quique tenes altus Tarpeias , Juppiter , arces ,
 Quosque alios vati fas appellare piumque ;
 Tarda sit illa dies , & nostro senior ævo ,
 Quâ caput Augustum , quem temperat , orbe relicto ,
 870 Accedat cœlo , faveatque precantibus absens ,

- Jamque opus exegi , quod nec Jovis ira , nec ignes ,
 Nec poterit ferrum , nec edax abolere vetustas.
 Cùm volet illa dies , quæ nil nisi corporis hujus
 Jus habet , incerti spatium mihi finiat ævi ;
 875 Parte tamen meliore mei super alta perennis
 Astra ferar : nomenque erit indelebile nostrum.
 Quâque patet domitis Romana potentia terris ;
 Ore legar populi : perque omnia secula famâ
 (Si quid habent veri vatum præfagia ,) vivam.

F I N I S.



FABULARUM

ET

RERUM MEMORABILIUM

I N D E X.

Numeri Romani librum, barbarici versum indicant.

A.

ABARIS. V. 86.

Abas. XIV. 505.

Acastus. VIII. 603.

Accipiter. V. Dædalion.

Achæmenidis in Ætna re-
lictæ liberatæ. XIV. 160.

Acheloüs Thefeum hospi-
tio recipit. VIII. 553.

Acheloï cum Hercule
certamen. IX. 1.

Acheloïdes. V. 552.

Achillis gesta. XIII. 170.

Mors. XII. 601. Achil-
les Græcorum murus.

XIII. 281. De Achillis
armis contentio. XII.
620.

Acis. XIII. 750. a Poly-
phemo interfectus, in flu-
vium cognominem mu-

tatur. XIII. 882.

Acmon. XIV. 407.

Aconiti origo. VIII. 418.

Aconteus. V. 201.

Acrotas. XIV. 619.

Actæon in cervum muta-
tur. III. 138.

Adonis ex Cinyræ & Myr-
rhæ concubitu nascitur.
X. 465. Veneri adama-
tus. X. 524. In anemo-
nen versus. X. 731.

Æacus a Minoe rogatur au-
xilium. VII. 409.

Ægeon. II. 10.

Æneæ pietas. XIII. 623.

Æneæ navigatio. XIII.

627. Æneæ colloquium

cum Sibylla Cumæa.

XIV. 104. Æneæ naves

- in Nymphas mutatæ. xiv. 549. Æneas Turnum vincit. xiv. 400. Inter deos indigetes relatus. xiv. 581.
- Æfacus Priami filius Hesperiae vim afferre conatus, in mergum mutatur. xi. 750.
- Æsculapius Romam advehitur. xv. 622. Hippolytum ad vitam reducit. xv. 533.
- Æstas. xv. 206.
- Ætates mundi quatuor. l. 89. Ætates hominis quatuor. xv. 199.
- Æthiopum lacus furorem inducens. xv. 320.
- Ætnæ incendium. xv. 340.
- Agamemnon. xii. 623.
- Aglauros Cecropis filia in lapidem versa. li. 821.
- Agyrtes. v. 148.
- Ajaxis Telamonii pro indispiscendis Achilleis armis oratio. xiii. l. Ejus fortiter gesta. xiii. 73.
- Ajax in gladium incumbit. xiii. l. 384. Ejus cruor in Hyacinthum vertitur. *Ibid.*
- Ajax Oilei filius. xiii. 356.
- Alastor. xiii. 257.
- Alba, Albæ rex. xiv. 612.
- Alcandrus. xiii. 258.
- Alcidamantis filia parit columbam. vii. 369.
- Aloïdæ. vi. 116.
- Alpheus. v. 599.
- Althæa in filio fratrum necem ulciscitur. viii. 445.
- Ambracius judex in saxum versus. xiii. 714.
- Amenanus fluvius. xv. 279.
- Ammon. v. 107. xv. 309.
- Amphimedon. v. 74.
- Amphitrite. l. 14.
- Amphitryon. v. l.
- Ampyx. v. 184.
- Amyntor. xii. 361.
- Anapis. v. 417.
- Anaxarete in saxum mutata. xv. 749.
- Anceus. viii. 515.
- Anchises. xiii. 626, 641.
- Andremon. xiii. 357.
- Andromeda objecta belluæ marinæ. iv. 669. Andromeda liberatori suo nubit. iv. 669.
- Anemone. x. 735.
- Anguis ex hominis spina existit. xv. 389.
- Anigros fluvius. xv. 281.
- Anii filia in columbas versa. xiii. 650.
- Anni partes quatuor. l. 89. xv. 199.
- Antenor. xiii. 201.

- Antigone Laomedontis filia
 in ciconiam versa. vi. [39](#).
 Antimachus. xii. 460.
 Antiphates Læstrygonum
 rex. xiv. [233](#).
 Antiffa in terram continen-
 tem mutata. xv. [287](#).
 Apes e bubulo cadavere
 enatæ. xv. 364. Apes
 primò sine pedibus. xii.
[382](#).
 Aphareus. xv. 341.
 Apollo & Neptunus Tro-
 jana moenia ædificant.
 xi. 202. Apollo adamat
 Daphnen. i. 452. Co-
 roniden. ii. 542. [Leu-](#)
[cothoen](#). iv. [196](#). Apol-
 linis adulteria. vi. [122](#).
 Appulus pastor in oleas-
 trum versus. xv. 517.
 Aquæ frigidæ in calidas mu-
 tata. xv. 791. Aquæ in
 terras versæ. xv. [245](#).
 Arachne cum Pallade cer-
 tat. vi. [5](#). In araneam
 mutatur. vi. [134](#).
 Arcas Callistûs filius. i. [1](#).
 468. versus in sidus. ii.
 505.
 Ardea avis ex Ardea urbe
 crematâ. xv. [574](#).
 Arethusa in fontem versa.
 v. 572.
 Argo navis. xv. [337](#).
 Argonautarum expeditio.
 vii. [1](#).
 Argus. i. 624. Argi oculi
 caudæ pavonis inditi. i.
 720.
 Ariadnæ corona in sidus
 mutata. viii. 175.
 Aries in agnum mutatus.
 vii. [309](#).
 Arne in monedulam mu-
 tata. vi. 465.
 Ascalaphus in bubonem ver-
 sus. v. 538.
 Ascanius. xiv. 609.
 Asopis (Ægina.) vi. [113](#).
 Asterie. vi. [108](#).
 Astræa. i. [150](#).
 Astreus. v. [144](#).
 Astyages. v. [203](#).
 Astyanax. xiii. [415](#).
 Atalantæ velocitas. x. 560.
 Ea in leænam mutatur.
 x. [698](#).
 Atalanta alia, Arcadia, Ja-
 sonis filia. viii. [316](#).
 Athamanis fons. xv. 311.
 Athamas furens. iv. 511.
 Athis. v. [72](#).
 Atlas. iv. 630.
 Attis in pinum versus. x.
[104](#).
 Aventinus. xiv. 620.
 Aves ex ovi medulla natæ.
 xv. [385](#).
 Augustus major Julio Cæ-
 sare. xv. [850](#).
 Aurora. xiii. 577.
 Autumnus. xv. 209.

B.

BACCHARUM vestitus.

IV. 6. XI. 3.

Bacchus insuitur femori Jo-
vis. III. 310. In pue-
rum versus. III. 572.

Bacchi acclamationes.
IV. 11. cognomina. *Ib.*

Bacchi nutrices rejuve-
nescunt. VII. 294. Bac-
chi adulterium. VI. 125.

Battus. II. 687.

Baucis. VIII. 631.

Bianor. XII. 345.

Bifaltus. VI. 117.

Bombyces in papiliones
versi. XV. 372.

Boreas raptor Orithyæ.
VI. 682.

Bos in apes versus. XV.
365. Boves hostiæ. XV.
120.

Bromus. XII. 459.

Broteas. V. 107.

Buris urbs absorpta a mari.
XV. 293.

Butes. VII. 500.

Byblis fratrem deperit. IX.
452.

C.

CADMUS, sorore non
inventâ, Thebas condit.
III. 3. Cadmi congres-
sus cum serpente & vic-

toria. III. 55. Cadmus
in serpentem conversus.
IV. 562.

Cænis a Neptuno compressa
optat mutari in virum.
XII. 109. Cæneus invul-
nerabilis. XII. 473. mu-
tatur in avem. XII. 624.

Cæranus. XIII. 257.

Cæsaris mors. XV. 800.

Cæsar in bellam muta-
tus. XV. 845.

Caieta nutrix Æneæ. XIV.
441.

Cæicus fluvijs. XV. 277.

Calculi nigri in candidos
versi. XV. 41.

Callisto. II. 409. mutatur
in ursam. II. 476.

Calliopes cantus. V. 337.

Callirhoes filii impuberes in
viros mutantur. IX. 413.

Calydonii apri descriptio.
VIII. 282.

Cancer in scorpionem muta-
tus. XV. 369.

Canens uxor Pici. XIV. 333.
In auras mutatur. 400.

Canis & vulpes in saxa
conversi. VII. 789.

Cannæ vocales. XI. 190.

Caper hostia. XV. 114.

Capetus. XIV. 613.

Capys. XIV. 613.

Carnium esum detestatur Py-
thagoras. XV. 456.

- Cecrops. II. 555.
 Celadon. v. [144](#).
 Centauri nuptias Pirithoi
 inturbant. XII. [219](#).
 Cephalus. XII. 493. V.
 Procris.
 Cephænorum pugna. v. [1](#).
 Ii in saxa mutati. v.
 208.
 Cephisi nepos in phocam
 mutatus. VII. 388.
 Cerambus in avem versus.
 VII. [353](#).
 Cerastræ. x. [221](#).
 Cerberus. IV. 449.
 Cercopes in simias mutati.
 XIV. [90](#).
 Cercyon. VII. 439.
 Cereris laus. v. [341](#). Fi-
 liam raptam quærit. v.
 438.
 Cerva pro Iphigenia sup-
 posita. XII. [34](#).
 Cervus Cyparissi mansue-
 tus. x. [106](#).
 Ceyx it Delphos consul-
 tum. XI. 410. Ejus nau-
 fragium. XI. 480. Is
 mutatur in halcedinem.
 XI. 741.
 Chalcas. XII. [18](#).
 Chamæleontis natura. xv.
 411.
 Chaos in elementa dispe-
 citur. [1](#). [6](#).
 Charaxas. XII. [272](#).
 Chariclo. II. 636.
 Charopes. XIII. [259](#).
 Chersidamas. XIII. [259](#).
 Chione a Diana interfecta.
 XI. [301](#).
 Chiron Saturni filius. II.
 630.
 Chromis. v. [103](#).
 Chromius. XIII. [287](#).
 Chthonius. XII. 441.
 Ciconum fluvius saxificus.
 xv. [313](#).
 Cinyrâ Phœniciz rege na-
 tæ in gradus templi mu-
 tatæ. VI. 98.
 Cinyras Paphi filius, pater
 Myrrhæ. x. [298](#).
 Cipus cornutus. xv. 565.
 Circæ aula & pedisequæ.
 XIV. [254](#). veneficia.
 XIV. 413. Circe amat
 Picum. XIV. [346](#).
 Clanis. v. [143](#).
 Clitorius fons vino con-
 trarius. xv. [322](#).
 Clymene Phæthontis ma-
 ter Phœbo amata. [1](#).
 756.
 Clynenus. v. [98](#).
 Clytie Nympha in heliotro-
 pium versa. IV. [264](#).
 Clytius. v. [142](#).
 Clytus. v. [87](#).
 Coæ matres cornutæ. VII.
[363](#).
 Columbæ. XIII. 671.

Combe in avem. [vii. 382.](#)

Cometes. [xii. 284.](#)

Coralium. [i v. 743.](#) ex molli durum. [x v. 416.](#)

Cornu Copiæ. [ix. 87.](#)

Coronis, Phlegyæ Lapitharum regis filia, a Phœbo adamata. [l. 542.](#) Coronis Coronei filia in cornicem mutata. [ii. 569.](#)

Corvus olim candidus. [v. 534.](#)

Corythus [v. 125.](#)

Crabrones ex equo prognati. [xv. 368.](#)

Crantor. [xii. 361.](#)

Crathis capillos electo similes facit. [xv. 315.](#)

Crepusculum. [iv. 399.](#)

Creüsa Creontis filia, altera Jafonis conjux, exurit. [vii. 394.](#)

Crocus in florem versus. [iv. 283.](#)

Croton Herculis hospes. [xv. 15.](#)

Cyane Nympha. Sicala in fontem versa. [vi. 465.](#)

Cyanee Mæandri filia. [x i. 452.](#)

Cycnus. Scheleni filius in olorem versus. [ii. 367.](#)

Cycnus Hyries filius in olorem mutatus. [vii. 371.](#)

Cygni natura. [ii. 377.](#)

Cygni & Achillis certa-

men. [xii. 72.](#) Ille mutatur in avem. [xii. 144.](#)

Cyllarus Centaurorum formosissimus. [xii. 393.](#) cum uxore morti occumbit. [xii. 419.](#)

Cymelus. [ii. 454.](#)

Cyparissus in cupressum versus. [x. 106.](#)

D.

DÆDALION in accipitrem versus. [xi. 291.](#)

Dædalus volucer. [viii. 182.](#)

Danaë. [iv. 610.](#)

Danaïdes. [x. 43.](#)

Daphne Phœbo adamata. [i. 452.](#)

Deianiræ forma. [ix. 8.](#)

Demoleon. [xii. 356.](#)

Dentes serpentine in homines conversi. [iii. 105.](#)

Deois (Proserpina.) [vi. 114.](#)

Deorum potestas. [viii. 618.](#)

cum Typhœo pugna. [v. 319.](#) mutationes [variae. Ibid.](#)

Dercetis in piscem versa. [iv. 44.](#)

Deucalion. [i. 318.](#)

Dietyinna. [ii. 441.](#) [v. 619.](#)

Dietyos mira mors. [xii. 387.](#)

Diluvii descriptio. [i. 262.](#)

Diomedes

- Diomedes Dauni gener. xiv. 458. ejus focii in aves Diomedæas mutati. xiv. 499.
- Dirce, altera Lyci Thebarum regis uxor, Zethi & Amphionis mater; a Baccho in fontem mutata. II. 239.
- Dis (Pluto) v. 384.
- Dolon explorator Trojanus. xiii. 98.
- Doris, Nerei uxor. xiii. 743.
- Dorylas, Cephenus. v. 129. xii. 380.
- Draco velleris aurei custos. vii. 149.
- Dryades. viii. 746.
- Dryantis Theſſali virtus. xii. 296.
- Dryas, Hippolochi filius, pater Lycurgi. xi. 301.
- Dryope in arborem verſa. ix. 530.
- Dymantis, Hecuba Dymantis filia. xi. 761.
- E.
- E**CHIDNA. iv. 500.
- Echinades inſulæ, olim Naiades. viii. 476.
- Echion. III. 126. viii. 311. x. 686.
- Echo Nympha. III. 356.
Tomus II.
- Egeria Numæ uxor. xv. 482. mutatur in fontem. xv. 547.
- Elatuſ, Cænei pater. xii. 189.
- Eleſtrum ex lacrymis ſorum Phaëthontis enatum. ii. 364.
- Eleleuſ, Bacchi nomen. iv. 15.
- Elementorum mutationes variæ. xv. 237.
- Elpenor, ſociuſ Ulyſſis. xiii. 252.
- Elyceſ, Cephenuſ. v. 87.
- Enæſimuſ. viii. 362.
- Ennoniuſ. xiii. 359.
- Epaphuſ, Iuſ filiuſ. i. 748.
- Epituſ, Albæ rex. xiv. 613.
- Epopeuſ. iii. 619.
- Equuſ in crabroneſ vertitur. xv. 368.
- Eraſinuſ fluviuſ. xv. 275.
- Erechtheuſ, Pandionis filiuſ. vi. 677.
- Erichthoniuſ, Vulcani filiuſ. II. 553. ix. 423. Aliuſ fuit Dardani filiuſ.
- Eridanuſ fluviuſ. ii. 223.
- Erigone, Icaruſ filia, a Baccho amata. vi. 126. In cœlo Virgo eſt. x. 451.
- Erinnuſ, Furia. i. 725.
- Eriſichthon Cereris lucum violat. viii. 738. fame
- Q

cruciatur. VIII. 824.
 Erithos. v. 79.
 Erycina, Venus. v. 362.
 Erygdupus. XII. 453.
 Eryx. v. 196. xiv. 83.
 Ethemon, Cephenorum
 unus. v. 165.
 Euippe, Pieri uxor. v. 303.
 Eumeli filia in avem mu-
 tata. VII. 390.
 Eumenides. IX. 410.
 Eumolpus Musæi filius. XI.
 93.
 Eupalamos. VIII. 360.
 Euphorbus in Pythagoram
 versus. xv. 160.
 Europa ab Jove in Creten
 abducta. II. 844.
 Eurus, ventus. I. 61.
 Eurydice Orphei uxor. x. 8.
 Eurylochus ab Ulyssæ ad
 Circen missus. xiv. 252.
 Eurymus, Telemi pater.
 XIII. 772.
 Eurynome Apollini amata.
 IV. 210.
 Eurynomus, Centaurorum
 unus. XII. 310.
 Eurypylus Coi insulæ rex.
 VII. 363.
 Eurysthus. IX. 203.
 Eurythus. vx. 366.
 Eurytion, Argonauta. VIII.
311.
 Eurytus, Centaurus. XII.
224.

Evagros, Lapitha. XII. 290.
 Evander, rex. xiv. 456.
 Evan, Bacchi nomen. IV.
15.
 Evenus, Ætoliae fluvius.
 VIII. 527.
 Exadius, Lapitha. XII. 266.

F.

FAMÆ domus. XII. 29.
 Famis sedes. VIII. 788.
 Fatorum series in ada-
 mante exarata. xv. 808.
 Favonius, ventus. IX. 660.
 Filiarum Orionis exustarum
 favillæ in duos juvenes
 versæ. XIII. 692.
 Fluvii celeberrimi. II. 342.
 Fontes orbis celeberrimi.
 II. 338.
 Formicæ in Myrmidonas
 mutatae. VII. 638.
 Fulmina Jovis secunda,
 quænam? III. 507.
 Fungi in homines mutati.
 VIII. 392.
 Furiarum ornatus. I y.
 499.

G.

GALANTIS in mustelam
 versa. IX. 306.
 Galatea nympa, Nerei &
 Doridis filia. XIII. 739.
 Ganymedis raptus. x. 155.

- Gestus varii : hominis ingressi. *IV.* [352.](#) tollentis securim. *VIII.* [397.](#) se levantis de terra. *II.* [786. *IV.* \[710.\]\(#\) Gestus & habitus currentis. *X.* \[652.\]\(#\) Gestus expurgantis. *XI.* \[619.\]\(#\)](#)
- Gigantes cum Diis belligerant. *V.* [319.](#) *X.* [150.](#) Gigantum sanguis in homines vertitur. *I.* [152.](#)
- Glaucus fit Deus maris. *XIII.* [904.](#)
- Gleba in puerum Tagen nomine animatur. *XV.* [553.](#)
- Gorge, Œnei filia. *VIII.* [542.](#)
- Græcorum expeditio contra Trojanos. *XII.* [6.](#)
- Gradivus Thraciæ rex, qui & Mars dicitur. *VI.* [427.](#)
- Granicus Alexirhoes pater. *XI.* [763.](#)
- Gryneus, unus e Centauris. *XII.* [260.](#)
- H.**
- HÆMUS**, Thraciæ rex, in montem versus. *VI.* [566.](#)
- Halcyone Ceycis conjux. *XI.* [41.](#) mutatur in halcedinem. *XI.* [731.](#)
- Halcyoneus. *V.* [135.](#)
- Halesus. *XII.* [462.](#)
- Halus. *XIII.* [158.](#)
- Hammonis fons. *XV.* [309.](#)
- Hebe. *IX.* [400.](#)
- Hecate, filia Persæ, Medæ mater. *VII.* [74.](#)
- Hector, Trojanorum fortissimus. *XII.* [67.](#) *XIII.* [667.](#)
- Hecuba Ulyssi forte obtingit. *XIII.* [425.](#) Polydori corpus invenit. *XIII.* [436.](#) Mutatur in canem rabidam. *XIII.* [566.](#)
- Helena. *XV.* [232.](#) reposcitur. *XIII.* [330.](#)
- Helenus. *XIII.* [724.](#)
- Heliades. *II.* [340.](#) *X.* [91.](#)
- Helice, Urfa major. *VIII.* [207.](#)
- Helimus. *XII.* [460.](#)
- Helle, Nepheles filia, Phryxi soror. *XI.* [195.](#)
- Helops. *XII.* [334.](#)
- Herculis & Acheloi congressus. *IX.* [30.](#) Herculis labores. *IX.* [182.](#) sagittæ ad Trojam vincendam necessariae. *IX.* [232.](#) *XIII.* [54.](#) Herculis ingentia facinora. *XII.* [545.](#) Herculis mors. *IX.* [152.](#) apotheosis. *IX.* [262.](#)
- Hermaphroditus. *IV.* [288.](#)

- Herse, Cecropis filia, Mercurio adamata. [II. 559.](#)
 Hersilia, Romuli conjux, sit Ora dea. [xiv. 829.](#)
 Hesperie, nympa Cebrenis filia, Æsaco amata. [xi. 769.](#)
 Hesperus. [v. 441.](#)
 Hiems. [xv. 212.](#)
 Hiphinous. [xii. 379.](#)
 Hippafus. [xii. 352.](#)
 Hippocoon. [viii. 314.](#)
 Hippodame, Pirithoi conjux. [xii. 210.](#)
 Hippodamus. [viii. 592.](#)
 Hippolyti mors dira. [xv. 492.](#) vitæ redditus Virbius dicitur. [xv. 544.](#)
 Hippomenes cursu cum Atalanta certat. [x. 775.](#) mutatur in leonem. [x. 698.](#)
 Hippothoos. [viii. 307.](#)
 Hirundo. [vi. 667.](#)
 Humani generis reparatio per lapides. [I. 379.](#)
 Hyacinthia. [x. 217.](#)
 Hyacinthus in florem cognominem versus. [x. 162.](#) Flos hyacinthus. [xiii. 394.](#)
 Hyades, stellæ septem in Tauri capite. [iii. 595.](#)
 Hyæna modò mas, modò femina. [xv. 410.](#)
 Hydra. [ix. 192.](#)
 Hyles, e Centauris unus. [xii. 378.](#)
 Hyleus. [xii. 407.](#)
 Hyllus, Herculis filius. [ix. 279.](#)
 Hylonome, Centaurarum formosissima. [xii. 405.](#)
 Hymenæus. [ix. 761.](#)
 Hypanis fluvius. [xv. 285.](#)
 Hyperion, Solis pater. [iv. 241.](#) Sol. [viii. 564.](#)
 Hypseus, Cephenus. [v. 98.](#)
 Hypsipyle, Lemni insulæ regina, Thoantis filia. [xiii. 399.](#)
 Hyrie in stagnum mutata. [vii. 371.](#)

L

- L**
 IACCHUS. [iv. 15.](#)
 Ianthe. [ix. 722.](#)
 Iasion Cereri adamatus. [iv. 422.](#)
 Jasonis expeditio. [vii. 5.](#) res gestæ. [vii. 100.](#)
 Icarie insulæ. [viii. 221.](#)
 Icarium mare. [viii. 235.](#)
 Icarì volatus & submersio. [viii. 195.](#)
 Icarus alius, Œbali filius, pater Erigones. [x. 450.](#)
 Icelos, Somni filius. [xi. 640.](#)
 Idalia, Venus. [xiv. 694.](#)
 Idas. [viii. 305.](#) [xiv. 504.](#)
 Idmon. [vi. 8.](#)

- Idomeneus. xiii. [358.](#)
 Ignigena, Bacchus. iv. [12.](#)
 Ilioneus, Niobés filius. vi. [261.](#)
 Ilithyia. ix. [283.](#)
 Ilius, Trois filius. xi. [756.](#)
 Imbreus. xii. [310.](#)
 Inachus, fluvius. i. [583.](#)
 Inferi poëtici. iv. [438.](#)
 Eorum aditus & descriptio. iv. [432.](#)
 Ino Bacchi nutrix. iiii. [313.](#) Ino uxor Athamantis fit Leucothea, maris dea. iv. [540.](#)
 Inositio. xiv. [630.](#)
 Invidiæ descriptio. ii. [660.](#)
 Inûs comites Sidoniæ in faxa mutata. iv. [542.](#)
 Io ab Jove comprimitur. i. [588.](#) Mutatur in vaccam. i. [610.](#) Facta dea Isis vocatur. i. [747.](#)
 Iolaus senex fit juvenis. ix. [397.](#)
 Iole, Euryti filia, Herculis uxor. ix. [278.](#)
 Jovis adulteria. vi. [108.](#)
 Jovis filii tres justitiâ maxime insignes. ix. [434.](#)
 Iphigenia. xii. [30.](#)
 Iphis e puella vir existit. ix. [707.](#) Iphis alius, victus amore Anaxaretes se ad summos ejusdem postes suspendit. xiv. [698.](#)
 Iris. xi. [585.](#) Thaumantis filia. iv. [479.](#)
 Isidis comitatus. ix. [772.](#)
 Ismenos. vi. [224.](#)
 Iste nympha, Macarei filia. vi. [124.](#) Apollini amata. v. [124.](#)
 Itys patri apponitur comedendus. vi. [620.](#)
 Julius Cæsar in cometen vertitur. xv. [845.](#)
 Juno. i. [601.](#) Juno Beroën Semeles nutricem simulat. iiii. [278.](#) Juno Averna. xiv. [114.](#)
 Juppiter Dianam imitatur. ii. [425.](#) Europam rapit. ii. [847.](#) Ganymedem rapit. ix. [655.](#) Juppiter Hospes. x. [224.](#)
 Juventa. vii. [241.](#)
 Ixion. iv. [464.](#)
- L.
- LABYRINTHUS Creteus, Dædali opus. viii. [155.](#)
 Lactea via. i. [170.](#)
 Laertes. xiii. [144.](#)
 Laiades. vii. [759.](#)
 Lamus Læstrygon. xiv. [232.](#)
 Lanificii partes. vi. [19.](#)
 Laomedon. xi. [196.](#)
 Latona. vi. [160.](#)
 Latreus, Centaurus. xii. [463.](#)
- Q iij

Lavinia. xiv. 570.

Laurus Apollini sacra. 1.
557.

Learchus eliditur. iv. 515.

Lelex, Træzenius, Pitthei
filius. viii. 312. 617.

Lenæus, Bacchus. iv. 14.

Lethæa in saxum mutata.
x. 79.

Leucades insulæ, olim terra
continens. xv. 289.

Leucippus. viii. 306.

Leucothea. iv. 541.

Leucothæe Phœbo dilecta.
iv. 196.

Liber, Bacchus. iv. 17.

Lichas, Herculis servus. ix.
155. 211.

Licotas. xii. 350.

Ligdus, Iphis pater. ix.
669.

Lotis nympa in arborem
cognominem mutata. ix.
347.

Lucifer. iv. 628.

Lucina. ix. 697.

Lunæ mutationes. xv. 196.

Lupi rabies. xi. 365.

Lyæus, Bacchus. iv. 11.

Lycabas. v. 60. xii. 302.

Lycaon. 1. 218.

Lycetus Cephæus. v. 86.

Lycidas. xii. 310.

Lycii rustici in ranas mu-
tati. vi. 349.

Lycotas. xii. 350.

Lycurgus rex Thraciæ. iv.
22.

Lycus, Diomedis socius.
xiv. 504. alius, Cen-
taurus. xii. 332. Ly-
cus Asiæ fluvius. xv.
273.

Lyncestus fluvius inebriat.
xv. 329.

Lynceus, Apharei filius.
viii. 304.

Lyncurium ex lyncum uri-
na. xv. 413.

Lyncus, cædem parans
Triptolemo, in lyncem
feram mutatur. v. 650.

M.

MACAREUS. xii. 452.
xiv. 159.

Mæra. vii. 362.

Manes. iv. 437.

Manto vates Tiresiæ filia.
vi. 157.

Marfyæ, Satyri supplicium.
v 1. 383.

Mavors, Mars. viii. 7.

Medeæ amor erga Jāsonem.
vii. 9. Æsoni juventu-
tem reddit. vii. 162.

Peliæ filias decipit. vii.
297. Creusæ dat munus.

vii. 294. Suos ipsa fi-
lios necat. vii. 396.

Ægeo nubit vii. 401.

- Medon , unus Centauro-
rum. xii. [303.](#)
- Medusæi capitis guttæ fan-
guineæ in serpentes mu-
tantur. iv. 616. Medu-
sæ caput spectantes in
fata convertit. iv. 778.
- Megareus. x. [605.](#)
- Melaneus. v. [128.](#) xii.
[304.](#)
- Melantho a Neptuno com-
pressa. vi. [120.](#)
- Melanthus. [111.](#) 617.
- Meleager , Œnei filius.
viii. [270.](#) Aprum Ca-
lydonium occidit. viii.
414. Interimit avuncu-
los suos. viii. 431.
Ipse perit. viii. 512.
Meleagri sorores in Me-
leagrides aves conversæ.
viii. 532.
- Melicerta. iv. 521.
- Memnon , Auroræ filius.
xi [11.](#) 580. Memnonii
rogi favillæ in aves Mem-
nonides versæ. x [111.](#)
604.
- Menelaüs. xii. 623.
- Menephron. vii. [386.](#)
- Mencetes, Lycius. xi [1.](#) [116.](#)
- Menthe nympa in men-
tham herbam versa. x.
729.
- Mercurius Argum necat. [1.](#)
671. Herfen amat. [11.](#)
726. vitiat Chionem. xi.
[301.](#)
- Mergus. x [1.](#) 651.
- Meriones. x [111.](#) [359.](#)
- Mermeros. xi [1.](#) [304.](#)
- Meropes , maritus Clyme-
nes. [1.](#) 763.
- Metra , Erisichthonis filia ,
Autolyci conjux , mater
Anticleæ , Ulyssis avia.
viii. 738 , 872.
- Midæ tactu omnia in au-
rum mutantur. xi. [100.](#)
- Midæ aures asininæ. xi.
[174.](#)
- Miletus , Phœbi & Deiones
filius. ix. 442.
- Milo Crotoniates. xv. [229.](#)
- Mineides. iv. [32.](#)
- Minerva anum simulat , &
certat cum Arachne. vi.
[126.](#)
- Minos , Pasiphaes filius ,
bella parat Atheniensi-
bus. viii. 456. Alca-
thoen obsidet. vii. 649.
- Minotaurus. viii. [169.](#)
- Minyæ : Argonautæ sic
dicti a Minya Neptuni
& Tritogeniæ filio ,
unde genus ducebant.
vii. [1.](#)
- Mnemonides. v. [280.](#)
- Mnemosyne. vi. [114.](#)
- Molossi filii in aves mu-
tantur. xiii. 717.

- Molpeus. v. [164.](#)
 Moly, herba. xiv. [292.](#)
 Montes quinam sunt altissimi. [II.](#) [217.](#) Montes in valles abeunt. xv. [266.](#)
 Monychus. xii. 499.
 Mopliopus Athenarum rex. vi. 423.
 Mopfus, Lapitha & vates. xii. 456.
 Moss poma ex albis fiunt sanguinea. iv. [89.](#) [165.](#)
 Morpheus. xi. 647.
 Mulciber, Vulcanus. ii. [5.](#)
 Mutationes rerum variae. xv. 158.
 Mycale Orti Lapithæ mater. xii. [263.](#)
 Mycenis, Iphigenia. xii. [34.](#)
 Myrmidones. vii. 654.
 Myrrha deperit parentem. x. 310. Mutatur in arborem. x. 489.
 Myscelos Crotonis conditor. xv. [19.](#)
- N.
- N**AIADES in Echinadas insulas mutatae. viii. 476.
 Naïs in piscem mutata. iv. [49.](#)
 Narcissus Cephisi filius ab Echo amatur. [III.](#) [344.](#)
 In florem cognominem mutatur. [III.](#) 510.
 Navis ab Alcinoö Ulyssi data, in saxum versa. xiv. [309.](#)
 Nautæ Tyrrheni in delphinus mutati. [III.](#) 670.
 Nedymnus. xii. [350.](#)
 Neoptolemus. xiii. 455.
 Neptunus fretum e terra elicit percussu tridentis. vi. [75.](#) Neptuni adulteria. v. [L.](#) [115.](#) Onchestii pater. xi. 606.
 Nereus. [L.](#) [187.](#) xii. [24.](#)
 Nessi cruor venenum. ix. [130.](#)
 Nestoris ætas. xii. [187.](#)
 Nistæus. xiv. 504.
 Nileus, Nili filius. v. [187.](#)
 Niobes jactantia. v. [L.](#) [148.](#)
 Ea in marmor mutatur. vi. [302.](#)
 Nisus rex in halyætum versus. viii. [145.](#)
 Nixi, dii. iv. [294.](#)
 Noëmon. xiii. 258.
 Numa Deorum cultum instituit. xv. [350.](#)
 Numitor. xiv. 773.
 Nycteis: Antiope, Nyctei filia, Lyci Thebarum regis uxor. vi. 111.
 Nyctelius, Bacchus. iv. [15.](#)
 Nyctimene, Nyctei filia, in noctuam versa. [II.](#) 591.

Nympharum & Satyrorum
lacrymæ ob Marfyam
excoriatum, flumen effi-
ciunt. v. 394.

Nyfeus, Bacchus. iv. 13.

O.

OCEANUS Tethyos con-
jux. xiii. 952.

Ocyrhoë, Chariclûs filia,
in equam mutata. 11.
635.

Odites. v. 97. xii. 487.

Oëclus. xii. 450.

Æneus. viii. 273.

Oïleus, Locrensiùm rex,
pater alterius Ajacis.
xii. 622.

Olea, arbor Minervæ fa-
cra. vi. 101.

Oleaster. xiv. 525.

Olenus, Vulcani filius, in
faxum mutatus. x. 68.

Olympus Sipyli filius. vi.
393.

Omina nuptiarum inauspi-
cata. vi. 429.

Onchestius, Neptuni filius.
x. 605.

Opheltes. 111. 605.

Opis, uxor Saturni. ix.
497.

Ora dea. xiv. 829.

Orbis incendium. 11. 210.

Orchamus septimus Persa-

rum rex. iv. 212.

Orcus, Plato. xiv. 113.

Oreas. viii. 783.

Orgiorum descriptio. vi.
887.

Orion, sidus. viii. 207.

Orithyia, Erechthei filia, a
Borea rapitur. v. 1. 683.

Orius, Lapitha. xii. 262.

Ornëus, Centaurorum unus.
xii. 302.

Orphei infastæ nuptiæ.
x. 4. descensus ad infe-
ros. x. 11. Orpheus a
Bacchis discerpitur. xi.

1. Orphei lyra. xi. 50.

Orphne nymphea. v. 539.

Ortygia, insula olim natans
cum Delo. xv. 336.

Osiris, deus. ix. 692.

Othriades. viii. 371.

Oves hostiæ. xv. 116.

P.

PACTOLUS fluvius fit au-
rifer. xi. 142.

Palæmon, Deus e Learcho.
iv. 541. xiii. 919.

Palamedes. x 111. 56.

Palilia, festa. xiv. 774.

Pallantias : Aurora Pallan-
tis filia. ix. 420.

Pallas frater Butis & Clyti.
vii. 500.

Pallas Dea. v. 263.

Q v

- Pallenæi viri in aves versi. x v. 356.
 Palingenesia Pythagoræ. x v. 133.
 Pandion, Athenarum rex. v i. 426.
 Pandrosos. 11. 559.
 Pan semicaper. x i v. 515.
 Deus Arcadiæ. 1. 619.
 Pan cantu certat cum Apolline. 1. 699. x i. 155.
 Panes. x i v. 688.
 Panomphæus, Jovis nomen. x 1. 198.
 Panopeus. v i i i. 312.
 Paphus, Pygmalionis filius, & Cinyræ pater. x. 297.
 Papilio e bombycibus existit. x v. 372.
 Paracupto in saxum mutatur. x. 64.
 Parthaon, Ænei pater, rex Ætoliæ. v i i i. 541.
 Patroclus, Aëtoris filius. x 111. 273.
 Pegasus e collo Medusæ ortus. i v. 784. v. 262.
 Pelagon. v i i i. 360.
 Pelates. v. 124.
 Peleus, Æaci filius. v i 1. 477. Ejus fortitudo. x i i i. 366. Thetidis nuptias petit. x i. 238 Eà, consilio Protei, fruitur. x i. 264.
 Pelias a natabus suis interficitur. v i i. 297.
 Pelopis humerus eburneus. i v. 410.
 Peneus, fluvius. 1. 569.
 Pentheus Tiresiam & Bacchi sacra deridet. 111. 513. a matre & Bacchis discerpitur. 111. 720.
 Perdix in perdicem avem mutatus. v i i i. 237.
 Periclymenus, Nelei filius, in varias formas abit. x i i. 556.
 Perimele, Hippodamantis filia, in insulam versa. v i i i. 590.
 Periphas in avem mutatur. v i i. 400. Alius Periphas. x i i. 449.
 Persephone. x. 730.
 Perseus Jovis & Danaës filius. i v. 610. Ejus res gestæ. i v. 614. Ejusdem & Andromedes nuptiæ. v i i. 523.
 Pestilentia causa & descriptio. v i i. 523.
 Petalus. v. 115.
 Petræus. x i i. 327.
 Phædimus. v i. 239.
 Phædra. x v. 500.
 Phaëthon. 1. 750. 11. 51.
 Phaëthontis sorores in arbores mutatae. 11. 340.
 Phaëthusa, Helias. 11. 346.
 Phantasos. x i. 642.
 Pharos continenti terræ

- olim annexa. xv. [287](#).
 Phegeus, pater Alpheisibææ.
 ix. [412](#).
 Pheres, Admeti pater.
 xiiii. [310](#).
 Philemon & Baucis in ar-
 bores versi. viii. [631](#).
 Philoctetes, Pœantis filius.
 xiiii. [313](#).
 Philomela, Pandionis filia.
 vi. [451](#).
 Phineis in avem mutata.
 vii. [399](#).
 Phineus, Cephei frater. v.
[5](#). [210](#).
 Phlegæos. xii. [378](#).
 Phlegyæ, populus Theffa-
 liæ Deorum inimicus. xi.
[414](#).
 Phlegyas, Martis filius, pa-
 ter Ixionis & Coronidis.
 ii. [999](#). Phlegyas Ce-
 phenorum unus. v. [87](#).
 Phobetor, Somni filius. xi.
[640](#).
 Phocus, Æaci filius. vii.
[477](#).
 Phœbus amat Chionem. xi.
[302](#). Deionem. xi. [442](#).
 Phœnix ex seipso nascitur.
 xv. [392](#). Phœnix, Amyn-
 toris filius. viii. [307](#).
 Phœocomes. xii. [431](#).
 Pholus. xii. [306](#).
 Phonolenides. xii. [433](#).
 Phorbas, Phlegyarum rex,
 xi. [414](#). Phorbas alius.
 v. [74](#). xii. [322](#).
 Phorcynis, Medusa. i v.
[773](#). v. [230](#).
 Phyleus. viii. [308](#).
 Phylleus, juvenis. xii. [479](#).
 Phyllius. vii. [372](#).
 Picæ, olim virgines, Pieri
 filia. v. [294](#).
 Picus, Latii rex, Fauni fi-
 lius, Latini pater. xv.
[320](#). Pici comites in va-
 rias formas versi. xv.
[397](#).
 Pierides Musas provocant.
 v. [304](#). in picas mutan-
 tur. v. [670](#).
 Pierus. v. [302](#).
 Pirithoi nuptiæ. x. [210](#).
 Pirithoi virtus. xii. [330](#).
 Pisenor, e Centauris unus.
 xii. [403](#).
 Pittheus, Pelopis filius.
 viii. [622](#).
 Planities in montes abeunt.
 xv. [266](#).
 Plexippus. viii. [440](#).
 Polydæmon, Cephenus. v.
[85](#).
 Polydamas, Antenoris fi-
 lius. xii. [47](#).
 Polydectes in lapidem mu-
 tatus. v. [242](#).
 Polydorus. xiii. [527](#).
 Polymnestor Polydorum oc-
 cidit. xiii. [527](#).

Polypemonis neptis in avem
versa. vii. 400.

Polyphemus deperit Gala-
team. xiii. 742. Ejus
catilena. xiii. 789. ho-
mines devorat. xiv. 193.

Polytes, unus ex Ulyssis
sociis. xiv. 251.

Polyxena mactatur Achilli.
xiii. 448.

Pomona. xiv. 623.

Priamus. xi. 737.

Priapus. xiv. 640.

Proca, Albæ rex. xiv. 622.

Procne, Pandionis filia, Te-
rei uxor, in hirundinem
mutata. vi. 428.

Procris Cephali uxor. vi.
681. vii. 697. A marito
interfecta. vii. 797.

Procrustes. vii. 438.

Prodigia ante Cæsar's mor-
tem. xv. 783.

Proetus in saxum vertitur.
v. 239.

Propoetides in silices ver-
sæ. x. 221, 238.

Proserpina. v. 391.

Protenor Cephenus. v. 98.

Protesilaüs. xii. 67.

Proteus, vates, in varias
formas abit. viii. 730.
xi. 221.

Prytanis. xiii. 258.

Psamathe, una Nereidum,
Phoci mater. xi. 328.

Puer protervus in stellio-
nem versus. v. 451.

Pygmæa mater, Gerana Py-
gmæorum regina. vi. 90.

Pygmalion, statuarius. x.
243.

Pyracmon. xii. 460.

Pyramus. iv. 55.

Pyreneus Musarum viola-
tor. v. 274.

Pyretus, Centaurorum unus.
xii. 449.

Pyrrha, Epimethi filia, Deu-
calionis conjux. l. 319.

Pyrrhus, Achillis filius.
xiii. 155.

Pythagoræ dogmata. xv. 6.

Python serpens ab Apolline
occisus. l. 438.

Q.

QUIRINUS. xiv. 828.

R.

RANÆ ex limo. xv. 373.

Regnorum mutationes. xv.
421.

Remulus. xiv. 616.

Rhadamanthus. ix. 435.

Rhamnysis, dea superbiæ
ultrix. xiv. 694.

Rhesus ab Ulyssæ interem-
tus. xiii. 249.

Rhetenor, Diomedis fo-

cus. xiv. 504.
 Rhodope, Hæmi uxor, in
 montem mutata. vi. 87.
 Rhodos, nymp̃ha Apollini
 amata. iv. 204.
 Rhœti Centauri strenuitas.
 xii. 271.
 Ripheus, e Centauris unus.
 xii. 352.
 Roma fit e Troja. xv. 442.
 Romulus Deus fit Quiri-
 nus. xiv. 823. Romuli
 lancea in arborem versa.
 xv. 561.
 Rustici pauperis apparatus.
 viii. 635.

S.

SALMACIS Hermaphro-
 ditum amat. iv. 28.
 Sarpedon, Jovis filius, Ly-
 ciæ rex. xii. 255.
 Saturnus, Chironis Cen-
 tauri pater. vi. 126.
 Satyri. iv. 26. xi. 89.
 Saxa ex hominibus. v. 207.
 Sœœneus, Athamantis fi-
 lius, pater Atalantæ. x.
 609.
 Sciron in petram versus.
 vii. 444.
 Scorpius e cancro nascitur.
 xv. 369.
 Scylla Nisi filia in Minois
 amorem incidit. viii.

17. Scylla alia, Phœrci
 filia, vertitur in monf-
 trum. xii. 730. 900.
 xiv. 52.
 Scythides mulieres in aves
 mutatæ. xv. 379.
 Scythœ modò vir, modò
 femina. iv. 280.
 Semele, Cadmi filia, ex
 Jove gravida. i. 11.
 260.
 Semiramis Babylonis condi-
 trix. iv. 58.
 Serpens in lapidem versus.
 xi. 56. alius in saxum.
 xii. 23.
 Serræ inventor Perdix.
 viii. 244.
 Sibylla Cumana Ænean in
 inferos deducit. xiv.
 104. in vocem verti-
 tur. xiv. 147.
 Silenus. iv. 26. xi. 90.
 Silvius, Æneæ filius, Al-
 bæ rex. xiv. 610.
 Simiæ. xiv. 91.
 Sinis, latro a Theseo oc-
 cisus. vii. 440.
 Sipylus, Agenoris filius,
 Tmoli pater. vi. 230.
 Sirenes, Proserpinæ comi-
 tes, ex parte in aves
 mutantur. v. 552.
 Sisyphus, Æoli filius, rex
 Corinthi. iv. 459.
 Smilax, puer in florem

versus. **I** v. **283.**

Smyntheus (Apollo) **x** **1** **L.**
585.

Sol, Hyperionis filius. **I** v.
241. Veneris & Martis
adulterium prodit. **I** v.
171. Solis aula. **11.** **1.**
comitatus. **11.** **24.** equi.
11. **153.** Solis mutatio.
x v. **192.**

Somni, ejusque aulæ, des-
criptio. **x** **1.** **592.** Somni
filii tres. **x** **L.** **633.**

Sphinx. **v** **11.** **760.**

Statua eburnea in puellam
mutata. **x.** **243.**

Stellio. **v.** **451.**

Stiphelus. **x** **11.** **459.**

Stridor candentis ferri in
aquas immersi. **x** **1** **L.**
275.

Styx Deorum timor. **111.**
29 L.

Sus prima hostia. **x** v. **112.**

Sybaris fluvius capillos ele-
stro similes facit. **x** v.
315.

Symæthis, nympa, mater
Acidis. **x** **11.** **7511**

Symplegades, insulæ olim
natantes. **x** v. **337.**

Syrinx nympa in fistulam
mutata. **1.** **689.**

T.

TANTALUS. **IV.** **457.**
VI. **172,** **240.**

Tarpeia arcem Romanam
Sabinis prodit, & ab iis-
dem necatur. **x** v. **776.**

Tatius Romam oppugnat.
x **IV.** **775.** Romæ regnat
unâ cum Romulo. **x** **IV.**
804.

Telæ laneæ descriptio. **VI.**
53.

Telamon, Æaci filius. **v** **1** **L.**
476. Herculis socius est
in expugnanda Troja, ac
Hesionen uxorem ducit.
x **L.** **216.**

Teleboas. **x** **1** **L.** **441.**

Telemus vates. **x** **111.** **771.**

Telephus, Mysiæ rex. **x** **11.**
112. **x** **111.** **171.**

Telestes. **1x.** **716.**

Telethusa. **1x.** **681.**

Tempestatis descriptio verè
Ovidiana. **x** **1.** **480.**

Tereus Procnen ducit uxo-
rem & Philomelam vio-
lat. **VI.** **424.** Alius e
Centauris unus. **x** **1** **L.**
353.

Terra in varias formas abit.
1. **32.** Terræ in aquas

- mutatæ. xv. [262](#). Ter-
 ræ motus. xv. [296](#).
 Terra animal. xv. [342](#).
 Tethis, Cœli filia. [11](#). 509.
 Oceani uxor. xi [11](#). 952.
 Teucer, Telamonis filius.
 xi [11](#). [157](#).
 Thaumās. xii. [303](#).
 Thebæ a Cadmo condun-
 tur. [111](#). [3](#).
 Themis, Cœli filia. [1](#). [321](#).
 iv. 642. vii. 762. ix.
 402.
 Therfes. x [11](#). 682.
 Thersites. x [111](#). [232](#).
 Theseus agnoscitur patri,
 & tantum veneno non
 necatur. vii. 419. The-
 sei gesta. v [11](#). 433.
 Thesei & sociorum cum
 Centauris pugna. x [11](#).
[227](#).
 Thestius. viii. 487.
 Thestorides: Calchas, Thef-
 toris filius. xi [11](#). [19](#).
 Thetis in varias figuras
 vertitur. x [1](#). [235](#).
 Thisbe a Pyramo adamata.
 iv. [55](#).
 Thoas, Cephenus. v.
[147](#).
 Thoas, Lemni rex, pater
 Hypsipyles. xiii. 399.
 Thoas alius, Ætolus,
 Andremonis filius. xiii.
[387](#).
 Thoon. xiii. [259](#).
 Thraciæ mulieres in arbo-
 res versæ. x [1](#). [69](#).
 Thyoneus, Bacchus. iv. 13.
 Tiberinus, rex. xiv. 614.
 Tiresias in feminam, dein-
 de in virum mutatur.
[111](#). [322](#). idem cæcus
 & vates. [111](#). [336](#).
 Tisiphone, Furia. iv. 480.
 Titan. [1](#). 10. x. [79](#).
 Titanis, Circe. xiii. 769.
 Tityus, Terræ filius. iv.
 456.
 Tlepolemus, Herculis fi-
 lius. xii. 537.
 Tmolus, Sipyli filius, pa-
 ter Tantali, iudex inter
 Apollinem & Pana. xi.
[156](#).
 Toxeus. viii. [341](#).
 Trieterica Bacchi. vi. 587.
 Triopeis varias figuras su-
 mendii jus habet. viii.
 872.
 Triops. viii. 751.
 Triptolemus agriculturam,
 iussu Cereris, docet. v.
 645.
 Triton. [1](#). [333](#). xiii. 920.
 Trojana præda. xiii. 412.
 Tumultus descriptio. v. [5](#).
 Turnus Æneæ classem co-
 nat exurere. xiv.
 530. Ab Ænea occidi-
 tur. xiv. 565.

Tydeus, Diomedis pater. xii. 622.

Typhœus, Deorum terror. v. 521. Typhœi supplicium. v. 346.

Tyros insula, in stabilem terram a Neptuno mutata. xv. 287.

Tyrrheni nautæ in delphinus mutati. iii. 650.

V.

VALLIS in montes mutata. xv. 266.

Venilia, Jani uxor. xiv. 334.

Venti principes quatuor. i. 54.

Venulus. xiv. 460.

Venus Solis prodicionem ulciscitur. iv. 190. Veneris cum Marte adulterium. iv. 171. Veneris ad Deos oratio pro Julio Cæsare. xv. 761.

Ver. xv. 202.

Vertumnus in omnes formas se vertit. xiv. 642.

Vespertilio. iv. 410.

Victoria. viii. 13.

Virgæ in coralia mutata. iv. 740.

Ulyssis oratio, ut Achillis arma ipsi decernantur.

xiii. 128. Ulyssis prudentiæ fructus. xiii. 123.

Ulyssis legatio ad Priamum. xiii. 196.

Ulyssis fortiter gesta. xiii. 162.

Ulyssi Achillis arma adjudicantur. xiii. 382.

Ulyssis errores. xiv. 223.

Ulyssis socii in porcos versi. xiv. 278.

Ulyssis socii in pristinam formam redeunt. xiv. 299.

Upupa. vi. 671.

Uranie, e Musis una. v. 260.

Urfa lambendo fingit catulos. xv. 378.

Vulcanus. xi. 350.

Z.

ZANCLE insula, olim continens. xv. 290.

Zephyrus. i. 64.

Zethes & Calais ex parte aves. vi. 712.

Zodiacus. ii. 130.

Zonæ quinque. i. 45.



IMAGINUM INTERPRETATIO.

TOMO I. Frons voluminis Ovidium exhibet ad scribendum sese accingentem, & plurimis, in hanc operam, codicibus stipatum. Clio quæ Musas inter historiæ præest simul & heroicæ poesi, tubam cum lauro poetæ ostendit. Erato, cantibus amatoriiis addicta, eidem coronam myrteam, & plumam ex ipsius Cupidinis alâ modò extractam, calami vice, porrigit. Ad imam oram Tabulæ, adversus stans Amor, ad os admovet duas tibia, alteram alterâ breviorē; quibus Versus Elegiaci forma ferè designatur.

Ibid. Aperit Heroidas, primam Eroticorum partem, idem Ovidius in horto sedens, & jam totus in scriptis amatoriiis. Prope adstat unus ex Amoribus, dictantis speciem referens: Amor alter in aere suspensus, Corinnæ Ovidianæ effigiem amanti Poetæ spectandam offert.

TOMO II. Tabula, fronti voluminis affixa, Fabulæ originem adumbrat. Scena Tabulæ Creta insula, quam indigitant duæ statuae Curetum eminus conspicuæ: hic antrum in quo Jupiter lactatus & educatus. Ad oram imaginis ante-

riorem, Græcia, Fabulæ mater, personata confpicitur magnâ cum majestate, sub effigie mulieris, caput quercu redimitum, & sceptrum dextrâ pineum gerentis. Juxta sedet Historia suis insignita symbolis; hæc mirabunda spectat Græciam, quæ calamum sibi ereptum ad Fabulam conversa, huicce rivali suæ tradit. His Fabula characteribus distincta: stat propè Græciam, ipsâ paullò humilior, capite papaveribus cincto, mundo muliebri spectabilis. Latus Fabulæ premit puer quo Genius Poetices effictus: is Jovis fulmen gestat & cum cycno colludit.

Ibid. Metamorphoseon libros indicat Tabula, quæ subjicit oculis Deucalionem & Pyrrham, genus humanum, lapidum jactu, reparantes.

TOMO III. Ad frontem voluminis, Ovidium ab uxore divulsum, dum illi vale extremum dicit, miles conscendere cogit in navem, ad exilium.

Ibid. Fastorum libro primo præfigitur Ovidii Tumulus, quem choreis & cantibus concelebrant circumfusi Sarmatæ.



INDICULUS AUCTORUM,

Quos in lucem edidit J. BARBOU, quorum-
que Editio locupletatur cum egregiis diagram-
matibus, tum emendatissimis viticulis, a cele-
bratissimo D. COCHIN, aliisque celeberrimis
Magistris exaratis:

- Catullus, Tibullus & Propertius, *in-12.*
Lucretius, *in-12.*
Virgilius, 3 vol. *in-12.*
Horatius, *in-12.*
Juvenalis & Persius, *in-12.*
Phædri Fabulæ, *in-12.*
Martialis Epigrammata, 2 vol. *in-12.*
Bezæ, Mureti & J. Secundi, Juvenilia, *in-12.*
Sarcotis, Carmen P. Mafenio Auct. *in-12.*
Plauti Comœdiæ, 3 vol. *in-12.*
Sarbievii (Casimiri) Carmina, *in-12.*
P. Desbillons Fabulæ, *in-12.*
Pub. Ovidius Naso, 3 vol. *in-12.*
Cæsar's Commentaria, 2 vol. *in-12.*
Cornelius Nepos, *in-12.*
Sallustius, *in-12.*
Velleius Paterculus, *in-12.*
Eutropius, *in-12.*
Quintus Curtius, *in-12.*
Cornelius Tacitus, 3 vol. *in-12.*
Selecta Senecæ philosophi Opera, *in-12.*
Imitatio Christi, ex recensione J. Valart, *in-12.*

S U B P R E L O.

Ciceronis Opera , *in-12.*

Justinus , *in-12.*

Novum Jesu-Christi Testamentum , *in-12.*

Plinii Naturalis Historiæ , *in-12.*

Titus Livius , *in-12.*

*Reliqui Auctores singulis annis ab eodem Bibliopola
prelo subjicientur.*



A P P R O B A T I O.

JUSSU Illustrissimi Franciæ Cancellarii , hanc Operum
P. Ovidii Nasonis novam editionem vidi , nec quid-
quam , quo minùs in publicam lucem prodeat , obflare
cenfeo. Parisiis , 11 Junii 1761.

G I B E R T.

P R I V I L È G E D U R O I.

LO U I S , par la grace de Dieu , Roi de France & de
Navarre. A nos amés & féaux Conseillers les Gens te-
nans nos Cours de Parlement , Maître des Requêtes or-
dinaires de notre Hôtel , Grand-Conseil , Prévôt de
Paris , Baillifs , Sénéchaux , leurs Lieutenants Civils ,
& autres nos Justiciers qu'il appartiendra : S A L U T.
Notre amé JOSEPH BARBOU , Imprimeur & Libraire à
Paris , Nous a fait exposer qu'il desireroit faire imprimer & donner au Public des Ouvrages qui ont pour
titre : *De rebus ad Minorem Balarium gestis , anno*
1756. Commentarius Auctore Josepho Benedicto Justi-
niani , Benedictino-Cassinate. P. Ovidii Nasonis Opera.
S'il Nous plaisoit lui accorder nos Lettres de Permis-
sion pour ce nécessaires. A CES CAUSES , voulant
favorablement traiter l'Exposant , Nous lui avons per-
mis & permettons par ces Présentes , de faire imprimer

lesdits Ouvrages autant de fois que bon lui semblera , & de les vendre , faire vendre & débiter par tout notre Royaume , pendant le temps de trois années consécutives , à compter du jour de la date des Présentes. Faisons défenses à tous Imprimeurs - Libraires , & autres personnes , de quelque qualité & condition qu'elles soient , d'en introduire d'impression étrangere dans aucun lieu de notre obéissance. A la charge que ces Présentes seront enrégistrées tout au long sur le Registre de la Communauté des Imprimeurs & Libraires de Paris , dans trois mois de la date d'icelles ; que l'impression desdits Ouvrages sera faite dans notre Royaume , & non ailleurs , en bon papier & beaux caractères , conformément à la feuille imprimée , attachée pour modèle sous le contre-scel des Présentes ; que l'Impétrant se conformera en tout aux Réglemens de la Librairie , & notamment à celui du 10 Avril 1725. qu'avant de les exposer en vente , les Manuscrits qui auront servi de copie à l'impression desdits Ouvrages , seront remis dans le même état où l'Approbation y aura été donnée , ès mains de notre très-cher & féal Chevalier Chancelier de France le Sieur DELAMOIGNON ; & qu'il en sera ensuite remis deux Exemplaires de chacun dans notre Bibliothèque publique , un dans celle de notre Château du Louvre , & un dans celle de notre très-cher & féal Chevalier Chancelier de France le Sieur DELAMOIGNON : le tout à peine de nullité des Présentes ; du contenu desquelles vous mandons & enjoignons de faire jouir ledit Exposant ou ses ayant cause , pleine-

ment & paisiblement , sans souffrir qu'il leur soit fait aucun trouble ou empêchement. Voulons qu'à la copie des Présentes , qui sera imprimée tout au long au commencement ou à la fin desdits Ouvrages , foi soit ajoutée comme à l'Original. Commandons au premier notre Huissier ou Sergent sur ce requis , de faire pour l'exécution d'icelles tous actes requis & nécessaires , sans demander autre permission , & nonobstant clameur de Haro , Charte Normande & Lettres à ce contraires. **CAR** tel est notre plaisir. **DONNÉ** à Versailles le vingthuitième jour du mois de Juillet , l'an de grace mil sept cent soixante-un , & de notre Regne le quarantesixieme. Par le Roi en son Conseil. **LEBEGUE**.

Registré sur le Registre XV. de la Chambre Royale & Syndicale des Libraires & Imprimeurs de Paris , N. 394. fol. 207. conformément au Règlement de 1723. A Paris , ce 9 Août 1761. Signé , BAUCHE , Adjoint.



Literæ quibus impressus est hic Auctor , a P. S.
FOURNIER Juniore incisæ sunt.

69 455122





